


Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.50



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CMAAGL 17.50






Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINAOL 1.7.50

1B.7

1. 7. 50

VII  
MAMBR





# DISSERTATIO PERIPATETICA

DE EPICO CARMINE.

*Auctore* PETRO MAMBRVNO *Arverno*  
è *Societate* IESV.




PARISIIS,

Apud { SEBASTIANVM CRAMOISY, Regis  
ac Reginae Architypographum: } viâ Iaco-  
E T } bœa, sub  
GABRIELEM CRAMOISY. } Ciconiis.

M. D C. LII.

CVM PRIVILEGIO REGIS.









ILLVSTRISSIMO VIRO  
IOANNI ANTONIO  
DE MESMES D'YRVAL

REGI A CONSILIIS SANCTIORIBVS,  
ET IN SVPREMA PARISIORVM  
CVRIA PRÆSIDI INFVLATO.



RAVDI certè quidem mi-  
hi esse non debet (VIR IL-  
LVSTRISIME) quod  
hoc operis, quodcunque est, fratris tui  
Auauxij consilio, & auctoritate infor-  
matum, atque adeò ipsi consecratum;  
tibi postquam is summo nostro mæro-  
re à nobis discessit, tandem aliquan-  
tū

# EPISTOLA.

do representetur. Neque id ego tantum eò dico, quòd iure hæreditario id tu possis repetere; aut quòd Germani tui mentem verbi duntaxat interpretatione aliquà, atque coniecturâ assequar: sed quia eius sententiam apertissimâ significatione cognoui. Postremo enim congressu nostro, qui contigit paucis diebus antequam in morbum incideret, ubi me seuocasset à circulo, in quo multa de re litterariâ, deque vitæ Christianæ officiis coram disputasset eleganter ac peritè; dixit sibi propemodum constitutum esse, ab aula tumultu secedere, & administratione regni, quam in impedimentis ponebat, se abdicare. Neque tamen aiebat se cogitare in aliquem Religiosorum ordinem,



# EPISTOLA.

*in quo inter illos profiteretur ; sed spatium atque locum quærere ; ubi animum omni illâ tristitie , quæ ex consuetudine , atque usu tot principum , & populorum adhasisse quodammodo potuerat , penitus detergeret. Enimuerò hic ego multis aduersari , & esse id è re diuinâ , vel suâ , vel familia pluribus negare. Cum neuter vinci vellet , & pro suâ quisque sententiâ pertenderet , ampliandi esse potestatem dixit. In discessu subridens adieci ego : Ecquid nobis , & musis nostris nuncium remitteret ? Tum ille , quâ erat humanitate : At secessum Musis odio esse nondum audiueram : si tamen tua est urbana , licebit illi ad fratrem Yrualium , & eius filium Cramayelum tran-*

*ã ij*



# EPISTOLA.

*sire. Post obitum eius tristissimum, nescio qui factum sit, ut qui eius perpetuò meminissem; huius tamen moniti obliuiscerer. Scilicet acerbissimo mortis illius dolore ad omnem litterarum gustum ita mihi animus omnis obstupuerat, ut plures menses studia illa nostra à me aspernatus fuerim, & quæ suauitatis artes erant plenissimæ, visæ fuerint odiosa. Neque sanè ego veternum illum excussissem, nisi me nominis tui, & gloriæ fama excitasset. Nam cum summâ ordinum omnium gratulatione in Præsidium infulatorum Collegium esses pro fratre tuo cooptatus, non latitiâ tantum bonos omnes, sed etiam admiratione compleuisti. Sapientiam, ac prudentiam tuam in rebus scienter tractan-*

# EPISTOLA.

*dis singularem cum eximiâ quâdam integritate coniunctam, quia norat Gallia, sibi, & tibi de dignitate illâ gratulabatur: eloquentiam verò, & in dicendo facundiam, quòd locus illi adhuc defuisset, nondum agnoscebat. Quapropter quì fratris tui Memmij hominis post Tulliana tempora eloquentissimi partes & dignitatem sustineres, expectabat. Vt semel, iterum, tertio, ac deinceps pro tribunali sententiam dicentem audiuit; agnouit illa te fratrum tuorum minimum aetate quidem fuisse, meritis verò parem. Accessit etiam filij tui Auauxij dignitas, qui ex patruis alterum nomine, alterum officij praestantiâ, utrumque merum, atque ingenij bonitate omni-*



EPISTOLA.

*bus repræsentat. Cum igitur urbs tota  
in te, atque filium tuum se conuerterit,  
& mœrorem suum ex morte fratrum  
tuorum conceptum tuâ virtute console-  
tur: facerem sanè quàm imprudenter,  
si dolori meo medicinam fieri negarem;  
præsertim cum tu me sæpè complexus sis  
humanissimè, & filius tuus Auauxius  
iam inde à primis annis mihi fuerit  
venerationi. Hanc igitur opellam vel  
pro tuâ humanitate, quâ tibi omnium  
animos deuincis; vel pro tuâ in litteras  
voluntate, quâ mirificè erga illas &  
litteratos affectus es, vel pro tuâ in  
fratrem obseruantia, cuius cohortatio-  
ne, atque consiliis hoc inceptum &  
perfectum est opus; foue, ac tuere.*

DISSER-





# DISSERTATIONIS

## INDEX.

### ANTECESSIO.

- I. *Consilium de poemate epico scribendo temerè capi non debet, cur ab auctore susceptum; tum cur ad hanc Dissertationem scribendam aggressus sit.* II. *Veritas sine Aristotelis Philosophiâ nequidem in re poetica teneri potest.* III. *Partitio huius Dissertationis:* pag. I.

### DISSERTATIONIS PARS I.

#### De materiâ Epopœiæ.

#### QVÆSTIO PRIMA.

- I. *Mens Aristotelis de obiecto cuiusvis disciplina aperitur.* II. *Qua sit in obiecto eiusmodi materia.* III. *Qua sit in eodem obiecto forma.* IV. *unde hæ voces petita sint.* pag. 10.

#### QVÆSTIO ALTERA.

*Ostenditur ex Aristotele obiectum epice artis esse actionem unam totam, illustrem, certa magnitudinis, que narratione dramaticâ, & versu hexametro exornari debet ad viros principes cum admiratione, & delectatione ad primarias virtutes excitandos.* pag. 15.

#### QVÆSTIO TERTIA.

#### De Materia Epopœiæ.

- I. *Statuitur qua sit materia Epopœiæ.* II. *Iulius Scaliger illustratur, tum & Ioannes Vossius.* pag. 19.

DISSERTATIONIS  
QVÆSTIO QVARTA.

De actione, quæ est Epopœiæ materia.

- I. De potestate huius vocis, Actio. II. Epopœia est imitatio non personæ, aut morum, sed actionis. III. Beatitudo hominis in actione, non in habitu sita est. IV. Georgica Virgilij, & similia opera non sunt epicum carmen. V. Qui versum tantum ad epicum carmen confert non est poëta: neque qui fabulam sine versu instruxerit. Non est poëma sine metro, neque sine fabulâ. VI. Actionis & fabule discrimen. VII. Actionis species due. VIII. Qui Actio esse possit sine peripetiâ. Pacij versio incommoda. IX. Quid sit actio complexa. X. Possitne ficta esse Actio, siue argumentum Epopœiæ. XI. Grauis difficultas, possitne Actio, siue argumentum Epopœiæ non esse verissimile, licet sit verum. XII. Ex comparatione Actionis, siue argumenti Odyssæ, cum Samsonis Actione, ostenditur hanc non esse aptam ad Epopœiæ argumentum. pag. 26.

QVÆSTIO QVINTA.

De vnitate Actionis.

- I. Actio debet esse vna. II. Vnitas illa non petitur ab vno Heroë. III. Neque ab vno tempore. IV. Neque vno Heroë, & vno tempore coniuncte. V. Ex Aristotele Actio Epica non debet esse πολυμερὴς sed simplex. VI. Rationes Aristotelis cur debeat esse simplex. VII. An Heroës multi possint facere ab eadem parte. VIII. Torquati in parte οὐσιώδης, siue essentiali Epopœiæ peccatum. IX. Ariosti & Statij in Achilleide grauis lapsus. p. 52.

QVÆSTIO SEXTA.

Actionis integritas.

- I. Totius definitio. II. Initij definitio. III. Finis definitio. IV. Medij definitio. V. Discrimen inter Totum & Perfectum. VI. Aeneidos Actio tota, & perfecta. Maphæi hallucinatio.



# INDEX.

VII. *Odyſſea, & Iliadis Actio tota, & perfectæ. Tryphiodori, & Calabri conatus inanes.* pag. 79.

## QVÆSTIO SEPTIMA.

### De Magnitudine Actionis.

- I. Magnitudo Epopœiæ tripliciter poteſt conſiderari. II. Magnitudo verſuum quanta, & quot tragœdias æquare poſſit. III. Magnitudo fabulæ tragice. IV. Magnitudo fabulæ epicæ. Quæ ve-  
grandia, aut parua ſunt, pulchra eſſe nequeant. Quid pulchri-  
tudo. V. Magnitudo fabulæ neque ex auditorum libidine, ne-  
que contentione, ſed inclinatione rerum naturali. VI. Magni-  
tudo Actionis primariæ quanta eſſe poſſit. VII. Actio *Odyſſeæ*  
eſt dierum LV. pag. 87.

## QVÆSTIO VLTIMA PRIMÆ PARTIS.

- I. Actio carmini epico ſubiecta debet eſſe illuſtris. II. Heros epi-  
ci carminis præſtantior debet eſſe iis hominibus, qui poëtæ ſunt  
coevi. III. Femine actio poteſt eſſe argumentum Tragœdiæ.  
IV. Vtrum femine Actio poſſit eſſe materia Epopœiæ. V. V-  
trum femine virtutibus heroicis prædita poſſint eſſe. VI. Vtrum  
conatus licet fortis ſi exeat infeliciter, ſatis ſit illuſtris, ut  
Epopœiæ ſeruiat. pag. 103.

## DISSERTATIONIS PARS II.

### De forma Epopœiæ.

## QVÆSTIO PRIMA.

### De Fabula.

- I. Ordo huius ſecundæ partis. II. Variæ poteſtates huius vocis fa-  
bula. III. Definitio fabulæ epicæ explicatur. IV. Fabula eſt  
anima poematis: ſex rationes, cur id ſit. Lucanus non eſt poëta  
epicus. V. Fabulam conſtituere qui velit, eius primæ partes ſunt,  
c. ij



# DISSERTATIONIS

ut actionem episodii, & nominibus propriis spoliaret. VI. *Odysseæ* argumentum ex placitis Aristotelicis absque nominibus, deinde cum nominibus, postremò cum Episodiis. VII. *Iliadis* argumentum ad imitationem *Odysseæ*. VIII. *Aeneidos* argumentum simili arte compositum. IX. *Godofredi* sine *Hierosolyma* liberata argumentum ex eisdem præceptis. X. *Religionis* sine *Constantiniados* argumentum ex iisdem regulis. XI. Rationes, quamobrem actio suo ornatu spoliari debeat. pag. 131.

## QVÆSTIO ALTERA.

### De Fabulæ compositione.

- I. Status questionis. II. *Aristotelis* eâ de re præceptum. III. *Horatius*, *Macrobius*, *Vida*, *Scaliger*, & alij pro ordine perturbato. IV. Rationes eorum. V. *Aristoteles*, & eius interpretes pro recto & naturali ordine. VI. Rationes istorum. VII. Rationes à nobis pro eâdem sententiâ. VIII. *Homerus*, & *Virgilius* sequuti sunt ordinem naturalem. IX. Respondetur rationibus aduersariorum. X. Quid inter historicum, & poetam intersit. pag. 149.

## QVÆSTIO TERTIA.

### De vnitatē fabulæ.

- I. Vnitatem in fabulâ desiderat *Philosophus*. II. Quæ fabula una possit esse, quæ sit πολυμερής, & πολυμυθος. III. Fabulas *Homeri* florere laude vnitatis, ac primò quidem *Iliadis* fabulam. IV. Fabula *Odysseæ* una. V. Fabula *Aeneidos* una. Fabula *Godofredi* non est satis una, quare nonnihil peccat in arte. pag. 163.

## QVÆSTIO QVARTA.

### De fabulæ alterâ virtute: Quòd sit simplex.

- I. Ambigua potestas huius vocis, τὸ ἀπλοῦς, deservitur, unde existeret difficultas in *Aristotele* maxima. II. Quid fa-

# INDEX.

*bula simplex, quid implicita. III. Quid peripetia. IV. Quid agnitio. V. Quid fabula duplicis, & simplicis constitutionis. VI. Soluitur difficultas textus Aristotelici initio proposita. VII. Quæ fabula possit esse sine peripetia. VIII. Cur fabula implexa sit melior simplici. IX. Quid πᾶν in fabulâ. P. 170.*

## QVÆSTIO QVINTA.

De partibus fabulæ καὶ τὸ πᾶν.

- I. Partes fabulæ καὶ τὸ πᾶν. II. Definitiones nexus, & solutionis in fabulâ. III. Episodia sunt in nexu, non in solutione. IV. Solutio debet esse sine machinâ. V. Benius tertiam partem nequidquam adducit. VI. Innocatio, & propositio in poemate quænam esse debeant. pag. 180.

## QVÆSTIO SEXTA.

De Episodio.

- I. Ambiguitas vocis tollitur. II. Episodij definitio traditur. III. Quid sit fabula Episodica, & quid in illa vitij. P. 186.

## QVÆSTIO SEPTIMA.

De Machinâ.

pag. 192.

## QVÆSTIO OCTAVA.

De Moribus.

- I. Morum definitio. II. Prima laus morum, ut sint boni in heroë. Marini Adonis schola nequitia. III. Laus morum aliera, ut congruant personis καὶ τὸ ἄλλο in specie. Torquati peccatum. IV. Laus morum tertia, ut sint ὁμοιοί similes. Similitudo est personarum καὶ ἕκαστον, id est singularium. V. Laus quarta morum, ut tenoris sint æqualis. VI. Quid sit pœsim esse moratam. Vulgi hallucinatio. VII. Viros fortes non deceant lacryme, sed ciuitates. VIII. Cur secundæ partes tribuantur moribus. pag. 197.

ē ij



DISSERTATIONIS  
QVÆSTIO NONA.

De Sententia.

- I. Sententia ambigua potestas. Aliquando pro Gnome, aliquando pro Dianæa. II. Definitio sententiæ, quæ est Gnome. III. Tres laudes siue conditiones sententiæ. IV. Prima laus sententiæ, ut sit  $\chi\alpha\theta\omicron\lambda\iota\chi\eta$ , id est vniuersim pronunciata. V. Altera laus sententiæ, ut sit brevis. VI. Tertia laus, ut sit morata. VII. Sex rationes quare sententia placeat. VIII. An frequens usus sententiæ esse debeat. Augusti Cæsaris ea de re mens, & sententia. IX. Quid inter sententiam, & acutè dictum intersit. X. Cur acutè dicta placeant. XI. De sententiâ, quæ est Dianæa. XII. Definitur, & eius partes adducuntur. XIII. Inter partes formales tertius locus debetur sententiæ. p. 207.

QVÆSTIO DECIMA.

De Dictione.

- I. Definitio Dictionis. II. Quid sit interpretatio, apud Aristotelem. III. Verba multa in nominibus censentur. IV. Sensus animi esse  $\pi\alpha\rho\upsilon\alpha\tau\alpha$ , quæ lateant, & vocibus proferantur. V. Quæ nata sit Histrionica, & quomodo distincta à Poësi. VI. In recitatione vis maxima. VII. Dictionis partes octo. VIII. Dictionis poëtica laudes quinque. IX. De perspicuitate; cur primaria laus, quæ oriatur, quenam illi officiant. X. De maiestate dictionis; quæ fiat magna oratio Poëtica. Alia est dictio poëtica, alia oratoria. Poësis Gallica nimis timida. XI. De æquabilitate dictionis. Cur fædum sit inæquabile dicendi genus. XII. De numeris dictionis poëtica. XIII. De concinnitate, & venustate dictionis. Concinnitas dictionis est  $\eta\epsilon\omicron\upsilon\tau\iota$  distinctum à numeris & verbis, oritur ex metaphoris, & dialectis. Aurea, & diuina mediocritas in usu ornamentorum. Gallici sermonis penuria. XIV. Non omnis pars poematis ornari postulat. XV. Sitne potius poema scribendum



I N D E X.

*Latino sermone, quàm patrio? xvi. Quis locus inter partes  
formales debeat dictioni?* pag. 225.

DISSERTATIONIS PARS III.

De causa Efficiente Epici Carminis.

QVÆSTIO PRIMA.

Quis habitus sit Poëtica.

- i. *Quid sit scientia.* ii. *Quid ars.* iii. *Quid prudentia.* iv. *Epica est prudentia.* v. *Epica non est Historia.* vi. *Epica non est Ars.* vii. *Epica non est Logica.* pag. 251.

QVÆSTIO ALTERA.

De furore Poëtico.

- i. *Definitio furoris in genere.* ii. *Textus Aristotelis emendatus.* Pacius & Ricobonus defenduntur contra Robortellum. iii. *Quotuplex sit species furoris.* iv. *Platonica divisio furoris.* v. *Quid Aristoteles de furore.* vi. *Tot furoris species, quot animorum perturbationes vehementiores.* vii. *Poëta Epicus in constitutione fabula furere non potest, quis furor in illo admitti possit, & quomodo nascatur.* viii. *An arte, an naturâ poëta existat.* pag. 261.

DISSERTATIONIS PARS IV.

De fine Poëteos.

- i. *Poëteos finis non est voluptas.* ii. *Animi voluptas quæ ex imitatione oritur adpoësin pertinet.* iii. *Finis Poëteos non est gloria rumusculus.* iv. *Finis Epopœia est, viros principes instituere, qui rempub. rectè constituant, & administrant.* p. 273.

DISSERTATIONIS INDEX.

AD DISPUTATIONEM  
DE EPICA  
APPENDIX.

DEFINITIO METAPHYSICA  
EPOPOEIAE.

- I. Etymologia Epopæiae. II. Epopæia dicitur pictura. III. Epopæia qui mendacium dicatur. IV. Epopæie definitio Stoica. V. Epopæia accurata definitio. pag. 283.



SYLVÆ POETICÆ INDEX.

VMBRA Ecloga I.	pag. 289
TRIPVDIVM.	293
DAMON Ecloga II.	305
MELPOMENE.	310
HORTI CIRCEI.	316
DAPHNIS Ecloga III.	327
ΔΑΦΝΙΣ εἰδύλλιον.	333

Pro Erratis repone.

Pag. 73. Raimundo. pag. 113. Miltiadis, Themistocli. pag. 135. τῶν τῶν.  
pag. 142. inclusos. pag. 171. ὁμοίως. pag. 182. τὸ δ'. pag. 190. ἐπὶ τοῖς τοῖς.  
pag. 203. senem. pag. 204. cantatricis. pag. 216. Troade. pag. 240. πῶς δ'.  
ead. pag. nullibi. pag. 270. assentior.





DE EPICO CARMINE  
DISSERTATIO  
PERIPATETICA.

DISSERTATIONIS ANTECESSIO.

- I. *Consilium de poemate epico scribendo temerè capi non debet ; cur ab auctore susceptum tum, cur ad hoc opus sit aggressus.* II. *Veritas sine Aristotelis philosophiâ ne in poëticiâ quidem locum habet.* III. *Partitio huius Dissertationis.*



VM ego ante aliquot annos ad scribendum Epicum carmen animum appuli, id tantum operis mihi suscipere visus sum : quò & genio utcunq; indulgerem meo, & animum aliarum rerum fastidio grauem

A



quodammodo recreare possem. Verum multò aliter euenisse sentio, atque olim credideram. Poëma quippe res est ingens, & ardua, quæque hominem actuosum, atque aliis studiis minimè implicitum desiderat. Meitaque susceptæ operæ identidem pertæsum est; vicissèque limæ, & laboris offensio, nisi pudor inclinantem inconstantia metu crexisset. Vt igitur est quorundam hominum natura fortasse non pessima, quæ ubi se alicui applicuit arti, eius est retinentissima: ita & mihi vsu venit; vt, quæ animi causâ suscepta esset poësis, ea deinde in partem officij, atque vitæ veniret. Id tantò antè sanè quàm diligenter cauerat disertissimis istis verbis ingeniorum ille arbiter. *Multos carmen decepit. Nam vt quisque versum pedibus instruxit, sensumque teneriorem verborum ambitu intexuit; putauit continuò se in Heliconem venisse. Sic forensibus ministeriis exercitati ad carminis tranquillitatem, tanquam ad portum faciliorem refugerunt; credentes faciliùs poëma extrui posse, quàm controuersiam sententiolis vibrantibus pictam. Caterùm neque generosior spiritus vanitatem amat; neque concipere, aut edere partum mens potest; nisi ingenti flumine verborum inundata. Effugiendum est ab*

ANTECESSIO.

3

omni verborum, ut ita dicam, vilitate, & sum-  
menda voces à plebe summotæ, ut fiat: Odi pro-  
farum vulgus, & arceo. Præterea cauendum  
est, ne sententiæ emineant extra corpus orationis  
expressæ; sed in texto versibus colore niteant. Ho-  
merus testis, & lyrici, Romanusque Virgilius,  
& Horatii curiosa felicitas. Cateri enim aut  
non viderunt viam, quâ iretur ad carmen, aut  
visam timuerunt calcare. Ecce belli civilis in-  
gens opus quisquis attigerit, nisi plenus literis  
sub onere labetur. Non enim res gestæ versibus  
comprehendenda sunt, quod melius historici fa-  
ciunt; sed per ambages, Deorumque ministeria,  
& fabulosum sententiarum tormentum præcipi-  
tandus est liber spiritus; ut potius furentis ani-  
mi vaticinatio appareat, quàm religiosa oratio-  
nis sub testibus fides. Poterat etiam me deter-  
rere rerum istarum callidissimus Horatius,  
qui libro de arte sanctè monet.

O maior iuuenum, quamvis & voce paternâ  
Fingeris ad rectum, & per te sapis: Hoc tibi  
dictum

Tolle memor. Certis medium, & tolerabile  
rebus

Rectè concedi. Consultus iuris, & actor  
Causarum mediocris abest virtute disertæ

A ij



*Messala, nec scit quantum Cassellius Aulus;  
Sed tamen in pretio est. Mediocribus esse poetis  
Non homines, non Dij, non concessere co-  
lumna.*

*Vt gratas inter mensas symphonia discors  
Et crassum ingenium, & Sardo cum melle  
papauer*

*Offendunt, poterat duci quia caena sine istis:  
Sic animis natum, inuentumque poema iu-  
uandis*

*Si paululum summo decedit, vergit ad imum.*  
Bene multos incessit spes condendi poematis, atque cupiditas; quâ decepti de se ludos fecêre. Tantam rei difficultatem, ut id fatear, quod in re est, non prius sensi quàm tum cum pedem referre integrum non erat. Quamobrem nunc temporis hoc superest vnum, ut incepto insistam operi, & instituti à me studij commemoratâ ratione, alios ad id literarum genus incitem, alios deterream, utrisque prosum. Iam inde ab ineunte pueritiâ, Homero, Virgilio, Tasso (illos ego in Epicis poetis vnos omnium propemodum censuerim) assueueram; quorum ex consuetudine, & usu, cum incredibilem animi voluptatem capiebam, tum ad ipsorum imitationem



ANTECESSIO.

5

mirificè accendebar. Ac primùm quidem non  
tàm præceptionibus, aut arte aliquâ accurari  
poëma, quàm ingenij bonitate; aut etiam  
afflatu quodam diuino effici putavi: postquam  
tamen propior accessi, & in Poëtarum men-  
tes intraui penitiùs; facilè animaduerti opus  
omni elegantiâ, & cultu nitidum, omnibûs-  
que suis numeris absolutum sine præceptis,  
& doctrinâ florere non posse, nedum ad ma-  
turitatem perducì. Vt Natura fuerit excel-  
lens, sine arte tamen ea est cæca, & inculta.  
Quare eruditè Aristoteles apud Laërt. lib. v.  
pronunciat visum à circumfuso aëre lumen  
habere; mentem verò à disciplinâ, & studio.  
Ἡ μὲν ὁρῶσις ἀπὸ τοῦ περιέχοντος αἵματος λαμβάνει τὸ φῶς· ἡ δὲ  
ψυχὴ ἀπὸ τοῦ μαθηματικῶν.

Adieci itaque continuò animum ad eos,  
qui de re poëticâ commentarios edidissent.  
Imprimis dedit se Horatius, qui poëtam na-  
uiter deterret à vitiis, & peccatis; quæ pri-  
ma est sapientia: informat verò, & instituit  
minimè, quæ res à me quærebatur. Occurrit  
deinde & Hieronymus Vida, qui versu e-  
rudito sanè illo, ac mundo quædam rectè mo-  
net, sed quæ sic apta inter se non sunt, vt in  
corpus vnum, & artem vnam possint coale-

A iij

scere. Quid Scaligero fiet? qui septem libros mirâ eruditionis varietate distinctos edidit. De illo id ego ausim asserere, quod in paradoxis esse potest; eum quidem grammaticâ supellectile libros illos suos de poëtica locupletasse, & ornasse copiosius; quibus tamen inuiderit eam eruditionis gloriam, quæ ex naturæ, & earum, quas appellant *ιδιότητες*, cognitione petitur. Quod eius factum ex iis, quæ parte primâ quæstione tertiâ adducemus, nemo non intelliget. Non desunt etiam ex Italis, & Batauis doctissimi homines, qui de poësi, & poëtâ disputarunt largiter, sed plerique sine arte, & sine ordine; ut literaturam, aut latinitatem potius sequi; quàm viam, aut methodum, quâ iretur ad poësim, indicare videantur. Huic malo caput esse puto, quod ex iis pars magna à philosophiâ parum instructi erant, ac proinde neque satis idonei, qui rerum naturam, & *ἰδιώματα* possent inspicere.

II. Cogitanti hæc mihi & diligentius intuenti venit in mentem operæ pretium fore, si ea præcepta, quæ ab Aristotele de Epopœiâ, siue Epico carmine tradita sunt in artem aliquam includerem, & legibus itidem sancirem, ac rem logicam, aut physicam peripatetica schola so-



let constituere. Quâ re vnâ duo mihi videor consequuturus; alterum, vt peccem minimè, cùm ab eius præceptis, qui vnus omnium optimè nouit, quid sit non ineptire, minimè discedam: alterum, vt iis placere possim, quibus non tam verborum fucus, & inanis cuiusdam *πολυμαθείας* rumuscus placet, quàm virtus solida, & succi plena est cordi, atque venerationi.

At vereor non mediocriter, ne hic aditus tristior hominibus politulis videatur, qui inter sophistarum delicias nutriti, fastidij sunt delicati, & stomachi languidioris, quàm vt hæc philosophiæ peripateticæ axiomata concoquere, & verborum quorundam tristitiam ferre queant. Adsint tamen animis, & à barbarie illâ, ac sordibus, quibus adeò sunt inimici, sibi malè non timeant. Dabimus operam, vt quod fieri poterit, insolens nihil obrepât, & à Latinis auribus abhorrens. Id ego eos vicissim oratos velim, vt quoniam ipsorum causâ, ea quæ sunt in Philosophiâ duriuscula mollimus dictione; ipsi quoque veritatis gratiâ nimiam ingenij teneritudinem durent quodammodo, & animi sui aciem, atque robur contendant. Persuasissi-

mum enim mihi est, aliâ disputandi ratione, quàm peripateticâ veritatem teneri non posse. Elegantius, copiosius, maiori verborum apparatu, & sententiarum lumine disputari potest; tutius, & certiùs non potest. Troiam ludunt ut plurimum, qui Platonem sequuntur: in umbrâ, & otio magnificè se ostentant, & efferunt; qui Senecam imitantur: pugnant enimverò qui Aristoteli student. Illi vincere nec sciunt, nec queunt. Hi possunt certè, & obtinent sæpenumero.

III. Docet Aristoteles cum aliàs sæpe, tum imprimis libro primo Physicorum cap. primo sapientum omnium mentes in id congruere: ut is sciens habeatur alicuius rei; cui prima illius principia, tum causæ, & elementa perspecta fuerint. Quamobrem eius, qui Epicuri carminis naturam nosse velit, partes primariæ esse debent: ut illius causas omnes probè cognitas, atque animo teneat comprehensas. Sunt autem in Epopœiâ; ut in omni re, quæ quidem fit arte, causæ quatuor nemini obscuræ: duæ intrinsecæ, totidem externæ. In intrinsecis sunt Materia, & Forma: in externis Efficiens, & Finis.

Materia Epopœiæ est Actio una, certæ cuius-



ANTECESSIO. 9

cuiusdam magnitudinis, tota, perfecta, & illustris.

Eiusdem forma est ornata Actionis illius constitutio.

Causa efficiens est Prudentia.

Finis est expulsio vitiorum, & virtutum factio quædam cum voluptate coniuncta.

Ex his quatuor causis tanquam ex quatuor partibus assurgit hæc disputatio; cui ne quid desit, appendicem de metaphysicâ Epopœiæ definitione attexemus.



B



## DISSERTATIONIS PARS PRIMA.

HAC parte primâ explicatur Materia Epopœiæ, quæ comprehenditur octo quæstionibus.

### QVÆSTIO PRIMA.

I. *Mens Aristotelis de obiecto cuiusvis discipline aperitur.* II. *Quæ sit in obiecto eiusmodi Materia.* III. *Quæ sit in eodem obiecto Forma.* IV. *Vnde hæ voces petita sint.*



I. **C**VM hæc quæstio ex mediâ Philosophiâ petita sit, iis certè qui philosophicè nesciunt, stomacho esse non poterit; quamobrem si tutò, & re incolumi meâ licitum fuisset, consilium fuerat eam prætermittere: Sed quoniam id integrum non est, potius esse duxi, paucis ea comprehendere, quæ in Philosophiâ pluribus disputantur.



ita enim futurum est maximè, id, cui nunc studeo: Nam & certæ fient, quæ subinde istis initiis nitentur quæstiones; & ipsâ breuitate medebor eorum fastidio, qui philosophicis minùs delectantur.

Cuilibet disciplinæ subiecta materia, siue obiectum quatuor laudibus ex Aristotelis decreto efflorescit. Prima est *ἐνότης* siue unitas generica. Altera, ut unitatem conciliet ei disciplinæ, cuius obiectum esse dicitur. Tertia, ut eandem disciplinam ab omni aliâ secernat, atque segreget. Quarta, ut ea omnia de quibus illa scientia quærit, & disputat, eidem obiecto accepta quodammodo referantur.

Primæ est assertor, & vindex Philosophus VI. Metaphysicæ cap. I. his verbis: Πᾶσαι γὰρ αὐταὶ αἰεὶ ἐν π, καὶ ἅπας ἀναγκαζάμεναι αἰεὶ τοῦτου ἀναγκαζάμεναι. Id est, *omnes (disciplinæ) uno quodpiam genere circumscriptæ in illo suam navant operam.*

Alterius proprietatis est auctor idem lib. IV. Metaph. cap. II. in hæc verba. Καθὰ δ' οὐδὲ καὶ τῶν ὑγιάνων ἀπολύτων μία ἐπιστήμη ἐστίν, ὁμοίως τὸ π, καὶ ἐπὶ τῶν ἄλλων. Id est, *ut de iis, quæ sana sunt, una est scientia; ita de aliis sentiendum est.* Vbiloci

disputat, sitne Ens genus; eò sanè, scientiæ vnus vti esse demonstret de illo differere.

Tertiæ proprietatis meminit VI. Metaphysicæ cap. I. Η μὲν γὰρ φυσικὴ περὶ ἀχώριστα μὲν, ἀλλ' οὐκ ἀκίνητα τῆς δὲ Μαθηματικῆς ἐνία περὶ ἀκίνητα μὲν, οὐ χωριστὰ δὲ ἴσως, ἀλλ' ὡς ἐν ὅλῃ. ἡ δὲ περὶ τῆς καὶ περὶ χωριστὰ καὶ ἀκίνητα. Id est, *Physica in iis occupatur rebus, quæ à materiâ segregari nequeunt, quæque moueri possunt; Mathematica pars quædam in iis, quæ motus quidem, sed non fortassis materia expertes sunt. Prima verò Philosophia, (quæ nobis Metaphysica dicitur) & in separatis à materiâ, & omni motu cæsis.* Huc si quis animum aduertere velit, facillè intelliget scientiam quamlibet ab aliâ secerni per obiectum. Quamobrem à sequioris minúsque Latinæ ætatis auctoribus, *scientiæ dicuntur secari, ut res.*

Quartam laudem defendit, & vendicat Philosophus IV. Metaph. cap. II. vbi disputat quæ negationes sint potestatis Metaphysicæ. quia (inquit) communione quâdam entis gaudent. Nam dicimus negationes εἶναι non ens.

Hæc sunt Aristotelis placita de obiecto cuiusvis disciplinæ; quibus lux accedet ab exem-



plis. Physicæ obiectum ex eodem Philosopho VI. Metaphysicæ cap. I. est ens φυσικόν quatenus moueri potest. At illud est vnum genere, quæ prima fuit obiecti laus; nam & corpora simplicia, vt elementa; & corpora mixta, vt plantæ & animantes corpore naturali tanquam genere comprehenduntur. Vtrum verò illud sit genus συνώνυμος an ὁμωνύμος. Id est. Vtrum pari potestate ad inferiora descendat, an dispari; nostrâ quidem nihil interest.

Deinde Physica vnitatem ducit ab illo ente naturali. Quæ enim est demonstratio de ente naturali, est eadem Physicæ ditionis; & si quæ demonstratio non est de ente naturali, est eadem extra Physicam potestatem. Tertiò per ens naturale Physica secernitur ab omni aliâ disciplinâ. Nulla est enim alia, quæ entis naturalis, quatenus naturale est, satagat. Demum omnia, de quibus Physica disputat, tribuuntur enti naturali, quâ naturale est, vt iam monuimus.

II. AT in illo obiecto (quæ cautio est diligens) quippiam est, quod ἕλω Græci, nos materiam dicimus, aliud verò quod εἶδος ab illis, à nobis Forma appellatur. Materia in obiecto scientiæ cuiusvis est id, de quo scientia quæ-

dam disputat, sed non sola. Velut in obiecto Physico, quod ex Aristotele monuimus esse corpus naturale, ut patiens est motus; materia esto corpus naturale. id enim vni Physicæ non est additum, siquidem etiam ars medendi de corpore naturali differit.

III. FORMA verò in obiecto est id, quod vni scientiæ sic affixum est, ut ad alteram adduci nequeat; verbi gratia in obiecto Physicæ, & ut naturale, forma erit. nam ad vnam Physicam id restringitur. Non enim ars medendi corporis naturalis, ut naturalis, rationem habet; sed ut medicinæ, & sanationis patiens est.

IV. ALTERI nomen materiæ; alteri, formæ appellatio quæ sita est à re physicâ per translationem. Nam ut ea pars compositi physici, quæ pluribus formis sui copiam facit, materia vocatur; quæ verò pars materiam illam vagam, & incertam ad vnum certum compositum adigit, formæ nomen habet: Ita in obiectis disciplinarum, quæ pars ad plures artes attinere potest, materia dicitur; quæ verò vni certæ illigatur, & addicitur, formæ appellationem sortita est.



## QVÆSTIO ALTERA.

Statuitur obiectum Epicæ Artis.

*Ostenditur ex Aristotele obiectum Epicæ artis esse Actionem unam, totam, illustrem, certæ magnitudinis, quæ narratione dramaticâ, & versu hexametro exornari debeat, ad viros principes cum admiratione, & delectatione ad primarias virtutes excitandos.*

**E**X illo Aristotelis edicto, quod à nobis quæstione primâ explicatum est, id conficitur, vt Epicæ ( appello autem Epicam, illam Poëticæ partem, quæ Epopœiam conficit ) obiectum sit actio vna, tota, perfecta, illustris, & certæ cuiusdam magnitudinis, quæ narratione dramaticâ, & versu hexametro exornari debeat, ad viros principes cum admiratione, & voluptate ad primarias virtutes excitandos.

Singulæ partes subinde accurabuntur diligenter, nunc temporis nobis satis erit auctoritate Philosophi illas confirmare.

Apud Aristotelem libro de Poëticâ cap. XXIII. id vnum conatur Epicæ, vt actionem,

qualem hîc descripsimus, imitetur, & exhibeat. Pronunciat siquidem illo cap. eam versari *ἑξὶ μίαν περὶ ἑξίν, ὅλῳ, καὶ τελείῳ, ἔχουσιν ἄρχῃ καὶ μέσῳ, καὶ τέλος.* Id est, *circa actionem unam, totam, integram, initio, medio, atque fine constantem.* Ex iis dotibus, quibus instruximus actionem, vna hîc desideratur, quod sit illustris. At illam sufficit cap. v. *Ἡ μὲν οὖν ἐποποιία τῇ τραγωδίᾳ μέγχι μόνου μέτρου μὲν λόγου μίμησις ἐστὶν αὐτῶν ἡ κελεύθουσι.*

De narratione dramaticâ admonet, cùm sancit fabulam etiam Epopœiæ debere esse dramaticam. cap. XXIII. *Δεῖ τοὺς μύθοις καὶ δράσιν ἐν ταῖς τραγωδίαις στυγεῖσθαι δραματικούς.* Hîc drama-  
ticum auditur. De narratione non reliquit copiam dubitandi, qui Epopœiam eodem cap. XXIII. appellat *διηγηματικῶς, narrativam.*

Carmen hexametrum ita asciscit, ut omne aliud genus metri repudiet. *Ὁ γὰρ Ἡρωικὸν σασιμῶ-  
πεον, καὶ ὁ γκαδίστατον τῶν μέτρων ἐστίν.* & subinde. *Διὸ  
ἐσθλὸς μακρὸν σύστασιν ἐν ἄλλῳ πεποίηκεν.* Id est, *Versus  
heroïcus statarius est, & dignitate magnus, quare nemo longiorem fabulam (epicam) scripsit alio metro.*

Admirationem in Epopœiâ dominari iubet,  
bet,



bet, cap. XXIV. *Oportet quidem (inquit) in tragædiis admirationem excitare, multo magis in Epopœiâ; quippe quæ supra plebis opinionem, & rationem assurgat.* Μαλλον δ' ἐνδέχεται ἐν τῇ ἐποποιίᾳ τὸ ἀνὰ δόξαν.

Delectatio ex admiratione nascitur. eodem capite δ' ὁ θαυμασὸν, ἡ δὲ.

Principes viros adhortatur Epopœia. Nam ut ipsa est imitatrix actionum illustrium, quod monuimus; ita claros, & illustres viros adhortatur.

Virtutum primarum est conciliatrix, & expultrix vitiorum. Omnis quippe poësis à vitiis deterret, & ad virtutes excitat. atque hic est finis poëseos. Aristoteles in Politicis lib. ultimo, pollicetur se in poëticiis disputaturum de expiatione, quæ fit per musicam, & poëticam. ἥ δ' ἐξ ἡρώων πλεονεξίας, καὶ ἀπλῶς, πάλιν δ' ἐν τοῖς περὶ ποιητικῆς ἐργῶν σαφέστερον. Ea verò pars libri de poëticiâ tempus non tulit, & excidit. Cùm itaque cuiuslibet poësis officium sit à vitiis expiare; Epopœiæ partes erunt non tantùm à peccato deterrere, sed etiam ad primarias virtutes adhortari.

Hæc ab Aristotele petita, in syllogismum placet concludere. Obiectum cuiuslibet disci-

C

plinæ quatuor proprietatibus florere debet, quas primâ quæstione attulimus. At illud, quod Epicæ à nobis tributum est, iis floret. Nam actio genus est; cuius quidem multiplices sunt species, ut ex iis clarebit, quæ infra dicentur; duæ nunc quidem satis erunt, quas ab Aristot. cap. X. adduco. *Εἰσι δὲ τῶν μύθων οἱ μὲν ἀπλοῖ, οἱ δὲ πεπλεγμένοι. Καὶ γὰρ αἱ περὶ τῆς ὥρας, ὡς μυμήσεις οἱ μὲν εἰσιν, ὑπάρχουσιν ἐνθὺς οὐσαὶ τισαὶ ται.* Id est, *Fabularum alia sunt simplices, alia implexa. Etenim actiones, quas fabula imitantur, tales sunt.* Est hæc itaque prima proprietas. En alteram. Ab unitate actionis unitas Epicæ pendet ex cap. VIII. ubi eâ de causâ disputat de unitate Epopœiæ, & Actionis; de illâ nos diligenter suo loco quæremus. Tertia proprietas obiecti est, ut per id quævis disciplina ab omni aliâ segregetur; & hæc quoque in obiecto nostro locum habet. Neque enim Tragœdia, aut Comœdia, aut poësis alia quæcumque actionem eiusmodi imitatur; quod pluribus sigillarim deinde explicabitur. Quarta proprietas ostenditur quàm facilè. Nihil est enim in totâ Epicâ, quod actioni ornandæ non seruiat.



## QVÆSTIO TERTIA.

## De Materia Epopœiæ.

I. *Statuitur quæ sit Epopœiæ materia.* II. *Julius Scaliger illustratur: tum & Joannes Vossius.*

I. **P**OSTQVAM integrum Epopœiæ obiectum est actio vna, tota, cum cæteris dotibus, quæ primâ quæstione laudatæ sunt; nunc in controuersia est, quænam sit obiecti illius materia, quæ forma. De formâ quidem constituet pars huius libri altera; Nunc de materiâ sit disputatio. In obiecto cuiuscunque scientiæ id materiæ locum tenet, quod illi scientiæ commune est cum aliis, vt disputatum fuit, erit igitur materia Epopœiæ actio vna, tota, perfecta, illustris, & certæ magnitudinis. Nam in actionem eiusmodi Tragœdia, & Epopœia conueniunt; atque in eâ operam suam ponunt. De Tragœdiâ auctor est scholæ dictator cap. VI. *Εστιν οὖν τραγῳδία μίμησις ἀρετῆς καὶ κακίας, &c.* Id est, *Tragœdia igitur est imitatio actionis vnius, illustris, perfecta, & quæ magnitudinem habeat.*

C ij,

De Epopœiâ idem decernit cap. XXIII. versari illam *περὶ μέθης ὅλῳ, καὶ τελείῳ, ἔχουσιν ἀρχὴν καὶ μέσον, καὶ τέλος, &c.* Id est, *Circa unam actionem, totam, & perfectam, & habentem initium, medium, & finem.* Est itaque actio communis Epopœiæ, & tragœdiæ; Ea igitur est materia. Hæc ratio ex iis est, quas *διότι* philosophia passim appellat.

Est igitur materia Epopœiæ Actio una, tota, illustris, &c.

Cum verò in poëmate epico multiplices, variæque actiones sint; non illæ omnes sunt poëmati subiecta materia; sed una aliqua actio primaria, à quâ reliquæ veluti secundariæ sint aptæ, atque connexæ. Huius actionis primariæ laudes quæstionibus IV. V. VI. VII. VIII. explicabuntur accuratè. Nunc satis erit exemplo illam ostendere. In odyssæam primaria actio est reditus Vlyssis in patriam; bellum verò cum Ciconibus, antrum Polyphemi, Scyllæ & Charybdis præternavigatio, descensus ad inferos sunt actiones secundariæ.

Intercedit enimvero hîc pro imperio vir existimationis maximæ Iulius Scaliger. In materiam poëseos omnis, & idcirco Epopœiæ dat nobis literulas, syllabas, dictiones, pe-



des, versus, rhythmos, & totum illud grammaticæ instrumentum: atque adeò librum alterum, quem inscripsit hylen id est materiam, iambis, choreis, anapæstis, & dactylis infercit. Id certè, quidquid est peccati, optassem silentio premere. Esse enim in auctoribus, quæ laudem, gaudeo; & si quæ sunt, quæ reprehendi necesse sit, doleo non mediocriter. Hæc tamen culpa est eiusmodi, ut sine summâ rei poëticæ iniuriâ & naufragio foedissimo dissimulari nequeat: tum illius est hominis, qui censuram in poëtas omnes inuasit, qui ingratis, & iniuriâ primarum artium principes leui de causâ, immo de nullâ sæpe criminatur, qui auctoritate suâ, rerum istarum minùs callidos in errorem possit trahere, atque conicere.

Et ne longè abeam, in re ipsâ, de qua orta est disputatio, cum monuisset vulgò iactari à Græcis, & Latinis, rem quæ scribitur, poëmatis appellari materiam; addidit: Cæterum à veritate longè aberrant. Qui? Græci, & Latini. Et ne quem haberet eximium, ne præceptoribus quidem suis parcitum voluit: *Jdcirco*, inquit, lib. II. cap. I. *non rectè materiam dedisse nobis aiebant præceptores propositis*

*rebus, quæ nobis essent poemate describenda.*  
 Quis tandem fidem faciet Græcos, ac Latinos  
 omnes cæcutire? Colligamus vim argumen-  
 tationis eius. Ea est. In statuâ aureâ, aurum  
 est materia, igitur poëseos materia erunt lite-  
 ræ, syllabæ, dictiones, pedes. Nam vt in au-  
 rum inducitur figura, putâ Cæsar; ita in li-  
 teras, syllabas, dictiones inducitur poësis. En-  
 cur peccent Græci, Latini, omnes omnium  
 ætatum doctores. Verùm qui pressius amat  
 congregari Peripateticus; hæc negabit cohære-  
 re, & defendet hæc inter duo, nimium inter-  
 esse. nam auro vt materiæ inducitur figura;  
 literis verò, & syllabis non inducitur forma  
 Epopœiæ, aut tragœdiæ. Est enim forma poë-  
 matis *συγχοῖς τῶν μεμετρῶν* ex sententiâ Philo-  
 sophi cap. VI. & VIII. Ordo scilicet quidam,  
 & dispositio rerum; Hic inquam rerum ordo,  
 hæc Episodiorum, Euentuum (quos *Περίπτείας*  
 appellant Græci) & agnitionum dispositio in  
 Actionem inducitur; vt iam dictum est, &  
 explicabitur magis quæstionibus consequen-  
 tibus; in literulas autem, & apices minimè: erit  
 igitur Actio materia poematis, non verò lite-  
 ræ & syllabæ.

At ex literis syllabæ, ex syllabis verba, &



nomina; tum pedes ac versus, & tota denique  
poësis existit? Pulchrè id sanè quidem, ex iis  
tanquam partibus, quas integrantes appel-  
lat schola; non autem tanquam ex partibus  
*καὶ δώαμιν, καὶ ἐντελέχεια*, de quibus lis excitata est.  
Ut enim nemo articulum, digitum, manum,  
brachium, humerum in materiam hominis  
acceperit, sed in partes illas integrantes; ita  
de syllabis, nominibus, atque pedibus in re  
poëticâ constitui decet, cùm ipsa sint partes  
Dictionis, de quâ alterâ huius dissertationis  
parte disputabitur.

Atque hæc, de materiâ Epopœiæ & poë-  
scos perturbata constitutio scriptis tanti viri  
non parum officit? Nihil ille de actione, de vni-  
tate, de magnitudine, de cæteris illius virtuti-  
bus, hoc est de nobili, & *οὐσιώδῃ* atque sub-  
stantiali, si fas est ita loqui, Epopœiæ parte  
fanciuit, neque lectorem suum ad contempla-  
tionem naturæ Epicæ adducit.

Sit itaque id ratum, & fixum, actionem  
qualem quæstione priori descripsimus, esse  
materiam Epopœiæ. Quamobrem nullo ne-  
gotio intelligitur effatum illud Aristotelicum  
cap. VI. *αὐτὸ μὲν πρὸς ἑξέως οὐκ αὖ ὅμοιο παραβολὰ.*  
Sine actione non esset Tragoedia, aut Epo-

pœia. Nullum enim compositum sine materiâ esse potest.

III. IOANNES VOSSIVS homo ingenij eruditi & mitis, eò fuit perspicacior Scaligero, quod Aristoteli se applicuit, quàm potuit, constantissimè. non tamen Philosophi mentem satis vidit. Dat ille nobis in materiam Epopœiæ res graues, ac personas. In hæc verba loquitur libro tertio Institut. poët. capite primo: *Materia (Epopœiæ) continet tum personas tum res. personæ potissimum sunt grandes, & illustres, ut heroës, Reges, Duces; quandoque etiam Dii quorum consilia admiscet. Res item sunt graues quales bellicæ. Interim nec aspernatur personas tenuiores, &c.* Minus, inquam, peccati hîc est, est tamen aliquid. Nam Aristoteles sanctè cauet, & docet disertissimè tragœdiam, & Epopœiam non esse imitationes personarum, sed actionum; quâ de re paulò pòst quæretur. Hâc ratione nunc pugno, quæ profligari nequit. Materia Epopœiæ est id, cui forma Epopœiæ inducitur: Atqui Epopœiæ forma, quæ est constitutio, & ornatus aliquis per Episodia, Agnitiones, Peripetias, Nexus, Solutiones, & similia, non inducitur in personas, Reges,



ges, Heroës, Deos, neque in res quaslibet; sed duntaxat in actionem vnam, totam, illustrem, &c. Actio igitur vna, tota, illustris est materia Epopœiæ; non autem personæ, aut res aliæ ab actione distinctæ. Neque illi fauent Horatius, & Domitius Marsus. ab utroque enim oppugnatur. Horatij testimonium est in hæc verba:

*Res gesta Regumque, ducumque, & tristia  
bella,*

*Quo scribi possent numero monstravit Ho-  
merus.*

Marsi verò auctoritas his versibus continetur:

*Te quoque Virgilium comitem non equa  
Tibullo*

*Mors iuuenem campos misit ad Elysios:*

*Ne foret, aut elegis molles qui fleret amores,*

*Aut caneret forti regia bella pede.*

Audio hîc Horatium, qui dicat res gestas, & bella ab Homero celebrari; Tum Marsum, qui amores, & bella, cani velit, non reges, vel duces. Vellem equidem eius sententiam tueri Virgilij & Homeri factò, quorum ille sic scribit:

*Arma virumque cano.*

D

Homerus verò à Musâ cani rogat Vlyssēm.

*Ἀνδρα μοι ἔννεπε Μοῦσα.*

At id parum iuaret. Non enim poëta Epicus præcepta scribit; quare personas pro rebus figuratâ vsurpat oratione. Longè sapientiùs tum Horatius & Marfus laudati, tum Philosophus, qui monet sæpe quidem, atque adeò capite VI. libri de poëtica poësim non esse imitationem personarum, sed actionum. vt sequenti quæstione ostenderetur. Obtestor hîc etiam atque etiam lectorem, ne putet me in re minimi pretij disputare odiosius. Nam ex isto peccato, quod leue videri potest; grauis sæpe labes extitit, & vitium fecere, & facient multorum poëmata; vt vincent, quæ futuræ sunt subinde quæstiones.

---

QVÆSTIO QVARTA.

De Actione quæ est Epopœiæ Materia.

- I. *De potestate huius vocis, Actio.* II. *Epopœia est imitatio non personæ, aut morum, sed actionis.* III. *Beatitudo hominis in actione, non in habitu, sita est.* IV. *Georgica Virgilij, & similia opera non sunt Epicum carmen.*



V. *Qui versum tantum ad Epicum poema confert, non est poeta, neque qui fabulam sine versu instruxerit. Non est poema sine metro.*  
 VI. *Actionis & Fabulae discrimen.* VII. *Actionis species duae.* VIII. *Qui actio esse possit sine peripetia. Pacij versio incommoda.* IX. *Actio complexa quid.* X. *Possitne ficta esse Actio, siue argumentum Epopoeiae.* XI. *Gravis difficultas: Possitne Actio siue argumentum Epopoeiae non esse verisimile licet sit verum.* XII. *Ex comparatione Actionis siue argumenti Odysseae cum Samsonis Actione, ostenditur hanc non esse aptam ad Epopoeiae argumentum.*

I. **C**VM Epopoeiae subiecta materia sit Actio; quae sit huius vocis potestas, vestigemus. Ea est sane multiplex.

Actionis nomine appellant Rhetores officium oratoris illud, quod gestum, motumque corporis totius, & pronuntiationem continet. Illam Tullius in Oratore sic definit. *Est, inquit, actio quasi corporis quadam eloquentia; cum constet motu, atque voce.* Ut sit ea non oratorum duntaxat, sed etiam tragicorum, & comicorum; ad Epicum tamen poetam ni-

D ij

hil attinet. Quare illi hîc non erit locus. Actio  
deinde à parum cautis, & Peripateticæ Philo-  
sophiæ minùs prudentibus, accipitur in eam  
partem; vt sit effectio quæcumque paulò di-  
gnior. Næ & hi errant splendidè. Aliud quip-  
pe est Aristoteli *πραξις*, aliud *ποίησις*: Neque  
idem *ποιητὸν* cum *πρακτῆς*, aut *ποιητὶκόν* cum  
*πρακτικῶν*. Nam ex VI. Eth. cap. IV. Ars est *ἐξίς*  
*μὲν τῷ λόγῳ ποιητικὴ*. Id est, habitus cum ratione  
effectiuus. At prudentiam idem cap. V. eius-  
dem libri definit *ἐξίς ἀληθὴ μὲν λόγῳ πρακτικῶν*.  
Habitum cum ratione actiuum. *Πραξις* itaque  
siue actio ad prudentiam, & mores; *ποίησις* ad  
artem pertinet.

Cùm igitur Philosophus asseruit materiam  
Epopœiæ esse *Πραξιν*, loquutus est propriè, &  
*κυρίως*. Nempe voluit esse actionem moratam.  
Quidporro poësim moribus imbuat; aut quî  
tandem Epopœia, vel poësis esse possit abs-  
que moribus; indicabit pars huius disputatio-  
nis altera.

II. NVNC verò id venit in controuersiam;  
eur Philosophus Epopœiam, & Tragœdiam  
velit esse imitationes actionum non morum.  
*εἰκομῶν*, inquit, *ὅπως ἢ μὴ μιμήσονται πράξεσιν ἀλλὰ τὰ*  
*ἢ τὰ πρὸς λαμβάνουσι ἀφ' ὧν πράξει.* Id est, *Non ita-*



que agunt, Poëtæ, ut imitentur mores, sed mores complectuntur propter actiones, lib. de Poëtica cap. VI. Et in definitione cùm tragœdiæ cap. VI. tum Epopœiæ cap. XXIII. constanter ait eas esse imitationes non morum sed actionum, immo ne hominum quidem. Η γὰρ ἡ ποίησις μιμησις ἐστὶν οὐκ ἀνθρώπων ἀλλὰ πραγμάτων.

III. RATIONEM quidem affert hîc Philosophus, sed concisè pro more, quæ paulò latius sic fundi potest. Poësis omnis, siue imitatio est felicitatis gratiâ. At felicitas neque in hominis οὐσία sita est, cùm non omnis homo sit beatus, esset autem. Neque etiam in moribus posita est. nam mores isti sunt habitus. In habitu autem non est felicitas. εἰπαμεν δ' ὅτι οὐκ ἐστὶν ἔξω. Καὶ γὰρ καὶ ἡ δούρα ἀφ' βίου ἄπαρχοι αἱ. Cap. VI. lib. X. de moribus. Id est, *Decernimus beatitudinem non esse habitum. Nam si ita esset, is beatus haberi posset, qui aetatem suam integram dormiret, aut etiam similis esset, τῷ φυτῷ βίον ζῶντι, ei qui planta vitam viueret. Quæ si stare nequeunt, erit beatitudo in actione. Εἰ δὲ ζῶντα μὴ ἀφροσύνη, ἀλλὰ μάλλον εἰς ἐνέργειαν πρὸς τὸν κατὰ φύσιν σκοπὸν εἰρηται.* Idem testatur sæpe, neque obscure, & disertis quidem verbis lib. VII. de repub. ὅτι ὁ μάλλον ἐπιτηδὸν ἀποφύγει οὐκ ἀλκιός. Η γὰρ

ἁδ' ἀγαθὰ καὶ κακά. Non ij, inquit, potiori loca  
 habendi sunt, qui à republicâ abstinent, iis qui  
 magistratus in eâ gerunt. Felicitas quippe est  
 actio. Quamobrem poësis omnis actionem  
 potiùs imitatur, quàm mores; cùm actio ho-  
 minem beet, non mores, aut habitus. Atque  
 hanc esse Philosophi mentem contextus ca-  
 pitis sexti de Poëticâ ostendit. Εἰσὶ γὰρ καὶ πολλοὶ καὶ ἥδη  
 πολλοὶ τῆς κατὰ τὴν πόλιν, ἀδ' ἀγαθὰ καὶ κακά. ὅπως τὰ ἥδη  
 μιμήσονται, κατὰ τὴν πόλιν, ἀλλὰ τὰ ἥδη κατὰ τὴν πόλιν ἀγαθὰ καὶ κακά. Id est, *Homines certo quodam modo*  
*affecti, & quales dicuntur à moribus, sed beati*  
*ab actionibus, quare non imitantur mores, qui*  
*agunt, sed mores complectuntur propter actio-*  
*nes.* Accedit & ratio altera ab eodem Aristo-  
 tele. Mores ( inquit ) sunt propter actiones,  
 nam mores sunt habitus; habitus verò sunt  
 actionis causâ. Actio itaque melior moribus.  
 Nam inquit ὁ τέλος μέγιστον ἀπὸ πάντων. Imitatio au-  
 tem est eius, quod est optimum; igitur &  
 actionis. Robertellus falsus est animi, dum  
 pagina LVIII. hac de re sic disputat: *Notan-*  
*dum verò, ut etiam antè diximus, imitationem*  
*duplici modo considerari, aut quatenus scenica*  
*est, & ab histrionibus agitur, aut quatenus à*  
*poëtâ sit scribente; si quatenus à scribente poëtâ*



*intelligas, dicamus primarium in tragœdiâ finem esse imitari habitum animi, & mores hominum per orationem scriptam, ex quâ descriptione homines cerni possint, an felices; an verò infelices sint.* Hæc ille. in quibus multa sunt quæ probari nequeunt; sed neque vacuus sum, ut singula persequar; neque si sim, satis velim. Nam & poëta etiam tragicus, & non histrio tantum, actiones imitatur. Fabula enim etiam tragœdiæ est actionis imitatio. ἐστὶ δὲ (inquit) τῆς μὲν τραγῳδίας ὁ μῦθος. At fabula, non est actoris, sed poëtæ; cum sit, ut eodem cap. vi. loquitur Philosophus, σωῆσις τῶν πραγμάτων. Id manifestum est ex Epopœiâ quæ certè scenica non est, & tamen imitatur actionem. Occupatur enim, ut imitetur μία τραγῳδία καὶ τελέειν ex capite XXIII. ut docuimus suprâ. Deinde neque id rectè docet, homines esse felices, aut infelices ex moribus, secus, ac Philosophus constituerat. Quamobrem cum congruant inter se & Philosophi, & Theologi, beatitudinem in visione aut amore Dei positam esse, quæ sunt actiones, non habitus, aut mores: Epopœia verò, ut quartâ parte differemus, sit eadem disciplina cum politicâ, cuius finis est beatitudo civium ex lib. Polit. Aristotelis; conficitur Epopœiam

non morum, aut habituum animi; sed actionum esse imitationem.

IV. HIC quæstionibus aliquot locus est, prima quidem in hæc verba concipitur. Sitne in poëtis Epicis numerandus, qui versum quidem dederit, sed illo versu neque Actionem celebrarit, neque constituerit, aut ornauerit fabulam. Negat Peripatetica schola. Neque verò id vincere difficile est. Est enim Epœia, siue Epicum carmen imitatio actionis vnus, perfectæ, illustris &c. vt cōstitutum est. Quæ fiet igitur, vt epicum carmen sit aliquando, in quo actio desideretur? Ad hæc ex Aristotele fabula est  $\pi\rho\omicron\tau\omicron\varsigma$  καὶ  $\psi\upsilon\chi\eta$  caput & anima poëmatis, quod ostendimus quæstione primâ partis secundæ huius dissertationis; at fabula est compositio, & ornatus quidam actionis, vt ibidem planum fiet. Non erit igitur poëma epicum sine fabulâ, neque fabula sine actione. Quamobrem ratum atque fixum sit, Epicum poëma nullum esse sine actione. Non igitur Georgica Virgilij; non Hesiodi  $\text{Ἡμέραι καὶ ἔργα}$ ; non aliorum  $\text{Γεωπονικά, Αλιεύματα,}$  & cætera quæ sunt eiusmodi plurima, erunt in Epicis poëmatibus.

V. DIIVDICATA istâ lite instituitur alia,  
ab



ab iis qui nomen Epici poëtae sibi non arrogant quidem; poëtae tamen dici volunt, licet Actionem non componant, atque locupletent. Duriter enim haberi, & minùs honestè queruntur à quibusdam, qui non modò illos primo gradu mouent; sed ne in poëtis quidem consistere patiuntur. Atenim in eo nihil ego disputo, cui vel abundè sit, in Epicis illos minimè censerì. Litigent illi cum Luifino in artem Horatij, cum Achille Statio, cum Isidoro, cum Seruio, cum Platone, cum Aristotele, atque aliis in re poëtica principibus. Adest Luifinus qui pagina 4. sic loquatur. *Poëtae sibi nomen asciscunt, non propter carmen; sed propter fabulam, & fictionem.* Atque iterum, ne parum constantem se præbeat, pagina 34. *Poëta enim est non propter metrum, sed propter fabulam.* Adest Statius, qui testimonium in hæc verba dicat. pagina 7. *Sunt enim quatenus fingunt, non autem quod versus faciant, poëtae.* Id ita esse grauißimus auctor Aristoteles in eo libro, quem de poëtica reliquit, dilucidè docuit. Adest Robortellus, qui sub initium Comment. in poëtica Arist. inquit. *Vnde pater vulgi error, quia eos appellat poëtas qui metris scribunt aliquid ἱατρικόν, aut ποικιλικόν, aut ἰσομετρικόν,*

E

*simplici utentes narratione, & explicatione rerum. Nam ij poëta non sunt appellandi, quia non imitantur. idem probat Aristoteles alio exemplo. Homerus imitatur, ergo Poeta. Empedocles non imitatur, quamvis versu scripserit res physicas, ergo non est poëta. Næ hîc ego nimius sim, si omnibus auctoribus, qui ab istâ sententiâ faciunt, locum dare velim: sine præuaricatione tamen præteriri non possunt tres Philosophi, non modò scientissimi rerum istarum, sed etiam omnium quotquot extiterunt facile principes. Plato quippe in Phædone ita pronunciat. Ποιητὴν δὲ εἴωπα μέλλοι ποιητὴς εἶναι, ποιῆν μύθοις, ἀλλ' οὐ λόγοις. Neceſſe est poëtam, si tamen poëta vult esse, fingere fabulas, non verò verba tantum. Suffragatur Plutarchus lib. de audiendis poëtis, qui multis id disputat; aitque se poësim non cognoscere, quæ fabulâ careat. ὅτε ἴσμεν δὲ ἄμυθον, ὅτε δὲ ἀψευδῆ ποιῆσιν. Aristotelem mox audiemus. Accipit etiam hæc sententia auctoritatem à nominis notatione. nam ποιῆν, unde ποιητὴς, fingere significat. quare Tranquillo de poëtis nemo assentitur, qui ποιητὴν ἀπὸ τῆς ποιότητος deriuat. Hanc litem qui sequi velit, habet quibus diem dicat, & quos vadedetur.*



Nonnihil etiam superest ratiunculæ cum infimis eorum, qui poëtæ videri possunt. In veteribus exemplum facio. Titi Liuij historiam versu expressit Rufus Auienus auctore Seruio. Num Rufus poëta censebitur? Vidi ego, qui Achillis Statij Ερωπηὰ pedibus metricis instruere studeret, à quo studio deinde victus ratione abstinuit. Num inter poëtas isti numerarentur? De sententiâ Philosophi non modò poëtæ non sunt, sed etiam sunt infra eos, qui nequidquam poëtæ videri ambibant. Aristoteles cap. I X. lib. de Poëticâ, Herodoti historiam versu illigatam negat esse poëma, asseritque esse historiam, non igitur Herodotus fuerit poëta, licet suam illam historiam strictâ oratione comprehendisset. verba Philosophi sunt. ὁ γὰρ ἱστορικὸς, καὶ ὁ ποιητὴς οὐ παρ' ἡ ἐμμετρα λέγει, ἢ ἀμετρα, ἀλλὰ φέρεται· εἴη δὲ τὰ Ἡεροδότου εἰς μέτρα πέναι, καὶ ὅθεν ἦτον δὲ εἴη ἱστορία τίς μὲν μέτρον, ἢ δὲ ἀμετρῶν. Non esset Herodotus poëta, etsi versu scripsisset historiam, qui tamen à se & res, & versus dedisset; quantò minùs poëta dicendus est, qui non composuerit actionem, quam describit; sed ab alio compositam versu illigarit.

Ad Auienum, & Liuium redeat oratio. Vter

E ij

historicus est dicendus? Si quid est in me iudicij, certè Liuius, non Auienus. ille enim opus illud digessit, composuit, ornauit; non Auienus. Quorsum, inquires, hæc interrogatio? eò scilicet, vt, si Auienus non sit historicus, qui historiam ab alio digestam pedibus instruxerit; is poëta non habeatur, qui fabulam ab aliquo auctore compositam versu ornauerit. Fac *Ἐπὶ Ἀχιλλεύου* Achillis Statij esse fabulam epicam, in quo iam nihil disputo; aliquem verò opus illud versibus instruere, num iste postremus epicus poëta erit, an Achilles? At minùs prudenter fictitia, & commenticia exempla produco, cui vera suppetunt, nec longè petita. Iliadem Homeri Latino versu nobis dedit Helius Eobanus Hessius. Cùm Ilias vnum sit poëma, cuium erit, Homeri, an Helij? Certè si quid est auctoritatis in Aristotele, Homerus & Achilles poëtæ dicendi sunt; non Eobanus, aut iste *ἀνὴρ ἄνθρωπος*, cùm Achilles, & Homerus fabulam digesserint. At quâ laude efferendi sunt Auienus & Eobanus? Morosi sanè videntur, qui illos non tantùm non laudant, sed etiam vituperant. Tardi, inquiunt, est ingenij, & infirmi marte suo nihil excogitare posse, aut pueri adhuc rudis qui ne quâ aberret,



doctoris voce, & nutu regatur. Tum, addunt, ab illis vnis in rem literariam peccari videtur. Nam qui Odas, qui Elegos qui Dithyrambos, qui Comœdias, qui Tragoedias, & carmen Epicum dant in lucem, claros viros laudant, obiurgant sceleratos, informant mores, rerum naturam, vires, & dotes explicant, aut aliquid quod sit in rempublicam moliuntur: at isti homines de se nihil adducunt præter verba & tropos, quibus mens auctorum ut plurimum corrumpitur. Cum enim difficile sit in mentem auctorum venire, tum versu illam explicare, non tam difficile est, quam ἀδύνατον. Hæc, inquam, oratio fortasse durior est. Cur enim tribuitur tarditati, & stupori, quod elegantia poterat concedi.

Nunc verò quo nomine Auienum compellabimus. Historicum? minimè. Nam Liuius historici nomine gaudere debet, qui res gestas composuit, & in lucem protulit. Poëtam? neq; id placet, cum metra tantum attulerit. Παράφραστις? non licet. Παράφραστις quippe est, qui angustam alicuius orationem laxat quodammodo, & copiosè explicat. Μεταφραστις? verat ratio. est enim μεταφραστής, qui alio idiomate, quàm quo scripta est, lucubrationem

ediderit. Oratorem? neque ipse velit, neque æquum est. quo tandem nomine appellabimus, si neque poëta, neque historicus, neque paraphrastes, neque metaphrastes, neque orator? Esto μέτροποιος, hoc est versificator.

Sine actione Epopœiam esse non posse utcumque pro nostrâ tenuitate diiudicatum est. Nunc verò, possitne ea esse ἀμετρος, esto controuersia. Robortellus, & Victorius viri doctissimi ab Aristotele iubent Epopœiam esse posse, quæ solutâ oratione scripta sit. Aristoteles cap. I. Poët. illorum animum dubium fecit, qui docet partes omnes, seu species poësis opus suum imitatione conari. Aliæ inquit harmoniâ, & rhythmo, imitantur, ut αὐλητική & κθαριστική: aliæ rhythmo dumtaxat, ut quæ saltationi moderatur: Epopœia solū oratione tenui, siue metro. Ἡ δὲ Ἐποποιία μόνον τοῖς λόχοις ψαλοῖς, ἢ μέτροις. Ex quibus illi confici putant Epopœiam liberâ oratione scribi posse, cūμ πολλοὶ λόγοι, tum hoc loco, tum tertio Rhet. ab Aristotele μετρος opponantur. Ad hæc Epopœiæ nomine comprehenduntur à Philosopho ibidem Sophronis, & Xenarchi Mimi, nec non & Socratici sermones, qui numeris expediti sunt, & soluti. De Sophronis Mimis



DE MATERIA EPOPOEIAE. 39

auctor est luculentus Suidas : de Socraticis sermonibus Aristoteles, vt loco laudato rectè ostendit Robortellus. Deinde ex Philosopho is potiùs in poëtis censendus est, qui ornauerit fabulam, quàm qui versus sine fabulâ fecerit. Hæc sunt fundamenta huius sententiæ, quæ suffodi, & euerti faciliè queunt. Atenim Epopœia vna est quidem nomine; vi tamen, & potestate multiplex. Significationis est aliquando latioris quodammodo, & comprehendit generatim, quidquid oratione fingitur, veluti dialogos omnes, & insigniter Socraticos siue à Platone, siue ab Alaxamene editos; in quam partem, & potestatem hoc loco accepit Philosophus. Aliàs verò Epopœia accuratiùs, & speciatim magis significat carmen epicum, vt mox planum faciemus. Epopœia itaque illa vniuersè accepta, numeris soluta esse potest, & Mimos Sophronis, & dialogos omnes complectitur: hæc autem non potest. Ex eo verò, quòd fabulæ instructor potiùs poëta sit censendus, quàm μέτρος ποιός, non fit, vt sit poëta, siquidem ne hic quidem in poëtis locum habet.

Pace itaque Robortelli censeo epicum poemâ, siue Epopœiam *μετρίως* acceptam non esse,

quæ non sit eadem versu instructa. Aristoteles cap. XXI V. ab Epopœiâ omne aliud genus versuum habet segregatum præter hexametrum, & huius quidem causâ, quòd solùm hexametrum, tantæ dignitati ferendæ suppar esse possit. Nam inquit διαμεικτὸν καὶ τετραμέτρων κινητικόν, τὸ μὲν ὀρχηστικόν, τὸ δὲ ποικιλικόν. Siquidem iambicum & tetrametrum mobilia sunt & leuiora; hoc quidem saltationi, illud verò rebus agendis idoneum. Ecquidnam causæ erit, cur in familiari sermone satis sit dignitatis, & roboris; non sit verò in iambo, & tetrametro? Metrorum omnium σασιμώτερον καὶ ὀγκωδέστατον statarium maximè, & maximè tumidum ( grande malim ego dicere, quia tumor nostrâ hâc ætate calumniam patitur ) Epopœiæ quæritur ab Aristotele, & erit, qui putet ἀμείνον sermone[m] satis esse posse? Quis potuit Philosophus diligentius, & sanctè magis constituere non posse Epopœiam sine versu consistere, quàm si metrum in eius definitionem includeret? inclusit verò non semel, & quidem cap. XXIII. quàm disertissimè. Cùm in definitione altera pars dicatur genus, altera differentia, hæc intimior est, & οὐσιώδης magis censetur: differt autem Epopœia à Tragœdiâ, etiam versu.

Δια-



Διαφέρει δὲ κατὰ τὴν συστάσεως τὸ μέτρος ἢ ἐποποιία, καὶ δὲ μέ-  
 ῥον. Auctoritate etiam fidem sibi conciliat Phi-  
 losophus, ex eo quod ne vnus quidem om-  
 nium alio metri genere, quàm hexametro E-  
 popœiam scripserit.

VI. ACTIONEM inter, & fabulam id inter-  
 est. Actio est materia Epopœiæ; fabula verò  
 est actionis prima informatio, ac proinde for-  
 ma. ἔστι δὲ τῆς μὲν πρῶτης οὐσίας ὁ μῦθος μίμησις. Id est, *Est*  
*verò fabula imitatio actionis.* Subnectit deinde,  
 λέγω γὰρ μῦθον τῶτον τέλει συνίστασθαι τῶν πραγμάτων. Id est,  
*Definitio fabulam esse compositionem rerum.* Si  
 ad fabulam accesserint eius laudes omnes, ac  
 virtutes; tum efflorescit Epopœia omni suo  
 mundo pulcherrima. sit igitur actio, argu-  
 mentum rude, siue materia indigesta Epo-  
 pœiæ. Fabula verò prima eius delineatio siue  
 forma. Mores, dictio, sententia, erunt fabulæ  
 ornatus. Quidquid huius est, à similitudine  
 picturæ, quâ Aristoteles hoc in libro non se-  
 mel vsus est, clarebit. Picturæ materia est So-  
 crates, qui pingi debet; is actionem in Epo-  
 pœiâ repræsentat. Membrorum prima descri-  
 ptio cum aptâ dispositione est forma; atque  
 hæc fabulæ comparatur. Colorum varietas,  
 & temperamentum, quod est ornatus pictu-  
 F

rae, cum fabulae ornamentis conferetur. Ea porro similitudo, quae à picturâ ducitur, nemini non placuit; quâ post Simonidem usus est Plutarchus lib. quomodo sint audiendi poëtae. Docet enim ζωγραφία μὲν εἶναι φησὶ, τοῦ μὲν πλὴν ποίησιν, ποίησιν δὲ σιγῶσαν τὴν ζωγραφίαν. Accedunt Plato, Horatius, Cicero, & quotquot deinde scripsere viri docti.

VII. ACTIONIS porro duas esse species auctor est Philosophus capite X. alteram appellat ἀπλὴν simplicem, alteram πεπλεγμένην implexam. Illam his verbis definit eodem capite. λέγω δὲ ἀπλὴν μὲν περὶ τῶν, ἧς γενομένης, ὥσπερ ὀρίσται, συνεχοῦς, καὶ μιᾶς, ἀλλὰ πεπεταίας, ἢ ἀναγνωρισμοῦ ἢ μετὰ τοῦ αἰσίου γίνεσθαι. Id est, *Appello simplicem actionem eam, ex quâ unâ, & continuâ existente, ut dictum est, absque peripetiâ, aut agnitione fit transitus.* Implexam verò ibidem describit. Πεπλεγμένην δὲ, εἶναι ἧς μὲν ἀναγνωρισμοῦ, ἢ πεπεταίας, ἢ ἀμφοῖν ἢ μετὰ τοῦ αἰσίου εἶναι. Id est, *Implexam verò eam, ex quâ cum agnitione, & peripetiâ, aut utrâque simul fit transitus.*

VIII. AT hîc difficultas est non levis, quâ fieri possit; ut Epopœia, aut Tragoedia, aut Fabula quaecumque esse possit sine peripetiâ; cum exitus fabulae sit commutatio fortunæ:



commutatio verò fortunæ videatur esse peripetia. est enim peripetia ex cap. XI. εἰς τὸ ἐναντίον τῷ πεπραγμένῳ μεταβολή. Pacius hīc occasionem peccandi multis dedit, qui rem implicuit. Incommodus enim est, qui vocem istam μεταβάσις, quæ est in definitione vtriusque actionis, vertat in istam, *mutationem*. Quare ex eius translatione conficitur, in actione simplici esse mutationem, siquidem est μεταβάσις. Erit igitur in actione simplici peripetia, secūs ac docuerat Philosophus. Hinc tenebræ, & labes, quæ sic detergentur. Aliud est apud Aristotelem hoc in libro μεταβάσις, aliud μεταβολή. Nam μεταβάσις est inclinatio fortunæ in ipso fabulæ transitu: Μεταβολή autem inclinatio fortunæ ante transitum. est igitur in omni actione etiam simplici μεταβάσις, siquidem in omni actione ad finem fit transitus, & in illo transitu fortuna mutatur; non est tamen μεταβολή, quia ante transitum non erat mutatio fortunæ. exemplum facio. In Iliade est μεταβάσις non μεταβολή. Nam in totâ Iliade idem est tenor vsque ad finem, & æquabilis personarum dignitas. Quare meritorè cap. XXIV. de Iliade pronunciauit Aristoteles. Ἡ Ἰλιάς ἀπὸ τοῦ ἑξῆς παθητικόν· ἢ ὁ Ὀδυσσεὺς πεπλεγμένον. *Ilias est simplex quiddam, & patheti-*

*cum: Odyssea; verò implexum.* De peripetiâ verò, & Agnitione, & Fabulâ subinde disputabitur accuratiùs. At hîc meritò quæri potest explicatio facilior mutationis & transitus. aio itaque transitum hîc ab Aristot. accipi pro commutatione fortunæ in alterum statum, in quo fortuna stet & consistat quodammodo. verbi gratiâ, quia in Odysseâ post necem procorum, & pacem inter Vlysses, & primarios Ithacenses stat fortuna, commutatio talis dici debet transitus. At mutatio dicitur de priori commutatione, quæ est ante transitum. Vt cùm Vlysses se egenum finxit & emendicauit, est mutatio non transitus, quia in illo statu manere non debuit.

IX. ACTIO porro implexa est ea; quæ per Agnitionem, & Peripetiam, vel vtramque, vel alterutram habet transitum; itavt sit nexus quidam aut necessarius, aut verisimilis, quo vnum ex altero aptum sit, atque pendeat. atque hîc quoque indiligens fuit Pacius. Caueat enim Aristoteles cap. X. *ἡ δὲ περὶ τὴν ἀγνοίαν ἡ μεταβολὴ καὶ τὸ πρὸς τὴν ἀγνοίαν ἡ μεταβολὴ, ἢ μὴ ἡ μεταβολὴ.* *Differt* (inquit) *multum hæc esse propter hæc, an post hæc.* Vertit Pacius. *Differt multum fiant hæc per hæc, an ex his.* Nam *ἢ μὴ ἡ μεταβολὴ* non significat ex his, sed



post hæc. Non autem id, quod est post aliud, est propterea ex alio, vt Logici docentur in libro de categoriis capite de priori. Castigat verò Aristoteles poëtas illos, qui Peripetias, & Agnitiones, tanquam aliena membra in fabulæ corpus inserunt. Vult itaque partes omnes inter se sic aptas esse, atque commissas; vti necessarium sit, aut saltem verisimile vnum cum altero, vt fert natura, congruere. Ωπερ ἐκ τῆς περὶ ἡθικῶν συμβαίνει ἢ ἐξ αἰτίας, ἢ καὶ θεοῦ γίνεσθαι. cap. X. Quod etiam cauet Horatius initio de arte. At de nexu accommodatè magis in alterâ disputationis parte quaeretur.

X. DE veritate actionis, siue argumenti id in quaestionem vocari potest; possitne actio fingi in solidum. Parum peritè vulgus putat materiam omnis poëmatis fictam esse debere; atque adeò inscitè magis, quia fabulam accipit in eam partem, quasi sit vsquequaque commentitium quiddam, quo ineptum nihil est magis. Illud itaque Pelusiotæ lib. 2. Epist. 228. ΗΓΟΙΜΕΝΗ ἕλκεν ἔχον τὸ ψεῦδος. Id est, *Poëtica materia est mendacium*, qui de puro putoque mendacio interpretatus fuerit, is non cum Philosophis, sed cum imperitâ plebe senset.

rit. Deinde quæ ab istis epithetis, quibus Poëtica dicitur *μυμητική, εἰκαστική, εἰκονοποιός, εἰδωλοποιητική*, petitur ratio, levis est, & diluta. Quia etsi actio vera sit, quam ornat; tamen nullum à se aspernatur ex istis nominibus. Imitatur enim actionem, quæ verè contigit, sed illam ita ornat, quasi pingat imaginem, & illius similitudinem exprimat. Philosophiæ nos reddamus. Quæstio est. An quæ fabulæ subiecta est actio, debeat esse usquequaque ficta. In comœdiâ censet Aristoteles posse; & ut plurimum debere: In tragœdiâ minùs libenter concesserit; finit tamen, & laudat Agathonis poëtæ fabulam, cui nomen Ἀγῶν, in quâ omnia ficta erant. *Ἐν εἰσῶς ὃ σὺ δὲν ὁῖον ἐν τῷ Ἀγάθωνος Ἀγῶνι. Ομοίως γὰρ ἐν πύτῳ, τὰ τε πρῶτα ματα, καὶ τὰ ἐν ὁμοίᾳ πεποίηται, καὶ σὺ δὲν ἥτιον διφραίνῃ.* Id est, *In quibusdam (tragœdiis) nihil retinetur, ut in Agathonis flore. nam in hac tragœdiâ pariter, & res, & nomina ficta sunt; & nihilo tamen minùs placet.* cap. VII. Rationem adducit, cur id minùs liceat in tragœdiâ, quàm in comœdiâ; quia res & personæ in comœdiâ obscuriores sunt, neque admodum sese parietibus domesticis efferunt. Quamobrem verisimiliùs ignorantur; neque tamen carent proba-



bilitate, si peritè fabula fingatur. At cùm in tragœdiâ personæ, & actiones sint illustres; probabiliter ignorari nequeunt. In Epico carmine me auctore nemo id audebit; cùm nullius ex antiquis exemplo se tutari queat.

XI. ID verò longè grauiſſimum. Quid? si actio vera quidem sit, sed non verisimilis. nihil diligentius, nihil accuratius monet Philosophus; quàm vt verisimili studeatur. Neutiquam (inquit cap. IX.) est in officio poëtæ; vt ea, quæ facta sunt, canat; neque ea, quæ fieri, aut etiam quæ fieri possunt, nisi cum verisimili congruant. Tum ab historico distinguit poëtam non metro tantum, aut numeris, ἀλλὰ καὶ τὸν μὲν ἔχει λόγον λέγειν τὸν δ' οἷα αὖ γένοιτο. *Sed propterea quod historicus ea narret, quæ facta sunt; poëta verò qualia fieri potuerunt* καὶ δ' εἰκός, vt qui verisimili studeat. Tum poësim historię prætulit, aitque esse φιλοσοφώτερον καὶ ἀποδοτέον τι *sapientius atque melius aliquid*, quia historia hominis singularis veluti Alcibiadis facta profequitur: poësis verò ea, quæ ab homine quopiam vniuersè & κατὰ φύσιν non facta, sed quæ secundum verisimilitudinem potuere fieri. Constitui itaque primò iubet actionem fabulæ subiectam, sine nominibus;

quò, positâ omni perturbatione, siue odij siue amoris, verisimilitudini consulatur meliùs. Tum personis nomina induci iubet, quæ etiam τὰ λόγια & probabili subseruiant. Enimverò ridet eos, qui se purgant quasi fabula ornari non possit, nisi aliquid contra verisimile inferatur. Ωτε δ' λέγειν ὅτι αἰήρατο αὐτὸ μῦθος, γελοῖον. Oportuit enim abstinere se, & studium suum ab iis actionibus; quæ legis, & formæ patientes non erant. Ὡς ἔρχῃς γὰρ οὐ δεῖ στυγιάσαι περὶ τοιοῦτοις. Atque hîc Pacij translatio deficit. Sic enim reddit verba illa. Ωτε δ' λέγειν, ὅτι αἰήρατο αὐτὸ μῦθος, γελοῖον. *Quapropter loquutum fuisse dicere, fabula quidem ridicula esset.* Hæc verba sensu, & intelligentiâ cassâ sunt.

Hoc ipsum cum Aristotele monuerat Horatius in arte.

— *Nec desilies imitator in arctum,*

*Vnde pedem proferre pudor vetet, aut operis lex.*

Sed redeat oratio, vnde progressa est. Si Philosophus ab eâ actione temperandum putat, quæ per fabulam exornari nequit cum verisimili; quantum ab eâ abhorrebit, quæ ex sese cum verisimili pugnat? vix dici potest, quàm inepta sit ad Epopœiam. Siquid tamen in Epopœiâ sit parum verisimile, illud in Episodiis,



fodius, ferri vtcunque potest, & extra fabulæ constitutionem, quam *μυθία*, non *μῦθος* vocat. *Εἰ δ' μὴ*, (inquit) *ἔξω τῆ μυθολογίας*.

Ad hæc, in quo plurimum esse momenti necesse est, id quod fieri non potest, & est in *ἀδυνάτοις*, si tamen sit verisimile, ipsi Vero anteponit Philosophus. *Προαίρεται τὰ ἀδυνάτα καὶ εἰκότα μᾶλλον, ἢ δυνατὰ καὶ ἀπίθανα.* cap. XXIV. Quæ verba deficiunt & abundant; deficiunt quidem istâ particulâ *αἰ*: abundant istâ, *καὶ*; vt rectè monuit Robortellus. Quare mirum non est Ricoboni versionem nitore caruisse. Græcè itaque sic ille legit ex manuscr. *προαίρεται τε αἰ ἀδυνάτα εἰκότα μᾶλλον, ἢ δυνατὰ ἀπίθανα.* Id est, *Oportet eligere potius ea quæ fieri nequeunt, si tamen verisimilia sunt, &c.* Auctor tamen est Philosophus, ea quæ ab antiquis excogitata sunt, licet minùs sint verisimilia, tolerari posse; vt de expositione Vlyssis à Phæacibus in litore Ithaco; quia fortasse priscæ illius ætatis aut patientiâ, aut oscitantiâ, verisimilitudinis speciem merentur. Id tamen diligenter monet, si quid tale est apud antiquos, illud minime in actionem: sed in episodia, & fabulæ ornamenta cadere.

XII. LICET ea quæ disputata sunt, è Peripatetico

G

teticis nullus in dubium vocet; tamen ea fient magis illustra ex variis actionibus, quas poetarum Epicorum principes sibi delegere; quasque alterâ huius libri parte adducemus. Nunc fuerit satis, actionem Odysseæ ab Aristotele proferre, & cum illâ committere actionem Samsonis, de quâ Epopœia fingi potest; ut ex utriusque comparatione diiudicare possimus, quid cum verisimili pugnet, quid congruat.

Odysseæ itaque materia, siue actio ex Aristotele cap. XVII. sic se habet. *Quidam peregrè profectus, classe & sociis per varia naufragia exutus, multos annos aberat domo. Interim non tantum illi res domestica à procis, coniugis ipsius victis pulchritudine decoquebat: sed etiam eius filius petebatur insidiis. Ille autem post multiplices iniquissimi maris tempestates, tandem patriæ redditus, procos ex insidiis occupat; & illis extinctis uxorem, filium, ac bona recipit. Addit porro Philosophus. Atque hæc fabula propria sunt, reliqua in Episodiis numerari debent. Quid hîc insolens? Quid non verisimile? Nunc experiamur Samsonicam actionem. Vir quidam à popularibus suis, non odio, sed metu hostium, quibus miseram servitutem servie-*



bant, vinctis constrictis inimicorum potestati permittitur. Is robore animi, & corporis præstantissimus nullo negotio rupit vincula; & Asininâ maxillâ, quæ fortè humi iacebat, arreptâ, solus ingentem cladem hostium edidit, seque & patriam in libertatem asseruit. Licet hæc Samsonis actio vera sit, non tamen est verisimilis: Vlyssis è contra actio non admodum fortasse vera, verisimilis tamen. Quare hæc Epopœia accommodata est, illa minimè. Neque huic medetur incommodo, quod diuinâ ope, & auxilio illæ Samsoni vires accreuerint. Nam id simile est machinæ, quam in Episodia non in actionem poëtæ debent conicere. Neque faciet satis, qui dicat, eam rem Iudaico, & Christiano populo haberi pro verâ, & proinde illis esse verisimilem. Nam licet hæc sint; sublatis tamen nominibus cum personarum, tum regionum, quod Aristoteles fieri iubet, carent verisimilitudine. Tum si verisimilis non est actio, nisi appositis nominibus, non habebit illud *φιλοσοφία τε καὶ αὐτοδιδασκαλία*, de quo suprà diximus; Nam quæ affixa sunt quibusdam personis & locis, generatim, & vniuersè dici nequeunt. Quamobrem eam legem fixam, & sanctam

puto; ne quid in actionem fabulæ capi possit,  
quod idem non sit verisimile.

### QVÆSTIO QVINTA.

De vnitate Actionis.

- I. Actio debet esse una. II. Vnitas non petitur  
ab uno Heroë. III. Neque ab uno tempore.  
IV. Neque ab uno Heroë, & uno tempore  
coniunctè. V. Ex Aristotele Actio Epica non  
debet esse πολυμερής, sed simplex. VI. Rationes  
Aristotelis cur debeat esse simplex. VII. An  
Heroës multi possint facere ab eadem parte.  
VIII. Torquati in parte οὐσιώδῃ siue essentiali  
Epopœia peccatum. IX. Ariosti, & Statij in  
Achilleïde grauis lapsus.

I. **P**RIMA laus Actionis est, ἐνότης, aucto-  
re Philosopho cap. XXIII. Tota enim  
quanta est Epopœia vni Actioni ornandæ stu-  
det: Περὶ ὅτῃς διηγηματικῆς καὶ ἐν μέτρῳ μιμητικῆς, ὅτι δεῖ  
ποῖς μύθοις καὶ ταῖς ἐν ταῖς πράξεσιν αἰσθηταῖς δραματικοῖς,  
καὶ ποιεῖ μίαν πρᾶξιν, &c. De Vno, & Vnitate, ne-  
que vno in loco, neque paucis ambigit Philo-  
sophus, ex quibus hæc sunt in rem nostram.  
Primum est quædam haberi vnum καὶ συμβεβη-



κός. cap. VI. lib. V. Metaphysic. Exemplum  
ponit in Corisco qui musicè sciret. Is quidem  
esset vnus homo, & vnus musicus, sed vnus  
tamen καὶ συμβεβηκός. Nam Coriscus esse potest,  
qui musicè nesciat. Alia verò censerì vnum  
καὶ ἐκείναι, secundùm se; quorum facit exem-  
plum in fasce colligato, & lineâ. Nequit enim  
esse fascis sine colligatione earum rerum, quæ  
vinciuntur; aut linea, nisi sit συνεχής, id est,  
continua. Alterum, cuius vindex est Aristo-  
teles, est; vt illud, quod vnum sit, idem mul-  
ta esse nequeat. Φαυερόν (inquit eodem cap.)  
ὅτι καὶ πολλὰ ἀντικειμένως λεγόμενα τὰ ἐνί. Hæc qui-  
dem, & alia longè plura in Metaphysicis subti-  
lius disputata sunt, ista tamen nostro institu-  
to sunt satis.

II. MEÆ nunc partes sunt vestigare, à quo  
Vnitas Epopœiæ petatur. Negat Philosophus  
illam ab vnitate Heroïs duci. Μῦθος ἔστιν εἷς, οὐχ  
ὡς πῦρ πῦρ ἐστίν, ἐὰν τὰς εἰς ἡ, cap. VIII. Id est,  
*Non eò fabula est vna, vt quibusdam temerè  
venit in mentem, quòd de vno Heroë sit.* Nam  
vt sunt res numero propemodum infinitæ,  
quæ in vnum corpus coire non possunt: ita  
vnus hominis actiones sunt bene multæ, ex  
quibus vna actio commodè nequit existere.

οὐκ ἔστιν ἡ περὶ τῆς ἀρετῆς ἐνός πολλὰ εἶσι, ὅς τινες μὴ οὐδεμία γὰρ  
 ἔστιν ἀρετή. Quamobrem ( addit ) peccatum  
 est maximè ab antiquis poëtis, qui Heraclēi-  
 dem, & Theseīdem ita cecinēre; vt ab Her-  
 cule, vel Theseo res omnes præclarè gestas,  
 vno poëmāte definiri posse putauerint. eā qui-  
 dem gratiā, quia in heroīs vnius laude id po-  
 situm esset. Διὸ πάντες εὐκρίνως ἀμύραντες, ὅσοι τῶν ποιη-  
 τῶν Ἡρακλῆϊδα, καὶ Θησεΐδα, καὶ τὰ τοιαῦτα ποιήματα πεποι-  
 ῆσιν, οἴονται γὰρ ἐπεὶ εἰς ἓν ὁ Ἡρακλῆς, εἶα καὶ τὸν Μῦθον εἶναι  
 ἀρετήν. Quantò ( pergit ) sapientiùs ab Ho-  
 mero factum est, cū in aliis; tum in eo ma-  
 ximè, de quo lis est, & controuersia. Neque  
 enim ille omnia, quæ Vlysses vel tulit fortiter,  
 vel egit callidè, in Odyssēā complexus est.  
 Nam pressit silentio, quī in Parnasso vulnus  
 acceperit, & quī in habito exercitus delectu,  
 per simulatam insaniam Græcorum sagacitati  
 illudere conatus sit; Siquidem ea non con-  
 gruebant in reditum ipsius tanquam partes  
 necessariae, in quem tamen vnum animi vires  
 intenderat. Atque vt Odyssēam conclusit in  
 actionem vnam, ita & Iliadem. Vidi ego, qui  
 in vnam, & eandem tragœdiam dederit Ne-  
 ronem puerum pueris colludentem; tum ado-  
 lescentem pium in Deos, & patriam; deni-



que virum omni scelere, atque flagitio perditissimum. Alios audio, qui epicos inter profiteri nomen suum gestiant, cum Maximilianos à cunis ad tumulum usque perpetuâ oratione prosequantur. Quorum de imperitiâ dici, ut dignum est, non potest.

Atenim Virgilius (inquiunt) ἀλλασιν Troiæ, & multiplices, atque varios herois sui euentus in Æneïde; tum Homerus in Odyssæâ, & Iliadè quàm multas actiones accumulans. Sane quidem; sed quidquid illud fuit variegati operis, & ut ita dicam tessellati, in primariam actionem illam, quæ est totius Epopœiæ argumentum, minimè cadit, sed in ornamentum fabulæ. Quâ verò arte id accuretur, docebit pars huius libri altera; cum de vnitatè fabulæ disputabitur.

III. QVAM turpiter verò se dant illi, qui ab vnitatè temporis vnitatem Epopœiæ trahunt. Id enim maximè Historiam inter, & Epopœiam interest, quòd Historia completi possit ea, quæ vnum in tempus incidunt facinora, à diuersis licèt heroibus, & diuersâ in locorum regione fuerint edita; nullòque inter se nexu, quàm temporis, commissâ. Epopœia verò ab iis abhorreat quàm maximè.

Licebit cum laude Historico pugnam naualem, quâ ad Salaminam ab Atheniensibus contra Barbaros; & eam, quâ in Siciliâ à Gelone contra Carthaginienses pugnatum est, eâdem historiâ prosequi; propterea quod in idem tempus vtrumque incurrisse dicitur. At idipsum Epico poëtæ dabitur vitio. Sic pronunciat Aristoteles cap. XXIII. *Δὴλον ἐν μὴ ὁμοίας ἰσοείας συνήκει εἶναι, &c.*

IV. HALLVCINATOS esse tum eos, qui ab vnitae Herois; tum illos, qui ab vnitae temporis, Epopœiam vnâ esse volunt, ab Aristotele accepimus. Decepti quoque videntur, qui ab vtroque, & Heroë, & tempore vnitatem illam deriuari crediderunt. Nam etsi fortassis necesse sit, actionem illam vnâ esse, quæ sit ab vno Heroë, & vno in tempore; nihilominus non omnis, quæ esset eiusmodi, satis digna foret, quæ fabulæ epicæ daret argumentum.

V. OPORTET enim fabulam talem esse *πολυμερῇ*, vt hîc loquitur Aristoteles, id est, ex multis membris coalescere; quorum vnumquodque vni tragœdiæ par esse possit. Si quæ sit igitur actio, quæ neque partes eiusmodi habeat; neque eas possit poëtæ sufficere, quibus



bus fabulam exornet, ea est ad Epopœiam inepta. Quî verò partes illæ connecti inter se possint, deinde exponemus. Hoc peccarunt, qui Cypriaca, & Iliadem parvam cecinerunt poëtæ. Non enim illi vnam aliquam singularem actionem celebrandam susceperant, quæ fabulæ πολυμερῆς daret locum; sed quæ ipsamet esset πολυμερής. Nam non tantum fabula, quod datur laudi; sed etiam Actio parvæ Iliadis decem partes continet, quod vituperatur. Partes illæ sunt Armorum iudicium, Philoctetes, Neoptolemus, Eurypylus, Emendicatio, Lacæna, Ilij excidium, Reditus, Sinon, Troiades. Verba Philosophi habentur cap. XXIII. οἱ δ' ἄλλοι πᾶσι ἐν αὐτῇ ποιῶσιν, καὶ πᾶσι ἐν αὐτῇ χρονοῖ, καὶ μὴ πᾶσι πολυμερῆ. οἷον ὁ πᾶσι Κυπριακῆ. &c. Hic multa interpreti seges est, veluti quis poëta Cypriaca, quis Iliadem parvam cecinerit. Consulantur Athenæus lib. VIII. Pausanias in Laconicis, & ex nuperis hominibus, qui historiam rei poëticæ scripsere.

Occurret hic aliquis, & inquiet. Atenim Iliadi, Odysseæ, & Æneidi actio subiecta πολυμερής est. Id enim vero nego. Nam actiones istorum poematum sunt simplices, & sine iis partibus, quæ multis tragœdiis argumenta

H

dare possint. Actiones illas eò sufficimus hâc dissertationis parte alterâ. quæst. I. quò huius præceptionis periculum fiat. Certè vt quis maximè velit, ex singulis multas tragoedias facere, operam ludet.

Litigant hîc inter se Aristotelis interpretes, cur vetet Philosophus actionem esse πολυμερῆ; cùm fabula multarum sit partium. Victorio commouit stomachum hâc præceptio; quare vocem illam πολυμερῆ expunxit, & eius loco reposuit πολυμυθον. Sic loquitur. *Eosdem labi dicit (Aristoteles) qui vnâ actionem multis partibus præditam argumentum faciunt sui poematis. Περί πολυμερῆ ipse appellauit. Videtur autem πολυμερῆ dicens intelligere, quam supra iuncto itidem verbo vocauit πολυμυθον, &c.* Piccolomineus per περί πολυμερῆ intelligit actionem, quæ multis aliis actionibus quodammodo sit grauida. Benius vtrique iniquior est & acrius in eos inuehitur. Contendit illo pronunciato cauissè Aristotelem tantùm de actione, quæ πολυμερῆς esset, id est, vt ipse iubet, quæ nimia partium multitudine laboraret: itavt Philosophus multitudinem partium in actione primariâ non reprehenderit, sed copiam, & abundantiam. Pace Benij di-



etum sit. Non ea fuit mens Philosophi. Hic enim docet vnam ex virtutibus actionis esse vt sit ἀπλή, & ἀμερής, & prohibet fieri πολυμερῆ, quod est multarum partium. Nam in actione primariâ partes non sunt multæ, quæ singulæ totidem tragœdiis seruiant, vt disputatum est. Deceptus est quoque Benius, qui existimauit actionem Epopœiæ minùs esse vnam, quàm Tragœdiæ, & opinionem illam Aristoteli affinxit. nam Philosophus cap. illo à nobis laudato, quo se tuetur Benius, non instituit comparationem actionum inter se, sed fabularum. Committit siquidem fabulam totam, siue Epopœiam, cum tragœdiâ. liquet verò propter Episodia Epopœiâ minùs esse vnam, quàm sit Tragœdia. Verbis Aristotelis conceptis hoc vincitur. Ἐπὶ ἧτιον μία ὁποιοῦν μίμησις, ἢ τῶν ἐποποιῶν. σημείον δὲ. ὅτι γὰρ ὁποιοῦν μιμήσεως πλείους τραγῳδίας γίνονται, &c. Id est, *Ad hæc minùs est una qualiscumque imitatio Epica; argumento est; quod ex qualicumque imitatione plures tragœdiae fiunt.* Surdus est, qui non audiat, Philosophum loqui de imitatione, quæ Epopœia sit, non de actione. Epopœia siquidem est imitatio actionis, non igitur actio.

H ij

VI. VNITATE actionis primariæ Epopœia gaudet. At quamobrem, & quâ de causâ? Silentio id pressisse Philosophus videri potuit; nisi acrius mens, & ingenium in eius verba intendantur. Hinc expostulatio quorundam de versatili, & tortuoso eius ingenio, quod difficultates vel lubrico lapsu subterfugiat, aut prætereat simulatione. Enimuerò merito non suo. Nam fidem suæ sententiæ facit primò à simili. Vt aliæ artes, quæ imitatione quippiam moliuntur, in actione vnâ duntaxat elaborant; ita & Epica poësis vnâ actionem ornat, & locupletat. *Χρη οὖν, κατὰ τὴν ἐν ταῖς ἀλλαῖς μίμησιν ἢ μὲν μίμησις ἐστίν. οὕτω καὶ τὸν μῦθον εἶναι. ἐπεὶ περὶ ξέως μίμησις ἐστίν, μιᾶς τε εἶναι*, &c. cap. VIII. Aliæ porro artes imitatrices sunt, pingendi, fingendi, saltandi, quæque Histrionica dicitur, necnon Tragica, Comica, & Dithyrambica, quæ omnes actionem vnâ imitatione conantur.

Qui enim pictor Iphigeniam in Aulide coloribus adumbrare suscipiet, alienum nihil ab ea actione immiscebit. Aderit pater Agamemnon, & cultu corporis, & vultus, animique mœstitie insignis: tum Græcorum viri principes variâ corporis quidem gestione, tri-



Iti tamen omnes ; deinde ara , & sacrificuli : non verò Thebarum expugnator Capaneus, aut Theseus Athenarum fundator. Deinde probat hoc ipsum , cùm ait vnam imitationem esse vnius actionis , & quidem totius, cum reliquis dotibus , quæ mox afferentur ex cap. VIII. Nam si imitatio potest esse duarum actionum, quâ satis Odyssæa ab Iliade secerni poterit ? Ad hæc , cap. XXXIII. docet opus esse ; vt ea omnia , quæ in fabulæ substructione continentur, vnum quiddam spectent : at id, quod spectant, & in quod nituntur, quid aliud est, quàm actio ? cui fabula , & Episodia omnia obsequuntur. Demum , eodem cap. VIII. fabulæ modum ponit , & insolentem granditatis molem circumcidit ; ne auditorum expectationem , & mentis aciem vnitas eluderet. Sic enim loquitur, *ἡμεῖς τὴν ἡρώεωσαν δὲ* *ὅν.* Quantò magis si esset actio multiplex, cæque disparata ? nam dum in vnam partem intenderet , & conmitteretur animus ; alia pars aliorum elaberetur.

Atque hîc ambigi potest, & certè necesse est, quâ vnitas actionis in cognitionem, atque notitiâ venire possit. Id nos latere minimè passus est Aristoteles ; qui sic pronunciet. Si

H iij

quid est in actione sine quo tota actio consistere queat, id unitati officit, non enim est actionis pars. ὁ γὰρ πᾶσι τοῖς μὴ πᾶσι μὴ δὲν περὶ, ὅτι δὲν γὰρ ὅδε μόνον τῶν. At id nihil ad fabulam sed ad actionem. nam à fabulâ partes aliquæ abesse possunt, cum ipsius unitas minimè violetur. Absit enim ab Æneïde Episodium de Nisi, & Euryali amicitia, & nece: quidni fabula sit una? In actione verò præcidi nihil potest; quin actio tota intereat. ut cuilibet experiri licet in actionibus quæ part. II. q. I. adducuntur. Esto itaque actio fabulæ subiecta, una. Hactenus de unitate actionis primariæ quæsitum sit. De unitate fabulæ constituet pars disputationis secunda.

VII. NUMNAM vnus Heroïs debet esse Actio, quasi ab eâdem parte plures Heroës esse nequeant? Non desunt quibus ea iniecta sit religio; ut non modò virtute, & fortitudine suppare heroï suo non admittant; sed ne socios quidem, & ministros ferre possint. Alij non eos patiuntur tantum, qui auxilio sint, & in secundis partibus; sed etiam rei gerendæ gloriâ pares, & velut æmulos obtrudunt. Næ utrosque meo iudicio fallit animus. detur tamen vtrisque locus, ut pro se dicant.



Ac primi illi pugnant auctoritate summorum  
poëtarum, qui vnus, & singularis Herois  
vnam actionem laudare inceptent. Homerus  
in vtroque poëmate id præ se fert; In Iliade  
quidem:

Μῆνιν ἀΐδε θεὰ Πηληϊάδεω Ἀχιλῆος

Οὐλομένην, ἣ μυεῖ Ἀχαιοῖς ἄλγε' ἔθηκε.

*Iram cane Dea Pelida Achillis*

*Perniciosam, quæ infinitos Achivis dolores  
peperit.*

En vnus Achillis vnam iram, quæ ad alios ad-  
hæsit minimè, canere aggreditur: neque alio-  
rum meminit in hac propositione, quæ est to-  
tius poëmatis compendiosa quædam compre-  
hensio, & poëtæ ipsius mens, atque consi-  
lium. Achilles pugnaturus cum Hectore exer-  
citus ab armis iubet abstinere, vt solius sit  
actio illa. Iliade X.

Λαοῖσιν δ' αἰένδρε κεράτι δῖος Ἀχιλλεύς,

Οὐδ' εἴα' ἐλθραγῶκεῖ ἔκπειρα πικρὰ βέλεμενα.

*Populis innuebat capite diuinus Achilles,*

*Neque sinebat mittere in Hectorem grauia  
iacula.*

In Odyssæa vnus Vlysses ornandus suscipitur,  
qui vnus procos interemit.

Αἰδοῦναι μὲν ἐπέειπε Μοῦσιν πολὺ ἔργον, ὅς μ' ἄρα πολλὰ

Πλάγῃ, ἐπὶ Τρώϊς ἱερὸν πόλιν ἔπεισεν.

*Virum mihi celebra musa versutum, qui  
valde multum*

*Erravit, postquam Troia sacrum oppidum  
evertit.*

Tum ipse vnus procos extinxit. Pondus, & momentum ab Aristotele arcessunt, qui diligenter in argumento Odysseæ id obseruat, ac monet. nam disertè ait Vlyssæm solum extitisse (μόνου ὄντος) vt in Odysseæ argumento videre est, quod non ita pòst adducemus. Eadem fuit Virgilio mens, idem consilium, cùm cecinit:

*Arma virumque cano, Troia qui primus  
ab oris*

*Italiam fato profugus, &c.*

Vnius meminit viri, non multorum. Patrocinatur auctoritati ratio non vna. Nam cùm Epopœia admirabilitatis habere plurimum debeat, & ἀδελφόν τι. vt loquitur Aristoteles cap. XXIV. Ecquid est ad admirationem magis, quàm ab vno homine effici rem magnam? aut quid admirationis habet ea res, quæ à multis, illisque præstantibus viris edatur? Goliathum à Dauide vno perimi, qui totius exercitui metus erat; aut ab Hercule Hy-

dram



dram confici, toti quæ regioni vastitatem inferebat, id magnum, & admirationem habet. At ciuitatem ab exercitu florenti capi, & excindi, nihil est cur mireris. Huius sententiæ principes censentur Mutinensis interpres in suâ poëtica, Speronus in dialogo de historiâ, Mazzonius in Aldigherij defensione, Riccobonus in paraphrasi suâ.

Non desunt, qui alteram in partem nimij sint, & in eo peccent, quod non milites, aut socios, sed præstantes viros, & primarum artium principes arcessere ament, nimio quodam rerum magnarum studio illusi.

Id ego æquius censuerim, vnum aliquem Heroem in Epopœiæ argumentum deligendum esse; cui milites, & socij, non tamen rerum gloriâ pares, nedum superiores adiungantur. Nam Æneas Troianis suis Arcades duce Pallante; & Hetruscos duce Tarchonte asciuit. Vlysses etiam confecto bello Troiano naues sociorum duodecim reducebat, & licet solus in Ithacum littus eiectus sit; expugnat tamen procos inermes, neque adeo multos cum Telemacho, & seruitio; atque iterum turbam illam Ithacensium, cum eodem Telemacho, Philætio, Eumæo, ipso etiam Laërte parente,

atque aliis numero duodecim sustinuit ; ne quid de Mineruâ dicam , quæ primo in ordine pugnabat. Nam ista deorum ministeria plebi lactandæ inuenta sunt ; quæ veritati , & verisimili apud cordatos viros parum sunt idonea. Quamobrem homini philosopho de naturâ rerum disputanti negligenda sunt. Achilles Myrmidonum vim ingentem habuit , Græcum exercitum instruxit , & præ ordinibus pugnaturum se recepit Iliados τ. Ως κ' ἔς αὐτ' Ἀχλῆα μὲν ἀεθλοῖσιν ἰδίῳ.

Neque vis vlla est obiectioni , quòd is pugnaturus in Hectorem , capitis nutu sociis bello interdixerit. In duello quippe id nefas. Hoc ipsum XII. Æneidos Turnus factitavit.

*Significatque manu , & magno simul incipit ore.*

*Parcite iam Rutuli , & vos tela inhibete Latini.*

Necnon apud Tassum cantu XIX. Tancredus cum Argante pugnaturus.

*Cessate pur di molestarlo hor voi ,*

*Ch' è proprio mio , più che comun nemico*

*Questi , & à lui mi stringe obbligo antico.*

At & Turnus , & Tancredus milites , ac socios



in armis habuere. Hac de re decideri potest, & tota controuersia tolli ista ratione. Non enim heros ille, cuius ex vita principes instituendi sunt, fortitudinis tantum; sed etiam consilij, atque prudentiae exempla debet edere. Qui vero si solus extiterit, specimen istarum virtutum dabit?

VIII. QUID Torquato faciemus nostro, cuius causam multum nos volumus, quem tota Italorum natio miris effert laudibus, cui haec nostra aetas omnis studet? Quid? si cum Aristotele in re simili, simile aliquid sapimus. Amicus magni fieri debet; pluris etiam veritas. Dent arbitros, qui secus existimant, eorum iudicio rem credimus. Sic itaque rem mecum puto. Quidquid in Hierosolyma Torquati arduum est, quidquid magnum, & illustre; id Reginaldo, id Tancredo indulgetur. Hostium Principes sunt Aladinus, Argantus, Solymanus, Clorinda, Adrastus, Thyssaphernus, Emyrenus. Argantem, & Clorindam Tancredus perimit; hanc quidem cantu XII. tanto apparatu, tanta affectuum vi, atque varietate, ut illo in loco poeta se deamasse facile intelligi possit: Argantem vero interficit cantu XIX. cui primae fortitudinis

I ij

partes toto illo poëmate conceduntur. Adrastum inter fortissimos qui recensetur ; tum Thyssaphernum Armidæ defenforem , & Solymannum illum partium inimicarum velut Hectorem cantu ultimo Reginaldus interficit choragio verborum, sententiarum, comparationum superbissimo; vti nemo sit, qui hæc legerit, idem qui non intelligat, victoriam in illorum nece consistere. Supererat Aladinus Hierosolymorum Rex, palmam illam invidit heroi suo Godofredo, & eam Ræmundo concessit. Tandem Torquatum haud dubiè puduit sui iudicij, atque illud contempsit. Nam sub finem libri vltimi, ne nihil egisse videretur Godofredus, Emyrenum illi mactandum obiiicit frigide, obscure, & paucis omninò verbis; vt vel inuitus, & ingratis id concessisse videatur. Atque vt aliquid illâ ex gloriolâ derueret, illum ab hoste certo vulnus accepisse canit: &, quod turpius est, cantu XI. à Clorinda vulnerari; quæ duo sunt præter morem summorum poëtarum. Scilicet dum nationi, & Mecænati suo plus æquo studet, non animaduertit poëmati suo se iniuriam facere.

Verumenimucrò illud mihi pluris est, quo vno causæ totius controuersia continetur.



Primum spectatur in poemate Epico, actio Herois, ut pote quæ sit argumentum Epopœiæ. Quid igitur inuenustum magis, aut ἀλογώτερον; quàm eius actionis, quæ tota Heroi consecrata est; laudes alterius cuiusdam virtuti odiosè adscribere? In Homero τὸν πρὶν suspectum Philosophus, & omnium temporum literati omnes præter paucos ἀφιλοσόφους, qui è sordibus Grammaticæ caput non extulère. At cum in aliis laude sit dignus tantus poëta; tum in actione ornandâ, hoc est in fabulâ fuit eximius. Diuinæ illius Iliadis hic est nodus, & δέσμη; atque ea λύσις, & solutio. Homero consilium fuit Achillis fortitudinem laude aliquâ singulari efferre. Quò itaque eum non Troianis tantum, quæ laus futura erat magna; sed etiam Græcis anteponeret, quæ gloria erat cumulatissima: finxit illum præ irâ à bello ad tempus sibi temperasse; tum legitimâ causâ placatum iterum induisse arma. Quo is tempore à prælio manus continet, caduntur Græci, triumphant Troiani, desolendâ obsidione consilia habentur, afflictæ, & desperatæ iacent res Græcorum: ut iterum in certamen, atque prælium rediit, inclinata Græcorum fortuna erigitur, affligitur exultans illa Troia-

norum gloria. Ecquid dici potest Heroï or-  
nando magis accommodatum, quàm si vtri-  
que parti, non inimicæ tantùm, quod ab aliis  
poëtis factitatum legimus; sed etiam amicæ,  
quod à nemine tantâ cum gloriâ vsurpatum  
est, is præferatur: vt in eo vno partis vtrius-  
que salus, atque cædes, gloria, atque dedecus  
necnon victoria esse videatur. Hoc Alexan-  
dro Macedoni lacrymas extorsit. Hoc Græ-  
ci omnes, & Latinorum peritissimi admira-  
tione prosequuti sunt. Nunc Tassî factum  
cum Homérico committamus. Actio poëma-  
tis Tassiani est Hierosolymæ receptio. At non  
Godofredi, non totius exercitus viribus sine  
Reginaldo recipi potuit. Reginaldo absente  
de obsidione soluendâ, de reditu in Gallias  
deliberatur, nedum ciuitas capi potest. vt re-  
dit, instaurantur omnia; commeatus exerci-  
tui, animus militi, victoria imperatori acces-  
sit, vrbs ipsa capta est. Quid tam alienum ab  
Homérico poëmate? Quid tam dispar? Quid  
tam à ratione seiunctum? Gloriam summam,  
solidam, atque vnicam Heroï suo præripere,  
& ad alterum deferre ἀδικώτερον est. Torqua-  
tum ipsum audiamus cantu XIII. Silua fue-  
rat ab insigni mago diris religionibus conse-



crata. In eâ lignatio fieri nulla potuit, & debuit tamen. Nam eius opus erat ad machinas, quibus ciuitatis muri, & turres verberarentur. Multi nequidquam suæ virtutis periculum fecerant, qui cantatæ illius siluæ difficultates perrumperent, etiam Tancredus animi præsentissimus, exercitum habebat ea cura, Godofredus ipse id per sese discriminis subire meditabatur. En illum his verbis deterret propheta Petrus, homo diuini particeps consilij, atque adeò falsi minimè patiens.

*Lascia il pensiero audace, altri conuiene  
Che de le piante sue la selua spoglie.  
Già, già la fatal naue à l'erme arene  
La prora accosta, & l'auree vele accoglie.  
Già rotte l'indegnissime catene  
L'aspettato guerrier dal lido scioglie  
Non è lontana homai l'ora prescritta  
Che sia presa sion, l'oste sconfitta.*

Audis rem esse arduam magis, quàm vt Godofredo conueniat, quasi sit aliquid supra vires Herois ipsius? Audis fata id Reginaldo concedere, & ipso reduce fore vt Sion capiatur, & debelletur hostis? Iterum in cœlo (ne dubio sit locus) monet Vgo Godofredum ciuitatem capi non posse, immò exercitum de-

bellatum iri nisi adsit Reginaldus. Ita cantu XIV.

*Sol che richiami dal lontan esiglio  
Il figliuol di Bertholdo, io ti consiglio.*

*Perche, se l'alta providenza elesse  
Te de l'impresa sommo capitano  
Destinò insieme, ch' egli esser douesse  
De' tuoi consigli esecutor soprano:*

*A te le prime parti, à lui concesse  
Son le seconde; tu sei capo, ei mano  
Di questo campo, & sostener sua vece  
Altrui non puote, farlo à te non lece.*

*A lui sol di troncar non fia disdetto  
Il bosco, c' ha gli incanti in sua difesa.  
Et da luy il campo tuo, che per difetto  
Di gente inhabil sembra à tanta impresa.  
Et par che sia di ritirarsi astretto,  
Prenderà maggior forza à noua impresa,  
Ei rinforzati muri, e d'Oriente  
Supererà l'essercito possente.*

*Quò spectant illa verba? A lui sol, &c. tum:  
Altrui non puote. Deinde, an id tolerari po-  
test? Et da luy il campo tuo che per difetto de  
gente inhabil sembra à tanta impresa & par che  
sia di ritirarsi astretto. Quæ sequuntur etiam  
odiosa sunt magis. Nempe neque silua illa ex-  
scindi,*



scindi, neque languor pelli ab exercitu, neque  
muri ciuitatis dirui, neque vllæ ciuitates in  
Oriente capi possunt, nisi Reginaldi viri-  
bus. exercitus ipse *sia di ritirarsi astretto*. Id in  
suis cantibus inculcat, & obtrudit nobis iden-  
tidem, ne nos sui Reginaldi capiat obliuio.  
Certè inglorij est imperatoris id expeditionis  
fufcipere, quod nequeat ad exitum adduci si-  
ne vno aliquo singulari homine præsertim  
adolescuntulo, qualem his versibus prædicat  
Reginaldum cantu tertio:

*Questi hà nel pregio de la spada eguali*

*Pochi, ò nessuno, & e fanciullo ancora.*

Neque satis purgari potest Torquatus, quòd  
Godofredum dicat caput exercitus, quæ pars  
est nobilissima corporis, cùm manum alicubi  
pronunciet esse Reginaldū. Tum quia victum  
& effectum videtur nobis dare ducem, qui per  
se id perficere non possit ad quod aggreditur:  
tum quia & consilij, & armorum gloriâ pa-  
res, aut etiam superiores producit cantu  
tertio.

*Nè fra turba sì grande huom più guerriero*

*O più saggio di luy potrei mostrarti:*

*Sol Remundo in consiglio, & in battaglia*

*Sol Rinaldo, e Tancredi a luy s'aggualia.*

K

Accedit Episodia nobilissima, & pulcherrima tribui Reginaldo, & Tancredo, aut aliis Heroibus. Siquid triste, siquid ieiunum, id Godofredo in partem cedit. Pluuiam precibus impetrat, supplicationes indicit, fruitur diuinis somniis, & alloquio Angelorum. Pontificem putes, non Imperatorem. Si vacuus essem, & per tempus liceret, esset quàm facile ostendere in Episodiis istis, vbi nulla Godofredi mentio est, bene magnam partem poematis occupari. Nam cantus integros solidos, & non paucos suis illis Tancredo, & Reginaldo dicauit. His rationibus putatis. Næ posteriori iure Reginaldus inscribi debuit illud poema, quàm Godofredus.

Parum commodè Torquatum excuset, qui exemplo Homeri illum tegi posse crediderit. Sic enim Iliadem cum Hierosolymâ quidam componunt: vt partes Agamemnonis Godofredus sustineat, Nestoris Ræmundus, Achillis Reginaldus, Aiakis Tancredus, Vlyssis Guelpho, Calchantis Petrus Eremita, Armidæ Circe. Parum inquam illum iuuant. Nam vt ista conueniant, quæ dissident plurimùm; tamen id vitij semper residet; quòd heros Homericus sit Achilles, cuius est actio tota, quæ



celebratur; non Agamemnonis, qui inglorius est apud Homerum. Nequitia, & inertia nobilitatur imperator, qui bello illi præficatur, cui gerendo prædicetur esse impar. Tum quid turpius, aut foedius esse potest? quàm expeditioni vnum aliquem è militibus non socium tantum, & æmulum, aut etiam supparem: sed superiorem asciscere, cuius animi magnitudine ea conficiatur feliciter, & quo sine illam turpiter necesse sit exire. Taceo Herois primariam laudem, & velut adorem in animi fortitudine, & virtute bellicâ sitam esse. Taceo in vnum Reginaldum vix puberem totam Francorum, & exercitus salutem, atque gloriam incumbere. hæc, quæ magna sunt, missa facio. Homerum, & eius factum appellant, sequor, & vnde illi me in iure manum confertum vocant, inde ibi eos reuoco. Agamemnon dux est exercitus Græci, & caput; itidem Godofredus dux est, & caput exercitus Galli. feliciter id sanè. Achilles ensis est, & scutum exercitus Græci: Reginaldus Franci. pulchrè. Achille absente capi nequit Ilium; Reginaldo absente nequit capi Hierosolyma. cautè. Achille reduce res Græcorum afflictæ eriguntur: Reginaldo reduce res Francorum

perditæ instaurantur. mirificè. Achilles Troianorum fortissimos cædit, & necat; Reginaldus robustissimum quemque Barbarorum perimit. nihil supra. Amo te, quidni pergis? nam bellè processisti. Achilles est Heros poëmatis Homerici; Reginaldus Tassiani. Inglorius est Agamemnon apud Homerum, inglorius est Godofredus apud Tassum. hæc certè ex illis confici debent, si quid sapit Philosophia.

At ( inquit non nemo ) actio eadem duorum Heroum esse potest, cùm duo in illam vnam connituntur, veluti Godofredus, & Reginaldus. Nunc miseret me Homeri, qui de præcepto isto nihil audiuit; pudet Maronis, qui tantò pòst nihil sapere didicit, quique Æneæ suo adolescentem non dedit, quo res suas tutaretur. Iam etiam tædet me Philosophi, qui Actionem Epici carminis vnam, & vnius herois esse iusserit. Quid ego hîc nuperos homines Italos, Batauos, atque Gallos compellem, qui priscis illis suffragantur.

Te, te (inquam) appello Torquate, te iudicem in hac causâ tuâ nihil reformido. Tuum esto arbitrium, tua potestas. Quæ mens tua fuit? quod consilium hoc in poëmate? quid tandem conaris? Audite quotquot ab anti-



quis moribus defecistis :

*Canto l'arme pietose e'l capitano,*

*Che'l gran sepolcro liberò de Christo :*

*Molto egli oprò co'l senno, e con la mano, &c.*

Quid ais te arma ducis canere? vide, quid dicas. cur vnus? cur non duorum? tum si vnus, cur Godofredi? Enimuerò (inquit) id tantum de me profiteor :

*Canto l'arme pietose e'l capitano, &c.*

Ac meritò quidem id tantum audet. Nam Homeri, & Virgilij sequutus exemplum vnus Herois actionem vnam aggreditur. Bene itaque exorsus est Torquatus, sed studio partium à viâ deflexit.

IX. NUNC verò quis Ariostum ferat? qui de sepellicetur,

*Le donne, i Cavalier, l'arme, gli amori*

*Le Cortesie, l'audaci impressi io canto, &c.*

Neque Statius vacat culpâ in Achilleide, qui non vnam actionem Herois, sed vitam eius totam vno poemate complecti se putauit.

*Magnanimum Æacidam, formidatâque  
Tonantis*

*Progeniem, & patrio vetitam succedere cælo  
Diua refer. Quanquam acta viri multum  
inclyta cantu*

*Mæonio, sed plura vacant. Nos ire per omnem*

*( Sic amor est ) Heroa velis , Scyrôque latentem*

*Dulichîâ proferre tubâ, nec in Hectore tracto Sistere ; sed totâ iuuenem deducere Troiâ.*

Atque hîc præterire non licet , quorundam hominum præsertim eorum , qui Platonici audire volunt, ineptam planè sententiam, qui poemata omnia Iliadem , Odysseam , Æneidem , Hierosolymam ad intelligentiam vel facultatum animi, aut vitæ, quæ ascetica dicitur , trahere non verentur. Hoc habent à ludo suo , & præceptore ; vt inanibus quibusdam ludibriis mentes , atque animos oblectent.

Cætera, quæ de vnitate disputari possunt ; ad fabulam magis, quàm ad actionem pertinent. de quibus, alterâ huius libri parte quaestio ponitur.





## QVÆSTIO SEXTA.

Actiois ΟΛΟΤΗΣ & ΤΕΛΕΙΟΤΗΣ  
explicatur.

I. *Totius definitio.* II. *Initij definitio.* III. *Finis definitio.* IV. *Medij definitio.* V. *Discrimen inter Totum & Perfectum.* VI. *Æneidos Actio tota, & perfecta. Maphæi hallucinatio.* VII. *Odysseæ & Iliadis Actio tota & perfecta. Tryphiodori, & Calabri conatus inanes.*

I. **P**HILOSOPHVS capite VII. Poët. quid sit Totum his verbis definit, ὅλον δὲ ἐστὶ τὸ ἔχειν ἀρχὴν, καὶ μέσον, καὶ τέλος. Id est, Totum est illud, quod initio, medio, & fine constar. Nunc quid rei est? cur Riccobonus animum minime aduertit ad illa verba, quæ Aristoteles præmiserat, ἐστὶ γὰρ ὅλον, καὶ μηδὲν ἔχει μέγεθος. vt illorum non meminerit. *Est enim aliquod totum, quod caret magnitudine.* Atqui eò illud Philosophi dictum pertinet; vt eximias ostenderet intelligentias ἀπὸ τῆς ὁλότητος illius, siue à definitione totius, quam mox erat adducturus. Nam in his neque initium, neque me-

dium, neque finis, aut est, aut fingi potest. Nequidquam etiam se animi cruciat Benius, quâ hæc definitio circulo, globove, aut orbi congruere possit; huius enim rei, & difficultatis prudens Aristoteles illi rectè consuluit; cùm addidit in definitione initij  $\delta \epsilon \tau \eta$ ,  $\eta \gamma \nu \epsilon \alpha \sigma \alpha \iota$ . Nam  $\delta \epsilon \tau \eta$  conveniet, si res quanta sit extra orbem;  $\gamma \nu \epsilon \alpha \sigma \alpha \iota$ , si cum orbe. Etsi enim in orbe nusquam principium, & finis sit, ubique tamen principium & finis à vi & potestate rationis fieri potest. quæ res in intelligentias non cadit. Cùm enim molis expertes sint, non est, cur in illis initium, medium, & finis esse fingatur.

II. INITIVM definit eodem capite.  $\text{Αρχὴ δὲ ἐστὶ τὸ αὐτὸ μὴ εἶναι ἀνάγκης μὴ μὲν ἄλλο ἐστὶ, μὲν δ' ἐκείνο ἐπεὶ πρὸν πέφυκε ἐτὶ, ἢ γινέσθαι}$ . Id est, *Principium est res ipsa, quæ ex necessitate post aliud quippiam non est, at post ipsam aliud quippiam ex rei naturâ aut est, aut fit.* Pacij versio est. *Principium illud esse dicimus, quod non necessario post aliud est, contra posterius aliquod esse, vel fieri natum est.* Contaminat, & labefacit sententiam hæc tralatio. Nam ex Pacianâ versione conficitur, ut principium possit esse post aliud. At cùm ex verbis Aristotelis principium ita sit,

VI



ut necessariò non sit post aliud. Posteriores istam partem nihilo meliùs Riccobonus vertit. ait enim. Post illud autem aliud esse contingit. quasi hæc cum istis conueniant  $\mu\tau'$  δ' ἐκείνο ἐπεριπεφυκεν  $\epsilon\iota'$ , ἢ γίνεσθαι. Sed in istis interpretationibus diutius morari non licet. Ad rem redeo. Schola nostra bene, & ad mentem Aristotelis sic definit initium rei quantæ; est ipsa res quanta, quatenus non extenditur in anteriora. atque hæc definitio in vtramque quantitatem continuam, & discretam quadrat.

III. FINEM sic definit Aristoteles. Τελότης ὅτι ποιῶστίον, ὃ αὐτὸ μετ' ἄλλο πεφυκεν  $\epsilon\iota'$ , ἢ ὅξ ἀνάγκης, ἢ ὡς ἐπιπολύ.  $\mu\tau'$  ὅτι τὸ το, ἄλλο ὁρᾶν. Id est, *Finis contrariam sortitur definitionem, quippe est res ipsa, cui præest aliquid, aut ex necessitate, aut ut plurimum; & quam ponè sequitur nihil.* Rectè monet hîc Robortellus ὅτι ἐπιπολύ additum esse, causæ finalis gratiâ, in iis, quæ agunt ex intelligentiâ.

IV. MEDII definitio hæc est. Μέσσις ὅτι καὶ αὐτὸ  $\mu\tau'$  ἄλλο, καὶ μετ' ἐκείνο ἐπερι. Medium est, quod post aliud est; & post ipsum est alterum quiddam.

V. QUANTVM Toti præstet, id quod per-

factum dicitur, Philosophus docet. Nam car-  
res, cui nulla pars deest, tota est; etsi eius par-  
tes malè inter se cohæreant & ἀσύντακτοι fuerint.  
At perfectum id dicitur, ut vox Latina indi-  
cat, quod ultimam manum recepit, & rei est  
non rudis adumbratio aliqua, & conatus; sed  
perfectio ipsa, & absolutio. Quare sapienter,  
& egregiè Aristoteles hîc cauet. Δὲ ἀεὶ πρὶς  
συνεστῶτος ὁ μῦθος, μὴθ' ὁποῖον ἔτιχει ἀρχεσθαι, μὴθ' ὅπου  
ἔτιχει τελευτᾶν. ἀλλὰ κεχεῖσθαι τῆς εἰρηδύμενης ιδέας.  
Id est, *Necesse est igitur poëtam, qui fabulam  
rectè constitutuere velit, neque temerè eam incipe-  
re, aut temerè finire: sed formis traditis insi-  
stere.*

Hîc meminisse oportet, à nobis de actione,  
non fabulâ disputari; & ideo de ordine, qui  
totus ad fabulam pertinet, & in quo pulchri-  
tudo sita est, nunc temporis verba nulla fieri.  
Id Aristoteles cap. isto VII. ut sensit rectè, ita  
& monuit. nam in Pulchro duo esse pronun-  
ciat, magnitudinem, & ordinem. ὅτι καλὸν ἐν  
μεγέθει, καὶ τάξει ὄντι. Magnitudo iusta non est si  
tota non sit, & eò quidem de toto hîc dis-  
putat; de magnitudine, & pulchritudine  
subinde.

VÍ. QVÆ definitiones cùm ita se habeant,



DE MATERIA ΕΠΟΠΟΕΙΑΣ. 83

edictum est à Philosopho tum alibi quidem, sed imprimis cap. XXIII. actionem Epicam debere esse totam & perfectam. Audio dubitari etiam à viris, qui istarum rerum periti habentur, vtrum Virgilij & Homeri poëmata ista laude floruerint. Nam & Maphæus Æneïdi, & Iliadi Tryphiodorus, aut Quintus Calaber supplementum instituerunt facere.

De Æneïde vt primùm dicam. Taceo id, quod nemini obscurum est, mortem inuidisse Æneïdi vltimum conatum. Multos versus tibicinum instar suppositos, qui adductis columnis marmoreis summoerentur, apud Donatum Virgilius præ se tulit.

Id quæro, sitne Æneïs poëma mancum, & aliquâ parte suâ captum; quam reciperet, si Virgilio æui longioris data fuisset copia.

Quid sibi cum Maphæo Vegio volunt quidam? Isti sibi videntur idonei, qui ad Æneïdem addant dolorem Rutulorum, Dauni fletum de morte filij, nuptias Lauiniæ, & Æneæ.

Quantum ad ἀνέκδοτον illam pertinet; eam eruditè, magnificè, atque vt poëtam decuit, suo loco Virgilius cecinit. Iupiter enim Venerem his verbis alloquitur lib. I. *Parce metus*

L ij

*Cythæra*; & inter cætera, quæ pollicetur plurima:

— *sublimemque feres ad sidera cæli  
Magnanimum Æneam.*

Et libro XII. Iunoni idem reuocat in mentem.

*Quæ iam finis erit coniux? quid denique restat?  
Indigetem Æneam scis ipsa, & scire fateris  
Deberi cælo, fatisque ad sidera tolli.*

Dolor verò Rutulorum, lacrymæ Dauni usque adeò cum morte Turni coniuncta sunt, & nuptiæ Lauiniæ cum victoriâ; ut nemo homo sit tam parum intelligens, quem hoc prætereat; præsertim cum monitorem habeat Virgilium, qui identidem id repetit. Turnus ipse XII. Æneidos:

— *nostro dirimatur sanguine bellum.*

*Illo quaratur coniux Lauinia campo.*

Æneidem integram, & perfectam existere hæc fidem faciunt. Epopœiam necesse est eam esse totam, & integram; quæ actionem totam, & integram explicat. Cum enim fabula sit constitutio actionis vnius, integræ, atque perfectæ; ea certè fabula erit integra, quæ actionem integram complectetur. At Virgilius actionem Æneïdi subiectam euoluit totam usque ad finem. Est enim actio Æneïdis



eiufmodi. Quidam incensâ ab hostibus patriâ cum aliquot popularibus, eam in regionem cogitat, è quâ oriundi erant maiores eius. Post multos terrâ marique exhaustos labores, tandem eò peruenit. Accipitur amicè à Dynastâ loci, & in generum asciscitur. Ægrè id tulit vicini cuiusdam regis filius qui iamdudum nuptias illas ambibat. Graue inter riuales bellum oritur, pugnatum est sæpè, & atrociter. Victor tandem extorris ille virgine, & regno potitus est. Reliqua sunt in Episodiis.

Quæ pars Actionis huius in Æneïde deficit? quæ desideratur?

De Odysseâ nemo, quem quidem ego audiverim, dubium fecit. quare nihil est, cur operam hîc ponamus.

VII. ILIADEM Quintus Smyrnæus seu Calaber, & Tryphiodorus aut imperfectam putauerunt, aut occasionem dedere, cur id putasse crederentur.

Iliadis argumentum seu actio est hæc. Vir princeps fortitudine eximiâ ab Imperatore citra dignitatem habitus, bello & armis abstinit. quo absente, copiæ imperatoris ab hostibus accidebantur. At ille neque amicorum precibus; neque adeò ipsius Imperatoris præ-

miis molliri, aut flecti potuit. Illi erat summus quidam amicus, qui in prælio ab hostium duce cecidit. Amici nece is grauius commotus est, atque eâ causâ cum Imperatore in gratiam rediit, & hostes adortus illos grauius obtrixit, atque hostium ducem, quo vno nitebatur illorum salus, occidit.

En Iliados actionem. quam partem intactam reliquit Homerus? quam eleganter, & magnificè non tractarit?

Nunc Tryphiodoro ἀλωσιν, aut Quinto τὰ πρὸς Ἀλκίονα nihil inuidemus; At partes esse, quæ in Iliade desiderari possint, hoc negamus. quid? Ilij excidium non cecinit Homerus. At id non est aggressus, non est conatus. En quid profiteretur,

Μῶν δ' ἔδδ' ἦν Πηλεΐδῳ Ἀχιλλῆος, &c.

Totam illam propositionem expende, nihil hîc pollicetur de Ilij excidio, illud in se non recipit: quamquam ne id quidem omnino omisit. Nam cæso Hectore Troia stare non potuit.

De istâ controuersâ vide quæ infra disputantur quæstione vltimâ. Occasione enim actionis illustris iterum quæremus πῶς τῆς ἐλπίδος. Propterea quòd, quæ manca est actio, non satis illustris est ad Epopœiam.



## QVÆSTIO SEPTIMA.

## De Magnitudine Actionis.

- I. Magnitudo Epopœiæ tripliciter potest considerari. II. Magnitudo versuum in Epopœiâ quanta, & quot tragœdias equare possit. III. Magnitudo Fabulæ tragica. IV. Magnitudo Fabulæ epica. Quæ uegrandia, aut parua sunt, pulchra esse nequeunt. Quid pulchritudo. V. Magnitudo fabulæ, neque ex auditorum libidine, neque contentione, sed inclinatione rerum naturali. VI. Magnitudo actionis primariæ quanta esse possit. VII. Actio Odyssæ est dierum tantum LV.

I. **T**VRBÆ hîc plurimum est, & tumultus; Neque ex iis nullo negotio se expedire licet. Enitendum tamen est, vti non modò nos, sed etiam alios liberemus.

Magnitudo Epopœiæ aut est  $\epsilon\pi\iota\ \delta\ \alpha\epsilon\tilde{\alpha}\lambda\mu\alpha$ , id est, secundum Actionem: vel  $\epsilon\pi\iota\ \delta\ \pi\omicron\sigma\sigma\iota$ , id est, secundum quantitatem. Hæc ad magnitudinem, & numerum metri pertinet: Illa est Actionis vel nudæ; vel suis exaggeratæ, & auctæ Episodiis quædam granditas. De sin-

gulis instituenda erit quaestio.

II. A C primò quidem de magnitudine carminis Philosophus cap. XXIV. disertè docet, Epopœiam magnitudine supparem esse illis Tragœdiis, quæ in agonibus vnâ audientiâ exciperentur; breuiorem tamen esse debere, iis Epopœis, quæ ab antiquis celebratæ essent: quo præcepto id confici putauit; Epopœiæ vti finis, & medium, atque initium in vnum conspectum venirent, quæ est magnitudinis ratio legitima. verba Aristotelis sunt: Διαφέρει δὲ κατὰ τὴν συστάσεως τὸ μῆκος ἢ ἐποποιία, καὶ τὸ μέγεθος τὸ μὲν οὐδὲ μῆκος ὅπως ἴσχυός οἱ εἰρημνύος, δυνάσθαι γὰρ δεῖ συνοχεῖσθαι πρὸς ἑχλὴν, καὶ τὸ τέλος. εἴη δὲ αὐτὸ τὸ εἰς τῶν μὲν ἀρχαίων ἐλάττωσις αἱ συστάσεις εἶεν, πρὸς τε τὸ πλεονος τῶν τραγωιδῶν, τῶν εἰς μίαν ἀκρόασιν πηθεμένων περὶ ἡκούειν.

Edicto illi lux erit à more antiquorum. Priscis cùm apud Græcos, tum apud Romanos non licuit Rhetoribus nisi præfinitò loqui. Lege Pomp. Romæ Actori horæ duæ, Reo tres dabantur. In Ludis verò publicis, tragico Poëtæ, cùm suū periculum faceret, & cum aliis certaret; tempus ad Clepsydram dari in more fuisse apud Græcos auctor est Philosophus cap. septimo πρὸς Κλεψύδρας ἡγωνίζοντο. Quot verò tragœdiæ vnâ auditione exci-  
pi



pi possent, certè mihi non liquet. Ait quidem Aristoteles cap. XIV. *περὶ δὲ πλῆθος τῶν τραγῳδιῶν* ad multitudinem tragœdiarum accedere. Multitudo autem apud Græcos à numero ternario incipit, quibus duæ res multæ non sunt. Octo vel nouem tragœdias numero versuum æquare potest vna Epopœia; ab experientiâ suaderi potest. Hecuba verbi causâ apud Euripidem est versuum plûs, minúsve trecentorum supra mille. Odyssea verò circiter supra duodecies mille. ex quo conficitur illam ab hâc octies, & eò ampliùs comprehendi.

Alia Aristotelis edicta de magnitudine sunt. Ne memoriæ vitium offerat. Tum vti conspectum vnum subire possit. At neutrum ad magnitudinem carminis facit. Quis enim in lectore tantum memoriæ desideret, quantum ad omnes Epopœiæ versus memoriâ tenendos satis sit? Neque etiam vno prospectu omnes versus, sed res versibus inclusæ videndæ sunt. Reprehendit verò Philosophus *περὶ αἰτίας* antiquos, vt quidem ego coniicio, qui Theſeidas & Heracleïdas scripsissent. Hîc Benius ferri non potest, qui Iliadem, & Odysseam ab Aristotele hoc loco notari vult. Fidem facere sibi nititur, & à Prouerbio; quo, siquid

M

odiosè longum fuerit, dicitur *μακρότερον τῆς ἰλιάδας*; & ab Aristotele, qui Odysseam dixerit esse longum sermōnem. De Odysseâ purgauimus locum illum; *μικρὸς* enim *λόγος* dictus est, non *μακρὸς*; de Prouerbio verò, neque illud est ab Aristotele, & de toto bello ad Ilium dicitur. At suavis est, qui dicat, Torquatum breuioribus coagmentasse poëma suum versibus, quàm sit Æneïs, Odyssea, vel Ilias. En, Æneïs est versuum 9855. Odyssea 12300. aut circiter; at Hierusalem liberata, est 13088. Hæc de metri magnitudine disputata sint.

De magnitudine Epopœiæ καὶ τὸ ποῦμα cum Epifodiis; hoc est de magnitudine fabulæ instructæ, & ornatae; quantum scilicet temporis fabula sibi postulet, nobis querendum est.

III. DE Tragicis meritis est sanè quàm optimè Aristoteles, qui cap. v. concedit Tragœdiæ vnam solis conuersionem, aut eo ampliùs aliquantùm, minùsve. *Ὡς δὲ (τραγῳδία) ὅτι μάλιστα περιέχεται ὑπὸ μίαι περιόδῳ ἡλίου ἐπὶ, ἢ μικρὸν ἕξαστάτης*. Vtinam esset, de Epopœiæ nostræ magnitudine vti nos ita certos reddidisset. Nunc rem impeditissimam nobis reliquit, cui priusquam animum applicem, scrupulus eximen-



dus est quibusdam de Tragœdiâ iniectus. Au-  
 dio enim aliquos in eo maximè altercari, quæ  
 sit verborum Aristotelis mens, quæ potestas  
 vocum eiusmodi *τὸ μίαν ἡμέραν* pugnant  
 enim quidam significationem illis subiectam  
 esse: ut diem *ἡμέραν*, id est lucem ortu solis,  
 & eius occasu definitam desideret Philoso-  
 phus, non diem *φύσιν* siue spatium viginti  
 quatuor horarum; quo, conuersione factâ, ad  
 idem punctum sol redit. Cum iis facit Ro-  
 bortellus qui de se profitetur sic: *Putarim ta-  
 men ego* (inquit) *ab Aristotele intelligi artificia-*  
*lem, quia cùm Tragœdia sit imitatio unius actio-*  
*nis, quæ quàm primùm perducitur ad exitum.*  
*Neque pœta quidquam suæ narrationis inter-*  
*misceat, quod in Epopœiâ longissimo poëmâ sit,*  
*& ad spectatores tota eius referatur imitatio;*  
*maximè æquum est, ut actionis sit, quæ uno die*  
*videatur absoluta, noctu enim homines quie-*  
*scunt, indulgētque somno, nec quidquam agunt.*  
 Profert deinde in exemplum Oedipodem So-  
 phoclis, & concludit tandem. *Quod verò de*  
*Tragœdiâ dicit, id etiam ad Comœdiam omnino*  
*referendum. Nam non longiore spatio suam imi-*  
*tationem conficit Comœdia quàm Tragœdia.*  
 Pace illius dixerim, mentem Philosophi non

intrauit. Aristoteles abstinuit ab istâ vocē  
*ἡμέρας* vulgo receptâ, & populari; quia an-  
 cipitis erat potestatis, & ad definitionem diei  
 physici adiunxit animum. Quorsum hoc?  
 certè quò vitaret diem *πυχρόν*, & physicum  
 assereret, & eò magis id suadetur, quòd homo  
 verborum parcus, & in dictione religiosus,  
 definitionem diei accurauerit, qui *μίας αἰῶνος*  
*ἡλίου* dixerit. Tum Robortelli ratio est infr-  
 ma. *quia homines noctu neque loquuntur inter*  
*se, neque quippiam agunt.* Apud quos tandem  
 hæc loquitur? Multam etiam Robortellus de-  
 inde dat operam, quâ in Sophoclis Oedipode  
 diem *πυχρόν* scrutetur, & demonstrat. At, quid  
 tum? non ij sumus, qui negemus intra lucem  
 vnam, Tragoediæ actionem contineri posse:  
 sed nobis auctoribus potest illa ad viginti qua-  
 tuor horas produci. veluti ab inclinante die  
 vnâ incipere, & sequenti peragi. En in Heau-  
 rontimoroumeno Terentij, duo primi actus  
 sunt vnius diei; tres vltimi ad alterum diem  
 pertinent, nox media intercedit.

IV. AD nostram Epopœiam reuocetur ora-  
 tio. vt quid certi constitui queat, diligens  
 cautio sit, de qua iam monuimus; atque ter-  
 tiò alterâ huius libri parte monebimus, actio-



nem à constitutione fabulæ distingui. Nam illa nobis appellata est materia Epopœiæ, cui inducitur fabula, siue ornatus totius poëmat-  
tis. Quare duplex erit magnitudo præter illam quæ metris conuenit : altera quidem quæ actioni illi, siue materiæ congruit; altera, quæ in fabulam constitutam cadit, illa minor, hæc longè maior. Ab exemplo lux erit.

Exemplum vtriusque magnitudinis, fabulæ scilicet constitutæ, & actionis. Fabulæ constitutæ partes in Odyssæa sunt actiones istæ secundariæ; ab expugnato Illo bellum cum Ciconibus; Polyphemi antrum; Æoli Regia, & beneficium; Læstrigonum sæuitia; Circes vis magica; descensus ad inferos; Sirenum cantus; Scylla, & Charybdis; naufragium quo socios amisit, & his affines, atque cognatæ actiones, quæ sunt, Episodia, fabulæ prima ornamenta.

Actio verò primaria, cui inducitur ille ornatus, est: Nauigatio à Calypso in Ithacam, Procorum nex, & pax cum Ithacensibus.

Siquæritur καὶ ὅλως & generatim magnitudo fabulæ coagmentatæ ex suis Episodiis id certum est, eam nullo certo tempore definiri posse. Disertè id docuit Aristoteles, nam cùm

diem vnum tribuisset tragœdiæ, de Epopœiâ dixit. Η δὲ ἐποποιία ἀόριστος πρὸς χρόνον πῶτε ἀφ' ἑσέως. *Epopœia verò nullo certo finitur tempore, atque eo discrepat à Tragœdiâ.* Hoc præceptum non cadit in magnitudinem versuum, sed fabulæ ornatae, quod res ipsa loquitur. Et quidem nullo comprehendi certo tempore ornatum fabulæ, poëtarum omnium Epicorum demonstrant exempla. Odyssæa supra XIX. annorum res gestas; Ilias nouem, Æneis octo & eo amplius continet. Nam cùm in Africam Æneas venit, septem erant anni ab excidio Troiano, monet enim Dido in fine lib. primi.

— *Nam te septima portat*

*Omnibus errantem terris, & fluctibus æstas.* Quid? ille ornatus fabulæ præter eas, quæ antecedunt actiones; etiam eas quæ longè in futurum tempus retrocedunt, recipit. Quantum amabo temporis, & annorum fluxit ab Ænea ad Augustum? Quidquid interiectum est, id Æneis quâ VI. quâ VIII. libro completitur. Quantum Hector à Carolo IX. Francorum rege distat? id tempus Francias Ronfardi comprehendit. Quare bene pronunciat Aristoteles Epopœiam esse ἀόριστον πρὸς χρόνον, si habetur ratio fabulæ ornatae.



Turgebit (inquis) & excrescet turpiter fabulæ constitutio, quales sunt, qui Amadisorum Romanisci appellantur : minimè gentium. Cauet enim Aristoteles cap. VII. de Epopœiæ magnitudine ; & comparatione, cum animalifacâ, illam constituit. Animal, inquit, paruum, bellulum esse potest, pulchrum esse non potest ; quando pulchritudinis duæ sunt laudes, ordo partium, & magnitudo. Quæ exilia sunt, & exigua ; animum & oculos suū paruitate differunt, & confundunt. Neque etiam animal florebit pulchritudine, quod erit *παμμέγεθες* væ grande, & immensum, quodque vt loquitur hîc Philosophus ad sexcenta stadia se protenderet. Spargeret enim visum, & ægrè possent colligi partes illius, atque inter se comparari. Careret itaque pulchritudine, quæ ex partium inter se comparatione oritur. Tum (inquit) in rem aliquam oculos, & animum qui intendit, *εἰς τὸ ἐν, καὶ ὅλον* conuertitur. Id igitur ratum esto ; vt neque illa fabulæ constitutio paruitate suâ confundat aciem animi, neque vastitate fugiat intuitum, & memoriam obruat. verba Aristotelis sunt : *ἔτι δ' ἐπὶ τὸ καλὸν καὶ ζῶον, καὶ ἀπὸ τοῦ ποσότητος, ὃ σιωπῇ κεκρυμμένον, οὐ μόνον αὐτὰ τεταγμένα δεῖ ἔχειν, ἀλλὰ καὶ μέγε-*

ἴσος ὑπάρχει μὴ ὁ τυχόν, &c. Ista comparatio ab animante ducta non Aristotelis est vnus, sed etiam Platonis qui hæc in verba in Phædro loquitur: Ἀλλὰ τὸ δὲ γε οἷμά σε φαίναι αἶ, δεῖν πάντα λόγον ὡς περ ζῶν συνεστάναι, &c. Tum & illud dictum de pulchritudine, nam in Symposio definit pulchritudinem esse συμμετρίαν. Symmetria verò, & proportio μεγέθους, & τάξεως opus est.

Ex eâ comparatione duo confici videntur: alterum, quòd neque breuior, aut contracta plus æquo sit fabula, neque grandior, & longior sit iusto. At quanta sit accuratè non docetur. Quod si quis odiosè id quærat, meminerit verbi Aristotelici, qui Moralium initio pronunciat eum esse ἀπαίδευτον, qui requirat in re morali, & politicâ exquisitam illam disputandi rationem, quæ rem ἀποδείξει conficit. Alterum, quod ex comparatione illâ conficitur, est; quòd quemadmodum in animali, singulæ partes alicuius sunt magnitudinis, quæ cum aliis comparatæ vnum animal oculis subiiciunt; ita in Epopœiâ partes eâ sint magnitudine, quæ spectaculum pulchrum sine memoriæ incommodo proponant.

V. QVANTQVAM Philosophus monet, iustam illam magnitudinem, neque petendam esse



esse ex libidine vulgi; quod sensu, & voluptate metitur omnia; neque etiam ex longitudine temporis, quæ in ludis, & agonibus, ad clepsydræ poëtis dabatur. Non (inquit) petenda est ex libidine eorum, qui voluptati omnia indulgent, voluptate quippe corrumpitur iudicium; neque ex imperio eorum, qui præfunt ludis; nam omnibus fabulis idem tempus dare iniquum est; cum aliis aliæ plus temporis sibi postulent, τὴ δὲ μήκος ὅρος τοῦτος καὶ ποῖς. &c. eodem capite.

Definit itaque iustam illam magnitudinem peti debere ex commodo, & naturali transitu unius fortunæ in alteram, ἢ καὶ δὲ εἰς, ἢ ἀπὸ καὶ. verba sunt: Ὡς δὲ ἀπλῶς, &c.

Postremò monet eam fabulam esse perfectissimam, quæ intra naturæ modum sit maxima. Hæc de tragœdiâ præcepta sunt; quæ tamen ad Epopœiam traducit capite XXIV.

VI. NUNC quidem de magnitudine actionis hæc eadem propemodum constitui videntur, secus tamen est. Nam neque memoriæ sublati Episodiis ullum fit periculum, in actione verò Episodia nulla sunt. Neque in illâ peripetiæ & agnitiones continentur,

N

quamobrem eius magnitudini nihil offi-  
ciunt.

Etsi tempus actionis accuratè definiri non  
possit, tamen quemadmodum vnus diei spa-  
tium debetur Tragœdiæ: ita Epopœiæ an-  
nus, & non admodum ampliùs tribui potest.  
Iliadi annum concessit poëta Græcus; Æneïdi  
menses IV. supra annum, aut circiter Virgi-  
lius, quanquam difficile est in Æneïde id de-  
cidere.

VII. IN Odyssëam placuit inquirere. Illi  
dies duntaxat quinquaginta quinque additi  
sunt, qui sic putantur.

Viginti positi sunt in naue compingendâ  
post legationem Mercurij, ita Homerus ca-  
nit lib. V.

Εἴκοσι δ' ἔκβαλε πύργα, πελέκῃσιν δ' ἄρ' αἶψα χαλκῶ.

Id est, *viginti (diebus) omnia ligna deiecit,  
atque dolauit ferro, & cætera, quæ fusiùs pro-  
sequitur.*

Quatuor dati sunt dies velis aptandis. eodem  
libro.

Τέτρατον ἡμῶν ἔειπε, καὶ τὰς πετέλεσε ἀπὸ μύθου.

Τῷ δ' ἄρ' αἶψα πέμψεν πέμπ' ἀπὸ νήσου διὰ Καλύψου.

Id est, *Quartus dies aderat, & ei perfecta sunt  
omnia.*



*Quinto verò dimisit eum ab insulâ diuina Calypso.*

Octodecim dies nauigat prosperè Vlysses usque ad Scheriam Phæacum regionem; ita ipse profitetur lib. VII. oratione ad Aretem.

Επταχδεκάτη μὲν πλέον ἡμεῖς ποντοπορεύων

Οκτωχδεκάτη δ' ἐφαίνετο ὄρεα σκιοέντα

Γαίης ὑμετέρης.

Id est, *Septemdecim nauigabam dies per mare, decimâ verò octauâ die apparuere montes umbrati terræ vestræ.*

Neque tamen octauâ illâ supra decimam diē terræ appulit, nam duos dies malâ vsu tempestate tandem naufragium fecit. Quod liquet, quia duos illos versus iam laudatos iterum repetit, quibus addit descriptionem tempestatis à Neptuno immissæ; duos itaque dies vexatus est aduersâ tempestate, quibus fractâ nauiculâ in tabulâ enatauit. Sic poëta lib. V.

Εἴη δὲ νύκτες, δύο δ' ἡμέραι κύματι πικρῷ

Πλάζοντο, πολλὰ δ' οἱ κεῖνι παρπύσαντο ὄλεθρον.

*Hinc duas noctes, et duos dies in fluctu nigro*

*Errabat, sæpè ei cor proponebat mortem.*

Atque ita surgunt XX. dies, quibus Iupiter initio libri quinti edixerat, vt Scheriæ applicaret.

N ij

Αλλ' ὃ γ' ὅτι σχεδὸν πολυδέσμου πήματα πάχω

Ἡματι δ' εἰκοστῷ Σχεδίῳ ἐλβωλον ἵκοιτο.

*Id est, Sed ipse in rate colligat à dolores patiens  
Die vigesimā in Scheriam glebosam perueniat.  
Mansit autem apud Alcinoum dies IV. Primus  
dies constat libro sexto in fine.*

Δύσαστο δ' ἥελιος, καὶ τοὶ κλυτὸν ἄλσος ἵκοντο

Ιεὸν Ἀθηνᾶης.

*Occidit autem sol, & illi inclitum nemus  
peruenerunt*

*Sacrum Mineruæ.*

*Alter dies incipit cum lib. VIII.*

Ἡμος δ' ἡελίῳ φαῖν ῥοδοδάκτυλος ἠώς.

*Quando verò manegenita apparuit roseis digitis  
aurora.*

*Tertius dies lib. VIII.*

Δύσαστο δ' ἥελιος, καὶ τὰς κλυτὰ δῶρα προσήεν.

*Occubuit verò sol, & illi inclyta dona ad-  
erant.*

*Atque nocte illâ Vlysses super mensam narrat  
varias peregrinationes, & casus quibus iacta-  
tus est. incipit narratio lib. VIII. ad initium  
XIII.*

Ὡς ἔφατ' Ἀλκίνοος, πῶς δ' ἐπὶ πύδῳ μῦθος,

Οἱ μὲν κακκείοντες ἔβαν οἴκονδε ἕκαστος.

Ἡμος δ' ἡελίῳ φαῖν ῥοδοδάκτυλος ἠώς.



*Sic loquutus est Alcinous, & illis placuit sermo,*

*Ipsi quidem dormituri abiere domum unusquisque.*

*Quando autem manegenita apparuit roseis digitis aurora.*

Sequenti nocte nauigauit, & in Ithacam summo mane appulit lib. decimo tertio. ad Eumæum diuertit eodem die, initio libri decimi quarti.

Apud Eumæum tres posuit dies: vt Eumæus ipse testatur lib. XVII. his verbis,

Τρεῖς γὰρ δὴ μιν νύκτας ἔχον, τρία δ' ἡμέρας ἐρύξα  
Εν κλισίῃ, &c.

*Tres enim illum noctes habens, & tres dies detinui in stabulo.*

Tres dies domi suæ fuit personatus. Primo die habitu mendici procos obseruat, & ille dies continet libros XVII. XVIII. & XIX. Secundus dies incipit sub initium libri XX. quo procis insidias facit, & quis ipse sit, Penelopem edocet. Incipit autem dies iste secundus, his verbis:

Ὡς ἔφατ', αὐτίκα δ' ἄρ' αὖτ' ἄλλος ἦλθεν ἠώς.

*Vt loquuta est, statim aurea sella insidens venit aurora.*

Tertio die interficit procos in conuiuio.

Quarto die qui incipit sub finem libri XXIII.

*Exierunt (inquit) armati ex urbe in agrum ad Laërtem.* ἤδη μὲν φάος ἦεν ὑπὲρ θύρα. *Et iam lux erat super terram.* Ultimo illo die, & libro continetur tumultus Ithacensium, & quâ Pal- las pacem constituerit.

## S V M M A.

In naue compingendâ dies XX

In velis aptandis dies IV

In Nauigatione prosperâ à Calypso. XVIII

In naufragio. II

Apud Alcinoum. IV

Apud Eumæum. III

Domi. III

Apud Laërtem patrem. I.

Omnes LV.

Id temporis per transennam à me notatum est; cui plus otij suppetet accurabit, & subducet diligentius temporis illius rationes.





QVÆSTIO VLTIMA

Partis primæ.

- I. *Actio carmini Epico subiecta debet esse illustris.* II. *Heros epici carminis præstantior debet esse iis hominibus, qui poëta coæui sunt.* III. *Femina actio potest esse materia Tragediæ.* IV. *Vtrum femina actio possit esse materia Epopœiæ.* V. *Vtrum femina virtutibus heroicis prædita possint esse.* VI. *Vtrum conatus licet fortis, si exeat infelicitèr, sit satis illustris, ut Epopœia seruiat.*

I. **O**PORTERE illustrem esse actionem, cui ornandæ seruiat Epopœia, is vnus minimè omnium ignorat, quicum Aristoreli sit familiaritas aliqua. Illo monitore, & poësis imitatione continetur, & imitatio omnis est eorum hominum, qui nobis de morum dignitate vel concedunt, vel præstant, vel etiam sunt pares. A picturæ exemplo ipse sibi fidem, & sententiæ suæ lucem conciliat. nam vt Polygnotus præstantiores, Paulo deteriores, & Dionysius æquales suis coloribus pingebant; ita ab Homero meliores, ab He-

gemone peiores , à Cleophonte similes ver-  
 fibus adumbrati sunt. Οἷον Ομηρος μὲν βελτίους,  
 Κλεοφῶν δ' ὁμοίους, Ηγήμων ὁ θάσιος, ὁ δὲ ἑὶ παραχρῆστας  
 ποιήσας περὶ τοῦ, καὶ Νικηταίης ὁ πρὸς Δηλιάδα, χείρεσι,  
 &c. cap. altero.

Deinde capite I V. ubi disputavit vberius,  
 quibus initiis orta sit poësis, & quæ subinde  
 ceperit incrementa; tum illam pro vario poë-  
 tarum ingenio multiplicem facit; nam (in-  
 quit) cū nobis à naturâ insita sit ea vis, quæ  
 in imitatione posita est; initio, qui plurimum  
 illâ valebant, paulatim per difficiles, atque  
 adeò rudes conatus poësim enitebantur;  
 quam demum politissimâ emendatam arte,  
 in lucem edidere. Οἱ μὲν σιμνότεροι δὲ καλὰς ἐμι-  
 μιῶντο περὶ τῆς, καὶ δὲ τοιούτων τόχας. οἱ δὲ ἀπελέτεροι δὲ  
 τῶν φαύλων. Id est, Ex poëtis, qui augustæ, &  
 erectæ erant indolis, generosas clarorum vi-  
 rorum actiones, & fortunas imitatione cona-  
 bantur: qui verò ingenio erant humili, humi-  
 lium hominum actionibus animum intende-  
 bant. Post illa docet cap. V. Epopœiæ cum  
 Tragœdiâ præclarè conuenire, quòd vtraquæ  
 sit imitatio illustrium, aut actionum, aut vi-  
 rorum.

Sitne Epopœia in imitatione hominum,  
 aut



aut actionum posita, disputatum est quæst. IV.

Nunc vocetur in controuersiam, quæ sit vis, & potestas huic voci *απουδαῖος* subiecta. Aristoteles actionem nunc *καλῶς*, nunc *απουδαῖος* celebrat; homines itidem, quorum actiones illæ sunt, appellat aliquando *απουδαῖος*, aliquando *βελτίος*. Vertunt interpretum alij actiones, siue homines bonos, alij honestos, serios quidam, graues nonnulli; malim ego cum Pacio illustres; neque Heinsius admodum negauerit, qui præclaras actiones appellat.

II. ATQVI dicuntur illustres comparatione initâ, tum cum cœuis suis, tum etiam cum iis, quorum ætate scribit poëta, auctore & principe huius sententiæ Philosopho. ἢ μὲν γὰρ (inquit capite altero) *χείρους*, ἢ δὲ *βελτίους* μιμῆσθαι βούλεται τῷ νῦν. Id est, *Comædia deteriores, tragædia verò meliores imitari conatur, quàm nunc sint*. Eâ gratiâ Virgilius vbique heroës suos hominibus sui temporis, & fortitudine animi, & corporis robore præcellentes canit. Turnus inquit XII. *Æneidos*.

— *Saxum circumspicit ingens,  
Saxum antiquum ingens, campo qui forte  
iacebat*

Q

*Limes agro positus, litem ut discerneret aruis:  
Vix illud lecti bis sex cervice subirent,  
Qualia nunc hominum producit corpora tellus.*  
Quos versus ab Hom. Iliad. ε. nobis rescripsit.

— ὁ γὰρ χερμαδὸν λάβει χεῖ

Τυδείδης, μέγα ἔργον, ὃ οὐδ' ὅ γ' ἄνδρ' ἐπέσιεν

Οἷσι νῦν βροτοὶ εἶσι; ὃ δέ μιν ῥέα πάλλει, καὶ οἷος.

Hyperbole Virgilij grandior videri poterat, sed granditati illi modum quemdam ponere visus est, qui addidit ægrè saxum illud à Turno torqueri. Nam,

*Ille manu raptum trepidâ torquebat in hostem,  
Tum lapis ipse viri vacuum per inane volutus  
Nec spatium euasit totum, nec pertulit ictum.*  
E contra Homericus Ajax.

— ὃ δέ μιν ῥέα πάλλει, καὶ οἷος.

Diudicatum itaque sit actionem, cui seruiat Epopœia illustrem esse oportere.

Grauis nunc nec vna quæstio poni potest.

Prima esto. Possitne actio feminae ad eò esse magnifica, ut digna sit, quæ carmine Epico celebretur.

III. Næ femina siue marita, siue virgo fuerit, tragœdiæ dare potest argumentum. Testis est omnium ætatum, atque populorum poësis. Hoc Iphigenia, hoc Medæa, hoc



Rhodogune, hoc pugnant, & vincunt innu-  
meræ viragines; quæ materiam, & nomen  
tragœdiis fecere. Vt tamen id poëtis liceat in  
tragœdiæ causâ; intercedi certè potest de E-  
popœiâ. Nam inter Tragœdiam, & feminæ  
indolem, atque ingenium congruit quàm ap-  
tissimè. Tragœdia siquidem ex edicto Philo-  
sophi cap. VI. de poëticâ teneritudini mulie-  
rum; quas misericordia, & metus vehemen-  
tius percellunt, & vexant impotentius; per  
ipsummet metum, & misericordiam me-  
detur.

IV. AT in epico carmine certi aliquid con-  
stituere, paulò difficilius est. Licet enim illis  
quoque vitiis medicinam faciat Epopœia,  
quibus Tragœdiam mederi diximus; primæ  
tamen eius partes sunt ad magna quæque, &  
ardua facinora informare viros principes: qui-  
bus instituendis cum femina impar videri pos-  
sit; necesse est quoque Epopœiam illam videri  
suo fine cassam esse, atque adeò, quod con-  
sequens est, esse vitiosam. Enimvero quo fine  
Epopœia illis morata moribus scribi potest?  
eo scilicet, ut principes siue viros, siue femi-  
nas heroicis imbuat virtutibus. De feminis ut  
primum quæram. Quæ tandem illas instituet?

O ij

quibus extra pomoerium armis interdicatur. Docebuntur nempe promiscuè, & ἀσχεπτῶς virgines, quæ expeditiones suscipi, quæ prælia committi, quæ insidiæ fieri & queant, & debeant; quæ partes sunt Heroûm præcipuæ. Facilemores, uti puto, tutabuntur, quæ ab Indis ad nos cum Angelicâ Ariosti medias inter acies puellæ penetrauerint. Sed ne Ariosto quidem arbitro id monstri cuiquam bene cordato viro suadebitur. Angelicam is de se hæc profitentem inducit cantu primo.

*Et come Orlando la guardo souuente*

*Da morte, da disnor, da casi rei:*

*Et che'l fior virginal così hauea saluo,*

*Come se lo porto dal materno aluo.*

Quam eius orationem ita corrigit poëta.

*Forse era ver, ma non però credibile*

*A chi del senso suo fosse Signore.*

Atqui, si credibile id non est homini bene sanæ mentis, certum esse debet illi feminæ fucum factum fuisse. Infelicitè huic causæ patrocinabitur Plato, qui lib. VII. de legibus ait fuisse præter æquum, & rationem, atque in ἀνὸρτοταταις, quod mulieres apud Græcos non militarent; cùm apud Sauromatas in Ponto præliarentur gnauiter. Sic enim (inquit) rei-



publicæ fit iniuria, cuius vires infringuntur,  
 & mediâ sui parte mulctantur. Demum eo-  
 dem libro sanxit puellas exerceri arcu, sagittâ,  
 palæstrâ omni, mulieres etiam dimicare, mo-  
 uere castra, exercitum ducere, & alia eiusmodi  
 non pauca facere, & pati, quæ pudor est in  
 medium adducere. Quamobrem in re mulie-  
 bri ineptire Plato sapientibus semper visus est.  
 Quanto æquius Aristoteles mulieri curam rei  
 domesticæ attribuit; arma, & ea, quæ non  
 extra ciuitatem modò, sed etiam extra priua-  
 tos parietes fieri necesse est, viris concedit;  
 adeoque religiosè sancit, vt ne virum quidem  
 velit à muliere domum admitti sine mariti im-  
 perio. Molliùs tamen reprehendi debet Plato,  
 qui velit mulieres pro muris armari, infre-  
 quentiùs verò extra ciuitatem: quàm ij poëtæ,  
 qui feminas in armis orbem peragraré docent,  
 atque in exemplum disciplinæ militaris va-  
 gam, & erronem puellam proponunt. At Chlo-  
 rindam, & Erminiam Torquatus; Camillam  
 Virgilius; Penthesilæam Quintus, siue Cala-  
 ber celebrarunt suis Epopœiis. De Erminiâ  
 (quam amore perditam ille nobis dedit)  
 quanto periculo id factitatum sit; & res ipsa  
 indicio est, & poëta nimium monet. Chlo-

rindæ & Camillæ cùm sit vna causa , idem quoque erit arbitrium. In Episodiis versantur illæ , non in Actione. Enimvero feminæ patiens est quodammodo Episodium , non Actio. Ad hæc qui poëtæ summi sunt Virgilius , & Tassus (de Homero mox dicetur) tam parum mores illos mulierum , vel in Episodiis , spectatos voluere ; vt si quas feminas adhibuerint ; illas velut in pœnam temeritatis , morte , & quidem obscurâ mulctarint ; ne imbelli , & indigno cruore Heroïum aliquem contaminarent. Chlorindam de nocte , & ab imprudenti Tancredo Tassus perimit ; Camillam ab ignobili Virgilius. Pudit siquidem illos Calabri , apud quem Penthesilæam Achilles necat. Nam auctore Philosopho sectione XXIX. probl. XI. vecordis est , & ignaui hominis mulieri mortem inferre. Latino poëtæ datur laudi , quòd ab eo piaculo se abstinuerit. Promeritam enim Helenam , quæ moreretur , Æneas vel in æstu iræ , & mediâ in cæde Trojanorum , atque vrbs incendio non interficit. Est etiam quod sine præuaricatione præteriri nequit. Fictitiæ illæ Heroïnæ nusquam faciunt ab Heroë cuius laudi obsequitur Epopœia , sed semper stant à partibus hostium. Chlorinda &



DE MATERIA EΠΟΠΟΕΙΑΣ. III

Erminia Mahometanis, Camilla Turno, Penthesilæa Troianis aduersariis Heroi ad-  
sunt; Christianis, Æneadis, Græcis Heroibus  
nulla. Ad hæc vnam Camillam vno in libro  
militantem adducit Virgilius; quæ venato-  
rem, & Sacerdotem interimat, Heroëm nul-  
lum. Neque enim illam cum Heroë commi-  
sit; quem vinci à virgine turpe esset, vincere  
parum honestum.

Nunc quibus laudibus Homerum effere-  
mus, qui virginem nullam, nullam mulierem  
in castris siue Græcorum, siue Barbarorum  
versari voluerit. Obseruatum est à viris doctis  
verba quædam trita licet, & in ore omnium  
posita, ab Homero tamen nusquam fuisse  
vsurpata, vt Τύχην, Ορλύν, Πλάτωνα, Τύρην, Νόμον,  
Δακτύλιον, Αλεκτρίωνα. Quanquam Τύχην in hym-  
no, quem cecinit Cereri, legi doceat Pausanias  
in Arcad. Animaduerterunt alij à rebus qui-  
busdam cum sibi temperasse, quarum vsus es-  
set familiaris; Heroibus veluti neque carnes  
elixas, neque pisces, neque condimenta, vs-  
quam apposuisse. Annulorum, certè, aut fon-  
tium calidorum, aut fellæ curulis, aut testa-  
mentorum, aut elephantum nullibi meminit.  
Illa iam pridem alij notauerint: Hæc sit nota.

tio mea, & obseruatio. Homerus licet non ignoraret Amazones esse, earumque meminisset in Iliade, nullam tamen feminam voluit militare, aut etiam in exercitu versari.

Sapienter enim uerò illi poetarum antistites quò feminas à re bellicâ deterrerent nulli victoriam, nulli palmam detulêre. Neque enim minus indecorum est à feminâ vibrari hastam; quàm à viro fustum torqueri. Quamobrem videant etiam atque etiam quantam nequitiae fenestram patefaciant, qui iubent mulieres promiscuè militare. Id quidem neque Athenæ decori magistræ, neque Gallia elegantiae parens, nedum Roma maiestatis retinens aliquando concesserit. Fuerit illud sanè quidem Amadisiorum, fuerit Ariosti inepti, & inuerecundi poetæ, & eorum omnium, qui virtuti perniciem meditati sunt, ut adolescentum animos obiectâ specie virginum frangerent.

Esto (inquies) femina non sit exemplo feminis, quando illis militare minùs honestum est, erit viris. Nam quò fortiùs femina in bello fecerit, eò turpius erit viro languere otio, & inertia corrumpi. Atque hæc est altera ratiocinationis pars, quæ iam suprà in medium adducta fuit. Erit igitur imperator aliquis vir  
fortis



fortis & animi præstans qui præclare secum actum putet, cum mulieris fortitudinem imitatione assequutus fuerit? Cæsari lacrymas virtus Alexandri, & Alexandro Achillis gloria expressisse dicitur; isti verò heroi fortissimo femina lacrymas imperabit. Miltiadi victoria Themistoclis somnum ademere: à Xenophonte Cyrus expressus est, in quem omnes principes, tanquam in speculum intenti essent: duces exercituum bene multos, virorum fortium siue inuidiâ vstos, siue æmulatione excitatos legimus: vnâ verò aliquam ex omnibus feminam, aut extitisse, aut etiam à poëtis esse fictam, cuius gloriâ principes viri ad omnes imperatoris partes obeundas incenderentur, certè non legimus. Næ hæc miserè hallucinarentur, qui sic colligerent. Feminæ autem otio increpandæ in viro inertie accommodata est; igitur & principi instituendo apta. Res longè alia est ad singulare aliquod facinus cohortari hominem vnum aliquem otio corruptum: Alia, exemplum omnium virtutum principibus viris proponere, in quod defixi animo, omnia imperatoris ornamenta noceant, atque in se transferant. Habita est certè vehemens, & ad excitandam virtutem accommodata Tar-

P

chontis oratio apud Virgil. *Æneid.* XI. quā militem ignaum, quique virgini Camillæ cederet, obiurgat. Est hoc quidem argumentum, quod à comparatione minorum appellant rhētores, cuique suam fidem, robur, atque dignitatem nolim detrahare: at feminam certo consilio, in specimen virtutis cū militaris, tum ciuilibus Heroibus ante oculos constituere, adeò videtur à ratione abhorrens, ut cū penes poētas magna semper fuerit audendi potestas, nemo tamen in tantā poētarum antiquorum multitudine repertus sit, qui feminam Epopœiā laudandam suscepit. Nam quod de Marfi Amazonide suspicantur aliqui, non adeò liquet: fueritne Epopœia, an secus; & adhuc sub iudice lis est. Tum ut fuerit, à leuissimo opere grauis auctoritas peti non potest. Nihil verò nos è nouis hominibus, viri Opt. Valerandi Varanij factum commouere debet; qui in ornandā Virgine Aurelianensi, suæ potiùs pietati velificari suauiter, quàm iusti poëmatis numeros & partes implere voluerit. Quamobrem eius pietati pretium ita ponimus, ut nolimus tamen illum Epico poëtæ in exemplum extare.

Neque huic causæ Regina Semiramis



præsidio videtur esse; tum quia ut militaret, sexum mentita est, rata id quod erat, non esse se imperio parem, nisi à viri specie, sibi conciliaret dignitatem; tum quia turpissimo exitu, vitæ flagitiosos fuisse mores ostendit; & vnà docuit quanti sit periculi, virili veste regere mulierem. Denique historiæ non fabulæ argumentum est Semiramis. Congruenter magis finem huic quæstioni ponere non licet, quàm verbis Aristotelis capite xv. poëticiæ, vbi de moribus disputat. Verba sunt aurea, & rem conficiunt. *Δὲ τερον δὲ, τὰ ἀρμόττοντα. Εἴ γὰρ ἀνδρῶν μὲν τὸ ἥθος, ἀλλ' οὐχ' ἀρμόττον γυναικί, τὸ ἀνδρείον ἢ δεινὸν εἶναι.* Id est, Secunda proprietas morum est, ut sint congruentes, ut esse fortem, mos est aliquis: at non congruit mulieri fortem esse, aut terribilem, ut vertit Riccobonus, vel prudentem ut Pacius. Quàm constans sit in sententiâ Aristoteles, & quàm longè abhorre-  
re putet Epopœiam à feminâ, ex eodem capite xv. intelligitur; in quo priùs dixerat mores feminæ malos esse, licet non *ἀπλῶς* & vs-  
quequaque, cùm ea *χρηστὴ* & bona sit quodammodo. Bona enim est, si pudica, si casta, si viri amans, si rei domesticæ attenta, & pia: at est planè mala, quæ viris fortibus & imperatori-

bus ἀνδρείας & δεινότητος exempla præbeat.

V. HIS de Epopœiâ constitutis, de Heroïnâ ipsâ quæramus: possitne aliqua mulier heroïcis virtutibus esse instructa: atque ut viri sunt, qui Heroës dicuntur, ita possint esse feminæ, quæ Heroïnæ appellentur. At ne satis quidem ista quæstio videtur posse decidi, nisi prius certiores simus, quid tandem sit illud, quo heroës fiant. Non defunt qui putent unicâ actione heroës fieri. Nescio quis præclarum aliquod facinus edidit, en subito Heroëm. Errat sanè, hæc qui putaverit. De Heroïbus aliter prisca illa ætas statuebat. Adest Eustathius qui in Homerum Iliad. α. sic loquitur. Ἡρώας ὃ παλαιὰ σοφία ἥμος τι θεῖον ἐστὶ δόξαν, μέσον θεῶν, καὶ ἀνθρώπων, &c. quæ fusè proseguitur. Quorum vis, & significatio hæc est. Prisci illi Philosophi heroas suos putauerunt esse genus quoddam inter Deos, & homines interiectum. Natos enim perhibebant aut ex Deâ, & viro mortali; quales fuêre Achilles, & Æneas; aut ex Deo, & muliere, qualem extitisse Hectorem docet Lycophron. Hactenus Eustathius. Difertè etiam magis Plutarchus in libello, cur oracula cessauerint, idipsum edisserit. Apud quem Xenocrates Platonis co-



ævus, homines, heroas, & Deos tribus triangulorum naturis ingeniosè comparat, Deum quidem triangulo *ισοπλευρῳ* siue æquilatèro, qui nusquam deficiat, ac proinde adumbratio sit immortalitatis, qua Dij frui credebantur: hominem Scaleno, cuius latera *ἀίσια* sint omnia, & proinde simulachrum humanæ vitæ, quæ sibi constet nusquam eadem, & tandem aliquando concidat. Heroëm Isosceli, cuius latera duo *ἴσα*, æqualia, & tertium *ἀίσιον*, indicio sint Heroëm aliquâ sui parte, quâ Deos attingit, immortalē esse, & aliâ, quâ homines attinet, morti esse obnoxium. Non itaque Heroës vno, aut altero siue impetu, siue conatu fieri putavit prisca illa ætas, sed æquabili quodam tenore virtutis, quæ in omnes vitæ partes fusa illos à Diis genitos esse testaretur. Etiam in cunis heroës fuerunt Hercules, & Achilles, ceterique à puero. Verùm hæc priscae illius, & inanī Theologiæ missa facimus; quæ à nobis eò allata sunt; quo opinionem illam conuelleremus, quæ Heroicam illam naturam furori, & impetui vel singulari concedit. Multò verò magis à grammaticis reculis temperandum putarem; nisi essent, qui ab illis Philosophiæ

pondus, & momenta quærent. Heroïs nomine cohonestandum quidam opinantur illum, qui amoris, & iræ impetu cieatur impotentiùs, eâ gratiâ; quòd in heroë bilis flaua, diluta sanguine dominetur; atque hæc humorum crasis amorem, & iram concipiat quàm citissimè. Fidem verò facere nituntur à Grammaticis, quibus *Ἡρώς* nomen habet ab amore, qui vocitatur *Ἐρως*. Et quoniam illud temperamentum feminis maximè congruit, imprimis illas idoneas esse putant, quæ virtutibus heroïcis imbuantur. Nam quid aitis? Flauam bilem sanguine attemperatam magnis rebus gerendis, & quæ Deum deceant, aptam prædicatis? qua fide? quo auctore? Id negant Medici, id Philosophi pernegant. Aristoteles probl. sect. xxx. edidit *πρὸς τὰς ἑσσοὶς ἀρετῶν γερνῶσιν αἷδες*, &c. Id est, quotquot præstantes siue in re philosophicâ, siue politicâ, siue poëticâ, aut etiam virtute heroicâ fuerunt, atrabile abundasse; & ne locum ambigendi de mente suâ relinqueret, in illis Platonem, Socratem, Empedoclem recenset, atque vnâ Heroum præstantissimos Bellerophontem, Aiace, Herculem. Atram verò bilem cùm laudat Philosophus, nemo inertem illam, &



frigidam putet. Eam quippe intelligit, quæ concepto calore ignescat, & flammâ micet purissimâ. Hæc bonitatem ingenij, hæc animi magnitudinem, hæc consortium illud cum superis facit. Cùm enim è duobus confletur bilis hæc; igneâ quâdam luce, & mole corporeâ densiore; à luce, intelligentiam; à densitate molis, constantiam trahit. Hactenus conati sumus potiùs dicere quid Heroëm non faciat; quàm constituere, quid sit illud, quo Heroës fieri dicantur.

Quæ Heroëm faciant, tria putantur esse maximè: corporis habitudo quædam firma, ac laborum patiens, quæ atrâ bile sparsa sit: tum animus præsens, erectus, & robustus quodammodo; cui accedat magnitudo ex illâ corporis temperie, quam statuimus: demum diuina quædam vis, & efficientia; quâ qui afflatur, supra hominem & sapere, & posse videatur.

Quæ cùm ita se habeant, qui pro feminis dicere instituerit, sic contendet. Qui feminis insunt animi, non alterius sunt cuiusdam formæ, & speciei; ac ij, qui dominantur in viris. Ridiculè enim sexum animis adscribas. quid igitur est, cur virilis animus capiatur rerum

dignitate, non femineus? non itaque feminæ officit animus, qui virili consimilis est, & congenitus, atque eiusdem naturæ. De corpore verò, etsi mulierum vulgus viris concedit: esse tamen aliquas habitiores viris, ac membrorum compositione solidâ magis, atque vegetâ nec ratio prohibet, & experienciâ constat. Præterea etsi feminæ mollioris aliquantò, & humidioris sint naturæ; tamen si exercitatio corporis, & armorum usus accesserit, durabuntur illæ quodammodo, & virilem succum, atque soliditatem contrahent. Demùm impressionis illius mirificæ, atque diuinæ, quâ heroës fiunt, patientes imprimis sunt mulieres. Quot enim Sibyllæ, ac Prophetæ; quot Entheæ mulieres, ac virgines extitêre? Huic orationi responderi potest. Animorum sexus nullus est? ita sit sanè. Sed corporis communiōe, & quasi contagio animus, aut languet, aut viget. Nunc de corporis habitu quid dicam, si corpore sint igneo, si firmo, si consimili, & congenito, & eiusdem cum virili naturæ, ut prædicat hæc oratio; cur non viri nascuntur? Nam ab animis discrimen nullum est, à corpore nullum esse iubetur, cur igitur viri non sunt, quæ sunt feminæ? De impressio-

ne



ne & efficientiâ illâ diuinâ nihil iam queror à Philosopho Deum de machinâ excitari. Quanquam ne illud quidem omnino præteriri debet. Nam ut infrâ disputabimus, cum de machinâ ponemus quæstionem, illa actio habetur ad Epopœiam inepta, quæ fit ministerio Deorum. Sed ad impressionem illam diuinam redeat oratio. Accepimus à viris sanctis, afflatum illum diuinum cum flatu, quo, quæ organa dicuntur, in templis nostris musicè canunt, componi. Ut enim ab eâdem aurâ folliibus conceptâ, & remissâ tubi omnes fiunt vocales, qui tamen variè modulantur pro variâ sui conformatione, & figurâ: ita eâdem efficientiâ, & afflatu diuino viri magni, & heroes incitantur; attemperatè tamen ad eorum naturam. Isaïæ oratio culta est, & magnifica; Amosij verò incompta, & agrestis. quid ita? quia etiam auctore scholâ Peripateticâ, quæcumque res inducitur alteri, ad ingenium illius se fingit, & accommodat. Neque immeritò; aliàs enim illam corrumpere, atque labefactaret. Ex eâ igitur efficientiâ nihil constitui potest, quæ se naturæ attemperat quodammodo.

Non tamen à me, aut hæc, aut ea, quæ suprà de muliebri illâ Epopœiâ disputata sunt, eò pertinent, quò rebus bellicis, & imperio militari velim vsquequaque interdictum omnibus mulieribus; sed eò duntaxat, ne quis sibi cum Ariosto, & Amadisiorum auctoribus licere putet virginibus castra implere, & poëticae licentiæ lenociniis sanctitatem morum illudere. Multitudo virginum & mulierum poëmatibus grauitati atque sanctitati planè officit, & cum profanos poëtas ea dedeceat, tum Christianis esse debet pudori. Vtrum autem vna aliqua, quam elegerit, & cui pro summo imperio Deus Opt. Max. belli summam crediderit, Epopœiæ dignitatem violet, necne; vna duntaxat aliquando me dubium fecit Varanij, & aliquorum, qui ei consentiunt, virorum doctorum auctoritas. Nunc verò animum mihi certum fecêre, & rationes paulò antè allatæ, quæ feminam amoliuntur, & suspicionis, quæ à Religione petitur, futilitas. Etenim vt nihil aliud vitij resideret in eâ Epopœiâ, id tamen peccati esset, quod in Actione Machinam admitteret, secus ac ex Aristot. pars huius Dissert. altera qu. VII. demonstrat.

VI. ALTERA quæstio, quæ quidem in



rem, & disputationem nostram sit, ponatur. Vtrum conatus etiam laude dignus, qui tamen exeat infeliciter, satis dignus, & illustris sit, qui Epopœiæ det argumentum. ab exemplis lux accedet. Æneas cum Troianis illis suis per tot maria oræ Italicæ applicuerit, sed ante exscensum subortâ fœdâ tempestate ipse naufragio pereat, & focij eius dissipentur. Itidem. Fac Vlysses post diurnam peregrinationem eniti nauiter, vt procos domo exturbet, atque coniugem, filium, & bona recipiat, verum eo in pugna cæso, Penelopen Antinoo nupsisse. Nî mea me fallit opinio, nemo homo erit tam parum prudens istarum rerum, idem qui non censeat eam actionem parum aptam esse materiam poëmati Epico. In Iliade præceptio fiet illustrior. Græci exercitum ingentem conflant, & duce Agamemnone Asiam petunt eo consilio, vt Troiam diruant. Facinora virtute bellicâ & consilio præclara eduntur multa, ciuitas obsidetur, deditio nem iam cogitat, cum eruptione Hectoris Agamemnon interficitur; miles subinde quâ necatur, quâ in potestatem Troianorum venit, quâ in Græciam inglorius redit. In quæstione est; fueritne Græcorum iste conatus licet for-

Q ij

titudinis & consilij plenissimus, materia Epopœiæ digna. minimè sanè quidem duplici de causâ. Alterâ, quia primaria actio ex præceptis Aristotelicis debet esse tota; alterâ, quia ex eiusdem edicto debet esse illustris. Hæc verò utrâque laude caret. non enim tota est, quæ præcipuâ suâ parte mutila est; neque illustris, quæ exitu felici caret. At conatus fortis fuit, at consilij abundans. Nul-  
lus inficior, ad Epicum tamen carmen ineptam pronuncio actionem illam: tum quia ut iam monui ex Aristotele actio epica tota esse debet, atque illustris; tum quia Epopœia scribitur, & celebratur, ut viri principes ad facinus aliquod simile inflammentur: Non inflammat verò conatus iste, sed retardat. Torquatum ipsum appello, apud quem his verbis loquitur Godofredus cantu primo.

## X X I I.

*Già non lasciammo i dolci pegni, e'l nido  
Natiuo noi, (se'l creder mio non erra)  
Nè la vita esponemmo al mare infido,  
Et à i perigli di lontana guerra,  
Per acquistar di breue suono un grido  
Volgare, e posseder barbara terra,  
Che proposto ci hauremmo angusto, e scarso*



*Premio, e in danno de l'alme il sangue sparso.*

## XXIII.

*Ma fù de' pensier nostri ultimo segno  
Espugnar di sion le nobil mura;  
Et sottrare i Christiani al giogo indegno  
Di seruitù così spiacente, e dura;  
Fondando in Palestina un nouo regno,  
Ou' habbia la pietà sede sicura:  
Nè sia chi neghi à peregrin deuoto  
D'adorar la gran tomba, e sciorre il voto.*

## XXIV.

*Dunque il fatto sin' hora al rischio è molto;  
Più che molto al trauaglio, à l'honor poco,  
Nulla al disegno, oue ò sì fermi, ò volto  
Sia l'impeto de l'armi in altro loco, &c.*

Audior hinc ego: periculorum (inquit) abunde est, laborum etiam superest: quod verò sit ad gloriam, actum esse admodum nihil. quid ita? eximia enim quædam facinora ediderant. Persas, & (ut loquitur Torquatus) Turcas contuderant, Antiochiam vi ceperant, cui Boëmundus præerat; hæc quæ per se magna sunt, fiunt nihili à Godofredo. quamobrem? quia quæ edita fuerant, illa erant *nulla al disegno*, ad propositum finem nihil attinebant. At quis Tassi sensus foret, aut quid tandem

Q iij

diceret; si aut in seruitutem redactus, aut dissipatus, aut enectus fuisset miles? iam non diceret, eâ in actione, gloriæ esse parum, sed quereretur ignominia esse plurimum.

Hic etiam lis moueri potest altera, nihilo facilior: Cùm in expeditione illâ Græcorum, Tenedos vrbs, &

*Insula diues opum Priami dum regna manebāt,*  
capta fuerit, possitne Tenedi *ἀλωσις* Epopœiæ materiam, siue argumentum sufficere, etiamsi deinde Græci à Troia repulsi, & à Troianis victi, atque exuti illâ insulâ in Græciam inglorij redire compulsi fuissent. Certè abhorret natura Epopœiæ, & repugnant exempla omnium poëtarum. Nam & Regnum Italiæ Æneæ asseritur; & Ithaca suo restituitur Vlyssi: & Troia capitur ex victoriâ Achillis; & Regnum Hierosolymitanum in potestatem Godofredi venit. Verat etiam Tassus. nam Godofredus exercitum, qui profligatis Turcis, & Persis, atque captâ Antiochiâ gloriæ putabat satisfacisse suæ, his verbis increpat cantu I. XXVI.

*Turchi, Persi, Antiochia, ( illustri sono,  
Et di nome magnifico, & di cose )  
Opere nostra non già, ma del ciel dono*



*Furo, e vittorie in ver mrauigliose.  
 Hor, se da noi riuolte, & torte sono  
 Contra quel fin, che'l donator dispoſe  
 Temo ce n' priui; & fauola à le genti  
 Quel sì chiaro rimbombo al fin diuenti.*

## X X V I I.

*Ah, non ſia alcun, per Dio, che sì graditi  
 Doni in uſo sì reo perda, e diffonda.  
 Aquei, che ſono alti principij orditi  
 Di tutta l'opra il filo e'l fin riſponda.*

En neque Perſarum, aut Turcarum clade,  
 aut Antiochiâ captâ conquieſcit; En quoties  
 finis expeditionis meminit; metuit etiam fa-  
 bula fieri, quid ita? quia non eo fine ſuſcepta  
 expeditio erat; & quia neceſſe eſt, vt

*Di tutta l'opra il filo e'l fin riſponda.*

Ratio etiam grauis prohibet. nam in animis le-  
 gentium id ſemper hæreret, à fine propoſito  
 abeſſe imperatorem, ac proinde gloriâ legiti-  
 mâ carere, quæ à fine petitur. Deinde vique  
 recurreret in memoriam clades, quæ ſequuta  
 eſt. Propter enim rei magnitudinem nexu  
 quodam, & illigatione tam arctâ hæc duo  
 committuntur; vt alterum, ſine altero in men-  
 tem non veniat. Eſſetne aliquis ingenio  
 tam hebes, qui Tenedi captæ meminifſet, &

idem non recordaretur cladis Græcorum, quâ à Troianis victi, in Græciam rediissent inhonestè? Effetne aliquis qui expeditionem eiusmodi viro principi in exemplum gloriæ proponeret, cuius exitus, & finis cum dedecori, tum damno fuerit? Enimuerò si quis imperatorem fortissimum ab expeditione Asiaticâ deterrere cuperet, nihil certè potius deberet habere, aut etiam appositè magis posset adducere; quàm exitus eorum, qui cum virtute bellicâ præstarent, & ab exercitu essent paratissimi, tamen amissis copiis cum dedecore fuissent repulsi. Neque est quidquam rei, cur Achilles nobis opponatur, quem Paris ante excidium Troiæ interfecerit, ac proinde cuius exitus infelix fuerit. Eam enim rem si quis istarum rerum peritus rectâ putarit viâ, statuet Epocæiam non viri esse imitationem, sed actionis, quod apertè & ἀπαμειβόμενος quæst. quartâ ostendimus. Ac proinde, si actio integra, si perfecta fuerit, laudis illa nullius indigebit. At in heroë felicitatem vsquequaque etiam post actionem poëmatidis primariam nemo desideret, cum Heroïum nulli aut certè perpauca felices exitus nacti fuerint. Vt reliquos taceam, & eos tantùm appellem qui ab Epicis poëtis



poëtis celebrati sunt. Godofredus aliquot post Hierosolymam captam annis in prælio ita evanuit; vt præter nomen, & memoriam nihil è tanto viro reliquum fuerit. Quàm infelicer Pompeius, & Cæsar vitam clauferint, & Achilles ille Homericus, nemo ignorat: quid? Erunt nobis Homerus, Lucanus, Tassus eâ causâ obiurgandi. Nequaquam. Acti- nem enim totam & illustrem ornarunt mirificè. At, si actio quæ à poëtâ suscipitur ornanda, aut ipsa *τελειότητος* experts sit, & totalitate non gaudeat, aut fuerit ea pars necessariò coniuncta cum maiori actione, quæ factè exierit, qualem in exemplum huc attulimus, ea certè digna non est, quæ Epopœiæ seruiat. Capillos hominis laudas & coloris, & nitoris gratiâ; at is totâ vrbe famosus est oculorum prauitate; si quid video, illum non laudas, sed nobilitas turpitudine.

Næ isthic Venusinus poëta *callidus excusso* *populum suspendere naso*, dicat appositè:

— *Hunc ego me, si quid componere curem,*  
*Non magis esse velim, quàm prauo viuere*  
*naso.*

Hæc à me quidem certò constituta sunt de actione profanâ; de actione verò Christianâ

R

130 DISSERT. PARS I. DE MAT. EPOP.

meritò potest ambigi. Etenim externi illi homines, & à vera religione alieni, finem non habent alium ab eâ gloriâ, quæ ex hominum opinione colligitur, quâ cum excidunt, omni gloriâ careant, necesse est, quæ tota à fine suam ducit dignitatem. At Christiani cum popularum illam auram, & inanis gloriolæ rumusculos contemnunt; tum in vnam virtutis honestatem, & Dei O. M. cultum intenti, præclarâ cum laude munus defunguntur suum, quando certo animi consilio, pietate, atque constantiâ ad eximium aliquod facinus aggrediuntur, licet ad exitum absque vllâ culpâ suâ illud non perducant.







DISSERTATIONIS  
PARS SECVNDA.  
DE FORMA EPOPOEIAE.

EPOPOEIAE subiecimus actionem tanquam materiam : nunc ut ratio doctrinae sibi cohæreat , de formâ inceptemus disputare.

QVÆSTIO PRIMA.  
De Fabula.

- I. Ordo huius secundæ partis. II. Variæ potestates huius vocis, fabula. III. Definitio fabulae epicæ explicatur. IV. Fabula est anima poematis. Sex rationes, cur id sit. Lucanus non est poëta epicus. V. Fabulam constituere qui velit, eius primæ partes sunt ; ut actionem Episodiis, & nominibus propriis spoliât. VI. Odyssea argumentum ex Placitis Aristotelis absque nominibus ; deinde cum nominibus ; Postremò cum Episodiis. VII. Iliadis argumentum ad imitationem Odyssea. VIII.

R ij

*Aeneidos argumentum simili arte compositum. IX. Godofredi, sine Hierosolymæ liberata argumentum ex iisdem praeceptis. X. Religionis, sine Constantiniados argumentum ex iisdem regulis. XI. Rationes quamobrem actio suo ornatu spoliari debeat.*

I.



IC erit ordo partis huius secundæ. Cùm Epopœiæ subiecta materia sit actio, & Epopœiæ eiusdem forma sit ornatu actionis, eò adducimur,

ut explicatâ actione, de ornatu disputemus. Ornatus verò omnis à formâ petitur, ut docent Physici. Nam materia de se informis est, & inops. Formam cum materiâ ita comparavit Aristoteles I. Phys. cap. ult. *ὡς περ αὖ ἐν τῇ φύσει τῆς ἀρρήτου, καὶ ἀκατάσκευαστου*. At ornatus ille Epopœiæ ex quatuor veluti partibus coalescit: fabulâ, quæ est substructio, & compositio actionis; tum moribus; deinde sententiâ; postremò dictione; ex quibus quatuor forma Epopœiæ componitur. De iis itaque sigillatim hac parte alterâ nobis disputandum est.

Aristoteles partes Tragoediæ formales, & ut ipse loquitur, secundum quæ *ποιεῖ λέγει*



ἡ τραγωδία, sex enumerat: fabulam, mores, dictionem, sententiam, apparatus, & melopœiam. Ἀρχὴ οὐκ πάσης τραγωδίας μέρη εἶναι ἐξ, καὶ ἀποία τίς ἐστὶν ἡ τραγωδία. Ταῦτα δὲ ἐστὶ μῦθος, καὶ ἥθνη, καὶ λέξεις, καὶ δόξα, καὶ ὄψις, καὶ μελοποιία. Ex quibus, quæ primæ sunt quatuor, etiam Epopœiæ congruunt; duæ verò ultimæ minimè. Præterea, inquit capite XXIV. Epopœia iisdem partibus εἰδικαῖς gaudet cum Tragoediâ. & continuò excipit melopœiam, & apparatus. ἔτι δὲ εἶδεν ταῦτα δεῖν ἔχειν πλὴν ἐπιποιῶν τῇ τραγωδίᾳ, &c. Partes itaque Epopœiæ εἰδικοὶ sunt illæ quatuor, quæ iam recensitæ sunt.

De primâ disputemus. Fabulæ nomen multiplicis est significationis.

Prima esto. Vt fabula sit sermo fictitijs, qui rem alteram apertè, alteram dissimulante significet. In fabulis Æsopicis est id illustre; quippe quæ à brutarum animantium ingenijs, & consuetudine hominum mores, & instituta notent. In eam partem nomen fabulæ accepit Aristoteles sect. XIX. probl. III. ὅτι τὰ εἰρησώματα, καὶ οἱ μῦθοι ὅμοιον δεικνύουσι.

Tum fabula ab Aristotele nonnumquam κατὰ χρῆσιν usurpatur pro actione ipsâ, quam statuimus esse Epopœiæ materiam.

R iij

Deinde fabulæ notio est pro toto poëmate epico, siue scenico. Fabularum siquidem aliæ dicuntur palliatæ, aliæ togatæ. Græcæ illæ, quia Græci pallio amiciebantur: hæ Romanæ, quòd Romani togati essent.

Denique fabulæ nomen datum est constitutioni, & substructioni actionis primariæ: nam cùm actio ipsa ut plurimum rudis sit, & indigesta, componi debet; quæ compositio, fabula dicitur Aristoteli, ut mox dicemus; atque hæc est fabulæ significatio, de quâ hîc *κωμικὴς* & *ιδιῶς* ambigitur.

II. A C primò quidem Philosophus pronunciat cap. VI. fabulam esse imitationem actionis, tamen quia id perplexè dictum fuerat, addidit illico. Dico autem fabulam esse compositionem rerum. *Εστὶ δὲ τῆς ποικίλης ὁ μῦθος μίμησις. Λέγω γὰρ τὸν μῦθον τὸ τοιοῦτον συνέσθαι τῶν πραγμάτων.* Et capite VII. ubi monuit iterum fabulam esse compositionem rerum, attexuit statim: *Ἐπειδὴ γὰρ τὸ τοιοῦτον, καὶ μέγιστον τῆς τραγωδίας ἐστίν.* *Quandoquidem fabula, primas in tragœdia* (idem censeretur de Epopœiâ, ut iam sæpè ex eodem Philosopho docuimus) *tenet.*

III. D E M V M fabula tanti est apud Aristotelem, ut illam tragœdiæ caput, & animam



dixerit. Ἀρχὴ ἡδὲ οὐδ' ἔστιν ψυχὴ ὁ μῦθος τῆς τραγωδίας.  
 ca. VI. Quemadmodum enim corpus, à quo se-  
 gregatus est animus, cadaver est informe, in-  
 ers, & caducum; atque hoc ipsum, si animum  
 reddideris, erit formosum, atque vegetum: Ita  
 actio sine fabulâ informis est, & emortua quo-  
 dāmodo; vt accesserit fabula, pulchritudinem  
 induit. Actio igitur est Heroïs; fabula verò  
 est poëtæ. Id vide in exemplo. Vlysses deletis  
 procis, coniugem, & bona recipit, ca est  
 actio. Homerus, id quod ab Vlyssæ gestum  
 est, certo ordine distinctum comprehendit,  
 hæc est fabula. Sine fabulâ itaque non erit  
 poëma epicum: Eâ de re Lucanus in poëtis  
 non est, cui, vt cum Philosopho loquar, ἐντέ-  
 λε-  
 χος, & ψυχὴ desit. Seruio auctore in primum  
*Æneïdos* id audeo. *Lucanus* (inquit) *ideo in*  
*numero poëtarum esse non meruit, quia videtur*  
*historiam composuisse, non poëma.* Seruio suf-  
 fragatur totidem verbis Isidorus lib. VIII. ori-  
 gin. cap. VII. nec non & alij non pauci. At  
 eâ de re iam disputatum est priori parte quæst.  
 VI. Nunc, quod est in Philosophi officio ma-  
 ximè, vestigemus, quid causæ fuit, cur fabu-  
 lam reliquis omnibus partibus anteposuerit  
 Aristoteles, illamque appellauerit ψῆλον, id

est, animam poëmatís.

IV. RATIONES à Philosopho sunt multæ.

Prima. Quia fabula est ipsa actio culta & ornata, ac proinde nudâ actione præstantius aliquid, atque melius. In actione verò est felicitas, & beatitudo, nihil autem melius beatitudine, quæ finis est. nihil itaque præstantius erit fabulâ, non mores, non sententia, non elocutio. Atque hæc ratio à nobis supra explicata est. Alterius rationis, quæ est prioris appendix, vis est. Actio non est morum gratiâ, sed mores actionis causâ; igitur actio præstat moribus: οὐκ ἔστιν (inquit) ὅπως τὰ ἥθη μιμήσονται, ἀλλὰ τὰ ἥθη παροτρυνέουσιν ἀφ' ὧν τὰ καλὰ ἐκείνη. Tertia ratio. Tragoedia absque actione nequit consistere, potest autem sine moribus.

*Nupera enim tragœdia morata non sunt, & uniuersè poëta non pauci mores nullos expriment.* αἱ γὰρ τῶν νέων τῶν πλείων ἀήθες τραγωδίαί εἰσι, καὶ ὅλως ποιηταὶ πολλοὶ ποιῶσι. Actio igitur est magis οὐσιώδης quàm mores. Quî autem fieri possit tragœdia, vel poëma sine moribus, quæretur postea. Quarta ab eodem Philosopho ratio est. Siquis bene moratam orationem, sententiis grauem, & elegantem dictione scripserit, is quod primum est in poëmate non attigit.

Nam



Nam imprimis (inquit) requiritur *μῦθος*, ἢ *πύσις* ἢ *παραμύθιον*, id est, *fabula*, & *constitutio rerum*; in secundis verò mores, sententiæ, dictio. Quinta ratio. Maximè capiuntur animi Peripetiis, & Agnitionibus; at Peripetiæ, & Agnitiones sunt partes fabulæ. Fabula itaque potior. Περὶ τούτοις, inquit, τὰ μέγιστα οἷς ψυχαγωγεῖ ἡ τραγῳδία τῷ μῦθῳ μέρη ὄντι, αἱ τε *περίπτειαι*, καὶ *ἀγνώσεις*. Sexta ratio petitur ab experientiâ; quia è veteribus poëtis, qui sunt alicuius nominis, primò fabulam constituerunt, tum mores, & sententias, atque elocutionem. οἷον καὶ οἱ ἀρχαῖοι ποιηταὶ ἀπαυτεῖς, &c. Denique comparatione id suadet. Nam ut colores etiam exquisiti, si temerè sparsi sint, atque fusi, minùs placent; quàm vnus solus, qui figuram aliquam, & imaginem expresserit: ita sine moribus illis, & sententiis placebit magis fabula, quæ actionem rectè constituat. Quamobrem ex iis rationibus concludit. Ἀρχὴ μὲν οὖν, καὶ οἷον ψυχὴ ὁ μῦθος τῆς τραγῳδίας. Est igitur præcipua pars, & velut anima Tragicæ (ac proinde & Epopœiæ) fabula. Quid verò sint Mores, quid Sententia, quid Dictio, quid Peripetia, & Agnitio subinde quæremus.

v. QVI ad fabulam fingendam, & ornandam

S

dam poëta debeat accedere, instituit docere Aristoteles cap. XVII. Primò iubet, vt actionem habeat animo probè, & distinctè comprehensam; erit verò illud, si eam Episodiis, & nominibus propriis spoliata spectauerit; tum vt addat nomina, quæ personarum & moribus, & officiis congruant; deinde vt Episodiis, & reliquis ornamentis, & apparatu poëtico actionem cohonestet. Postremæ curæ erunt in eloquutione, & dictione. Ait igitur.

ποιεῖτε λόγους ποιεῖτε ποιημένοις δὲ καὶ αὐτὸν ποιῶντα ἐκλήθεσθαι καὶ ὅλον, εἴη οὕτως ἐπισσοιοῦν. Id est, *Actiones ipsas oportet, & poëtam exponere in vniuersum, & deinde per episodia illas exornare.*

Vis est, & cautio in hac voce καὶ ὅλου vniuersè. Sunt enim tales, si abstrahunt à singularibus (vt docetur

ab eodem ἐν τοῖς ὑπερώϊοις). Eandem præceptionem tradit explicatiùs subinde. Μετὰ δὲ ταῦτα ἡ δὲ ἡ ποιεῖν ταῦτα ὁ νόμος ἐπισσοιοῦν οὕτως ὃ ἔσται οἰκεία ἐπεὶ περὶ διασχεπτῶν. Meritus est quàm optimè de nobis hîc

Aristoteles, qui non tantùm præcepto id edixerit; sed etiam exemplo illustrarit luculento.

Actionem enim Odyssææ puram, & omni illâ pompâ nudam nobis spectandam obiecit: eam nos deinde altero exemplo ex eius præceptis instruemus nominibus; & tertio adhibitis Epi-



sodiis ornabimus; ne quid lucis in re hæcenus  
perobscurâ desiderari queat. Atque in gratiam  
poëtarum Epicorum, Iliadis, Æneidis, Hiero-  
solymæ Torquati, & eius poëmatis quod nos  
meditamur, argumenta simili arte produce-  
mus.

VI. Vestigium Odysseæ ab Aristotele sine E-  
pifodiis, & nominibus, ex capite XVII.  
de re poëtica.

*QVIDAM peregrè profectus, & classe, ac sociis  
per varia naufragia exutus, multos annos aberat  
domo. Interim non tantum illi res domestica à  
procis, qui coniugis ipsius nuptias ambibant,  
decoquebat; sed etiam eius filius petebatur insi-  
diis. Is autem post victas multiplices iniquissi-  
mi maris tempestates, tandem patriæ redditus  
procos ex insidiis occupat, & interficit. Addit  
Aristoteles τὸ μὲν οὖν ἴδιον τῆς ὁδοῦ, τὰ δ' ἄλλα ἐπεισόδια.  
Id est, hæc propria sunt Odysseæ; reliqua in Epi-  
fodiis numerari debent.*

*Alterum argumentum Odysseæ cum nomi-  
bus & sine Epifodiis ex eiusdem  
Aristotelis præceptis.*

REX Ithacæ Vlysses cum reliquis Græciæ  
S ij

principibus viris in expeditionem Iliacam exierat. In reditu per varia naufragia classe, & sociis exutus præter decem illos annos, quibus ad Troiam pugnatum est, decem alios errabat miserè. Interim non tantùm illi res domestica à procis, qui Penelopes eius coniugis nuptias ambibant, decoquebat; sed etiam Telemachus eius filius petebatur insidiis. Is autem post victas multiplices iniquissimi maris tempestates, tandem Ithacæ redditus, procos ex insidiis occupat, & interficit.

*Tertium argumentum Odysseæ cum nominibus  
& Episodiis ex Homero.*

VLYSSES impatienter desiderium ferebat, quo Ithacæ patriæ, coniugis Penelopes, & filij Telemachi flagrabat; à Calypso tamen Nymphâ Marinâ, vi, & necessitate, quando gratiâ, & blanditiis non poterat, multos annos retinebatur. Habetur interim apud superos deorum concilium. Minerua sapientissimi hominis æumnas in auribus omnium ponit. Illius reuocandi prouinciam Iupiter summâ omnium consensione, præterquam Neptuni, qui Æthiopum causâ aberat, eidem Palladi detulit. Mox illa in Ithacam deuolat,



& personâ Taphij Regis indutâ , auctor est Telemacho , vt à Nestore & Menelao de patre percontetur. Telemachus deâ præsentiâ erectior procos domo paternâ exturbare nequidquam conatus, naue conscensâ Pylum ad Nestorem contendit. Amanter ab illo exceptus de Græcorum reditu audit bene multa, de patre admodum nihil. Illinc pergit ad Menelaum cum Pisistrato Nestoris filio. Hic cum multa tristitia sanè quidem docetur, tum imprimis Vlysses desiderio patriæ, coniugis, & filij tabescentem à Calypso eius amore perditè captâ, prohiberi reditu. Iterum apud frequentem deorum senatum Vlyssis misérias, Telemachi labores, & impotentem procorum libidinem defert Minerua. Mercurius ad Calypso legatur, quæ auctoritatem non ausa defugere, tandem ægrè dimittit. Nauigabat Vlysses feliciter, cum tempestate foedâ à Neptuno immissâ evertitur naue. Nando ad Phæacum littus appellit. Naufragum excipit Alcinous Phæaciæ rex, domo, hortis illis celeberrimis, conuiuio, & ludis. Inter epulas Vlysses exoratus, quis ipse sit docet: tum vt expugnato Ilio, cum Ciconibus bellum gesserit; vt in Polyphemi antrum, & potestatem

S iij

venerit; vt ab Æolo ventos in vtre[m] ifcuslon multâ prece extulerit. Narrat etiam Læstrigonom sæuitiem, & suum ad Ææam insulam appulsum; tum vt socios à Circe in sues vi magicâ mutatos ope Mercurij receperit; Deinde suum ad inferos descensum ex imperio Circes; nec non quibus illic occurrerit, Tiresiæ imprimis, tum Heroïbus, & Heroïnis, exponit. Addit de suo ad Circem reditu, postea quâ arte Sirenum cantus eluserit; quî præternauigauerit Scyllam, & Charybdim; & vt fociis propter cæsa solis armenta naufragio amissis, solus ad Calypso in Ogygiam insulam appulerit. Hic finem narrandi facit Vlysses, quem multis auctum donis in patriam dimittit Alcinous. Cautè Vlysses ad Eumæum seruum iam inde à puero sibi additissimum ruri commorantem diuertit, à quo multa de re domesticâ, de coniuge, de filio, & procis docetur. Interea Telemachus Spartâ in Ithacam insulam reuenit; neque ipse primò in urbem cogitat; sed ad eundem Eumæum, quem de matre, deque procis percontatus in urbem præmittit. Occasione captâ Vlysses se filio manifestat, quicum de procorum cæde hoc consilij capit. Telemachus prior venit in urbem.



Mox sequitur Vlyſſes, & mendici habitu procos recognoscit, altero deinde die illos sub noctem inter epulas intercipit, & necat. Antelucanâ fugâ ſequenti die, cum filio ad patrem Laërtem, qui tum in agro habitabat, ſe recipit. Procorum affines tantâ acceptâ clade in Vlyſſem, & Telemachum armati irruunt; quorum impetum illi cum operis, & ſeruitio ſuſtinere parant. Prælium dirimit Minerua, & ab alienatas voluntates ad concordiam traducit.

VII. *Iliadis argumentum ſine nominibus,  
& Epifodiis.*

VIR in exercitu princeps, & animi atque corporis robore præſtantiffimus, inſigni contumeliâ ab imperatore acceptâ, præ irâ bello abſtinet. Mox retro fluere res imperatoris, & fortiffimus quiſque ab hoſtibus, aut perimi, aut vulnerari; diſceſſio ipſa, & fuga parari. Precibus ille, aut etiam muneribus nihil commouetur. Forte qui ſummus erat illi, ab hoſtibus in prælio concidit. Amici itaque morte atque commiſeratione commotus iterum arma induit, inclinatam rem, ac tantùm non perditam reſtituit; atque hoſtes vlcifcitur grauiffimè. Cætera ſunt in Epifodiis.

*Iliadis aliud argumentum cum nominibus , &  
sine Episodiis.*

ACHILLI viro principi , atque fortissimo Agamemnon Græci exercitus imperator puellam Briseidem per summam contumeliam abstraxerat. Ille præ irâ bello abstinet. extemplò res Agamemnonis retro , & pessum ire , fortissimus quisque Græcorum , aut perimi , aut vulnerari. Precibus Achilles nihilominus aut muneribus nihil commouetur. Inter ea qui Achilli summus erat Patroclus in prælio ab Hectore duce Troianorum occiditur. huius misericordiâ Achilles iterum arma induit , inclinatam Græcorum rem restituit , Troianos interfecto Hectore vlciscitur sanè quàm grauitè.

VIII. *Æneidos argumentum absque nominibus  
& Episodiis.*

QVIDAM incensâ ab hostibus patriâ cum aliquot popularibus eam in regionem cogitat , e quâ oriundi essent maiores eius. post multos terrâ , marique exhaustos labores tandem illuc peruenit. Accipitur amicè à Dynastâ loci , & in generum asciscitur. ægrè id tulit



tulit, vicini cuiusdam regis filius, qui iamdu-  
dum nuptias illas ambibat. Graue inter riuales  
bellum oritur. Pugnatum est sæpe, & atroci-  
ter. Victor tandem extorris ille virgine, & re-  
gno potitus est. Reliqua sunt in episodiis.

*Æneïdos argumentum cum nominibus, sed sine  
Episodiis.*

ÆNEAS incensâ à Græcis Troiâ cum reli-  
quiis tanti populi mare conscendit: Italiam, è  
quâ maiores eius oriundi essent, cogitat. Post  
varios terrâ, marique exhaustos labores ad  
oram Italicam appellit. Accipitur humaniter  
à Latino, qui tum Latio imperabat, & in ge-  
nerum asciscitur. Ægrè imprimis id tulit Tur-  
nus Dauni Rutulorum regis filius, qui iampri-  
dem nuptias illas ambibat. Graue inter riu-  
ales bellum oritur. Pugnatum est sæpe, & atro-  
citer. Victor tandem Æneas virgine, & re-  
gno potitus est.

IX. *Gothofredi siue Hierosolyma liberata argu-  
mentum, sine nominibus, & Episodiis.*

ALIQUOT viri principes societatem bel-  
li pro religione, ac pietate inierant; rem  
gesserant utcunque, eorum tamen conatibus

T

obstabat maximè ἀρχα. Vnusquisque enim dum sibi studet, rei officit publicæ. Supererat belli totius caput, vrbs primaria, & hostium arx quodammodo. Communibus itaque illi sententiis, rei gerendæ vnum ex omnibus aliquem præficiunt. Is sapientiâ, & fortitudine præstantissimus, urbem obsidet, capit, & deletâ impietate, sanctitatem religionis, atque morum instaurat. Cætera sunt in Episodiis.

*Gothofredi siue Hierosolyma liberata aliud argumentum, cum nominibus, & sine Episodiis.*

PRINCIPES Christiani, atque imprimis Galli societatem belli pro religione, ac pietate Christianâ contra Mahometanos iniiciunt. Rem in Græciâ & Asiâ gesserant utcunque; eorum conatibus vna obstabat maximè ἀρχα. Vnusquisque enim sibi dum studet, rei officit publicæ. Adhuc Hierosolyma, cuius maximè causâ expeditio suscepta erat, à barbaris tenebatur: neque illius capiendæ in tantâ animorum dissensione spes erat. Communibus itaque sententiis Gothofredo Bullonio duci summa rei bellicę defertur. Is prouinciam accipit, urbem obsidet, ac capit; deletaque



Mahometanâ impietate, Christi cultum instaurat.

X. *Religionis sue Constantiniados argumentum  
sine nominibus, & Episodiis.*

VIR quidam princeps, pius in paucis, & rei bellicæ sciens, impotentissimo tyranno, qui nullâ habitâ sexus, aut ætatis ratione, in omnes, qui pietati studerent, sæuiebat, bellum indicit. Illum terrâ marique profligatum necat: & impietate extinctâ Religionem, ac pietatem coli iubet sanctissimè. Cætera sunt in Episodiis.

*Religionis sue Constantiniados argumentum,  
cum nominibus & sine Episodiis.*

CONSTANTINVS Imperator pius in paucis, & rei bellicæ sciens Licinio Tyranno impotentissimo, qui nullâ habitâ sexus, aut ætatis ratione in Christianos omnes sæuiebat, bellum indicit. Illum terrâ, marique profligatum necat. Et impietate extinctâ sanctitatem Christianam vbique gentium coli iubet sanctissimè.

Et si Aristoteles rationem non attulerit, cur actionem suo omni mundo, atque or-

T ij

natu spoliauerit; ea tamen ipsa satis se prodit. Nam Poëta vacuus à perturbationibus cùm amoris, tum odij æquius partes personis distribuet, deque Episodiis constituet sapientius. Id peccauit de se Tassus, dum enim studet popularibus suis Reginaldo, & Tancredo: iniquior fuit Gothofredo, qui summus illi esse debuerat, vt suprâ disputauimus.

Huic quæstioni finem ponere religio est, antequam de significatione ambigua præceptionis Aristotelicæ constituero. Vbi pronuntiauit Philosophus cap. X V I I. Episodia in dramatibus breuia, atque concisa esse debere, adiecit. Η ἡ ἐποποιία πύτοις μικρότεται. τῆς γὰρ Οδυσσεύς μακρὸς λόγος ἔστιν. Id est. *At Epopœia per Episodia excurrit longè latèque. Nam Odyssea longus est sermo.* Retinentes sunt quidam huius vocis μακρὸς, & imprimis Pacius, Riccobonus, alii-que non pauci. Quam opinionem suam confirmant, ex priori textu: quî (inquiunt) Epopœia ostenderetur esse longa ab Aristotele ex Odyssea, si eius λόγος μικρὸς sermo brevis foret. Ego verò, quod pace istorum fiat, assentior aliis, quibus legitur μικρὸς λόγος, vt præceptioni Aristotelicæ hæc vis fuerit. In dramatibus episodia breuia sunt, in Epopœiâ longio-



ra. quod manifestum est in *Odyssæâ* quæ longa est, cum tamen eius actio siue λόγος brevis sit admodum. quare magnitudo illi accreuit per episodica illa longiora. Huic sententiæ conciliatus sum hac ratione. Hoc ipso capite actiones appellavit λόγος, ut iam asseruimus; quamobrem & hîc actio appellata est λόγος. quî autem actionem longam diceret, & in exemplum afferret actionem *Odyssææ*, quam breuissimam esse ostendit, ut pote quam quinque, vel sex lineis comprehendit. Confirmatur hæc sententia ex textu Aristotelico, qui alius esse non potest sine vi. Verba sunt. *Ἡ δ' ἐκποίησις τοῦτοις μὴκύνεται. τῆς γὰρ Ὀδυσσεύς μικρὸς λόγος ἔστιν.* Cum antè dixisset Tragœdiam breuiorem esse, & Epopœiam longiorem; rationem affert, quia *Epopœia* πύκνις, *Episodiis* scilicet extenditur, nam *Odyssæa* λόγος (id est actio) brevis est.

---

QVÆSTIO ALTERA.

De fabulæ Compositione.

- I. *Status questionis.* II. *Aristotelis eâ de re præceptum.* III. *Horatius, Macrobius, Vida, Scaliger, & alij pro ordine perturbato.* IV. *Rationes eorum.* V. *Aristoteles & eius in-*

T iij

*interpretes pro recto & naturali ordine. VI. Rationes istorum. VII. Rationes à nobis pro eadem sententiâ. VIII. Homerus, & Virgilius sequuti sunt ordinem naturalem. IX. Respondetur rationibus aduersariorum. X. Quid inter Historicum, & Poëtam intersit.*

I. **Q**VANDO eius, qui ad fabulam instruendam animum applicat, primus conatus esse debet; ut actionem ab omnibus episodis, & nominibus spoliet, ac diligenter inspiciat: æquum est à nobis nunc quæri, unde is initium ducere, ubi finem ponere consultò possit. Hæc quæstio à primis vsque temporibus ad hanc ætatem nostram, magno tum strepitu, tum ambitu deducta, merito sanè suo, sapientes omnes mirificè habuit sollicitos. Mentis enim opus, ordo; amentia, perturbatio.

Status quæstionis est. Quoniam Actio magnitudine suâ pollere debet, ac proinde initio, tum medio, ac demùm fine constare; sitne necessarium ut fabulam, siue Epopœiam poëta ordiatur ab ineunte Actione, & cum exeunte finem faciat: Veluti si reditus Vlyssis celebrandus sit; num poëta lege teneatur



aliquâ , ab excidio Troiano initium ducere; & Vlyffem variis illis erroribus, quo ordine contigêre , perfunctum, Ithacam deducere; an illi fit integrum pro arbitratu suo à mediis, aut postremis auspicari; & prima illa attemperatè, & in tempore, atque loco producere. Aliis itidem verbis status quæstionis concipi solet. Vtrum in poëmate ordo naturalis, an artificialis feruari debeat.

II. Hîc sub initia, quod nobis solemne est, Aristotelis doctrina exponi debet. Is edicit quàm seuerè, illum, qui fabulam eleganter instituire velit, temerè ordiri non oportere, *Δὲ ἄρα πρὶς σωφρονισμοῦ μύθοις, μὴδ' ὁπότεν ἔτυχεν ἀρχεσθαι, μὴδ' ὅπου ἔτυχεν πελιδνᾶν.* quid igitur? iis ( inquit ) præceptis quæ tradita sunt, accuratè inhærendum est, *ἀλλὰ κεχρησθαι τοῖς εἰρηνοφύταις ἰδίαις.* Præcepta verò illa, & placita, eodem capite hæc traduntur. Primùm quidem Actionem, & magnam debere esse, & totam. Deinde, Totum, quod itidem magnum est, ( nam totum est aliquod, cui magnitudo desit ) constare principio, medio, & fine. Principium ( inquit ) est id, præ quo nihil est, & secundùm quod est, aut fit aliquid. Finem verò contrà esse id, quod ex naturâ suâ aut est, aut fit se-

cundum aliud, cum secundum ipsum nihil sit, aut fiat. Medium autem est id quod est secundum aliud, & præ aliquo, ut à nobis priori quæstione disputatum est. Partes itaque Actionis esse principium, medium & finem iubet Philosophus, demum profert id edicti, quod initio adduximus, Δὲ ἄρα πρὸς πρῶτον &c. nempe illum ordinem ab Epico poetâ in fabulâ retinendum esse, ut fabula siue poema ab incunte Actione incipiat, continetur, & desinat cum eadem. Hæc explicatio nostra est eiusmodi; ut ab illâ interpretum Aristotelis nullus discedat. Atque adeò, quibus placet Æneïdis, & Odysseæ actionem perturbatè narratam esse, volunt iidem illis malè cum edicto Aristotelico congruere.

Audientiam, quam sibi fieri utraque pars flagitat, dari æquum est.

III. AC primò quidem conceptis verbis Horatius vetat poetam initium sumere à principio Actionis. Nam & Antimacho id vertit vitio, & Homerum laudat, qui secus fecisset, Ait itaque:

*Nec redivitum Diomedis ab interitu Meleagri,  
Nec gemino bellum Troianum orditur ab ovo,  
Semper ad euentum festinat, & in medias res  
Non*



*Non secus, ac notas auditorem rapit.*

Horatio suffragatur Macrobius VIII. Saturnal. qui auctoritatem suam tuetur Homeri, & Virgilij facto. Conceptis verbis sic loquitur. *Nec illud cum magnâ curâ relaturus sum, licet (ut existimo non omnibus observatum) quod cum primo versu promississet producturum se de Troia littoribus Aneam.*

*Troia qui primus ab oris  
Italiam fato profugus, Lavinâque venit  
Littora.*

*Ubi ad ianuam narrandi venit, Anea classem  
non de Troiâ, sed de Sicilia producit.*

*Vix è conspectu Sicula telluris in altum  
Vela dabant leti &c.*

quod totum Homericis filis intexuit. Ipse enim vitans in poemate Historicorum similitudinem, quibus lex est incipere ab initio rerum, & continuatam narrationem ad finem usque perducere, ipse poëticâ disciplinâ à rerum medio cœpit, & ad initium reuersus est, &c.

Accedit & Cicero in Epist. ad Atticum qui ὁμοιωτικὴν Homerikum vsurpat. In eam sententiam concessit Vida eleganter his verbis in poëticâ.

*Haud sapiens quisquam annales ceu congerat Ili,*

*Inchoat excidium veteris pastoris ab usque  
Iudicio, memorans ex ordine singula, quidquid  
Ad Troiam Argolicis cessatum est Hectore duro.  
Conueniet potius prope finem praelia tanta  
Ordiri, atque graues iras de virgine raptâ  
Auerſi Acacida præcidere.*

Et cætera, quæ longè & eleganter prosequitur. Neque is tantum verbo præcipit, sed etiam præit exemplo. Christiadem enim suam hoc ordine digessit. Tum Scaliger pater, & plerique omnes nuperi prioribus quasi succenturiati veniunt. Ab exemplo fidem facere nituntur. nam Homerus cum bellum Troianum caneret, aut errores Vlyſſis: à iudicio Paridis prius illud poëma non est exorsus; neque postremum ab excidio Troiano, sed à mediis. Virgilius autem Homeri affectator, & eius virtutis studiosus id ipsum factitavit, qui à septimo anno peregrinationis Æneæ, poëmatis initium duxerit.

IV. RATIO, quâ freti id sentiunt, prima est eiusmodi: hoc differunt Historicus maximè & Poëta; quòd ille actionem ab exordiis per, intermedia ad finem usque prosequatur oratione: Poëta verò minimè; sed, quò attentum teneat, atque ducet lectorem, in re



quâpiam eximiâ ponit initium, & leuiora premit silentio, digniora intexit appolîtè.

Altera ratio est à consequentium naturâ. Atenim (inquiunt) sanè quàm exigua foret Odyssæ Actio subiecta. Ægrè enim vnus aut alterius mensis erit; circumcisis iis, quæ apud Alcinoûm narrantur. Carebit igitur illâ magnitudine, in quâ pulchritudinem, & dignitatem sitam esse voluit Philosophus.

V. AB alterâ verò parte stat Aristoteles, & cum Aristotele faciunt omnes ad vnum eius interpretes: Robortellus qui Auerroëm eâ gratiâ laudat, Victorius qui ex potestate & vi huius vocis Aristotelicæ  $\Delta\epsilon\acute{\iota}\alpha\pi\alpha\pi\iota\varsigma$  &c. necessitatem aliquam adducit. Minturnus in suo poëta. Madius, Lombardus, Benius &c.

VI. RATIONES quibus pugnant sunt admodum quinque.

Prima, Natura suo quæque loco disponit; radices arborum tegit, oculis obiicit minimè; ramos, folia, flores, fructus ad ostentationem insigniter explicat, terræ non infodit: igitur & ars imitatrix naturæ ordinem sequetur.

Secunda ratio à Plutarcho, libro quî poëtarum legi debeant, est eiusmodi. Poësis est vocalis pictura, quæ etiam comparatio Aristo-

reli familiaris fuit. At pingendi ars confusio-  
nem & ἀταξίαν aspernatur à se quàm maximè.

Tertia, perturbatio est nox fœda, quæ lu-  
cem eripiat, & poësim tenebris oppleat.

Quarta. Ex Aristotele poëma instar est ani-  
mantis perfectæ, & integræ: at, si caput pe-  
ctoris, aut pedum locum inuasit; mon-  
strum fiet.

Quinta. cùm lector fabulæ constitutionem  
sequatur, quo ordine à poëta elucubrata est:  
si ordo perturbatus sit; perturbari illum, at-  
que confundi necesse est.

VII. HIS aliorum rationibus istas ego addi-  
derim: Argumentum Epopœiæ breue esse de-  
bet, vt iam vicimus ex Aristotele quæstione  
superiori, quî verò breue erit quod decem  
annorum res gestas complectatur. In Odyf-  
seâ, quot, quantæ, quàm implexæ sint actio-  
nes, & errores, de quibus omnibus qui scribe-  
re se profiteatur, lectori etiam otioso odiosus  
sit. At cùm Actionem breuem, & simplicem  
quodammodo pollicetur, Vlysses veluti pro-  
cis enectis, Penelopem coniugem recipe-  
re: animum auditoris vel breuitate inuitat,  
quem subinde lætat variis episodis, & or-  
namentis: atque adeò properantem retinet;



tum quasi auctum viribus ad constitutum, & propositum finem producit gratissimè.

Ad hæc Episodiis locus nullus erit, si omnia per se ad fabulæ constitutionem pertinent. Catalogus in Iliade Episodius est ex Aristotele. At si bellum Troianum ab raptu Helenæ ordinatim per singulas partes instituatur Homerus, Catalogus ille pars est οὐσιωδής, non igitur Episodius.

VIII. Τὸν ποῖμα, quæ primæ notæ sunt, naturali florent pulchritudine. De Iliade fidem facit poëta ipse. Iram Achillis, in argumentum delegit haud dubiè qui sic statuat. Μῶν ἀφ' οὗ καὶ πηλὴ ἀδ' ἔω &c. Nunc ad poëma illud qui animum conuerterit, partes eius omnes aptas inter se, & naturali situ ita commissas, tam faciliè, & dilucidè perspiciet; uti dubij copia non sit. Quæ enim excitata sit Achillis ira; quas deinde in flammæ eruperit; demum, quæ fuerit extincta, ex ordine poëta cecinit. Errare, longèque falli eos, qui bellum Troianum totum ab Homero in Iliade susceptum putant, ipso Homero teste constat. Accedit auctoritas Philosophi qui disertissimis istis verbis loquitur cap. XXIII. διὸ ὡς ἀπερ εἴπομεν ἤδη καὶ ταύτῃ γενομένης ἀν' ἀφ' οὗ Ομηροῦ πρὸς τοὺς ἄλλους

ταῖς μὲν δὲ τὸν πόλεμον καὶ τὰ ἔχοντα ἀρχῇ, καὶ τέλος, ὅτι ἀ-  
ρῆσαι ποιεῖν ὄλον. λίαν γὰρ αὐτὴν μέγας, καὶ οὐκ ἀσιμωπτος ἐμελλεν  
ἔσεσθαι. id est. *Quamobrem ut superius monui, vel*  
*eo nomine diuinus haberi debet Homerus præ ca-*  
*teris, quia bellum Troianum alioqui principio,*  
*medio, & fine constans, totum scribere minimè ag-*  
*gressus est. Eius enim poema nimium excreuisset,*  
*& in unum prospectum nequiuisset commodè ve-*  
*nire. Et subinde. ἐν μέγας ἀπολαύων, ἐπεισδίοις κέρρη-*  
*ται πολλοῖς. At unam partem seligens illam Episo-*  
*diis ornavit.* De Odyssæâ lis grauior esse po-  
test. Nam præter eos, qui se primæ illi sen-  
tentix totos manciparunt, non desunt qui-  
bus naturalis ordo cū placeat, iubeant ta-  
men iidem Æneidem, & Odyssæam ordinis  
esse perturbati, & poetam vtrumque ab Ari-  
stotelis disciplinâ alienum esse. Eò accuratiùs  
atque diligentius nos id studere æquum est;  
quò in vtriusque poematis auctoritate vires  
suas aduersarij collocarunt.

Aio itaque id oneris duntaxat ab Homero  
in Odyssæâ susceptum esse, vt ab Ogygiâ Ita-  
cham Vlyssēm reduceret; cætera omnia in  
Episodiis esse. Auctorem habeo Aristotelem,  
qui λόγον siue actionem Odyssææ breuem pro-  
nunciauit. vt disputatum est suprâ quæst. I.



huius II. partis. Deinde, Episodiis illis decis, consilium Homeri, & mens est integra. nam etsi Homerus velit à musâ celebrari hominem variis peregrinationibus, & laboribus nobilitatum, non tamen ea omnia sibi cani iubet, sed partem duntaxat τ' ἀμύθει γε θεὰ θυγάτηρ Διὸς εἶπε καὶ ἡμῖν. Homerus verò in aditu quidem meminit peregrinationum illarum, & laborum; sed quò Vlyssi suo dignitatem apud lectorem conciliet. Eodem studio Sallustius de bello Catilinario historiam scripturus, meminit nascentis, adolescentis, & senescentis Romæ: tum quî pueritiam & adolescentiam instituisset Catilina, non quò hæc omnia narrare conaretur; sed vt notitiam indolis Catilinæ daret, & quo loco esset Respublica tum, cùm bellum illud excitatum est.

Haud abs re nostra erit propositionem Odysseæ huc adducere, quî mens Homeri cognosci, & controuersia decidi queat.

Ἀνδρὰ μοι ἐννεπε Μῦσα πολὺ ἔσπον, ὅς μάλα πολλὰ

Πλάγχθη, ἐπεὶ Τρώϊος ἱερὸν ὀλοήθεον ἔπερσε.

Πολλὰ δ' ἡ' αἰ' δευρὼν ἴδεν ἄετα, καὶ νόον ἔγνω.

Πολλὰ δ' ἡ' ὅγ' ἐν πόσιν πάθει ἄλγεα ὅν κ' ἔθυμόν,

Ἀριόμενος ἦν τε ψυχρῷ, καὶ νόστον ἐσείρων.

*Virum mihi cane, Musa, versutum, qui valde multum*

*Errauit, postquam Troia sacrum oppidum euerit;  
Multorum hominum vidit urbes, & mores nouit.  
Multos verò idem in mari passus est dolores suo  
in animo,*

*Intentus seruare & suam animam, & reditum  
sociorum.*

Hem ( obtrudunt aduersarij ) totum illius  
reditum, & quidquid in eo contigit aggredi-  
tur poëta, vt ipse profitetur; & id Horatius  
docet quàm accuratè. Nam Epistol. lib. 1.  
Epistol. 11. his versibus argumentum Odyss.  
complexus est.

*Vtile proposuit nobis exemplar Vlysses:  
Qui domitor Troia multorum prouidus urbes,  
Et mores hominum inspexit; latumque per aquor  
Dum sibi, dum sociis reditum parat, aspera multa  
Pertulit, aduersis rerum immersabilis undis.  
Sirenium voces, & Circes pocula nosti;  
Que si cum sociis stultus, cupidusque bibisset  
Sub dominâ meretrice fuisset turpis, & excors,  
Vixisset canis immundus, vel amica luto sus.*

IX. ARISTOTELI itaque opponitur poëta  
vterq; & potior à quibusdam habetur. At præ-  
posterè & iniuriâ. quando enim eò prouocant,  
Homeri iudicio lis decidatur. Homerus vbi  
tot, & tanta proposuit, non illa omnia vir diuinus  
sibi



sibi proponit, sed tantum partem, quod rectè monuit Philosophus, cum ait ἀπολαβὼν ἐν μέσσοις. Quam fidem facimus? Homeri auctoritate. loquatur ille per sese. ἥ δ' ἀμύθεν γε θεὰ θύγατερ Διὸς εἰπέ κ' ἡμῖν. *Horum partem aliquam Dea filia Jovis dic nobis.* Partem aliquam (inquit) non omnia. Deinde incipit poeta, ut Calypso illum in Ogygiâ retinuerit, & ab eâ illum Ithacam deducit, atque in Episodiis & Circen, & Polyphemum, & reliqua cecinit. Fateantur itaque aduersarij se indiligentes hâc in re fuisse, & Aristotelem in rerum naturâ vestigandâ accuratorem extitisse.

Nunc Horatius Vlyssis labores varios nobis minimè proponit in argumentum Epopœiæ, & Odysseæ; sed in exemplum vitæ, & morum; & ut ostenderet quid virtus (ut ipse loquitur) *& quid sapientia prosit.*

*Nos numerus sumus & fruges consumere nati*  
*Sponsi Penelopes, nebulones, Alcinoïque &c.*  
 Neque id docet in Arte poëtica Horatius; sed in Epist. ubi rectè viuendi præceptis, non scribendi poëmatis informat Lollium.

Haud aliter de Æneide atque de Odysseâ est sentiendum. Omnium enim auctorum de utrâque idem est iudicium, atque censura; ne-

que fraudi esse potest Propositio aut Inuocatio  
Æneïdis, quæ sic se habet:

*Arma, virumque cano, Troia qui primus ab oris  
Italiam fato profugus, Lavinâque venit  
Littora; multum ille & terris iactatus, & alto  
Vi superum, seu memorem Junonis ob iram.*

Recipit enim in se, & pollicetur virum canta-  
re, qui hæc fecerit, tuleritve; non tamen om-  
nia, sed partem aliquam, vt de Homero iudi-  
catum est. quare eius initium est:

*Vix è conspectu Sicule telluris in altum  
Vela dabant &c.*

X. I A M verò vis nulla est petitionibus illis,  
quibus oppugnamur, nam Historicus à Poëtâ  
differt, quia verum quâ verum est: Poëta veri-  
simile, aut verum quâ verissimile sectatur: Hi-  
storicus actiones etiam plures complecti po-  
test, Poëta vnam: Historicus ab Episodiis sibi  
temperat; Poëta indulget largiter: Historicus  
voluptati, & admirationi minimè necessariò  
studet; Poëta vtramque venatur: Historicus  
sine flagitio nequit fingere; Poëta cum laude  
potest, & debet. Deinde quod vitio vertunt  
perbreue fore argumentum Odysseæ. & ve-  
hemens putant ad obiurgandum; laudi duci-  
mus: id totum ex Aristotelæâ disciplinâ con-



stitutum est suprâ, quæst. I. huius II. partis.

Maneat igitur easdem esse partes Fabulæ sine Episodiis, & Actionis. Quamobrem ab iisdem exorditur Poëta, à quibus Actio incipit, & hanc per incrementa prosequutus, in iisdem cum illâ definit, atque conquiescit.

### QVÆSTIO TERTIA.

De vnitate Fabulæ.

- I. *Unitatem in fabulâ desiderat Philosophus. II. Quî fabula una possit esse, quæ sit πολυμερής, & πολύωδός. III. Fabulas Homeri florere laude vnitatis, ac primò quidem Iliadis fabulam. IV. Fabula Odysseæ una. V. Fabula Æneidos una. Fabula Gothofredi non est satis una, quare nonnihil peccat in artem.*

I. **D**E fabulæ vnitare disertè monet, & cauere quàm sanctè Philosophus cap. V I. Μῦθος ὅστις εἷς. Id est, *Fabula est una.* quod eodem capite iterum, atque alibi sæpè repetit. Præterea multus est in vnitare illâ explicandâ, ita vt liquidò de mente eius, & sententiâ constet. Disputat ibidem, quî Fabula queat esse vna, & ex quibus rebus eam laudem in se de-

X ij

riuet. Non (inquit) ab vno homine, neque ab vno tempore; sed ab vnitae Actionis. *ἡ δὲ ἐν καθάρῃ ἐν ταῖς ἄλλαις μιμητικαῖς ἢ μία μίμησις ἐνός ἐστίν. ἔτι καὶ τὸν μῦθον ἐπὶ περὶ φέξεως μίμησις ἐστὶ, μιᾶς τε ἐστὶν.* id est. quemadmodum in aliis facultatibus, quæ in imitatione positæ sunt, vna vnus est: ita fabula, cùm actionis sit imitatio, vnus est. Id autem conficit iisdem rationibus, quæ priori parte huius dissertationis à nobis pro vnitae actionis disputatæ sunt.

II. At hic nodus est; quæ fabula Epopœiæ sit vna, quæ re ipsa sit *πολυμέρης* *multarum partium*, & specie tenus *πολύμυθος* *multarum fabularum*, quæque Episodiis bene multis augeatur. Quæ (inquam) vna sit, quæ tot ex partibus, tot actionibus, & fabulis sit compacta. Aristoteles edicit fabulam fore vnā, si partium inter sese illigatio, & nexus fuerit vel *ἀναγκάως*, vel *κατὰ τὸ εἶκος*. Necessariò, vel congruenter, & aptè. Sapienter (inquit) & eximie Homerus siue duce naturā, siue arte, in Odysseam non conclusit omnia, quæ ab Vlyssæ gesta sunt; non vulnus in Parnasso acceptum; non insaniam in delectu simulatam, &c. Quia vnū ex alio aptum, & suspensum non est. *ὅν ὁ δὲν θατέρω γινόμενος ἀναγκάων ἢ, ἢ εἰκὸς θατέρω γίνεσθαι.* Tum



eodem capite pronunciat partes illas, ex quibus affurgit Fabula, debere esse eiusmodi; ut, si quæ illarum vel moueatur loco, vel putetur, aut circumcidatur, fabula non sit eadem, neque constet sibi. Quod enim rei non officit absentia, & præsentia sui non prodest, ne quidem pars est rei. Quid porro vult Philosophus, cum capite XVIII. ait constitutionem Epopœiæ esse πολὺμυθον multarum fabularum, & in exemplum adducit Iliadem, vetatque Tragœdiam esse eiusmodi. Nempe docet Iliadem, & Epopœiam quamlibet esse unam, atque πολὺμυθον; neque hanc virtutem priori officere. Nam una erit, si partes illius ex sese aptæ sint, atque pendeant; πολὺμυθος verò non ἐνεργεία, & actus; sed δυνάμει, atque potestate; quatenus ex singulis, si diuellantur, tragœdiæ totidem queant componi: Sed id disputatum est priori parte dissertationis, nec non & cætera quæ de unitate quæri possunt. Fabula itaque unitate gaudet, cuius partes, & Episodia aptè, decenter, & quâdam necessitate coalescunt.

III. QUANDO vel eo nomine Philosophus celebrat Homerum, qui unitati studuerit imprimis, faciamus eius laudis periculum in Iliade, & Odyssæâ, deinde etiam in Æncide, & Hierosolymâ liberatâ.

X iij

Ac primùm Benius controuersia XLVII. unitatem Iliadi abiudicat. *Vt proinde (inquit) quocunque te veritas, Ilias absit ab unitate. Id quod ne Aristoteles quidem non fatetur, cum non solum neget in Iliade perfectam esse unitatem, verum etiam vetet, ne Tragica poësis, Iliadis instar sit πολύμυθος.* At pace Benij, non ait Aristoteles Epopœiæ fabulam non esse vnā, sed minùs vnā, quàm sit tragica. Est autem minùs vna quia est πολύμυθος, vt explicatum est cap. XXVI. Rem propiùs agnoscamus. Iliadis fabula tribus maximè constat. Iurgio, & simulatibus inter Achillem & Agamemnonem: tum præliis, & dimicationibus, quibus Troiani & Græci vexati sunt: demum nece Hectoris: At partes istæ inter sese arctissimâ necessitudine committuntur. Etenim propter iurgium illud Achilles à bello abstinet, Græcorum vires acciduntur, Patroclus necatur, necem Patrocli sequitur mors Hectoris. Ita vt vnâ ex istis partibus diuulsâ, non constet sibi fabula. Inane est quod obiicit Benius, Argumentum Iliadis, esse excidium Ilij, quod à nomine studet ostendere. At secùs sentit Homerus qui de se proficitur,

*Μέμνη δ' ἄλγε' ἔσται, &c.*



*Iram canit Dea, &c.*

vnā scilicet Achillis iram canit, & partes illi adiunctas vel ex necessitate, vel ἡ ὁ εἰσός. De nomine, & appellatione ἐῖσασις, & intercessio futilis est. Nam à loco etiam Tragœdiis, & Comœdiis nomen quæsitum est.

IV. ODYSSEÆ vnitatem hæc oppugnant. I. tacitâ Telemachi peregrinatione; integra, & incolumis est Actio, & fabula Odysseæ. II. Telemachi peregrinatio cū non sit pars reditus Vlyssis, si quid ad fabulam attineret, esset in Episodiis: id autem esse nequit, nam Episodia intexuntur, & in medium poëma inferuntur, vti fidem facit notatio nominis. III. Accedit auctoritas Virgilij, qui prudenter scopulum illum vitauit. A Sicilia enim Æneam deducere aggreditur; præmisit nihil. Petitiones istæ facillè confutantur: prima quidem, quia vt illa peregrinatio non esset pars Actionis primariæ, est tamen pars Fabulæ, neque sine illâ satis integra esse potest Epopœia. prodest enim, & nexa est non tantū ἡ ὁ εἰσός, quod esset satis; sed etiam ἀναρχαίως. Et enim auditor doceri debuit, quo loco esset res domestica Vlyssis. Tum Telemachi virtus enitere debuit, eā enim ille erat ætate, vt in

eo fortitudo, & in parentem charitas desideraretur. Deinde, afflicta regiæ domus fortuna Deos commouit. Est itaque peregrinatio Telemachi cum rebus circumstantibus pars fabulæ legitima, cum & utilis sit, & necessariò apta cum aliis: Altera exceptio eluditur, quia illa peregrinatio non est in Episodiis; sed pars Epopœiæ. Tertiæ vis est nulla. non enim Æneas in Italiâ familiam habuit. unde illum deduceret Virgilius.

Multos ludificata est vnitas illa duplex, quarum altera est Actionis; altera Fabulæ: vnitate utrâque gaudent Odyssea & Ilias. neutra enim actio est πολυμερής, fabula autem est πολυμερής & πολύμυθος quodammodo.

V. DE Æneide dubio non est locus, quin sit vna, cuius vnitati si quid officere videri posset, maximè amores Didus. At non officiunt, hæc enim rectè committuntur; nauigatio, tempestas, appulsus in Africam, humanitas Didus. Ad hæc vtriusque conditio, & fortuna par fuit, vterque viduus, exul, & rex: quid conuenientius, & aptius nuptiis inter eos coniuges?

VI. HIEROSOLYMA Torquati dubij copiam facit. quî enim amores Reginaldi & Armidæ cum actione Gothofredi connectuntur?



tur? totos tres, & plures libros solidos complent, vbi nulla Gothofredi mentio habetur. quid ego de Tancredi, Herminia, Chlorinda & aliorum variis episodiiis querar, quæ longè maximam atque nobilissimam partem poëmatis efficiunt, sine quibus non actio tantum, sed etiam fabula poëmatis esse poterat tota. Deleantur enim episodica Reginaldi, Tancredi, &c. integra erit Epopœia. neque se Virgilij auctoritate purgauerit, aut Homeri. Quia Didus amores sunt  $\chi^1$   $\delta$  εἰκός, & cum verisimilitudine, necnon narrationes Vlyssis apud Alcinoûm; deinde Heroi conueniunt, non alteri. Hospitem rogat hospes. quis sit, & vnde eiectus in littus. quid æquius? quàm ab eo illa narrari, quæ postulantur à bene meritis. vnde varij affectus excitantur. At Episodia illa longissima, quæ nihil ad Heroem pertineant, peccata sunt in artem poëticam grauissima. Περὶ τῆς τελεότητος fabulæ, scilicet quòd sit tota, quod moneam, vnum est, Fabulam totam esse, & integram, quæ Actionem totam complectatur; Quamobrem Ilias, Odyssea, Æneis & Hierosolyma, illâ laude florent.

## QVÆSTIO QVARTA.

De Fabulæ alterâ virtute : Quòd sit  
simplex.

- I. *Ambigua potestas huius vocis, τὸ ἀπλοῦ, detergitur; unde existeret difficultas in Aristotele maxima.* II. *Quid fabula simplex, quid implicata.* III. *Quid peripetia.* IV. *Quid agnitio.* V. *Quid fabula duplicis, & simplicis constitutionis.* VI. *Solvitur difficultas textus Aristotelici initio proposita.* VII. *Quid fabula possit esse sine peripetia.* VIII. *Cur fabula implexa sit melior simplici.* IX. *Quid πᾶρος in fabulâ.*

I. **T**VRBÆ hîc occasionem dedit Philosophus. nam cap. XIII. fabulam simplicem reiicit. Επειδὴ οὐδὲ πῶς σωθεὶς εἴη τῆς καλῆς τραγωδίας μὴ ἀπλοῦ, ἀλλὰ πεπλεγμένῳ. id est. *quandoquidem necesse est tragœdiæ pulcherrimæ constitutionem non esse simplicem, sed implicatam.* En repudiat. At capite eodem fabulam simplicem pulcherrimam esse iubet. Ἀνάγκη ἄρα πὺν καλὰς μῦθον ἀπλὰς εἶη μάλλον, ἢ διπλοῦ. Id est, *necesse est fabulam simplicem præstare duplici.* Ec-



ce approbat. mira itaque Philosophi *ἐναντίως* nonnullis videri poterit. Nodus sic soluitur explicatâ vocis huius ἀπλουῶ ambiguitate. nam δ' ἀπλουῶ, id est, *simplex* ab Aristotele opponitur τῷ πεπλεγμένῳ. id est, *ei quod est implicatum*, aliàs verò τῷ διπλῷ, id est *duplici*. Simplex itaque potestatis est anceps. alterius quidem, quâ significat, id quod non est implicatum: alterius, quâ significat id, quod non est duplum. Id discriminis in lucem veniet ex iis, quæ subiicientur, definitionibus.

II. ARISTOTELES cap. X. edicit fabularum alias esse implicatas, alias simplices, tum earum rationes peti ab actionibus: & iure quidem ac meritò, cùm fabula sit actio ipsa, sed culta & ornata. εἰσὶ δ' ἅψ' μύθων οἱ μὲν ἀπλοῖ, οἱ δ' πεπλεγμένοι. Καὶ γὰρ αἱ περὶ ἑξέως, ὧν μιμήσεως οἱ μῦθοι εἰσιν, ὑπερχοῦσιν διγύς οὐσας ἑαυταῖς. Deinde utramque actionem definit, ac primò quidem simplicem in hæc verba. λέγω δ' ἀπλῶ μὲν περὶ ἑξέως, ἥ ἐστι γνομένης ὅσπερ ὡρίσθη σίνεχρῆς, ἐξ μιᾶς αὐτῇ περιπετίας, ἢ ἀναγνωρίσμοδ' ἢ μεταβάσεως γίνεσθαι. Id est. *Actionem simplicem definio, cuius transitus fit sine peripetitiâ, & agnitione; cùm ipsa sit, ut dictum est, continua, & una*. Hic caueri debet Pacij versionem vitiosam esse, qui μεταβάσιν dixit mutatio-

Y ij

nem, quæ sit transitus. Aliud enim μεταβολή apud Philosophum, aliud μεταβολή, ut quæst. IV. primæ partis docuimus. Tum & Heinsij manca est versio, cui deest peripetia. Continuò definit Aristoteles implicatam Actionem his verbis. Περιπετύνειν ἔστιν ἢ μεταβολὴν ἀπὸ ἀναγκασίου, ἢ ἀπὸ περιπέτειας, ἢ ἀμφοῖν ἢ μεταβολήν ἔστιν. Id est, *implexam dico illam, ex quâ cum agnitione, vel peripetiâ, aut vtrâque fit transitus.* Tum addit hæc omnia, peripetias scilicet, agnitiones, & transitum tam aptè inter se nexa esse debere; ut à se mutuò pendcant, ἢ ἔξ ἀνάγκης, ἢ ἐξ εἰκός, aut ex necessitate, aut ex verisimilitudine. Fabula itaque simplex est illa quæ caret agnitione & peripetiâ: composita verò, quæ alterutrâ vel vtrâque gaudet; si quidem eadem est ratio fabulæ, & Actionis.

III. AT quid est agnitio? Quid peripetia? Εἰς τὴν περιπέτειαν μὲν (inquit) ἢ εἰς τὸ ἐναντίον τῷ πρῶτῳ μὲν μεταβολή, καὶ ἀπὸ εἰρήνης. Καὶ τὸ τοιοῦτον ὡς ἀπὸ ἀναγκασίου, καὶ ἐξ εἰκός, ἢ ἀναγκῆς cap. XI. *Est autem peripetia eorum quæ aguntur mutatio in contrarium, quemadmodum diximus, vel verisimiliter, vel necessario.* multis exemplis præter morem definitionem suam Philosophus illustrat. Nuntius Oedipodi apud Sophoclem exponit, quod is esset genere, eò quidem; ut illum suspicio-



ne, ac metu, de matre liberaret; at contrarium efficit: cæteris exemplis parcimus, hoc vnum sit satis.

Hic locus disputandi de peripetiâ se dat opportunè, à quâ tamen abstinere me; cùm de illa à multis, iisq̃ue luculentis auctoribus, in causâ Tragœdiæ disputatum sit vberimè. Aristotelicum illud tamen καὶ εἰς, ἢ καὶ ἀναγκαῖον præterire homini Philosopho non licet, quo imprimis, qui Romanesci vocantur auctores, ab Epicis poëtis seiunguntur. Nam cùm illi vni voluptati seruiant, vndecunque nullâ habitâ verisimilitudinis, nedum necessitatis ratione, rerum delicias captant: hi verò, cùm ciuium vtilitati studeant, verisimilitudinem actionum sectantur, quò fidem faciant; & quò animum lectoris teneant, suauitatis nonnihil aspergunt, seruata tamen verisimilitudine; vt coquus, qui languenti stomacho cibum condit, non verò corrumpit funditus.

Placent itaque Amadisiorum libri adolescentum animis & rerum imprudentibus, propter suas illas admirabiles peripetias, quarum multitudine, & frequentia redundant: sunt tamen iidem moribus inimici, quia illos corrumpunt; & vt non fuerint noxij, sunt

tamen inutiles, qui virtutem suadeant, quia verisimilitudine carent, ac proinde consequenter illâ vi, & efficientiâ, quâ potest animus ad imitationem impelli.

Quæcunque igitur peripetiæ, quæ non sint verisimiles, aut nexu verisimili non sint coniunctæ cum reliquis partibus Epopœiæ, ex edicto Philosophi non sunt idoneæ poëmati ornando.

Exemplo hæc præceptio erit illustris. Memini me propè puerum legere in libello, qui Francus Sagittarius dicebatur, Zerbinum amore Florizellæ virginis captum, cùm eius potiundæ spem amisisset, in mare se præcipitem dedisse. Nereides adolescentis pulchritudine captæ illum amanter excipiunt; intra mare (quid enim illæ non possint?) palatium illi ædificant, sæpe inuisunt, & miris blandimentis nequidquam consolantur. Ille enim Florizellæ suæ amantissimus Dearum officia nihili ducit. Quare Nereides tot repulsis infensæ tandem aliquando hominem medios in fluctus eiiciunt. Eo ipso tempore regia Florizella in littore spatiabatur. Contigit autem piscatores euerriculo Zerbinum intercipere, & ad littus pro pisce exponere. Mira hîc peri-



petia oritur. Nam Zerbinum Florizella agnoscit: is verò ubi aquam euomuit, nondum tamen suū compos, incertus viuerétne, an extinctus foret, versaretúrne in fluctibus, an in palatio Nereídum, multa coram suâ Florizellâ de Florizellâ amanter dicit, & queritur. Quí motus animorum? quàm bella peripetia? sed quæ minimè congruat dignitati poëmatís epicí, cùm careat verisimilitudine.

Cùm hoc de verisimili præceptum magni sit momenti, operæ pretium erit alterum exemplum adducere.

Herminiam Telemachi amantem pater Thoas in turrin quæ medio in mari sita erat, inclusit, iubétque illam intra mensem ita amoribus suis moderari, ut illo elapso Anchisæ nubat. Telemachus longiùs aberat, & à Thoante de industriâ fuerat missus cum exercitu contra hostes. Is turbæ istius ignarus redibat. postremâ nocte mensis concessi prope turrin iacit anchoras, ne si nauigetur propiùs ad litus, naus illidatur. Ecce mediâ nocte eâque obscurissimâ, cùm silent omnia, Herminia imprudens, & nescia ibi nauem esse, supremam turrin conscendit, & moritura se præcipitat. Commodè sanè media in vela incidit, quibus

excepta est. Strepitu excitatur Telemachus, iubet inspicere quid rerum sit. Affertur semimortua tum casu, tum dolore Herminia. En peripetiam.

Hæ inquam peripetiæ & similes, fabulis anilibus aptæ sunt, poematibus verò minimè.

IV. AGNITIONIS verò definitionem his verbis comprehendit. Eodem cap. XI. Αναγνώ-  
σεις ἔστιν ὡς περ καὶ τοῦτομα σημειῖται, ὅτι ἀγνοίας εἰς γνῶσιν με-  
ταβολή, ἢ εἰς φιλίαν, ἢ ἐξ ἔχθρῳ καὶ πρὸς εὐτυχίαν, ἢ δυσ-  
χίαν ἀεισμένων. *Agnitio est, ut etiam ex nomine  
liquet, ex ignorantia in cognitionem mutatio. ex  
quâ amicitia, vel inimicitia oritur inter eos, qui  
felices, vel infelices fieri debent.*

Ad hæc monet pulcherrimam esse Agnitio-  
nem, quicum annexa sit peripetia. exemplum  
ponit Aristoteles in Oedipode. Nam ubi agno-  
uit, quis esset, in infelicitatem incidit. Aliud  
à nobis esto in Odyssæâ. Penelope Vlysssem ubi  
agnovit, felix euasit. Illa peripetia Tragœdiæ  
aptior, hæc Epopœiæ. Illa enim mœroris, &  
terroris plena, hæc felicitatis & dignitatis. Sit  
& tertium exēplum à Torquato. Chlorindam  
ubinovit Tancredus, in miseriam incidit. Hoc  
deterius est aliis duobus, quia non est in μετα-  
βολῇ



ἑκδοῦς fabulæ, id est, non est in transitu ad statum, quemadmodum alia duo.

Cum itaque fabula simplex sit, quæ Peripetiis & Agnitionibus vacua est; implicata verò, quæ vtriusque est læta; ait Philosophus implicatam potiore esse simplici: atque sic simplex componitur cum implicatâ.

Nunc de simplici ut committitur cum duplici quæramus.

V. FABVLAM duplicis constitutionis, quam Aristoteles cap. XIII. postponit simplici, sic definit. Διπλὴ δὲ, ἢ πρῶτη λεγόμενη ἀπὸ τῶν, ἐστὶ σύστασις, ἢ διπλῶς τὴν σύστασιν ἔχουσα. id est, *Altera constitutio, quæ à quibusdam prima dicitur, est ea, quæ duplicem habet constitutionem.* Est autem talis quando oritur status duplex personarum. ut in exemplo allato ab Aristotele ex Odysseâ. nam proci, qui sibi beati videbantur; euadunt miseri: contrà Vlysses, Telemachus, Penelope qui utebantur aduersâ fortunâ, euadunt beati.

VI. SIMPLICIS verò constitutionis fabula est, in quâ oritur vnus status: quando scilicet qui felices erant fiunt miseri, aut qui infelices, euadunt beati. sed & omnes, & de quibus est fabula. Ait itaque Aristoteles fabulam sim-

Z

plicis constitutionis meliorem, & potiore  
esse eâ quæ sit duplicis; ac proinde secum mi-  
nimè pugnat. Nam cùm implicatam præfert  
simplici, id edicit de fabulâ, in qua sunt Peripe-  
tiæ & Agnitiones, quæ præstantior est eâ, quæ  
illis caret, quæque simplex appellatur: At  
cùm simplicem præfert duplici, simplicis no-  
mine intelligit eam, quæ vnius est constitutio-  
nis, duplicis verò, quæ geminam habet con-  
stitutionem.

Quando autem simplex ista constitutio in  
Epopœiam non cadit, idcirco de eâ litem non  
mouebo, & quæstionem illam aliis relinquo  
integram, nam & in Iliade & Odyssæâ, ut hîc  
monet Aristoteles, & in Æneide, & in Hierosolyma, ut res ipsa loquitur, duplex est con-  
stitutio. In primâ victores Græci, victi Troia-  
ni, & ita de cæteris.

VII. DVO hîc quæri meritò possunt. Alte-  
rum, quâ fabula, quæ simplex dicta est, esse  
possit sine peripetiâ & agnitione. alterum, cur  
fabula implicata simplici sit potior. Priori  
quæstioni factum est satis priori parte huius  
dissertationis.

VIII. DE alterâ quæstione, cur impli-  
cata fabula simplici sit potior, liquet, quia



peripetias continet, atque agnitiones; in quibus est varietas atque pugna rerum: tum quia etiam ingenij quandam mutationem facit: quæ duæ causæ sunt, cur placeant ea, in quibus nobis placemus; vt disputabit quæstio de sententiâ, & acutè dictis.

IX. ATTEXIT Philosophus Peripetia, & Agnitioni τὸ πάθος, id est, affectionem grauem siue corporis siue animi, cuius definitionem hanc affert ibidem. Πάθος ἐστὶν ὡς ἐξ ἑσθλῆς ἢ ὀδυνηρῆς, *affectio est actio, quæ conficiat, aut inurat dolorem.* Exempla ponit in nece, cruciatu, vulneribus & similibus. nempe est ea pars actionis, quæ ciendis in auditorum animis motibus atque perturbationibus sit accommodata, vt nex Hippolyti apud Senecam. Quiverò perturbationes excitari, aut mitigari queant, Rhetoricæ est provincia.



## QVÆSTIO QVINTA.

De partibus fabulæ Epicæ ΚΑΤΑ ΤΟ ΠΟ-  
ΣΟΝ, id est secundum quantitatem, de  
Nexu, Solutione, Inuocatione & Pro-  
positione.

- I. *Partes fabulæ καὶ τὸ πᾶν.* II. *Definitiones ne-  
xus & solutionis in fabulâ.* III. *Episodia  
sunt in nexu, non in solutione.* IV. *Solutio  
debet esse sine machinâ.* V. *Benius tertiam  
partem nequidquam adducit.* VI. *Inuocatio,  
& propositio in poemate quam esse de-  
beant.*

**D**E virtutibus fabulæ disputatum est, nunc  
de partibus illius καὶ τὸ πᾶν, ut loquitur  
Philosophus, & ut scholis placet loqui, de par-  
tibus integrantibus quærimus.

- I. AC primùm quidem cap. XII. Tragœ-  
diam in quatuor partes distribuit, Prologum,  
Episodum, Exodum, & Choricum. Verùm  
de istis partibus licem non sequimur, cùm tra-  
gicæ sint ditionis. Idem Philosophus c. XV III.  
aliam partium initionem; ἐστὶ τὸ πάσης τραγωδίας  
τὸ μὲν δέσις, τὸ δὲ λύσις. id est, Tragœdiæ omnis pars



altera est nexus, altera est solutio. Quæ duæ partes sunt communes Tragœdiæ & Epopœiæ. Nexum ita definit cap. XVIII. λέγω δὲ εἶναι τὸ ἐκ τῆς ἀρχῆς μέχρι τοῦ τοῦ μέγιστου, ὅς ἐστι, ὃς οὐ μεταβάλλει εἰς διττὴν φύσιν. Non dubium quin suppleri debeat ἢ ἀτυχίαν. id est, *Appello Nexum partem illam fabulae, quæ est ab initio usque ad eam partem, unde fit transitus ad felicitatem, vel infelicitatem.*

II. SOLUTIONIS definitio est hæc. λέγουσι δὲ τὸ ἐκ τῆς ἀρχῆς τῆς μεταβάσεως μέχρι τῆς τέλους. id est, *Solutionem (appello) partem eam fabulae, quæ est à principio transitus, ad finem usque.*

Ab exemplo lucem dedit Philosophus, in Lynceo Theodectæ. Quæ præcedunt accusationem omnia pertinent ad nexum. Accusatio verò cum reliquis ad solutionem. At cum non extet tragœdia Theodectæ, nihil hîc satis perspicimus. In Odyssæâ res clarebit. Quidquid antecedit iurgium inter procos & Ulyssæm, id ego in nexu colloco; quod à iurgio ad finem est, id in solutione pono. In Iliadæ quidquid præit singulari certamini, quo Achilles & Hector decertarunt, est in nexu; quidquid sequitur, in solutione numeratur.

III. ID porro magni est momenti, quod monet Aristoteles. In fabulâ quæ sunt ἐξωθεν externa scilicet pleraque omnia contineri in solutione : quæ ἐσωθεν nempe interna partim in solutione, partim in nexu. τὰ μὲν ἐξωθεν, καὶ ἐν τῇ ἐσωθεν πολλὰ καὶ δέσις, τὸν δὲ λοιπὸν ἢ λύσις. Huic præceptioni hæc vis, & potestas subiicitur : Episodia, quæ ornandæ fabulæ feruiunt, & petuntur ab extrinseco, & non à visceribus, ut ita dicam, actionis, in nexum cadunt, non in solutionem. Rationem nullam affert Philosophus, à nobis hæc esto. In solutione anhelat auditor ad finem, odiosum itaque esset illum morari variis Episodiis, tum ægrè feret affectus excitatos longo sermone frigere. Vide Episodia esse bene multa in Odyssæâ, at omnia ante mortem procorum : tum in Iliadē quæ sunt Episodia, duelum Hectoris antecedunt. Innuit tamen Aristoteles non omnia Episodia nexu contineri, cum ait πολλὰ καὶ σύντομα, nam brevia aliqua esse possunt, ut inter Penelopem & Ulyssē post necem procorum; sed quæ pertineant ad agnitionem, & motus varios excitandos, quæque sint brevia.

IV. EDICTVM hîc est Aristotelis graec. cap. enim XV. quo vetat solutionem fieri per ma-



chinam, & iubet fieri ex verisimili, id est, ratione naturali, quâ res exire solent. *φανερὸν οὖν ὅτι καὶ τῆς λύσεως τῶν μύθων εἰς ἀπὸ δειτῶν τῶν μύθων συμβαίνει, καὶ μὴ ὡς περὶ ὅν τῃ Μηδείᾳ διὰ τῆς μηχανῆς.* id est, *Manifestum est solutiones fabularum ex ipsâ fabulâ existere debere, & non ut in Medea per machinam.* Ratio præceptionis Aristotelicæ est, quia turpe est heroem actionem illam inceptare, cui par non sit, & quam non possit ad exitum perducere sine machinâ: tum actio fini Epopœiæ non congrueret. Nemo enim ad id facinoris excitabitur quod per sese exequi posse diffidet. Reliqua quæ ad machinam pertinent, disputata sunt abundè.

V. PARTE S' itaque Epopœiæ sunt duæ, Nexus & Solutio; neque locus erit tertiæ parti Benianæ, quæ præcedat nexum, ut ille iubet partic. XCI. quasi verò prima pars Epopœiæ non pertineat ad nexum. Sed neque transitus est aliqua tertia pars distincta à nexu & solutione, cum ἀμέσως, & protinùs ex Aristotele nexum excipiat solutio. Hac de re qui dubitant doctrinæ Peripateticæ non sunt assueti, in quâ præsens tempus quod committit præteritum & futurum, non est tertia quædam pars motus ab illis distincta, ut in Physicis disputatur: ita &

transitus ille fabule, quem hîc appellat *μετὰ τὸν*, non est quædam tertia pars distincta à nexu, & solutione.

VI. PROPOSITIO, & inuocatio poëmatis Epici quidem partes non sunt *οὐκ ἀσκήσιμα* essentielles, veletiam *ἔστι ποίησις*: sed sunt veluti quædam antecessiones, quibus vsi sint Poëtæ Epici omnes. Propositio quidem adhibetur, quæ auditorem docilem faciat: Inuocatio verò, quæ actionis magnitudinem, & poëtæ in Deos pietatem, tum etiam animi moderationem significet. De propositione nihil melius, vel elegantius adduci potest Horatij præcepto.

*Non sic incipies, ut scriptor cyclicus olim.*

*Fortunam Priami cantabo, & nobile fatum.*

*Quid dignum tanto feret hic promissor hiatu?*

*Parturient montes, nascetur ridiculus mus.*

*Quanto rectius hic, qui nil molitur ineptè.*

*Dic mihi Musæ virum, capta post tempora*

*Troia*

*Qui mores hominum multorum vidit, & urbes.*

*Non fumum ex fulgore, sed ex fumo dare lucem*

*Cogitat, ut speciosa dehinc miracula promat*

*Antiphatem, Scyllamque, & cum Cyclope*

*Charybdim.*

Hæc



Hæc initia, si Horatio stomachum commo-  
uere, quid fiet Ariosto, hinc qui ordiatur.

*Le donne i Cavalier, l'arme, gli amori  
Le Cortesie, l'audaci imprese, io canto  
Che furo al tempo, che passaro i mori  
D'africa il mare, &c.*

Hoc non turgidum tantum, sed insanum est.  
Illud etiam Claudiani & verbis & sensu tumi-  
dum est.

*Inferni raptoris equos, afflatæque curru  
Sidera Tanario; caligantésque profunda  
Iunonis thalamos audaci promere cantu  
Mens congesta iubet.*

Vægrande est initium Papinij.

*Magnanimum Æacidam, formidatamque  
Tonantis*

*Progeniem.*

Quantò sapientiùs poëta Latinus, Græcus,  
& Italus. quorum initia sunt in ore omnium.

De Inuocatione id tantum moneo; Poëta  
Christiano indecorum esse musas profanas, &  
Apollinem inuocare. Parnassi certè & Hyp-  
pocrenes meminisse in inuocatione nolim; eò  
quòd in appellatione diuinitatis præsertim ini-  
tio poëmatis veros animi sensus Poëta teste-  
tur, qui ipse de se loquatur.

Aa

## QVÆSTIO SEXTA.

## De Episodio.

- I. *Ambiguitas vocis exponitur.* II. *Episodij definitio traditur.* III. *Quid sit fabula Episodica, & quid in illâ vitij.*

I. **E**PISODIVM definire haud levis est Opera. Aristoteles quidem exemplo illud indicauit; definiuit verò minimè. Qui sequuti sunt Aristotelem auctores, ab eâ definitione se abstinerunt. Non eò velim ad id aggredi, quò plus me videre putem, sed quia Philosophica disputandi ratio id à me suo iure postulat.

Episodium Aristoteli significationis est non vnus. Nam aliquando eam in partem accipitur vt sit pars καὶ τὸ πᾶν. His verbis loquitur Philosophus cap. VII. καὶ τὸ πᾶν καὶ εἰς αὐτὸ διαίρεται κεχωρισμένα· πᾶσι γὰρ, Πρόλογος, ἐπεισόδιον, ἔξοδος, χορίκον. Id est, *Partes Tragediæ secundum quantitatem, & in quæ diuiditur separata. Prologus, Episodium, Exodus, Choricon.* Eodem cap. attexit. Επεισόδιον δὲ μέρος ὅλον τραγῳδίας, τὸ μετὰ τὸ ὅλον χορίκων. Id est, *Episodium est tota illa pars Tragediæ, quæ*



*Choros interiacet.* nullus hîc ego disputo, quæ pars Tragœdiæ sit hoc Episodium; non enim id est in Epici poëtæ ditione.

At Episodio alia quoque vis est, & significatio, de quâ lis & controuersia esse potest.

Ac primùm de verbo altercari non placet. Etymon si spectes, Episodium est insertum quiddam in carminis fabulam.

Suidas Episodium esse asserit πρὸ ἑξαγώνιον ἔργον, *rem omnem, quæ sit extra causam.* At hæc definitio laxior est, conuenit enim descriptionibus, comparisonibus, & ornatui externo.

II. DEFINITIO Episodij hæc esto. Actio adiectitia, aptâ, & necessariâ quâdam connectione cum Actione primariâ coniuncta. Quatuor sunt eius laudes: prima, vt sit Actio; altera, vt sit adiectitia; tertia, vt aptè committatur cum Actione primariâ; quarta, vt necessitate non ἀπλῆ, sed aliquâ tamen componatur.

Prima est, vt sit Actio. nam descriptiones, comparisones, narrationum bene multæ non sunt in Episodiis, quia non sunt Actiones. Ecquis enim tempestatis descriptionem, quâ Æneas in mari Siculo, aut quâ Vlysses nauigans à Calypso vexati sunt, in Episodiis

Aa ij

numeret? Neque comparatio, quâ Æneas, & Turnus XII. Æneïdos cum duobus tauris conferuntur, inter Episodia censebitur. At excidium Troiæ, peregrinatio Æneæ, quæ duobus libris continentur. Tum in Odysseâ bellum cum Ciconibus, antrum Cyclopi, & quæ lib. IX. X. & sequentibus narrat super mensam Vlysses, omnium consensu & plausu Episodia dicuntur, cum sint actiones.

Altera laus, ut sit adiectitia, id est ut ab actione primariâ distinguatur, neque eius sit pars. Quamobrem actio primaria tota, & perfecta esse potest sine Episodio. Id auctoritate, & exemplo clarebit: Exemplo quidem: nam quid rei est, cur Ithacæ Vlysses applicare non possit, nisi errorum suorum historiam texat? Auctoritate verò; Aristoteles cap. XVII. ubi loci præscribit, quâ Epicum poemâ concinnari queat. Primò actionem nudam nominibus personarum, & Episodiis construi iubet, tum vestiri nominibus ac demùm ornari Episodiis, uti hâc dissertationis parte explicatum est. Ex quo conficitur cum Actione non implicari Episodia, siquidem illi constitutæ accedunt.

Tertia laus est, ut apta sit, hoc est, neque



longè petita, neque ingratiis adducta, aut vi contorta. Ab Aristotele id rescribo. qui cap. IX. pessimam esse fabulam docet, in quâ Episodia apta non sint, vti mox exponemus cùm de fabulâ. Episodicâ disputabimus. insignis porro est eâ de re præceptio Horatij.

*Humano capiti cervicem pictor equinam  
Fungere si velit, & varias inducere formas;  
Undique collatis membris ut turpiter atrum  
Desinat in piscem mulier formosa superne.*

Et cætera quidem luculenter, sed omnibus nota. Tum illud imprimis,

*Inceptis grauib; plerumque, & magna professis  
Purpureus latè qui splendeat vnus, & alter  
Assuitur pannus.*

Pulchre. Sed non erat his locus.

Quarta laus est, vt necessitudine quâdam cum primariâ actione committatur. atque hæc conditio docetur ab Arist. cap. IX. Quæ verò necessaria connexio hîc dicitur, non est ἀπλῆ, sed aliquatenus. Nempe actio illa quæ Episodium est, præteriri poterat; at in fabulæ textum ita coniecta est, vt citra culpam, & cum officio præteriri nequeat. Vt Didoni de se quàm optimè meritæ, petenti negare non potuit Æneas narrationem excidij Troiani, ne-

A a iij

que Alcinoō Vlyſſes officium, quo poſtulabatur ut errores ſuos narraret.

De loco Epiſodij iam conſtituimus, cū de nexu & ſolutione fabulæ diſputatum eſt.

Epiſodia & longa, & frequentia in Epopœiâ eſſe poſſunt; in Tragœdiâ & breuius & rariùs frequentari debent. Ariſtoteles c. XXIV. *ὥς τε τὸ πρῶτον τὸ ἀρχαῖον εἰς μεγαλοπρέπειαν, καὶ τὸ μεταβάλλειν τὸν ἀκούοντα, ἐπιποσειδίου ἀνομοίως ὁπποσύναις.* Ad verbum. *In Epopœiâ, hoc eſt in primis ad magnificentiam & mutationem auditoris, ut Epiſodiis diſſimilibus utatur poëta.*

Quàm longa eſſe queant, liber alter & tertius Æneidos docent; quàm frequentia, Ilias & Odyſſea.

Peccant in naturam Epiſodiorum, qui Νίπλεα, Διοπλοῦν, ἑκθεσις in Epiſodiis Odyſſeæ numerant. nam ſi hæc ſunt Epiſodia nullæ erunt partes eſſentiales actionis. non enim potuit à Calypſus in ſulâ Ithacam appellere Vlyſſes niſi nauiget. cur itaque in Epiſodiis ea erit nauigatio, ſine quâ actio conſtitui non poteſt? atque eadem eſt de cæteris cenſura.

At in nauigatione tempeſtas; & in excenſu illo expoſitio, quæ eſt ἑκθεσις, erunt in Epiſodiis, cū abſque illis Ithacam Vlyſſes venire



potuit? Esto sanè, non tamen tempestas illa,  
& expositio erunt Episodia, cùm non sint  
actiones, sed actionum modi quidam atque  
rationes.

III. DE fabulâ Episodicâ nequicquam à  
multis turbatur. Aristoteles cap. IX. in hæc  
verba loquitur. τῶν δ' ἀπλῶν μῦθων καὶ περ ἀξέων αἱ ἐπει-  
σοδικαὶ εἰσι χεῖραι. Λέγω δ' ἐπεισοδικὸν μῦθον ἐν ᾧ τὰ  
ἐπεισόδια μετ' ἀλλήλας οὐτε εἰκός, οὐτε αἰαγὰ ἐστίν. &c. id  
est, *Simplicium fabularum & actionum pesti-  
ma sunt Episodica. Appello autem fabulam  
Episodicam, in qua Episodia neque verifimi-  
liter, neque necessariò connexa sunt.* quæ cùm  
multâ luce niteant, nescio quibus tenebris ea  
inobscurant interpretes. Nempe docet Philo-  
sophus fabulam Episodicam esse, id est, Episo-  
diis malè instructam, in quâ Episodia non co-  
hærent, aut τῶν εἰκός aut αἰαγὰς, hoc est aptè  
aut necessariò : quæ duæ conditiones à no-  
bis explicatæ sunt suprâ. Enimuerò ( dices )  
omnis fabula Epica Episodiis abundat : est  
igitur Episodica, quare & reiicula. At im-  
bellis est ista petitio. Siquidem omnis fabu-  
la Epica est quidem Episodica, at non prauè  
Episodica.

## QVÆSTIO SEPTIMA.

## DE MACHINA.

**M**ACHINÆ definitionem ab Aristotele, aut auctore alio, qui meas quidem in manus venerit, quando non habeo, eam sic instituam.

Machina est actio, aut actionis modus quidam, extra actionem primariam viribus humanis maior, quæ nodo alioqui difficili soluendo seruiat, & obsequatur.

Machina est actio, in exemplo isto Homeri. Achille irato miles in patriam cogitabat, retinendus tamen fuit. En Minerua Iunonis consilio in terras deuecta reditum dissuadet. Hæc Mineruæ actio est Machina. Aliquando est actionis tantum modus, cum scilicet Deus latet, & occultâ aliquâ efficientiâ hominis actionem iuuat. Exemplum esto in Turno vastante Lauinium, cui vires addebat Iuno. IX. Æneid.

Machina est extra actionem primariam, auctore Philosopho cap. XV. *Αλλά μηχανὴ χρησιμὴ ἐπὶ τὰ ἐξω τῆς δυνάμεως*, id est, *sed machinâ utendum est*



*est in iis, quæ sunt extra actionem*, ut rectè vertit Riccobonus. Nam hîc Pacium non semel fefellit animus, qui sic interpretatur. *Quo sanè artificio utendum est in iis, quæ extra tragœdiam.* Non enim μηχανή est artificium & τὸ εἶδος, ut bis ille est interpretatus. Neque δὲ δράμα in eam partem sic sumitur quasi sit tragœdia, sed pro actione, quæ tragœdiæ subiecta est. cū μηχανή extra tragœdiam non sit, cuius est pars; sed extra actionem primariam, siue argumentum totius fabulæ. Quamobrem qui poëma scripserit, cuius actio primaria exitum non habeat, nisi per machinam, is vitiosè scripserit. Atque ea causa fuit cur actionem feminæ, quæ Deorum subnixa auxilio præclarum aliquid, & eximium dederit, ad Epopœiam minùs aptam esse priore parte dissertationis fuerit disputatum. Ac meritò quidem, nam monitore Philosopho cap. XV. nihil esse debet ἄλογον ἐν τοῖς δράμασι. *In actionibus nihil esse debet supra rationem.* τὰ δράματα sic interpretatus sum actiones, quoniam fabula Deos admittit quidem certis de causis, ut mox disputabitur: sed non Actio.

Enimvero ut imperatoris militarem gloriam, quam ipse sibi labore, atque fortitudi-

Bb

ne collegerit, iniquum est à poëtâ inobscurari silentio: ita Heroï vitium & probrum obiicere mihi videtur, quisquis illum alienâ virtute, vt furtiuus corniculam plumis gloriantem palam circumducit, & ostentat. Quæ per machinam fit actio, Dei est, non Heroïs. A Deo gloriam rei bene gestæ ad hominem qui diuertit, vtrique facit iniuriam. Hierichuntis ciuitatis moenia tubæ clangore conuulsa sunt, atque dissipata, ineptè illius excidium Iosue, non Deo tribuetur: Mosis radio in Ægyptios Arabici sinus aquæ reuolutæ illos oppressere, Deo non Mosi debetur ea laus. Tum ab eâ actione deterretur animus humanus, cui se imparem præsentit; præsentit verò, si sensus expers non est, quisquis à Deo vno actionem aliquam fieri putat. A Deo nubibus insidente micant fulgetræ, vibrantur fulmina in Ægyptios; id conabitur homuncio, & Salmoneum aget ridiculè?

*Hic Iuno Scaas sauisissima portas  
Prima tenet, sociumque furens à nauibus ignem  
Ferro accincta vocat.  
Jam summas arces Tritonia, respice, Pallas  
Incedit nimbo effulgens, & Gorgone seuâ.  
Hoc quia Deæ efficere creditæ sunt; homo.*



quæ virgo sit aut mulier attentabit.

Præterea cùm Epopœia verisimili studeat maximè, vt accuratè disputatum est quæst. IV. primæ partis, tum certè multò magis actio. Quæ tandem erit illa vero similis si homini tribuitur, quæ vires eius superare creditur? Variæ denique actiones poëtarum, quæ allatæ sunt quæstione prima partis secundæ, id planè persuadent.

III. ACTIO per machinam viribus humanis maior esse debet, curenim Deus excitaretur, cùm suppar sit virtus humana. Rectè id vidit & monuit Horatius:

*Nec Deus intersit, nisi dignus vindice nodus.*  
Quare Homerum reprehendit Aristoteles, qui Mineruam de cælo adduxit, vt milites remoueretur, cùm prudentis viri consilio id perfici potuerit.

IV. SI poëta non licet ad machinam confugere, cùm humanitùs res confieri possint; quantò grauiùs obiurgandi sunt Philosophi & Historici, veritatis scilicet indagatores, qui id peccauerint. Anaxagoram lib. I. Metaph. cap. IV. reprehendit Philosophus, qui mentem in difficultatibus Philosophicis soluendis tanquam machinam adhibeat: & quia hic locus vsui esse potest, rescribendus mihi est:

Ἀναξαγόρας γὰρ μηχανὴν χεῖται τὰ νῆα πρὸς τὴν κοσμοποιίαν, καὶ ὅταν ἀπορήσῃ, ἀφ' ἧν αἰτίαν ὅς ἀνάγκη ὅτι, τότε ἔλκε αὐτὸν. ἐν δὲ τοῖς ἄλλοις πᾶσι μᾶλλον αἰτιάται τῶν γινόμενων, ἢ τοῦ.

In Historicis quibusdam id vitij notat Polybius, qui Annibalem in Italiam per machinam immittant.

Cavit prudenter, & scopulum declinauit consultissimus Maro. Machinam is quidem adhibuit IV. Æneidos, vbi Carthagine Æneam Iouis imperio, & Mercurij legatione eripuit: At ea machina in Episodiis censetur, non in actione primariâ.

V. IMPRIMIS verò monet, ne fiat solutio per machinam, quod etiam monuimus, cū de solutione dictum est. Φανερόν (inquit) ὅτι καὶ τὰς λύσεις τῶν μύθων, ὅς αὐτὸς δεῖ τῶ μύθου συμβαίνειν. Quamobrem Odysseæ id vitij inhæsit; quæ Mineræ allapsū, & ope soluitur:

Ratio cur neque in actionem primariam, neque in solutionem congruat machina, à nobis adducta est prioris partis quæst. ultimâ.

Iam in quæstionem venit, quænam pars fabulæ, & quâ de causâ patiens sit machinarum. Machina in omni parte esse potest, quæ sit extra actionem primariam & solutionem, ut in Episodiis omnibus. Causa verò cur utamur machina, est; cū aliquid sciri debet, aut earum



rerum, quæ præteritæ sunt, aut quæ sunt futura, neque aliunde sciri possunt, quàm Deorum ope; tunc enim ad Deos confugiendum est. ἅπαντα γὰρ ἀποδίδωμεν τοῖς θεοῖς ὁρᾶν. Id est, *omnia enim tribuimus Diis videre.*

## QVÆSTIO OCTAVA.

## De Moribus.

- I. *Morum definitio.* II. *Prima laus morum, ut sint boni in Heroë. Marini Adonis schola nequitie.* III. *Laus morum altera, ut congruant personis & τὸ εἶδος in specie. Torquati peccatum.* IV. *Laus morum tertia, ut sint ὁμοιοί similes. Similitudo est personarum καὶ ἑκαστὸν, id est singularium.* V. *Laus quarta morum, ut tenoris sint æquabilis.* VI. *Quid sit poësim esse moratam. Vulgi hallucinatio.* VII. *Viros fortes non dedecet lachrymæ, sed eiulatus.* VIII. *Cur secundæ partes tribuantur moribus.*

**E**XPLICATIS iis, quæ ad fabulam attinent quodammodo, de moribus quæ est altera pars formæ in Epico carmine, quæstio poni debet.

Bb iij

I. MORVM definitio in hæc verba concipitur ab Aristotele cap. v i. de Poëticâ. Ἐστὶ δὲ ἥθος μὲν τὸ ποιῶντων ὁ δὲ λόγος τὴν προαίρεσιν ὁποῖα τις ἔστιν, ἐν οἷς ὁρᾷ ἔστι δὴ λόγος, εἰ προαιρεῖται, ἢ φεύγει ὁ λέγων. Διότι τὸ ἥθος ἐστὶν ἥθος ἐννοιοῖται τῶν λόγων. Id est, *Mores sunt, qui significant quæ sit præelectio alicuius, iis in rebus, de quibus non constat, utrum is, qui loquitur aliquid sequatur, aut fugiat.* Pacius, & cum Pacio Heinsius προαίρεσιν explicant voluntatis nomine; φιλοσοφώτερον Robortellus præelectionis. Non enim omnis actus voluntatis est προαίρεσις, sed is duntaxat qui ab Aristotele v i. Ethicorum dicitur ὁρεξις βουλευτική, *cum consultatione appetitio.* Cùm scilicet homo suæ actionis potens deliberat aliquâ de actione, & pro arbitratu, eam in partem inclinat quæ arridet. Id verò explicatiùs docet cap. v. libri tertij Moral. Η προαίρεσις αὐτὴ εἴη βουλευτική ὁρεξις τῶν ἐφ' ἡμῶν. *Præelectio est appetitus ex consultatione earum rerum, quæ sunt in nostrâ potestate.*

Cùm igitur ex moribus homines boni, malive sint, non erunt sanè eiusmodi, nisi bene, vel malè sint morati; at mores nulli sunt absque præelectione, neque præelectio nisi iis de rebus quæ sunt in nostrâ potestate, quamobrem id fieri necesse est, uti nemo bonus aut



prauus sit, qui non habeat in potestate actiones suas. nullus itaque nisi ἡλθίος ἢ μεγάλους, quæ verba sunt Philosophi cap. v. lib. III. Moral. deliberat de rebus necessariis, de fortuitis, deque iis quæ sunt ἀδιώτατα vel ἄλγιστα, vt de diametri cum latere mensura, de thesauri inuentione, & id genus aliis. Qui verò sanæ, & integræ est mentis, ea in consultationem atque deliberationem vocat, quibus ipse pro arbitrio moderatur.

Mores igitur sunt habitus ex præelectionibus orti. Qualitas scilicet quædam, cuius accessione vis animi corroboratur, acuitur, & inclinatur ad varios effectus. Laudes & ἰδιότητες siue proprietates morum ab Aristotele cap. X v. Poëtica recensentur quatuor. Prima, vt mores sint boni. altera, vt congruant. tertia, vt sint similes. quarta, vt sint æquales. De singulis pauca nobis libanda sunt.

II. Prima laus morum est, vt sint boni. ἐν μὲν καὶ τοῦτον ὅπως χρῆσθαι μὲν, id est, *unum*, & *maximum*, vt boni sint, erunt autem eiusmodi, si ex præelectione oriantur bonâ. Hθς (inquit erit) φαῦλον μὲν, ἐὰν φαῦλῳ ἐξῇ παρὰ τρεῖς, χρῆσθαι δὲ εἰς χρῆσθαι. In officio est itaque Poëtæ bonos mores imitari, atque id imprimis in Heroë, cuius vita, &

mores minimè mali sint, & maximam partem boni. quare Achillem bonum ab Homero fictum ait Aristoteles cap. XV. nam animo in Deos erat pio, & idem iuris gentium retinens, & amicitiae cultor, atque animi fortitudine longè præstantissimus. Ac licèt animo præceps esset, neque iræ satis potens; non tamen sine causa irascitur. Habuit enim causam plausibilem, & βίωσις πτωχῶν. At si mores aliquando prauos imitari necesse sit; neque ij splendide accurari debent, neque in principe viro; omnium verò minimè in Heroë: Thersites in Iliade, Sinon in Æneide pessimè sunt morati, viri scilicet ignobiles. Mezentij verò in Æneide & Procorum in Odysseâ mentio est, quò eorum vitiis, virtus Heroum illustrior fiat. At enim Plato aliàs quidem, sed apertè in dialogis de repub. poëtas Tragicos, Comicos, Epicos, de rep. illà suâ iubeat exulare, ne prauis moribus suam illam rempublicam corrumpere. iniuria sanè. Nam descriptio prauorum morum, si rarò, si breuiter, si quo fine par est, fiat; non officit moribus, sed etiam eos instituit sapientissimè. Non enim eorum meminerunt boni Poëtæ, quò eos suadeant, sed quò ab iis deterreant. Lacedæmonij seruos sœdè ebrios



ebrios à filiis spectari volebant, non qui stude-  
rent ebrietati, sed qui ab eâ abhorrent. Exemplum moris pravi ponit in Oreste Euripidis Aristoteles, apud quem Menelaus prauus est, qui Oresti fratris filio, mortem patris vindicanti non tulit auxilium. De istâ Tragoediâ Euripidis, qui titulum seu argumentum Græcus auctor illi dedit, cum Aristotele mirè congruit: Ait enim: τὸ δράμα τῆς ἐπὶ σκηνῆς διδασκαλιῶ-  
των χεῖρτον τοῖς ἡγεσι. πλεὺν γὰρ Πηλεΐδου πρῶτος Φαῦλος ἦσθαι.  
Id est, *Drama istud ex iis, quæ in scenâ placuerunt, fuit, quàm pessimè moratum. Omnes enim personæ improbæ sunt præter Piladem.*

Hæc in Euripide qui reprehendit Aristoteles tam seuerè, quam notam Marino inureret? aut quo nomine, satis digno eius poëma compellaret? Non est certè poëma, non poësis, in quo omnes personæ pessimè moratæ sunt. nam vt alia non peccaret, (peccat autem & grauiter, & vt plurimùm) quid tam moribus perditum, & desperatum dici potest? nempe est hoc prostibulum pudicitiae, nequitiae ludus apertus, Christianae sanctitatis propudium. Est morum aliquid, quod in Homero non ferat profana Philosophia, cuius nihil est præter pauca, quod pudorem possit facere: Et officinam

Cc

illam nequitiaë , atque corruptelæ probabunt , & osculabuntur qui Christo nomen dedêre.

III. ALTERA conditio morum est, vt sint ἀρμότουντα , vt congruant. Quæ præceptio pertinet ad personas κατόλου & in specie spectatas, non καθ' ἑκάστου siue in singulari. Id enim differt hoc præceptum à sequenti: Exemplum in feminâ posuit Philosophus , quam fortem qui fecerit , dabit mores qui non congruant. De ista præceptione eleganter monuit Horatius in Arte.

*Tu quidego , & populus mecum desideret, audi.  
Si plausoris eges aulaë manentis , & usque  
Sessuri , donec cantor , vos plaudite , dicat.*

*Ætatis cuiusque notandi sunt tibi mores,  
Mobilibusque decor naturis dandus , & annis.  
Reddere qui voces iam scit puer , & pede certo  
Signat humum , gestit paribus colludere , & iram  
Colligit , ac ponit temerè , & mutatur in horas.  
Imberbis iuuenis tandem custode remoto,  
Gaudet equis , canibusque , & aprici gramine  
campi.*

*Cereus in vitium flecti , monitoribus asper,  
Vtilium tardus prouisor , prodigus eris,  
Sublimis , cupidusque , & amata relinquere  
pernix.*



*Conuersis studiis atas, animisq; virilis  
Quærit opes, & amicitias, inseruit honori.  
Commisisse cauet, quod mox mutare laboret.  
Multa senectutem circumueniunt incommoda,  
vel quod*

*Quærit, & inuentis miser abstinet, ac timet uti:  
Vel quod res omnes timidè, gelidèque ministrat.  
Dilator, spe longus, iners, auidusque futuri,  
Difficilis, querulus, laudator temporis acti,  
Se puero censor, castigatòrque minorum, &c.*

IV. TERTIA laus morum est, vt sint similes.  
*ὁμοίον ὁ ὁμοίον, qui ὁμοίον differat ἀπὸ τοῦ ἀρμόσιοντος*  
difficultate non caret. *Ἀρμόσιον* attinet ad per-  
sonas in specie, hoc est secundum sexum, æta-  
tem, dignitatem; *ὁμοίον* ὁ siue simile, singulari-  
bus, vt Oresti, Vlyssi, Achilli addicitur. Simi-  
litudo enim ducitur ex characteribus & linea-  
mentis vniuscuiusque; Etenim vt medicus  
homini non medetur, inquit Aristoteles in  
Metaphysicis, sed Calliæ: ita neque quisquam  
similis est homini, sed Calliæ. Neque huius  
præceptionis fuit nescius Horatius in Arte:

*Aut famam sequere, aut sibi conuenientia finge  
Scriptor. Honoratum si forte reponis Achillem;  
Impiger, iracundus, inexorabilis, acer,  
Jura neget sibi nata, nihil non arroget armis.*

Cc ij

*Sit Medea ferox, inuictaque; flebilis Ino;  
Perfidus Ixion; fo vaga; tristis Orestes.*

Non parum multorum iudicio peccauit Torquatus in suo illo Mago, quem virum sanctum, & Christianum inducit cantu XIV. atque illi mores profanos adscribit: vires, potentiam, scientiam, radios, clypeos, palatium, & cætera contatricis illius artis arma concedit. Sed quoniam censura hæc ab aliis occupata est, de eâ pluribus dicere superfedebø.

V. QUARTA laus est, vt mores sint ὁμοιοῦς æquabilis tenoris. de quâ præceptione Horatius in Arte:

*Siquid in expertum scenâ committis, & audes  
Personam formare nouam, seruetur ad imum  
Qualis ab incepto processerit, & sibi constet.*

VI. AT hîc meritò controuersia esse potest: Sîne omnis poësis morata, & quâ morata distinguui possit ab eâ quæ moribus cassa est. Id plebi ratum est, eam poësim, & orationem bene moratam esse, quæ præcepta rectè viuendi tradat, & τὰ γράμματα loquatur. Quæ hallucinatio est non exigua. Nam vt hîc à nobis auctore Philosopho disputatum est, mores sunt, qui prælectionem loquentis in lucem adducunt; ex quo is bonus, & malus iudicetur.



Non itaque Theognidis sententiæ, non præcepta vitæ instituendæ, non Senecæ opera morata sunt *κελεύς*, sed *καταχρηστικῶς* & tralatitiè. Non enim illis præceptionibus mores eius, qui loquitur, veniunt in cognitionem. Profligata enim virtutis homo præcipere rectè potest. Morata itaque erit poësis, & quæ mores sceleratos hominis scelerati rectè effinxerit, quæque mores honestos viri boni suâ in luce collocarit.

Cùm Terentius primas à Varrone in Ethicis tulerit, ab eo exemplum placet accipere. Qui legerit scenam v. actus primi Andriæ, & diligenter inspexerit quibus momentis animi sententiam ponderet, & libret Pamphilus, ac tandem eam inclinet, atque figat vni parti; non poterit is nescire quid sit moratam esse orationem. Illa verò poësis minimè erit morata; quæ eius, qui loquitur consilium, & electionem non indicet, sententias licet quantius pretij cumulatè exaggeret.

VII. AUDIO non deesse, Virgilium, & Homerum imprudentiæ qui notent; apud quos Achilles, & Æneas lacrymentur. Nam inquit Aristoteles id reprehendit. τὸ δ' ἀπορετοῦς καὶ μὴ ἀρμόγιοντος, ὅτε θρήνος ἐν τῇ Σχολῇ. Id est, ἡ-

*decori, & inepti moris exemplum est eiulatio Vlyssis in Scyllâ.* At ista petitio futilis est. Nam Aristoteles Vlyssis eiulatum ægrè tulit, sed non lacrymas. Viros magnos lacrymatos fuisse, vel dictum antiquum vincit, quo ἀγαθοὶ ἀεὶ δάκρυες ὀφθαλμοὶ dicuntur. Enimverò viri fortes lacrymantur sæpè, non Poëtis tantum auctoribus, sed etiam Historicis, cum sacris, tum profanis. Achillis gloriam non legit sine lacrymis Alexander, neque Alexandri famam siccus audiuit Cæsar. Etiam Christo Domino à quo risum nihil meruit, lacrymas expressere multa. Lacrymæ humanitatem indicant, eiulatus animum testatur esse victum.

VIII. AT cur secundæ partes moribus debeantur, tacuisse Aristoteles videtur; à nobis hæc esto ratio. Fabulæ quidem primus datur locus, quia fabula est ipsa actio cum ornatu suo, in actione verò felicitas: moribus itaque secundæ debentur, nam mores habitudines sunt quædam animi, habitudo verò omnis est actionis gratia.





## QVÆSTIO NONA.

## De Sententia.

- I. *Sententia ambigua potestas. Aliquando pro Gnome, aliquando pro Diancæâ.* II. *Definitio sententiæ, quæ est Gnome.* III. *Tres laudes siue conditiones sententiæ.* IV. *Prima laus sententiæ, ut sit καθολική, id est uniuersim pronuntiata.* V. *Alterâ laus sententiæ, ut sit breuis.* VI. *Tertiâ laus, ut sit morata.* VII. *Sex rationes quare sententia placeat.* VIII. *An frequens usus sententiæ esse debeat. Augusti Cæsaris ea de re mens, & sententia.* IX. *Quid inter sententiam, & acutè dictum intersit.* X. *Cur acutè dicta placeant.* XI. *De Sententiâ, quæ est Diancæa.* XII. *Definitur, & eius partes adducuntur.* XIII. *Inter partes formales tertius locus debetur sententiæ.*

I. **S**ENTENTIÆ nomen est potestatis ambiguae, hâc enim voce tum γνώμη, tum ἀνείκεια comprehenduntur, quæ duo inter nimium quantum interest. Αμφιβολία illius dictionis multis fuit offendiculo, neque iis de plebe duntaxat, sed etiam primariis. Aristi-

des lib. de oratione ciuili in hæc verba loquitur. Γνώμῳ λέγω τὸν νοῦν καὶ τὰ ὑπονοήματα, ἐν οἷς διέσκειται τὰ πρᾶγματα. Ad verbum. *Sententiam appello mentem, & conceptus in quibus res reperiuntur.* At διασίαις est hæc definitio, non γνώμης. Idem peccauit Hermogenes πρὸς ἰδιῶν. Illis auctoribus. iam aliis peccare pudor non est. Longè alia est Philosophi mens, & sensus. Γνώμῳ is definit lib. II. Rhet. cap. XXI. Διασίαις verò lib. de Poëticâ cap. VI. Nobis vt deleatur ambiguitas illa, γνώμη sententia appellatur; notissima cùm sit eius vis, & significatio in hanc partem: *στέγναια* verò, quoniam necdum nomen apud Latinos reperit, Græco gaudeat, & dicatur Dianœa. De sententiâ primùm quæramus.

II. SENTENTIAM definit Aristoteles cap. XXI. libri alterius Rhet. in hæc verba. Ἐστὶ τὸ γνώμη ἐπὶ φησίς, οὐ μὲν περὶ πρὸς τῶν καὶ ἑκάστον, οἷον ποῖός τις Ἰφικρέτης, ἀλλὰ καὶ ὅλον. Ad verbum. *Sententia est enunciatio, non de singularibus, vt qualis sit Iphicrates, sed de vniuersalibus.* Subinde attexuit, ὅτι περὶ πρῶτων καὶ ὅλων, οἷον, ὅτι τὸ διδόναι τὰς καμπύλας ἐναιήτοι, ἀλλὰ περὶ ὅσων πρᾶξες εἰσὶν, καὶ αἰρεταί, καὶ ἀφικταί ὅτι πρὸς τὸ πρᾶξι. id est. *Neque tamen est de omnibus vniuersalibus, vt quod rectum sit contra-*  
rium



*rium curuo ; sed de iis quorum sunt actiones, & qua appetere, aut fugere quis potest, ut agat. Quibus verbis hæc subiecta est significatio. Sententia est pronunciatum aliquod vniuersim de vitâ rectè informandâ. Quæ à Plutarcho est definitio, eodem recidit. Από φθουσις καὶ ἀπολαύσις τοῦ βίου λόγῳ συντόμῳ. Plutarchus explicariùs dicit, cùm addidit (λόγῳ συντόμῳ.) Non erat id tamen admodum necessarium. Si enim sententia est ἀπόφασις μία, una enunciatio, longa certè non erit, cùm propositio sine vitio longiùs trahi nequeat. Potest verò sententia ad duos versus protendi, ut in exemplo allato ab Aristot. ex Eurip. liquet.*

II. TRES itaque sunt dotes sententiæ. Prima, ut sit vniuersim dicta ; altera, ut sit vna ; tertia, ut sit morata.

IV. PRIMA laus sententiæ est, ut à certis loco, tempore, personâ, cæterisque, quæ res singulares ambiunt, & figunt quodammodo, auocetur. Exemplum esto. Clytemnæstra in Agamemnone loquitur. *Quem pœnitet penè est innocens.* De se loquitur vnâ, & tamen à se ad vniuersos homines sententiam traduxit ; atque ab omni loco, & tempore fecit liberam, & eximiam. Nunc cum Clytemnæstrâ oratio

D d

eadem illigetur. certè ego penè innocens habenda sum, quam malè quondam facti, nunc quidem temporis poenitet. quantum dignitatis illi decessit? Ab Horatio esto exemplum alterum lib. III. carm. Ode II. *Dulce, & decorum est pro patriâ mori.*

V. ALTERA sententiæ laus, ut sit *συντομία* *λὸγῳ* breuiter comprehensa. Quæ enim funditur in multam orationem fit euanida, & languet. Exemplo clarebit præscriptio. Hæc Horatij sententia ex lib. III. Ode VII. *Pulvis, & umbra sumus*, producat in hæc verba. Si rectè philosophari placuerit, ac de nobis pronunciare, nihil equidem video, quicum meliùs hanc vitam nostram fluxam, ac caducam possim conferre, quàm cum umbrâ, quæ fugitiuo, ac perpetuo lapsu vanescit. Quòd si penitiùs in naturæ humanæ cognitionem intrare placeat; quis erit tam parum intelligens, & rudis; qui coagmentationem hanc corporis, cuius formam, atque pulchritudinem suspicimus, non videat computrescere aliquando, & tandem in puluerem collabi? Enimvero istis periodis, atque circuitionibus venustas omnis, atque dignitas sententiæ contabuit. Lædi vult Philosophus sententiæ maiestatem,



vel causæ, cur vera sit, coniunctione; cum per  
reticentiam causæ ab Enthymemate senten-  
tia discrepet; ab exemplo mox allato lucem  
affundit.

ὅτι ἐστὶν ἀνδρῶν ὅστις ἐστὶ ἐλεύθερος

Γνώμη. πρὸς δὲ τὰ ἐχόμενα, εὐθύμημα

Ἡ χρημάτων γὰρ δοῦλος ἐστὶν ἢ τῆς.

Id est,

*Non virorum ullus, qui sit liber.*

*Id est sententia: addito autem eo, quod sequitur,  
fiet enthymema.*

*Aut diuitiarum enim seruus est, aut fortuna.*

VI. TERTIA laus sententiæ est, vt sit mo-  
rata & vitam informet. Etenim si de re Physi-  
câ, si de Mathematicâ, si de Metaphysicâ bre-  
uiter, & vniuersim dictum adducatur, erit il-  
lud sanè quidem axioma quoddam, sed non  
sententia, cum informationi morum minimè  
seruiat: veluti si quis audiat, *Sol est maior terrâ*,  
aut quod est exemplum ab Aristotele II. Rhet.  
cap. XXI. *Rectum contrarium est curuo*, non is  
certè ad vitæ officia prudenter obeunda com-  
mouebitur. At si audierit Horatium Ode al-  
terâ libri III. pronunciantem. *Rarò antecede-  
ntem scelestum deseruit pede pœna claudio*; aut  
illud incerti auctoris apud Stobæum, Ἀνδρὸς χα-

Dd ij

ερετηρ ἐκ λόγου γινώσκειται. excitabitur continuo,  
qui castè viuat, & linguæ moderetur.

De Syllogismo vel Enthymemate oriri sententiam docet Philosophus. Putatis enim, & circumcisis προτάσι atque παραλήψι, quas præmissas scholæ dicunt; nascitur sententia. In hoc Enthymemate exemplum ponit. *Omnis homo aut fortuna, aut diuitiis obsequitur. Nullus igitur homo liber est.* silentio prematur τὸ παρακείμενον, superest hæc sententia, *nullus homo est liber.*

Nunc de multiplicibus, variisque sententiæ formis, speciebus, ac figuris disputationem integram Rhetoribus permittimus. Quæ verò quatuor maximè Philosophicæ sunt ditioris; quæque à nemine hæctenus disputata sunt, vestigemus. Primum, Ecquænam sint in sententiâ tantæ deliciæ, quibus animi capiantur. Tum, sintne sententiæ frequentandæ sæpius. Deinde, quæ differant ab iis, quæ acutè dicta appellantur. Denique, cur hæc acutè dicta placeant.

Est in pretio & arridet sententia, quia breui ambitu multa concludit. Ita numus aureus pluris est centum æreis, & Deus Opt. Max. rebus omnibus creatis longè potior est, quibus mole, & numero cedit; nam virtuti, non



moli pretium est : longam itaque orationem in breuiem quia cogit sententia, fit magni. Eius enim possessione facile & citò locupletatur ingenium. Ad hæc, sententiam qui profert, à plebe summotum se putat, & eam qui audit, se summoueri autumat, vulgo enim imperito τὰ καὶ δόλορ ignota sunt, nihil autem *suauius dignitate & excellentiâ*. Præterea vniuersè cùm dicis, Enthymematis consequens adducis, retices antecedens; quod auditor suo Marte inuenit, & animum ab vniuersali propositione ad singularem cum voluptate conuertit, parit quippe aliquid ipse per sese, quo partu gaudet animus, cùm in actione sit eius felicitas. Tum, homines omnes moribus quibusdam amici sunt, & aliis inimici; mores illos odiosos in vno aliquo singulariter notaueris, lædes haud dubiè : vniuersè si designes, monebis tu quidem, quantum satis erit : ipse per sese vulneri suo medebitur. Sit amans vini quispiam & ebriosus; Illum nominatim si dixerit orator fœdum, qui se vino ingurgitet; conuicium fecit; at si dissimulanter de ebrietate vniuersè dixerit, auditor sine dolore, atque tristitiâ suadebitur. Ad hæc, hominem alicui miserè ad dictum opinioni, pudet ab eâ discedere, quam-

D d iij

obrem apertè ipsum si adoriare, aut secum ipse se purgabit, aut animum obfirmabit; præ pudore manus ægrè dabit. Demùm sic animus humanus à Deo Opt. Max. comparatus est; ut iis quæ ad mores pertinent, miris quibusdam illecebris, facile flectatur, & in ea suoapte pondere, atque momentis inclinet; sententia verò omnis morata est, ut suprà pronunciatum est.

Frequens usus sententiæ non debet esse; tum quia priscae illius, & aureæ ætatis nullus; qui vel eloquens, vel disertus habitus sit, in sententiis, aut acutè dictis multùm se amavit; tum quia sententiarum exaggeratione tumet oratio. Raræ sunt in Virgilio, raræ in Homero, in antiquis Oratoribus paucæ; & illæ quidem non quæsitaè ambitiosius, sed à re ipsâ ultrò oblatae. Quare merito suo odiosos illos Satyricus increpuit his verbis. *Pace vestrà liceat dixisse, primi omnium eloquentiam perdidistis, leuibus enim atque inanibus sonis ludibria quadam excitando fecistis, ut corpus orationis eneruaretur, & caderet. tum. Grandis, & ut ita dicam pudica oratio, non est maculosa, neque turgida, sed naturali pulchritudine exsurgit. Idem. Nunc rerum tumore, & sententiarum*



vanissimo strepitu hoc tantum perficiunt, &c. Deinde, *Acne* carmen quidem sani coloris enituit, sed omnia quasi eodem cibo pasta, non potuerunt usque ad senectutem canescere.

Congruit planè in locum istum Augusti hæc de re sententia, quam Suetonius posteritati consecrauit. Genus eloquendi sequutus est elegans, & temperatum, vitatis sententiarum ineptiis, atque inconcinnitate, & reconditorum verborum (ut ipse dicit) fœtoribus, præcipuamque curam duxit, sensum animi quam apertissimè exprimere: quod quò facilius efficeret, nec alicubi lectorem, vel auditorem obturbaret, aut remoraretur; neque propositiones verbis addere, neque coniunctiones sæpius iterare dubitavit, quæ detracta afferunt aliquid obscuritatis, et si gratiam augent. En Augusti præscriptionem de sententiis, acutè dictis, atque stylo, cui suffragabuntur omnes, quibus mens bona, quibus placida & serena fuerit. hac de re iterum quæretur cum disputatio instituetur de dictione.

At quod inter sententiam, & acutè dictum interfit, hoc est: sententia siue in verbis, siue in verborum potestate caret pugnâ atque conflictu: Acutè dictum verò totum est in congressu, & ut ita dicam, in dimicatione. Faci-

liù exemplis, quàm oratione resclarebit. Tri-  
plicis itaque generis adhibebimus exempla.  
I. de sententiâ purâ. II. de acutè dicto purè.  
III. de utroque mixto.

Sententia pura est, quæ dicti amplitudinem,  
ac maiestatem continet; sed contentione ca-  
ret. In Phœnissis Euripides pronunciauit.  
Ἀπανα δὲ πατρίδι ἀνδρὶ ἡμεῖς Πατρίς. Id est, *viro forti  
ubique patria est.* præclarè. Etiam Seneca in  
Hercule furente sine ullâ contentione. *Cogi  
qui potest, nescit mori.* Eximium est istud Me-  
nandri: ὁ δὲ φέρων λογισμῶ πάντ' ἔχ. Id est, *Ingenio  
qui excellit omnia possidet.* Tum hoc Tullij: *Exi-  
lium ibi putat esse, ubi non est virtuti locus.*

Acutè dictum purè, est contentio quæ cas-  
sa sit, & vacua ab sententiâ. Hecuba in Her-  
cule furente. *Ille tot Regum parens caret sepul-  
chro; & flamma indiget ardente Troia:* Senten-  
tia est nulla, sensus tamen est magnificus, &  
contentio aperta. quod Priamus in tantâ flam-  
mâ, quâ ardeat Troia, flammâ tamen careat.  
Nec laude caret illud Menandri: Μισῶ πονηρὸν,  
χρεῖστον ὅταν εἴπῃ λόγῳ, *odi prauum etiam cùm di-  
cit bene.*

Sententia mixta est, quicum annexa sit  
contentio. Vt in hoc Publ. Syri. *Auaro tam  
deest,*



*deest, quod habet; quàm quod non habet.* Etenim sepositâ contentione, viget tamen sententiæ vis, & dignitas. Veluti si dicatur: Avarus nemo dives. Eadem laus est in isto Augustini dicto. *Deus melius scitur nesciendo.* Nam ad sententiam quâ dicimus Deum esse maiorem orâ, & ambitu mentis nostræ; hoc est comprehendere non posse: accedit etiam venustatis aliquid ex pugna verborum, scientiæ, & nescientiæ.

Haud erit à Philosopho alienum vestigare, quid rei sit, cur acutè dicta placeant.

Cùm in Sophistarum myrotheciis nihil sit lautius, & corruptæ eloquentiæ magistris nihil carius, iis oratoriæ facultatis luminibus, quæ contentiones ab auctore ad Herenn. & à Tullio acutè dicta, & à nuperis hominibus acumina dicuntur; facturus operæ pretium mihi videor, si fontem ipsum, atque caput vestigem, ex quo manat ea voluptas, quâ mirificè illorum animi mentesque capiuntur. Quam in commentationem intentus aliquantulum animadverti delicias non modò illas, quas ex istis acutè dictis percipimus, sed etiam plerasque omnes alias, è rerum inter se pugna & conflictu oriri. Quid enim est, amabo, cur tam suaviter auribus, & animis insidias ponat,  
E c

vocum atque neruorum concentus? quia scilicet in multiplici sonorum coniugatione graui cum acutis pugnant, & interiectis, mediisque sonis veluti fecialibus quibusdam, ac pacis interpretibus sociantur. Cur in fidibus, *νήτη* cum *ἐπάτη*, καὶ μέση composita modulatè, numerosèque sonat, atque placet; cum quibusdam aliis absurda sit, atque aures vellicet odiosè. Cur *ἑκτελείτη*, *δ' ἑπέντε*, *δ' ἑπασών*, καὶ *δ' ἑπασών*, vnà vibratæ aures mulcent suauissimè? litis nempe & amicitiae causâ, quibus percipiunt aures, illas vel inimicè congregi, vel amicè coire. Cùm aures capiat Musica, tum oculorum blandissima conciliatricula est pictura, cuius lenocinia omnia in colorum concertatione atque conflictu posita esse docent artis illius prudentes viri. Nam id, quod in illâ pingendi scientiâ venustatis, & operæ habet plurimùm; vt corpora quædam eminere, alia subsidere videantur; cùm tamen in æquo, in plano, in proximo fusa sint omnia; id artifices colorum pugnâ conantur. Siquidem ea omnia quæ extare volunt, largâ luce accendunt; quæ deprimere, tenebris, & nigro colore excacant. Ab artibus ad mores si gradus sit, nihil cum maiori apparatu, ambitu, aut volu-



prate spectatum est Romæ ludis Circensibus, in quibus cum multa essent odiosa, illud vnum iucundum fuit, pugna, atque conflictus. Dolorum, qui ex sæuissimis & indignissimis cædibus concipi poterat grauissimus, voluptas ex dimicatione nata vincebat. Tantum est illecebrarum in congressu aduersariorum, atque fortunæ varietate, quæ hunc affligit, illum erigit; & quem erexerat, ab afflicto sæpe percellit. Nunc verò à moribus nostro vitio corruptis ad mundi pulchritudinem oculos conuertamus. Quid est, cur cum idem ipse sit, sui tamen fastidium non pariat? quid inquam, aliud est, quàm ἔργος & ἀντίεργος qui perpetuis suis velitationibus velut in theatro pascunt curiosos. At non solus Lunę citimus mundi locus rerum congressione placet; suprema etiam illa, & cælestia corpora conatibus inter se contrariis continentur. Quare vniuersa mundi substructio in vacuo, & inani librata minimè nutat, aut impellitur? *Cur non pendenti machina mole ruit?* Quid? si ego erratiliū siderum contrariis in sese nisibus id tribuam? quæ dum rapiuntur superioris cœli impetu in occasum, in ortum ipsa renituntur, & eo conflictu vndeunque pari sibi constant. Huius certè senten-

E e ij

tiæ est auctor Mercurius ille, qui sapientiâ suâ  
ter maximi nomen sibi quæsiuit. Is in sermo-  
ne catholico ad Tatium his verbis mentem  
concepit suam. Η ὁ ἐκαστὸς τῶν ἀνθρώπων τῆς κί-  
νῆσεως ἔχει ἐξῶσθαι. Η γὰρ ἀντικυρία ἐκαστὸς ἔστι φασγῶν.  
Nunc verò Solis, Lunæ, & erraticorum fide-  
rum lapsus & stationes, accessus & recessus,  
congressus & coitiones, nocte, die, crepuscu-  
lis, vere, æstate, autumno, hyeme mundum  
tantâ varietate temperant, vt fastidio huma-  
no quàm facilè medeantur.

Quamobrem cùm omnis ea voluptas, quæ  
ab artibus, à picturâ, à musicâ, à ludorum ap-  
paratu, atque adedò orbis totius aspectabili  
venustate percipitur; pugnae cuidam rerum  
atque congressui ascribi debeat: necesse est  
eam, quæ ab acutè dictis oritur, delectatio-  
nem vni verborum & sententiarum conten-  
tioni acceptam referri debere.

Atenim cur pugna ipsa placet? propter varie-  
tatem: sed cur ipsa varietas arridet? duplici sanè  
de causâ, quarum altera est, Ingenium homi-  
nis, quod est eiusmodi auctore Philosopho I. I.  
Metaph. cap. I. vt naturæ ipsius quodam impe-  
tu in rerum cognitionem atque scientiam fe-  
ratur. In rerum autem varietate aliquid discit



quod per se antè ignotum erat, aut certâ quadam ratione ignotum. Altera ratio est, rerum varietate, spirituum fieri commutationem, ex quâ iucunditas oritur: nam cùm animus in vnam rem defixus, diu illam contemplatur, vnum, & eundem insistit spiritum. ( sic appellat Philosophia corpuscula quædam, quibus tanquam instrumentis animus vtitur ad rerum cognitionem percipiendam ) spiritibus verò istis natura tum lucida est, tum calida, quare agitatione diuturna ignescunt facile, & vaporant, vnde existunt dolor, & fatigatio. Varietati itaque rerum, spirituum varietas seruit, prior igitur ille spiritus qui agitatione incaluerat; mutatione illâ & quiete tepescit, atque recreatur. Et quoniam spiritus illi in totum corpus se diffundunt, atque illud tranant, voluptatem titillatione faciunt. Virgilius lætitiâ quâ gestiunt corui, in eam spirituum lenem agitationem refundit. sic enim canit:

*Haud equidem credo, quia sit diuinitus illis  
Ingenium, aut rerum fato prudentia maior.  
Verùm ubi tempestas, & cœli mobilis humor  
Mutauere vias, & Iuppiter humidus austris  
Densat, erant quæ rara modo, & quæ densa  
relaxat.*

E c iij

*Vertuntur species animorū, & pectora motus  
Nunc alios, alios dum nubila ventus agebat,  
Concipiunt. hinc ille animum concentus in agris,  
Et late pecudes, & ouantes gutture corui.*

De sententiâ quæ sit Gnome abundè disputatum est; de Dianœâ ponatur quæstio. Hic tamen moneo Gnomen aliquando ab Aristotele vsurpari pro illâ animæ vi, & intelligentiâ quæ res demonstrat, aut declarat quodammodo, sic enim cap. VI. Poët. Διάνοιαν ἣ ἐν ὅσοις λέγοντες ἀποδείκνυσσι τι, ἢ καὶ ἀποφαίνονται γνώμην. Id est. Dianœam (dico) ea omnia in quibus qui loquuntur demonstrant aliquid, aut declarant mentem suam. hic γνώμη vsurpatur pro mentis cognitione. Dianœa in genere vis est animi, (quæ rectè à quibusdam cogitatio veluti coagitatio dicitur) quâ multam per disquisitionem inuestigatur, quid sit, vtrum sit, & quibus gaudeat affectionibus id de quo quæritur. In Metaphysicis lib. VI. cap. I. Dianœæ attribuuntur Scientia, Prudentia, & Ars, quarum duæ in molitione rei sitæ sunt, prima in cognitione, sed cum discursu, nam quæ cognitio est sine discursu siue agitatione Dianœa non est, sed νοῦς, id est, intellectus, qui est habitus primorum principiorum, vt disputat



Philosophus lib. VI. Moral.

Dianoëam itaque in specie, quæ est pars tertia formalis Epopœiæ, his verbis definit Aristoteles cap. VI. de Poëticiâ, *τρίτην δὲ διανοῖα τῆς ποίεσις λέγεται διωαομένη τὰ ἐνόντα, καὶ τὰ ἀρμόζοντα*. Id est, *Tertia pars est Dianoëa, hoc est posse dicere, ea quæ insunt, & quæ conueniunt*. quæ definitio sic explicatur, vt nomine τῶν ἐνόντων intelligamus ea, quæ ingenio & naturæ rerum ex se se conueniunt; nomine autem τῶν ἀρμόζοντων ea, quæ accidunt, & sunt ornamento. Dianoëa itaque est vis animi quæ explicat, tum naturam rei, tum eas quæ naturæ congruunt, affectiones.

In officio Dianoëæ est *ἀποδεικνύειν καὶ λύειν, καὶ πάλιν ποιεῖν καὶ ἑλκεῖν, καὶ φεβέειν, καὶ ὀργίζειν, καὶ ἴσα ποιῶντα, καὶ ἢ ἐπὶ μέγεθος καὶ μικρότητα*. Id est demonstrare, & dissoluere, & motus animorum præparare, velut misericordiam & metum & iram & quæcunque talia sunt. adhuc autem & magnitudinem & paruitatem, ex lib. de Poët. cap. XIX.

Quinque sunt itaque Dianoëæ partes, demonstrare, dissoluere, motus animorum ciere, augere, & minuere. Demonstratione egent, quæ latent; solutione, quæ nexa sunt, & ple-

xa; granditate, quæ sunt exigua; imminutione, quæ grandia sunt, & enormia. hæc sententiæ officia enucleatiùs explicare Rhetoricæ est, non Poëticæ. Quamobrem illis superse-  
deo. præteriri tamen non debet Commentatoris in Poëticam interpretatio. *Sermones*, inquit, *quibus perturbationes moventur, magis proprij sunt Rhetorices, quàm Poëtices: perturbationes autem animi quæ moventur per sermonem Rhetoricum & Poeticum sunt metus, ira, amor, odium, gaudium, & dolor, & cætera quæ hominum animis accidunt, quæ enumerata sunt in libris Rhetoricorum.*

Dianœæ discrimen à moribus est, quia ex moribus *καὶ αἰσῶσις*, id est electio eius quiloquitur, vel quidpiam agit, in notitiam venit; ac proinde sitne vitio, an virtute affectus. Dianœa verò est, *ἐν ᾗ τὸ ἀποδείκνυται πᾶσι ἢ ὡς ἔστιν, ἢ ὡς δοκεῖ ἔστιν, ἢ καὶ ὅταν πᾶσι, ἀποφαίνονται.* *In iis est tota, quibus demonstratur quippiam esse, aut non esse, aut univèrsè aliquid declaratur.* cap. VI. Animi itaque affectiones per mores fiunt palam; Rei verò de quâ posita est quæstio, proprietates, & exstantia, & cætera eiusmodi per Dianœam agnoscuntur.

Faciunt interpretibus negotium ea verba,  
quæ



quæ definitioni *ἁγνότης* attexuit Philosophus. nam cum sic pronunciaſſet: *Dianoëa* eſt vis animi, quæ explicat tum naturam rei, tum eas, quæ naturæ congruunt, affectiones; adiunxit ὁ παρ' ἐκτὸς λέγων τῆς Πολιτικῆς καὶ Ρητορικῆς ἔργον εἶναι. Οἱ μὲν γὰρ ἀρχαῖοι πολιτικῶς ἐποίουν λόγοντας. οἱ δ' νῦν ῥητορικῶς. odioſi ſunt, qui nodum hîc in ſcirpo quærunt. *Dianoëa* (inquit) cum ad *Rhetoricam*, tum ad *Politicam* pertinet. *Veteres* ſiquidem poëtae perſonas inducebant quæ politicè, apertâ & nudâ ab omnibus figuris oratione uterentur: nuperi verò ac recentes eas in ſcenam producunt, quæ *Rhetoricè*, id eſt, omnibus Oratoriæ facultatis luminibus dictionem ſuam exornant. cap. v I.

At quid cauſæ eſt, cur tertius *Dianoëæ* locus detur? quia, ut iam ſuprà monuimus, in actione felicitas; in moribus bonitas, & virtus; in ſententiâ vis animi, & intelligendi acumen conſiſtit.

---

QVÆSTIO DECIMA.

De Dictione.

- I. *Definitio Dictionis.* II. *Quid ſit interpreta-  
tio, ſive ἐρμηνεία apud Ariſtotelem.* III. *Ver-  
Ff*

ba multa in nominibus censentur. IV. *Sensa animi esse παθητικά, quae lateant, & vocibus proferantur.* V. *Qui nata sit Histrionica, & quomodo distincta à Poësi.* VI. *In recitatione vis maxima.* VII. *Dictionis partes octo.* VIII. *Dictionis Poëticae laudes quinque.* IX. *De perspicuitate; cur primaria laus; qui oriatur, quanam illi officiant.* X. *De maiestate dictionis; qui fiat magna oratio Poëtica. Alia est dictio Poëtica, alia Oratoria. Poësis Gallica nimis timida.* XI. *De aequabilitate dictionis. Cur fœdum sit inaequabile dicendi genus.* XII. *De numeris dictionis Poëtica.* XIII. *De concinnitate, & venustate dictionis. Concinnitas dictionis est ῥυθμὸν distinctum à numeris & verbis, oritur ex metaphoris, & dialectis. Aurea, & diuina mediocritas in usu ornamentorum. Gallici sermonis penuria.* XIV. *Non omnis pars Poëmatís ornari postulat.* XV. *Sitne potius poema scribendum Latino sermone, quàm patrio.* XVI. *Quis locus inter partes formales debeat dictioni.*

- I. **D**ICTIO ab Aristotele cap. VI. Poëticae in hæc verba definitur: λέγων λέξιν ἑστῶτιν ὡς τῆς ὀνομασίας ἐρμηνείαν. Id est, Definitio Di-



ationem esse interpretationem per nominis prolationem. Philosophus suo more, id est accuratâ illâ suâ, & ut ita dicam, succinctâ oratione loquitur. Quare vel hic locus indicio est certissimo, librum istum de Poeticâ meritò in operibus Aristotelis censerî. Hæc definitio rudioribus, & in Peripateticâ disciplinâ malè initiatis tristior, & angusta nimis videbitur, cui explicandæ seruiant hæ cautiones.

II. CAVTIO prima sit. Ex Aristotele iis in libris quos inscripsit *τῶν τῶν ἐρμηνεύσεως*, id est, de interpretatione, quædam voces sunt aientes, quædam negantes; tum & aliæ tertij cuiusdam generis, quæ neque aiunt, neque negant. In his sunt nomina solitaria, veluti, homo, aut leo: in illis sunt propositiones, putà, Homo est iustus: Leo est fera. Hinc orta est solemnîs illa vocum distinctio in affirmantes, & negantes. Quæ porrò neque aiunt, neque negant voces, minimè sunt orationes, neque si *ἀκριβοῦς λογείσθαι*, & accuratè loqui placet, sunt *ἐρμηνεύσεως*, siue interpretationes; cùm iudicij, & veritatis, aut falsitatis vacuæ sint. At quæ affirmant, vel negant; illæ & orationes, & interpretationes compellendæ sunt. Pronun-

Ff ij

ciat itaque Aristoteles dictionem esse interpretationem sensu iam explicato.

III. CAUTIO altera est, istâ voce *ὀνομασίας* non tantum comprehendere, quæ Grammaticis nomina dicuntur, & sunt *ἄχρεα*; sed etiam verba, quæ per tempora flectuntur. Nam & Philosophus cap. III. lib. de Interpretatione, ubi de verbis distinxisset, pronunciauit ea verba, quorum significatio certa esset, esse nomina. *Αὐτὰ μὲν οὖν, καὶ αὐτὰ λεγόμενα τὰ ῥήματα ὀνόματα ἔστι, καὶ σημαίνει τι.*

IV. TERTIA cautio est, ab Aristotele voces eiusmodi cā gratiâ dici *ἐρμηνείας*, id est, interpretationes, quia sensa animi mente comprehensa interpretantur. Nam rerum cognitiones ait c. I. de Interpr. esse *παθήματα τῆς ψυχῆς*, affectiones animæ: Neque iniuriâ, cū in animâ receptæ, illam afficiant quodammodo. quæ itaque latent in intellectu rerum cognitiones, atque intelligentiæ per dictionem in apricum, & lucem adducuntur. *ἔστι μὲν οὖν* (inquit eodem capite) *τὰ ἐν τῇ φωνῇ τῶν ἐν τῇ ψυχῇ παθημάτων σύμβολα.* Est itaque mens Philosophi, cū dictionem esse interpretationem per nominum prolationem dixit; ut ipsa sit oratio continua, atque perpetua; quæ animi sensa in medium profe-



rat. Quamobrem parum Philosophicè nonnulli aiunt dictionem esse explicationem sensus animi. Nam & gemitus, & gestus, & voces ἀσώηται explicant varios sensus; cùm tamen iudicij, ac veritatis vacuæ sint, ac proinde ἐρμηνεύει dici nequeant.

Definitio modò explicata vtrique dictioni solutæ, & strictæ congruit: faciliè tamen, si qui sunt proprii characteres, adhibeantur, vtraque propriâ definitione gaudebit. Nam & ipse Philosophus cap. VI. his verbis Poëticam dictionem designauerat. Λέγω λέξιν μὲν ἀσώηται καὶ μέτρῳ σὺνθεσιν. aio dictionem esse metrorum compositionem. Quanquam non vno metro tantùm à Rhetoricâ distinguitur Poëtica; sed etiam ornatu, & formâ longè discolor est.

V. EXPLICATA naturâ, & definitione dictionis, de eius partibus, & ornamentis instituenda est quæstio. Ac primùm quidem disertè cauet Aristoteles capite XIX. τὰ σχήματα, siue figuras dictionis omnes in Poëticam minimè congruere. Ambigua enim est potestas τῶν σχημάτων. Alia siquidem recitanti propria sunt, alia ipsi orationi. Cauet (inquam) vocis, oris, vultus, manuum, totiusque corporis conformationem ad Poëticam nihil at-

F f iij

tinere, sed ad Histrionicam. Nam cùm primis temporibus Poëtæ per sese versus suos ipsimet recitarent; decoris, & dignitatis retinentes erant: subinde verò vbi eam prouinciam Histrionibus reliquere; qui Poëticæ vim, & ingenium minùs callebant; fuerunt docendi artem pronunciandi. Ars porrò illa, quæ & recitantes fingeret, & voci, atque gestui moderaretur, ὑποκριτικὴ Græcis; nobis Histrionica appellatur. Illam Glaucon Teius primus in præcepta conclusit, auctore Philosopho III. Rhet. quo testimonio ea continentur omnia, quæ iam monuimus, quare fastidio non erit. *Nondum (inquit) in usu erat ars histrionica.* Καὶ γὰρ εἰς τὴν τραγικὴν, καὶ ῥαψωδίαν ὁ πρῶτος ἦλθεν, ὡς ἐκρίνοντο γὰρ αὐτὰς τὰς τραγωδίας οἱ ποιηταὶ τῷ ὄψεσθαι. Id est, *Sero enim ad rem Tragicam & Epicam accessit.* Poëtæ enim primis illis temporibus ipsimet tragædias recitabant. His attexuit: Δὴ λέν ουδ' ὅτι καὶ αὐτοὶ τὴν ῥητορικὴν ἔβησαν τὸ τοιοῦτον, ὡς περ καὶ αὐτὸς τὴν ποιητικὴν, ὅθεν ἐπεσὶ πινες ἐπαγαγὰς τὴν ὁμήρου, καὶ Γλαύκων ὁ Τηϊός. Id est, *Manifestum itaque artem illam & Rhetoricæ pariter, & Poëticæ congruere; in quam quidam alij præter Poëtæ operam suam contulerunt, ut Glaucon Teius.*

VI. PLANE ars illa recitandi, quæ Actio



Romanis dicta est, magnam cum poemati, tum orationi dignitatem affert. Rhodiis orationem Demosthenis contra Æschinem mirantibus; quid (inquit iste) si bestiam audiretis? Virgilio primas non nemo præcipere se posse non diffidebat, si vocis suauitatem æquare posset. scholæ etiam nostræ Magister docet lib. III. Rhet. cap. I. actores præmia & ipsis Poëtis, & Rhetoribus sæpe præcipere; auditorum tamen, & iudicum vitio, ἡ δὲ πλεὺς τῶν ἀκροατῶν μορθηταίαν τῆς πολιτικῆς, καὶ ἡ δὲ πλεὺς τῶν ἀκροατῶν μορθηταίαν. Tullius in Oratore. *Infantes*, inquit, *actionis dignitate eloquentiæ sæpe fructum tulerunt, & deserti deformitate agendi multi infantes putati sunt, ut iam non sine causâ Demosthenes tribuerit & primas, & secundas, & tertias actioni.* at de iis abundè.

VII. DICTIONIS partes recenset octo Philosophus cap. XX. sunt verò hæc. Elementum, syllaba, coniunctio, nomen, verbum, articulus, casus, oratio. De singulis nunc disputandi, neque otium est, neque si sit, necesse est, cum partes istas Grammatici diligentissimè sint defuncti.

VIII. DICTIONIS Epicæ laus est quintuplex. I. Perspicuitas. II. Maiestas. III. Æqua-

bilitas. IV. Numerus. V. Concinnitas quædam. De singulis pauca delibanda sunt.

IX. ARISTOTELES cap. XXII. meritò primas partes tribuit perspicuitati, & continuò monet cauendum ab humilitate. *Λέξεις δὲ ὁρετῇ, σαφῆς, καὶ μὴ πεπλεγμένης*. Primæ verò debentur perspicuitati, quia eo fine quisque loquitur; si bonæ, & sanæ mentis est; vt intelligatur; quoniam dictio est interpretatio earum rerum quas mente concepimus: quamobrem quò perspicuè magis vnusquisque loquitur, eò finem tenet felicius, & rectius loquitur. Et quando contrariorum contrariæ sunt affectiones, necesse est obscuritatem in oratione esse vitium longè maximum. Nam qui loquitur obscure, nihilo plus efficit, ac si taceret: & auditor itidem intelligit dicentem nihil, & loquentem implicata. Quanquam & hic magis est odiosus; qui vexet, & malè habeat auditores. Peccabant itaque turpiter Rhetores illi antiqui quos obiurgat Quintilianus lib. VIII. qui discipulorum orationem attollebant istâ voce, *Συγχορον*. Oritur perspicuitas dictionis ex proprietate nominum. *σαφές αὐτὴ καὶ οὐκ ὅστις ἢ ἐκ τῶν κυρίων ὀνομάτων*. lib. de Poët. c. XXII. quod semel atque iterum monet. Ratio à nobis est.

Auditor



Auditor assuetus vocibus propriis continuò rem illis contentam penetrat, atque cernit. impropria verò nominum appellatione auditoris ingenium à re vnâ ad alteram traducitur cum voluptate quadam, si rarò & appositè; cum ægritudine, si frequentius. Discerpitur enim illâ frequentatione cogitatio. Perspicuitati etiam seruiunt periodorum circuitus mediocres, vinculorum apta dispositio, acuminum infrequentia, particularum vsus parcus. Periodorum enim granditate abnormi pendet auditoris animus, & ægrè initium cum fine committit, atque comparat. Vinculorum *ἁλίσια* luxat orationem, & auditor ordini studet, quem non inuenit. Nocet perspicuitati frequentia acuminum, tum quia sæpe infelicitè, & incommodè illigantur; tum quia fatigatur auditor cùm sensum vestigat, qui vt plurimùm latet in acumine. Officit particularum insolens, & nimius vsus; extricandis enim illis operam qui ponit auditor, significationem amittit. Huius fraudis non imprudens Terentianus ille Dauus in Andriâ herum lusit. Huic enim quærenti quid narraret, Veterator ille respondit: *Æquè, quidquam, nunc, quidem.* Tum etiam & Syrus simili in

Gg

causâ. *ita res est hæc nunc, quasi cum.* Hoc probari potest cum studio, & datâ operâ sententiam suam rectam aliquis cupit. At quis in Poëta Epico hoc ferat? aut quis non vituperet?

X. ALTERA dictionis laus est, ut sit augusta, & à plebe summotâ. ita Philosophus cap. XXII. his verbis: Σεμνή γ', ἡ ἀλλὰ τοῦσα ὁ ἰδιωτικόν. Aristoteli consentiunt quotquot non imperiti de re Poëtica disputârunt. Ipse Aristoteles lib. III. Rhetor. cap. I. secum congruit. Docet enim primos Poëtas licet de re futili canerent; in pretio tamen fuisse, & gloriam assequutos fuisse ingentem, qui verborum splendore, & dignitate, omnium admirationem mererentur. Quare & Rhetorum primi, ut Gorgias, illorum dictionem imitari conabantur; quod in gloriæ quoque participationem venirent. Atqui notat eos imperitiæ Philosophus, qui Oratores poëtica dictione florentes laudarent, cum alia sit Poëtæ, alia Oratoris dictio. Καὶ νῦν (inquit) οἱ πολλοὶ τῶν ἀπαδόντων τοὺς ποιητοὺς οἰοῦνται ἀγαθέμεσθαι καλίστα. τὸ το δ' ὅτι ἐστὶ, ἀλλ' ἐτέρῃ λόγῳ, καὶ ποιήσεως λέξις. Accedit Aristoteli Lucianus, qui sic in Rhet. Mag. loquitur: Πῆταρ πολὺ ἐνέργει τῆς ποιητικῆς μεγαληρείας ὅτιν. Id



est, Rhetor multum abest à maiestate Poëtica. Accedit etiam Arbiter apud quem Eumolpus in hæc verba loquitur: *Effugiendum est ab omni verborum, ut ita dicam, vilitate, & sumenda voces à plebe summotæ. Ut fiat. Odi profanum vulgus & arceo.* Adest etiam vir emunctæ naris, & ingenij acerrimi Horatius, qui in hæc verba sententiam proferat lib. I. sat. IV.

*Neque enim concludere versum  
Dixeris esse satis, neque si quis scribat, uti nos  
Sermoni propiora, putes hunc esse Poëtam.  
Ingenium cui sit, cui mens diuinior, atque os  
Magna sonaturum, des nominis huius honorem.*

Multis prosequitur hoc argumentum, atque dictionem eam desiderat, quæ etiam extra metrum magna sit & florens; ita ut soluto etiam carmine,

*Inuenias dissecti membra Poëta.*

Quare inquit,

*Non satis est puris versum concludere verbis, &c.*

Id monuisse operæpretium fuit, tum Latinæ poëseos gratia, tum etiam Gallicæ, & huius quidem multo magis; cui dicitur id adhæsisse corruptelæ, ut si quid à vulgi consuetudine

Gg ij

abhorrens allatum fuerit, continuò repudietur, quare ea languida & effeminata quodammodo quibusdam esse videtur, neque satis digna, quæ *Æneïdi* seruire possit. Quamquam audio existere Poëtas robustissimi ingenij, qui *Epopœias* scribant, & re ipsâ eam calumniam confutent. Nonnihil etiam timeri potuit Latino poëmati à Grammaticorum gente, qui cùm sint humilis ingenij, & styli; sermoni propiora possunt scribere, ad poëmatis verò dignitatem assurgere nequeunt.

At cur dictionem magnificam esse oportet? quia admirationem, & voluptatem ciere debet. Ab assuetis autem non impellitur animus. Assurgit itaque, vel quò placeat, vel quò in admirationem vocet.

Quî verò grandescit? nempe (inquit) *Philosophus* cap. XXII. Εἰ τοῖς ξενικοῖς κέρχεται, si peregrina in vsum adhibeat. Quæ peregrina sint docet eodem cap. ξενικόν ὃ λέγω γλῶτταν καὶ μεταφορὰν, καὶ ἐπέκτασιν, καὶ πρὸς τὸ ὡς αὐτὸ κρείον. *Peregrinum dico, linguam, translationem, extensionem, & quidquid à propriâ potestate traducitur.* Quod iterum monet eodem capite.

Linguarum nomine varias Dialectos com-



prehendit. Augetur itaque oratio à Dialectis, Metaphoris &c. vel quia mens auditoris excitatur ad insolentiam illam verborum, vel quia discit aliquid, vel quia Poëta eruditior videtur, qui præter solitum sapiat, & loquatur. Quid sit Metaphora, *Ἐπέκτασις*, & Metatheses illæ, quid Ænigma, quid Barbarismus fusè disputavit præter alios Quintilianus libro altero. Dialecti porrò & Metaphoræ tum aliis partibus Poëticiæ, tum maximè Epopœiæ congruunt ex cap. XXIV. *διὸ καὶ γλώττης καὶ μεταφοῦς εὐδεχέσθαι μέλιστα*, Cùm maiestas dictioni concilianda sit; certè humilitas, & tumor pariter fugienda sunt. de quibus quæremus hîc postquam de quintâ dictionis laude fuerit disputatio.

XI. DICTIONIS laus tertia est Æquabilitas; per quam vno tenore, & vniusi modi veluti filo textitur oratio. Præceptionem istam vnus omnium explicauit elegantissimè Horatius.

*Inceptis grauibz plerumque, & magna professis*

*Purpureus, latè qui splendeat, vnus, & alter  
Assuitur pannus; cùm lucus, & ara Dianæ,  
Et properatis aquæ per amœnos ambitus agros,*  
Gg iij

*Aut flumen Rhenum, aut pluvius describitur  
arcus.*

*Sed nunc non erat his locus, & fortasse cu-  
pressum*

*Scis simulare. Quid hoc? si fractis enatat ex spes  
Nauibus, ære dato qui pingitur; amphora cæpit  
Institui; currente rotâ cur-vorceus exit?*

*Denique sit, quod vis, simplex duntaxat, &  
unum.*

Non sum nescius adduci hoc testimonium pro  
vnitate fabulæ, de quâ disputatum est priori  
parte huius Dissertationis: at meo præterea iu-  
dicio rectè quadrat, & congruit æquabilitati  
dictionis.

Fœdum est non Poëtæ tantum, sed etiam  
Oratori vitium, scribendi genus non æquabi-  
le; nam & arrogantia notat, & imbecillitatis  
hominem, qui plus oneris sibi sumat, quàm  
ferre possit. Monitorem habet Horatium:

*Sumite materiam vestris qui scribitis equam  
Viribus, & versate dñ, quid ferre recusent,  
Quid valeant humeri.*

XII. QVARTA laus est, vt sit numerosa.  
De numeris Poëticis nemo Grammaticus, aut  
Orator non scripsit, quare de iis dicere super-  
sedebo. Si quid sit in rem nostram, illud,



cū de versu hexametro instituemus dicere, perfectum dabo.

XIII. QUINTA laus dictionis est venustas quædam, & concinnitas, quæ difficiles, imò nullos habet explicatus. Ingenij bonitate, non præceptis continetur. Ac primum quidem distinguitur à numero, & verbis; quoniam iis remanentibus, illa interit in hoc versu Virgiliano.

*Sunt mihi bis septem præstanti corpore Nympha.*  
Concinnitas sua, & lepos inest. En aberit, si legis.

*Corpore bis septem præstanti sunt mihi Nympha.*  
cū tamen & verba eadem, & idem sit numerus. Quantò turpius incedet, si dixeris,

*Præstanti bis septem sunt mihi corpore Nympha.*  
Sordescit igitur oratio verborum μετὰ θέσιν, & transpositione; venustati non tantum opponuntur sordes, sed etiam humilitas quæ ex proprietate verborum oritur. Exemplum ab Æschylo adducit Philosophus cap. XX. Poët. Æschylus & Euripides in Philoctete, ipsum inducunt eodem versu, sed mutatâ vnicâ voce conquerentem, sic quidem Æschylus. φαγε-  
δαινα ἢ μυσσάρας ἐδίη πόδες. *Phagedæna* (hoc est cancer in carne, ut hîc sumitur) *edit pedis mei*

*carnes.* Euripides verò ita: φαγέδανα ἢ μουσάχας  
 ὀλίγα το πόδος. *Phagedana epulatur pedis mei car-*  
*nes.* Attexuit Philosophus auditorum iudi-  
 cium. Iambus ( inquit ) Euripidis concinnus  
 est iudicatus , Æschyli verò vilis. τὸ μὲν φαίνεται  
 καλόν, τὸ δ' ὀπίστες. In Virgilio quæramus exem-  
 plum. Ecloga IV.

*Nec varios discet mentiri lana colores,*

*Sponte suâ sandix pascentes vestiet agnos.*

Tolle μεταφορὰς illas, quæ in dictionibus *discet,*  
*mentiri, vestiet* elucet; flos ille, & dignitas ver-  
 sus extinguetur. Neque ubique tamen , aut  
 nulli metaphoræ , transpositioni , & Dialecto  
 locus esse debet. Vix dici potest quàm dirum  
 Gallos ceperit odium transpositionum , aut  
 Dialectorum. Nam si quid paulò insolens , aut  
 præter aulæ sermonem proferatur , continuò  
 repudiatur. Græci , Latini , Itali liberiùs , &  
 pro arbitrato propemodum iis utuntur, Gallis  
 verò vocem suo loco mouere; aut Dialecto,  
 præterquam Aulicâ, vti religio est. De Dia-  
 lecto secus pater ille pœseos Gallicæ Ronfar-  
 dus edixerat. Sequutus enim Græcos , & La-  
 tinus in hæc verba loquitur. *Jete conseil de d'v-*  
*ser indifferemment de tous dialectes, comme iet ay*  
*desia dit, entre lesquels le courtisant est tousiours*  
 le



*le plus beau, à cause de la maïesté du Prince; mais il ne peut estre parfait sans l'aide des autres. Car chacun iardin a sa particuliere fleur, & toutes nations ont affaire les vnes des autres. Comme en nos haures, & ports, la marchandise bien loin cherchée en l'Amerique se debite par tout. Toutes les prouinces, tant soient-elles maigres, seruent aux plus fertiles de quelque chose; comme les plus foibles membres, & les plus petits de l'homme seruent aux plus nobles du corps.*

Audio ab aduersariis facultatem illam de usu dialectorum Græcis permitti, propterea quod vnaquæque illorum ciuitas vt imperij, ita sermonis proprij erat retinentissima, cui honos & dignitas esset sua: Gallis verò tantumdem licere nolunt, in quos & vitæ, & sermonis vni Regi sit imperium, & potestas. Honestà planè est oratio. At quid causæ est, cur antiquis verbis Poëtæ Gallo interdictum est? Ab Homero ad extrema Græcorum tempora anni fuere supra bis mille, & Homeriana verba etiam nuperis venerationi fuerunt; at quæ ante sæculum apud maiores nostros floruerè, nobis sordent. Vnum è tribus in causâ est, aut sermonis Galli vitium, aut ingenij mobilitas, aut subobscura quædam inuidia.

H h

Tum quidni licet cū à Græcis , tum à Latinis verba quædam potestatis maioris , atque virium , aut earum rerum quæ nostris hominibus in vſu non fuerant , mutuari ? Romanis id etiam laudi datum eſt ; nam præter exempla , quæ ſuperſunt , & abundant ; adest Horatii edictum :

*In verbis etiam tenuis , cautūſque ſerendis  
Dixeris egregiè , notum ſi callida verbum  
Reddiderit iunctura nouum , ſi forte neceſſe  
Indiciis monſtrare recentibus abdita rerum ;  
Fingere cinctutis non exaudita Cethegis  
Continget , dabiturq ; licentia ſumpta pudenter.  
Et noua , fictaque habebunt verba fidem , ſi  
Græco fonte cadant parcè detorta. Quid autem  
Cecilio , Plautoque dabit Romanus ; ademptū  
Virgilio , Varioque ? ego cur acquirere pauca  
Si poſſū , inuideor ; cū lingua Catonis & Enni  
Sermonem patrium ditauerit , & noua rerum  
Nomina protulerit ? Licuit , ſempërque licebit  
Signatum præſente notâ producere nomen.  
Illis poëſis Gallica præſidiis , atque copiis miſerè ſibi interdictum voluit ; ergo exilis eſt , & ieiuna ; & Tametſi bona eſt natura , redditur culturâ iuncea.*

Atqui cū aliis rebus , tum verbis non tap-



tum cultior esse debuit, quàm Latina, aut Græca; sed etiam ditior; neque adeò id tantum quia maiorum verba auditione acceperit, sed etiam quia ὁμοιοπαίων gratiâ, atque frequentatione copiam, vim, atque vbertatem quandam maiorem desiderat.

In rebus quidem omnibus aurea est mediocritas; in dictione est maximè. Nam cum alibi facile sit, & pronum labi; tum hîc imprimis. Rectè Horatius in Arte.

*Decipimur specie recti: Brevis esse laboro,  
Obscurus fio. sectantem leuia nerui  
Deficiunt, animique. Professus grandia turget,  
Serpit humilitatus nimium, timidusq; procella.  
Qui narrare cupit rem prodigialiter unam,  
Delphinum syluis appingit, fluctibus aprum.  
In vitium ducit culpa fuga; si caret arte.*

Atque iterum,

*Hic dum vitat humum; nubes & inania  
captat.*

Id autem vitij à Grammaticis ἀνεχθρον dicitur, de quo Quintilianus in VII. his verbis. Denique ἀνεχθρον vocatur, quidquid est ultra virtutem, quoties ingenium iudicio caret, & specie boni fallitur, omniumque in eloquentiâ vitiorum est pessimum, nam cetera cum vitentur, hoc petitur.

H h ij

Miserè quidam dictioni ita sunt addicti, & in illam vnam intenti adeo, vt nihil in illam satis putent esse exhausti. Quamobrem dum toti in eâ sunt, modum non tenent. Quos idem qui nobis laudatus est Quintilianus lib. XII. his verbis admonet: *Sed & copia modum habet, sine quo nihil nec laudabile, nec salutare est, & nitor ille cultum virilem, & inuentio iudicium desiderat: sic erunt magna non nimia, sublimia non abrupta, fortia non temeraria, seuera non tristia, graua non tarda, lata non luxuriosa, iucunda non dissoluta, plena non tumida.* Eos qui difficili & moroso sunt ingenio, anxia illa, & stultè religiosa scribendi ratio inuasit: cùm bonitatem ingenij, & ὁφείδω illam celeberrimam comiteretur natiua quædam orationis pulchritudo. Quamobrem ego

*Horum emulari exoptem negligentiam*

*Potius, quàm illorum obscuram diligentiam.*

XIV. HIC quoque quæri potest, sitne par omnibus poëmaticis partibus diligentia adhibenda. Verat princeps artis nostræ c. XXIV.

τῇ δὲ λέξει δεῖ Ἀσπορίῃ ἐν τοῖς ὅροις μέρεσι, καὶ μὴτε ἡθικοῖς, μὴτε Ἀσπονδικοῖς. ἀποκρίπτει γὰρ λίαν λαμπρὰ λέξις τὰ ἡθικά, καὶ τὰς Ἀσπονδίας. Id est: *In partes poëmaticas otiosas, quæque moribus, aut sententiis vacant,*



*ornatus dictionis conferri debet. Dictio enim illustris suâ luce, moribus, & sententiis officit. Pulcherrimâ hac præceptione nihil explicatius, aut pulchrius dici potest. quamobrem exemplis duntaxat id confirmare placet.*

Virgilius orationem Latini Regis moratam nullo ornatu, nullâ metaphorâ, nullo fucopinxit.

*Olli sedato respondit corde Latinus.*

*O præstans animi iuuenis: quantum ipse feroci  
Virtute exuperas; tantò me impensius aequū est  
Consulere, atque omnes metuentem expende-  
re casus.* (capta

*Sunt tibi Regna patris Dauni; sunt oppida  
Multa manu; nec non aurūque, animūque  
que Latino est.*

*Sūt alix innuptæ Latio, & Laurentibus agris,  
Nec genus indecores, sine me hæc haud mollia  
fatu*

*Sublatis aperire dolis. simul hæc animo hauri.  
Menatam nulli veterum sociare procorum  
Faserat; idque omnes Diuique, hominēsque  
canebant:*

*Victus amore tui; cognato sanguine victus,  
Coniugis & mæstæ lacrymis, vincla omnia  
rupi;*

H h iij

*Promissam eripui genero , atque arma impia  
sumpsi.*

*Ex illo , qui me casus , quæ Turne sequantur  
Bella vides , quantos primus patiare labores,  
&c.*

In his versibus verba omnia propria. Res enim magni momenti auditorem attentum suâ dignitate facit. at in IV. Georgicon, quibus flo-  
sculis, luminibus, ornamentis pepercit, quo  
ditior de re oppidò exili fieret oratio. De  
apibus ita canit.

*Sin autem ad pugnam exierint, nam sæpe duobus  
Regibus incessit magno discordia motu.*

*Continuòque animos vulgi, & trepidantia bello  
Corda licet longè præsciscere. Namque morantes  
Martius ille æris canor increpat, &c.*

Ad hæc sunt res quædam, quæ ornatu, &  
cultu corrumpuntur, de quibus Manil. III.  
Astron.

*Ornari res ipsa negat, contenta doceri.*  
Quamobrem ab Horatio sapienter dictum est,

*Desperes tractata nitescere posse, relinquo.  
ut quæ*

XV. IN disputationem quoque venire po-  
test, sitne poëma nobis patrio sermone, an  
Latino, vel etiam Græco scribendum. San-



Atissimè nos obtestatur, & compellat eâ de re  
 Ronfardus. Je supplie tres humblement ceux à qui  
 les Muses ont inspiré leur faueur, de n'estre plus  
 Latineurs, ny Grecaniseurs, comme ils le sont plus  
 par ostentation que par deuoir; & prendre pitié  
 comme bons enfans de leur pauvre mere naturel-  
 le. ils en rapporteront plus d'honneur & de repu-  
 tation à l'aduenir, que s'ils auoient à l'imitation  
 de Longueil, Sadolet, ou Bembe reconsu & rabo-  
 biné ie ne sçay quelles vieilles rapetasseries de Vir-  
 gile & de Ciceron, sans tant se tourmenter. Car  
 quelque chose qu'ils puissent escrire, tant soit-el-  
 le excellente; ne semblera que le cry d'une oye, au  
 prix du chant de ces vieils cignes, oiseaux dediez  
 à Phœbus Apollon. Après la premiere lecture de  
 leurs escrits, on en tient non plus de conte que d'un  
 bouquet fany. Encore vaudroit-il mieux comme  
 un bon bourgeois ou citoyen, rechercher & faire un  
 Lexicon des vieils mots d'Artus, Lancelot, &  
 Gauvain; ou commenter le Romant de la Rose,  
 que de s'amuser à ie ne sçay quelle Grammaire La-  
 tine qui a passé son temps. Sanè quàm turpiter  
 Ronfardum sua fefellit opinio. Lanceloti,  
 Gauuanij, & eius, qui est de Rosâ libri, quis no-  
 strum meminit sine risu? ipsius etiam Ronfardi  
 famam non pauci proscindunt. At Fracastorij,


Sannazarij, Bembi floret etiam nunc gloria. Neque tamen ij poëmatís dignitatem satis æquarunt. Pressius id disputemus. Esto poëma suis omnibus laudibus cumulatum, dictione Gallicâ conscriptum; pertinebit fateor etiam ad mulieres: at, si gravitate, & dignitate præstet; non placebit illarum stomacho: si maiestate caret; ne poëma quidem erit. Carebunt illi auctores alterâ laude, quam ambiunt; aut dignitate poëmatís, aut muliercularum gloriâ. Audio non deesse, quibus dignitas Epica sit nihili; fauor verò deterioris sexus sit longè maximi. atque illi eâ se tutantur ratione non absurdâ. Solæ legunt, solæ laudant, solæ etiam emunt mulieres. Quare ad eas itur, apud eas recitatur, earum iudicio arbitrium literarum permittitur. Agrestes (inquiunt illi) Latini, & Græci idiomatis scientes, rerum pulcherri-  
marum gustu carent; neque lautitias huius ætatis nostræ norunt. Non vsquequaque ego illis aduersari velim. Esto sanè ita vti disputant. Gallica illa poësis totâ Galliâ celebretur; Galliâ certè continebitur, finibus scilicet arctissimis; adhæc quàm facilè senescet, & risum deformitate suâ mouebit. Quis nostrum intelligit Ionuillæi dictionem? quis non ridet antiquo-  
rum



rum sermonem. Etiam Ronsardus ille vapulat à mulierculis, quibus se totum dedit. At si quod fuerit poëma suis omnibus laudibus illustre, Latino sermone conscriptum, nullo illud terrarum ambitu, nullis tēporum finibus circumscribetur. Vincit maiestate sermonis, vincit amplitudine idiomatis, vincit temporis diuturnitate. Quandiu enim florebit Religio Christiana, florebit verò ad se necitatem orbis, & excidium rerum omnium; vigeat Latina lingua. Quamobrem potius est, & maius operæ pretium Latinè, quàm Gallicè scribere; ita tamen potius, ut laude digni sint, qui patriâ id conentur oratione.

XVI. POSTREMUM dictioni locum deberi probant & demonstrant ea, quæ à nobis priùs de dignitate fabulæ, morum, atque sententiæ fuere disputata.









251

# DISSERTATIONIS

## PARS TERTIA.

*DE CAUSA EFFICIENTE*  
*Epici Carminis.*

---

### QVÆSTIO PRIMA.

Quis habitus sit Poëtica.

- I. *Quid sit Scientia.* II. *Quid Ars.* III. *Quid Prudentia.* IV. *Epica est prudentia.* V. *Epica non est Historia.* VI. *Epica non est Ars.* VII. *Epica non est Logica.*



VANTI sit Philosophiæ, atque adeò Peripateticæ operam dedisse, hæc Dissertationis nostræ pars tertia abundè docet. Cùm enim Grammaticorum natio in verbis, atque dictis antiquorum conquirendis, legen-

li ij

dísque tota sit : de naturâ Poëticae facultatis rectè constitutum à se tum putat, cùm oratione auctoritatibus, atque testimoniis veterum exaggeratâ, cumulatâque rem perturbatam atque sensus vacuam attulerit. Atque ij dignitatem suam vtcunque tutari possunt, quando de provinciâ non abeunt suâ; cùm autem in alienam inuadunt, tum existimationem suam, atque famam illudunt turpissimè. Enimvero nisi alieno essem animo à litibus, & à iurgio abhorrerem quàm qui maximè, nã homines oppidò idoneos nactus essem, in quos facerem exempla. Vnius ego meminero, cuius etiam nomini placet parcere; vt non hominem, sed ἀφιστόφοις illos, & Philosophiæ Peripateticæ imprudentes, studiorum suorum aliquando pudeat. En eius pronunciatum. *Ergo si me audias longo intervallo dissociata sunt Poesis, ac ciuilis scientia. Hac enim vera est scientia, atque inter eas, quæ in actione versantur, nobilissima: Poesis quippe quæ in rebus singulis, & indiuiduis versatur, etsi paulo aliter, quàm Historicus, &c. Quàm multa, quàm grauiâ peccat. Nullus fuit peccandi locus, quem non occuparit. Principio πολιτικὴν scientiam dixit, & ne dubitandi copiam relinqueret veram asseruit, ac-*



curauit scilicet pronunciatum. At ea, scientia non est, vt liquidò iam constabit. Tum scientiam in actione versari (vt loquitur) censet. Quo dicto nihil est foedius, & ab omni Philosophiâ cum Peripateticâ, tum Academicâ magis abhorrens. Deinde Poësim rebus singulis & indiuiduis addicit. At quî adeò præceptoris sui immemor fuit, quem illustrauit commentariis. Aristoteles Poësim Historiæ præfert, docetque esse aliquid φιλοσοφώτερον, vt ostendimus primâ parte Dissertationis. Quia Historia τὰ καὶ ἑκάστον enarrat; Poësis verò celebrat τὰ καὶ ὅλον.

Quò totâ de re liqueat, paulò altiùs exordiri orationem necesse est. Commodè Philosophus VI. Moral. cap. III. virtutes quibus animus in veritatem connititur, esse quinque pronunciauit. Sapientiam, Mentem, Scientiam, Prudentiam, & Artem. Duæ primæ, cur nos nunc quidem temporis sollicitos habeant, nihil causæ est. De aliis tribus ambigi potest.

I. DE scientiâ itaque Philosophus accuratè disputationem lib. VI. Moral. cap. III. & illam definit in hæc verba: Επιστήμη οὗν ἥ ἐστιν ἀνθρώποι φανερόν, εἰ ἀκριβοστεῖν, καὶ μὴ ἀκολούθειν ταῖς ὁμοιότησι. Γὰρ τες γὰρ ἀπολαύματα, ὃ ὁπτιζόμεθα μὴ ἐνδέχε-

ἄλλως εἶναι, &c. in quibus multus est. Id est. *Quid sit scientia hinc clarebit, si diserte & certò definire placet, neque verisimilitudinibus tantum obsequi. Scire enim se unusquisque nostrum existimat, cum id quod cognoscit, secus se habere non posse intelligit. Tum ἐπιστητὸν illud, siue id quod scitur, æternum esse & mutationi minimè obnoxium esse iubet, atque eiusmodi; vt neque oriri, neque interire queat. Εξ ἀνάγκης ἀρετὴ δ' ἐπιστητὸν. Αἰδίων ἀρετὴ. πᾶς γὰρ ὅς ἀνάγκης ὄντα ἀπλῶς αἰδία πρὸς τὴν. πᾶς δ' αἰδία ἀγνῶστα, καὶ ἀφθάρτα.* Est itaque scientia cognitio rei, quæ mutationi minimè sit obnoxia, atque ista vox cum ab Aristotele fuerit, tum etiam à Platone, & omnibus quotquot Philosophiæ se deditere hominibus. Qui omnes eò ab singulis rebus scientiam abiudicarunt, quòd hæ fluxæ essent, ac caducæ.

II. ARTEM definitione circumscribit Philosophus c. IV. eiusdem lib. VI. ἐξ ἡμῶν λόγου ποιητικῆς. *Habitum cum ratione efficientem.* tum addit: *Εστὶ δ' τέχνη πᾶσα ποιεῖν ἡμῶν, καὶ τεχνάσθαι, καὶ θεωρεῖν. ὅπως δὲ ἡμῶνται πᾶσι ἐνδεχόμενον καὶ εἶναι, καὶ μὴ εἶναι.* Id est. *Ars omnis versatur in molitione rei, & tota incumbit, vt eorum aliquid efficiat, quæ esse & non esse queunt.* Neque illud effatum tam est ab Ari-



stotele, quàm ab ipsâ rei naturâ. Ecquæ enim ars esse potest, aut intelligi; quæ rem non molitur, & naturæ enitenti non obstetricetur quodammodo?

III. PRUDENTIÆ verò definitionem his verbis cap. v. lib. vi. comprehendit. Δείπτε-  
 ται ἄρα αὐτὸν εἶναι ἀληθῆ μὲν λόγον πρακτικόν. Id est.  
*Confectarium est (prudentiam) esse habitum cum  
 ratione practicum.* Hæc prudentiæ definitio  
 nihil admodum differt ab artis definitione,  
 nisi quia prudentia dicitur πρακτική; ars verò  
 ποιητική. Et ne cui negotium facerent istæ vo-  
 ces, monuit diligenter Philosophus. Nam di-  
 uersas esse vires atque potestates istarum vo-  
 cum cùm ipse docet, tum nos ipsi Disserta-  
 tionis parte alterâ ostendimus.

Hi sunt itaque characteres οὐσιώδεις, & vt lo-  
 quitur schola, formæ, & differentiæ essentia-  
 les istorum habituum.

Scientia opus nullum efficit, ne inceptat  
 quidem, aut conatur; sed in vnam rei contem-  
 plationem intenta proprietates, vires, ac do-  
 tes illius introspicit, atque certis rationibus  
 demonstrat. Ars autem omnis actiuosa est, &  
 machinatrix, quæ rem architectatur, & effi-  
 cit, rem inquam minimè moratam. Pruden-

tia verò etiam ipsa ex sese efficit rem aliquam; sed moribus ornatam; id est, mores instituit. Hic in rem nostram erit Prudentiam in species suas distribuere. Tres sunt illæ nemini non notæ. Prima dicitur *πελιτική*, altera *οἰκονομική*, tertia *μοραστική*. Illa respubl. atque regna legibus informat, & ciuitates temperat institutis, vnde etiam illi nomen quæsitum est. Altera familiam regit ac gubernat, à quo munere nomen traxit. Tertia instruit moribus vnumquemque ciuium, quò secum sanctè habitare, atque sibi moderari queat.

IV. NUNC ego de Epicâ nostrâ sic constituo, vt sit prudentia, eaque præstantissima. Huic enim rei vni studet, & in hoc vires omnes, atque curas intendit; principum vtî virorum animos, atque mentes instituat, quî tum belli, tum pacis tempore sanctè rem administrent publicam. Et quando à principibus viris ad priuatos, morum sanctitudo, aut corruptela deriuatur, & in totum corpus descendit; consequens est, vt Epica doctrina salutem, atque sanctitatem in omnes reipubl. ordines infuset. Atqui eam disciplinam, quæ mores publicos, & priuatos informat, prudentiâ contineri & congruens est omnium  
Philo-



Philosophorum sententia, & ex iis, quæ docuimus de definitione prudentiæ, vincitur. Atque ut rem decidam. Hæc Epica rectè cum Ethicâ, siue Morali Philosophiâ congruit; Vtraque enim mores instruit, ornat, atque locupletat; Ethica quidem pressius, Epica elegantius. Atenim reclamationem gens Grammaticorum tota, nec sibi eripi antiquam possessionem sinit. Neminem hîc durius appellabo. Verùm audacula est ista Grammatica, neque satis meminit se Rhetoricæ, Historiæ, Philosophiæ, atque adeò huic nostræ Epicæ ancillari. Loquitur accuratè Philosophus, etiam eleganter Rhetor & Epicus; scilicet Grammaticæ operâ pro imperio utuntur. Non sunt istæ disciplinæ in potestate Grammaticæ, neque ab illa habentur, sed illam habent, ut Græcis loqui consuetudo est.

V. HISTORIÆ Epicam qui addicat, nã is hallucinatur. Quantum à se sint segregatæ Historia, & Poëtica, docuimus primâ Dissertationis parte.

VI. NOBIS nunc temporis cum Philosophis, gente acerrimâ, & exercitatissimâ discrimen est, qui auctoritate, exemplo, ratione pugnant Poëticam in artibus censeri: auctori-

K k

tate quidem ; nam artem poëticam eruditorum omnium ore celebrari ecquis tandem non audiuit ? Exemplo ; cùm Rhetorica Poëtica cognata , & soror quodammodo , inter artes censeatur : Ratione ; siquidem præceptorum , quibus res aliqua efficitur , multitudine ars omnis definitur ; præcepta verò poëmati condendo nos ipsi tradimus. Istæ petitiones paucis eliduntur. Auctoritate vulgi nihil mouemur , præsertim cùm hæc causa nostra adeò non sit deserta , vt auctores non habeat. A nobis faciunt Francisc. Patricius , Madius , Piccolomineus Mazonius. Exemplum à Rhetoricâ infirmum est. Nam Rhetoricæ officium est , aptè dicere ad persuadendum , & finis persuadere dictione. Finis verò , & officium Epopœiæ est vitæ , & morum institutio. Rationi , quâ pugnant , vis est aliqua ; minimè tamen , si fuerit aliquod rei faciendæ præceptum inter artes continuò locum habere debet. Doctrinam inter , quæ μέθοδος Græcis dicitur ; & artem interest plurimùm. Scientiæ docendæ via , & ratio nemini ars dicitur. Quis enim moratæ Philosophiæ , aut naturalis , vel alterius cuiuscunque scientiæ præceptiones in artibus aliquando posuit ? Ars est cuius effectum



neque scientia est , neque mores , sed artefactum . Quamobrem cum neque Physica , neque vlla alia scientia ex sese sint artes ; neque earum præceptiones in artibus numerentur , sed sint viæ , atque *μεθοδοι* ad illas disciplinas ; de Epicâ nostrâ , quæ morata est Philosophia , eandem legem rogamus . Obiiciunt se se pro arte nonnulli , atque intercedunt hac ratione . Quæ syllabarum quantitatem , metri numeros , accuratæ periodi ambitum , & quæ eis agnata sunt ornamenta , docet facultas , ea certe ars , si quæ eo nomine dicenda est , appellari debet . Nullus inficior , artem esse fateor , sed Grammaticam , quæ nostræ seruiat , & obsequatur Epopœiæ . At , inquiunt , Actionem illam Heroicam instruere , suisque partibus atque laudibus exornare , in artis erit officio , quia enim opus aliquod efficit . Redeunt ad ingenium , & odiosè nos obtundunt . Enimverò & Physicen qui instruit Philosophus ; de corpore naturali vniuersè primùm quærit ; tum de corpore simplici , atque adeò de elementis & cælo ; deinde de mixto imperfecto , vti schola loquitur , de iis nempe quæ *μετεωρολογικα* dicuntur , quibus forma est infirma & *δυσκίνητος* : deinde de mixto perfectò , cuius forma est sui

K k ij

subiecti retinens & stataria quodammodo. Non eò tamen Physicæ instituendæ ratio in artibus censetur, sed doctrina, & μέθοδος appellatur. Ad hoc exemplum de Epicâ constituimus.

VII. NEQVE verò defunt ex nostris hominibus, qui arti Logicæ Epicam velint dedere, quia Epica ψυδεῖ λόγῳ utitur. Nam ut εἰσιτική, siue Sophistica λόγῳ φαινομένη, Rhetorica πηταιά, Analytica ἀποδεικτικῶν, ita Epica ψυδεῖ. At λόγος ille ψυδής Logicæ est dictionis. Deinde Epica exemplis virtutem suadet, exempla verò à Logicâ arte ducuntur. Postremò πᾶσι λογισμοῖς adhibet etiam auctore Philosopho, quippe quæ decipiat. At pace istorum dixerim, πᾶσι λογισμῶν laborant ipsi. Enimverò Physica, & Moralis, atque adeò omnis scientia in Logicæ erit potestate atque diœcesi, hæc illorum si quid valet ratiocinatio; cùm in confirmandis suis pronunciatis disciplinæ omni usus sit λόγῳ ἀποδεικτικῷ; in technis, & aculeis Sophistarum expediendis, λόγῳ φαινομένῳ. Rem planè ineptam. Illæ siquidem primariæ disciplinæ sequioribus istis pro famulis utuntur. Nam quod ab exemplis pugnant homines, id frigidum est. Quæ enim pars Philosophiæ



exemplo caret, neque tamen eò Logica dici debet. At suaues sunt, qui ἡδαισιμονίᾳ nobis obiiciant, quia Heroem ex omnibus aliquem vnum omni virtute cumulatum, qualis fortè nunquam fuit, aut extiturus est, Epopœia adducit in exemplum. Mirum nî Cyropædiam Xenophontis, & Oratorem Tullij intra Logicæ fines concludant, quorum ille imperatorem, hic oratorem, non qualis extiterit, sed qualis mente comprehendi potuerit præstantissimus, in specimen & exemplar produxerint.

## QVÆSTIO ALTERA.

## De Furore Poëtico.

- I. *Definitio furoris in genere.* II. *Textus Aristotelis emendatus. Pacius & Ricobonus defenduntur contra Robortellum.* III. *Quotuplex sit species furoris.* IV. *Platonica divisio furoris.* V. *Quid Aristoteles de furore.* VI. *Tot furoris species, quot animorum perturbationes vehementiores.* VII. *Poëta Epicus in constitutione fabula furere non potest, quis furor in illo admitti possit, & quomodo nascatur.* VIII. *an arte, an natura poëta existat.*

Kk iij

I. **M**ERITO dubitari potest, fueritne aliquid in ore hominum omnium celebratum magis, quàm furor poëticus: de quo ut nemo aliquantò eruditior tacuerit; nemo tamen satis eius definitionem vel tradidit, vel eius species, partéve, atque ποιήματα explicuit. Furor à me in hæc verba definitur. Animi cis, & trans rationem vehementior impetus. Græcis diceretur ὀρμή ἐκστατική. Contingit itaque furor, quando animus apud se non est, cùm scilicet aliquâ vel perturbatione intrinsecâ, vel impressione externâ differtur, & de sede rationis amouetur. Suadetur nostra definitio ab Aristotele, qui de Poëticâ cap. XVII. quærit; quinam sint apti maximè commouendis perturbationibus, atque id detulit ad eos qui ingenij sint ἀφύρτες ἢ μεμνημένοι solertis, vel furore perciti. Τοίων γὰρ οἱ ἀπὸ βύπλαστοι, οἱ δὲ ἐκστατικοί. Ex his enim illibene sunt à naturâ ficti, atque comparati; hi verò de mente dimoti. Quid enim aliud est ἐκστασις, quàm incitatio quædam vehemens, quâ animus à se quodammodo distrahitur.

II. HIC caueri debet, Græco codici labem interuenisse, quæ Robortello fuit offensionis. In codicibus Benianis, Pacianis, Casau-



bonianis, aliisque legitur. Τῶν γὰρ οἱ αὐτοὶ ἀπα-  
 ραί, οἱ δὲ ῥητορικοί. Quæ verba Ricobonus, Pa-  
 cius, atque alij feliciter interpretantur: felici-  
 ter inquam, nam cùm vitium esset in Græco,  
 & ῥητορικοί, pro ἐκστατικοί legeretur, interpreta-  
 ti sunt rectè de furore. At Robortellus inter-  
 cessit parum commodè his verbis. *Pacius*  
*hæc quæ postremo loco ab Aristotele dicuntur,*  
*non videtur intellexisse, cùm ait. Etenim poetarum*  
*aliqui ab ipsâ naturâ ad poëticam beneformati sunt,*  
*aliqui autem à mente abstrahuntur. Debent igitur*  
*verti sic. Ex his enim hi quidem ficti, factique sunt*  
*ab ipsa natura apti ad fingendum & comminiscendum;*  
*illi verò optimè indagant, inquiruntque omnia propter incredi-*  
*bilem aciem mentis. At bonâ veniâ Robortelli,*  
*minùs ipse vidit Aristotelis mentem, ac Pacius.*  
 Nam Græca lectio est huiusmodi: ἐκστα-  
 τικοί, non ῥητορικοί. Enimverò vox illa cùm fami-  
 liaris est Græcis eâ in potestate, tum & Ari-  
 stoteli; veluti lib. VII. Moral. ἐκστατικὸν τὸ λογί-  
 σαι dixit eum, qui à mente deturbatus esset.  
 Deinde res ipsa indicat id, quod monemus.  
 Nam cùm Philosophus docuisset ciendis mo-  
 tibus animorum illos idoneos esse, qui indo-  
 lis essent ὁρῶντες, aut μεμνησ, adiecit ea verba,

de quibus est controuersia. Ex quibus illud conficitur; vt, cūm τὸ μανικόν non congruat cum ἑτασικῶν viro indagatore, ac peruestigatore; sed ἐκταλικῶν, hoc est eo, qui à se excussus fuerit, nec suū satis sit compos: legendum planè sit hīc ἐκτατικοί, non ἑτασικοί. At quid causæ fuit, cur aliqui τὰς διπλάσας agendi vim tribuerint, cui patiendi potestas tantūm debeatur? Hæc enim verba οἱ μὲν διπλάσας, sic vertunt, *Alteri ad fingendum sunt idonei*, cūm sensus subsit: alteri à naturâ ficti sunt ad id muneris, quod initio proposuerat.

III. FVRORES species duas constituo. Alter enim furor est à naturâ, alter à Deo. Quæ diuisio est & à Platone in Phædro, & ab Aristotele in Problematis, & à communi hominum omnium intelligentiâ. De furore diuino quæstio & longioris est operæ, & propriæ dissertationis, quam elucubramus: quamobrem de vno furore naturali dicere nunc aggredimur.

IV. PLATONICI pro more ἀμνηστίας, & mysteriis hanc quoque partem Philosophiæ contaminant, & magnificè nihil dicunt. Sex statuunt rerum veluti gradus. Primus, isque nobilissimus est, εἰς τι, res vna quæpiam, neque  
mutatio-



mutationis, neque diuisionis patiens. Sextus atque omnium infimus Materia, quæ perpetuo cieatur motu, & infinitis secetur locis. Ex intermediis primus est Mens, quæ ab vnitae illâ simplici abest aliquantùm, motus tamen expers, & æterna. Tum secundùm Mentem est Ratio, quæ neque vna est, neque æterna, neque infinita, & eadem mutationi obnoxia. Rationem infra est opinio ea, quæ non modò non sit vna, sed etiam infinita sit, & mobilis. Tum quinto loco est Natura, quæ corporis partes, & puncta tranat omnia, & in illis mouetur, atque diuiditur. Cùm enim in Materiâ sessitet, cum illâ fluctuat, subsidit, erumpit, & mergitur. Nunc verò quæ res est mysterij plenissima, anima per istos gradus à materiâ ad illud Vnum ascendit, & ab illo Vno ad materiam deuoluitur. Sapit enim uerò, inquiunt, anima quando est coniuncta cum illo Vno, desipit quando est cum Materiâ, in illis quatuor gradibus interiectis cùm versatur, furit. Et quoniam illi gradus sunt quatuor; efficitur, vt sint quatuor quoque furoris species: Poëticus, Mysticus, Vaticinium, furor diuinus. Demum gradus illos fabellis, consecrationibus, & si verum licet dicere, nugis distin-

guunt, augent, illustrant, quibus enarrandis iam otium non est. Nunc satis sit à Platone ipso imaginem quandam & adumbrationem eius rei inchoasse. τῆς θείας μαρίας τετάρων θεῶν τέτρα-  
ρα μέρη διελθόντες, μερικῶς μὲν ὅπτιοιαν Ἀπόλλωνος γέν-  
τες, Διονύσου δὲ τελεστικῶ, Μουσῶν δὲ ποιητικῶ, τετάρτῳ δὲ  
Ἀφροδίτης, καὶ ἔρωτος. *Diuini furoris quatuor spe-  
cies constituimus, totidemque Diis consecramus,  
Vaticinium Apollini, Baccho mysticum, Musis  
poëticum, Veneri & amoris quartum scilicet ama-  
torium.* Missis Platonicis ad Peripateticos nos  
conferamus.

V. ARISTOTELES Problem. sect. XXX.  
vbi loci de atrâ bile inceptat disputare, in ea-  
dem verba loquitur, ac in lib. de Poëticâ. Ait  
enim ὅσοις δὲ λίαν, πολλὴ καὶ θερμὴ, μαρικοί, καὶ δύφεις, καὶ  
ἔρωτικοί. Id est. *Quibus est multa (bilis) atra, &  
calida, ij perciti sunt, & ingeniosi, & amoris de-  
diti.* Quibus autem (inquit) calor ille tempe-  
ratus est, οὗτοι μελαγχολικοὶ μὲν εἰσι φρονιμώτεροι δέ.  
*Illi quidem sunt melancholici sed prudentiores,*  
& ad omnia reipubl. munia obeunda ἀφά-  
ροντες *præstantissimi.* Pro variâ itaque bilis atræ  
temperie animam variè affici & impelli cen-  
suit Philosophus. Quibus caput incessit vis  
melancholiæ acrior, ij inquit, νοσήμασιν ἀλίσχον-



τοι, ἢ μανικοῖς, ἢ ἐνθουσιαστικοῖς, altero ex istis morbis tentantur, furore naturali, qui mania dicitur, aut enthousiasmo. Ab eâdem bile feminæ existunt Sibyllæ, Bacchæ, & viri Enthei, ἔθνη Σίβυλλαι, καὶ Βάκχιδες, καὶ οἱ ἐνθεοί. Qui certè sunt tales non à morbo, sed à temperamento naturali, ὅτε μὴ νοσήματα γίνονται, ἀλλὰ φυσικῇ χράσει. Tum monet de Maraco poëtâ Syracusano, cuius poësis præstantior esset, cùm is fureret. Demum melancholicos siue magistratibus gerendis, siue rei militari, siue disciplinis, & scientiæ omnium aptissimos pronunciat. quod priori parte huius Dissertationis monuimus. In controuersiam vocari potest, censueritne Philosophus furorem esse alium ab isto naturali, quique à Deo affletur animis. Eam quæstionem non inanem, sed otij maioris, opellæ nostræ de furore diuino addiximus.

VI. QUANDO furor est impetus animæ cis, vltimè rationem, certè cùm anima præter consuetudinem vehementiùs impellitur, tum eam furore percelli necesse est. Et quoniam vndecim sunt eius perturbationes, totidem existant furoris species oportet. Amore impotentiùs vexatur Anacreon? furit, qui canat:

Ll ij

Θελαῖ, θελαῖ μαρτυρεῖαι,  
 Θελαῖ, θελαῖ φιλεῖσαι:  
*Volo, volo furere;*  
*Volo, volo amare.*

Et Theocritus. ὡς εἶδον, ὡς ἐμαῖον.

Ira se permittit aliquis? ab eâ idem perditè & miserè impellitur. Nam *ira furor brevis est*. Furorē in irata Medæa eius nutrix eleganter exprimit actu tertio apud Senecam.

*Incerta qualis entheos cursus tulit,  
 Cùm iam recepto Manas insanit Deo,  
 Pindi niuali vertice aut Nisa iugis:  
 Talis recurvat huc & huc motu efferro,  
 FVRORIS ore signa lymphati gerens.  
 Flammata facies spiritum ex alto citat.  
 Proclamat, ô superi! oculos fletu rigat,  
 Renidet, omnis Specimen affectus caput,  
 Heret, minatur, astuat, queritur, gemit.  
 Quò pondus istud verget? ubi ponet minas?  
 Ubi se iste fluctus franget, exundat FVROR.  
 Non facile secum versat, aut medium scelus,  
 Se vincet; ira nouimus veteres notas.  
 Magnum aliquid instat, efferum, immane,  
 impium.*

*Vultum FVRORIS cerno.*

De aliis mentis perturbationibus, quarum im-



pressione, & impetu vincitur ratio, idem esto iudicium. De furore verò poetico sic ego statui oportere iudico.

VII. FURERE poetam tum cùm Epopœiæ ὁρᾶται, siue constitutionem suis omnibus partibus instruit, certè non putem: est enim eiusmodi informatio, Rationis opus accuratissimum. Nam cùm omnes penitus Heroicæ virtutis laudes, hoc est potissimam Politicæ, & moratæ Philosophiæ partem comprehendat; vt nostræ Dissertationis pars vltima docebit, quâ illas aptè sine ratione coagmentabit? At in Episodiis quibusdam, in descriptionibus, & orationibus aliquantum furoris aspergi non negauerim. Neque tamen is furor, aut à Deo est, aut etiam à victâ ratione, sed eatenus dumtaxat. Poëtæ in rei cuiuspiam meditationem contentione vehementi, bilis atra calorem concipit, euolat fursum, & cerebrum inuadit. Animus itaque accessione bilis inflammatur magis atque magis, & omnes vires obstinatus in cogitationem illam vnam intendit, adeò vt rerum omnium aliarum, suæque ipsius salutis oblitus esse videatur. Furoris illius specimen in Eumolpo edidit Arbiter.

Fœdâ in tempestate, naue lacerâ, re-

Ll iij

mis conuulsis, fracto malo, clauo cum gubernatore in mare excusso, miserabili pereuntium in gemitu, & mulierum comploratu, *Ecce (inquit) audimus murmur insolitum, & sub diatâ magistri, quasi cupientis exire bellua gemitum. Persequuti igitur sonum, inuenimus Eumolpum sedentem, membranaeque ingenti versus ingerentem. Mirati ergo quod illi vacaret in viciniâ mortis poema facere, extraximus clamantem, iubemusque bonam habere mentem. At ille excanduit, & sinite me (inquit) sententiam explere, laborat carmen in fine. Inuicio ego phrenetico manum, iubeoque Gytona accedere, &c.*

VIII. NEQUE tamen si quis atrâ polleat bile, de quâ cum hîc tum primâ parte huius Dissertationis à nobis disputatum est; continuo is in poëtis censendus est, nisi accesserit cognitio disciplinarum propemodum omnium, studium acre, & obfirmata quædam in componendo, expoliendove carmine peruicacia. Quamobrem assertior Horatio, qui pronunciat.

*Naturâ fieret laudabile carmen, an arte  
Quasitum est. Ego nec studium sine diuite venâ;  
Nec rude quid profit video ingenium. Alterius sic*



*Altera poscit opem res, & coniurat amicè.  
 Qui studet optatam cursu contingere metam;  
 Multa tulit, fecitque puer, sudavit, & alfit.  
 Abstinit venere, & vino. Qui Pythia cantat  
 Tibicen, didicit prius, extimuitq; magistrum.*

Parum itaque sine arte natura, & sine naturâ ars valet. Hæc sine illâ tristis est & exsucca; illa sine hac, vasta, & inculta. Neque quicumque in poëtâ à nobis vtramque desiderari mirabitur; qui à Vitruvio libro I. audiuerit in architecto nihil minus requiri. Itaque (inquit) ingeniosum esse oportet, & ad perceptionem disciplinarum docilem. Neque enim ingenium sine disciplinâ, aut disciplina sine ingenio perfectum artificem potest efficere.

Quamobrem in nugis est ille Musarum chorus, & Apollinis afflatus. Neque Philosopho digna est sententia, quæ Musis id acceptum ferat, quod est artis, & naturæ. Poëta sine reprehensione dixerit:

*Est Deus in nobis, agitante calescimus illo,  
 Impetus hic sacra semina mentis habet.*

Plato verò, & Aristides de eiusdem familiâ homo, citra dignitatem Philosophiæ pronunciarunt eadem verba. ille quidem in Phædro, hic in Platonicâ primâ. ὁς αὖτ' ἡμᾶς μὲν.

272 DISS. PARS III. DE CAUSA EPOP.

σὼν ἐπὶ ποιητικῇ θύρῃς ἀφίκηται, πειθεὶς ὡς ἄρα ἐν τέ-  
χῃς ἱκανῶς ποιητῆς ἐσόμενος, ἀτελής αὐτὸς τε, καὶ ποιήσις ὑπὸ  
τῷ μεγαλόφωνῳ, ἢ τῷ σωφρονοῦντος ἡφανίσθη. Id est. *Qui*  
*absque Musarum furore ad fores poëticas acces-*  
*serit, persuasus de solâ arte futurum poëtam:*  
*et ipse imperfectus erit, et eius poësis illa sana*  
*furentis comparatione nulla erit.*



DISSER-





# DISSERTATIONIS

## PARS QVARTA.

### DE FINE POESES.

- I. *Poëseos finis non est voluptas.* II. *Animi voluptas quæ ex imitatione oritur ad poësin pertinet.* III. *Finis poëseos non est gloria rumusculus. Male artes, & ineptiæ quorundam poëtarum, qui uni gloriæ ridiculi student.* IV. *Finis Epopœiæ est, viros principes instituere, qui rempubl. rectè constituent, & administrant.*



X iis, quæ tertiâ parte huius Dissertationis disputata sunt, satis poterat intelligi; ei methodo, (quam artem quidam dicunt, quæque est de Epico poemate) finem positum esse, ut poema illud omnibus suis partibus instruat. Neque eò nunc spectat

M m

hæc quæstio ; sed in eo tantum disputat ; ec-  
quis tandem sit Epopœiæ finis constitutus.

Poësi generatim atque vniuersè probrum  
obiiciunt multi , & tanquam voluptati na-  
tam criminantur. Epicurum quis non rideat ?  
Homo delitiis perditus , & voluptatē diffluens  
poësim nequitiae ream dicit , & amoribus de-  
ditam queritur. οὐ δ' Ἐπικούρου Φερόντες ἡμῶν , ὅστις ἀσέ-  
μνον αἶψ' εἰς ἰδί' ἐς κήποις ἡδονῆς γεωγῆς ἔβη , ἀπασμὸν ὁμοῦ  
πεινικίῳ , ὡς περ ὁλέσπριον μύτων δέλεαρ ἀφοσοῦλιδος. me-  
ritò inquitbat Heraclides Ponticus. Num  
etiam ridendus est Plato , qui fabellarum va-  
rietate , & verborum luxuriâ Philosophiam  
matronam grauissimam comat studiosus ; &  
idem poësi virgini mundum obiiciat , atque  
nequitiae damnet ? Pellicit (inquit) animos de-  
lectatione , irretit blanditiis , atque meretri-  
culam agit. Quid ais Plato ? Tu , qui vagam ,  
& incertam venerem facis , quid aliud agis ,  
quàm ciues in ganeis , non in ciuitatibus ha-  
bitare iubes ?

Non tamen is ego sum , qui voluptate poë-  
ticâ mores corrumpi sinam ; cùm poëtas malè  
moratos à re literariâ exulare velim. Oui-  
dium laudo , qui sanctè monet :

*Eloquar inuitus , teneros ne tange poëtas ,*



*Submoueo dotes impius ipse meas.*  
*Callimachum fugito, non est inimicus amori;*  
*Et cum Callimacho, tu quoque Coë, noces.*  
*Me certè Sappho meliorem fecit amica,*  
*Nec rigidos mores Teia Musa dedit.*  
*Carmina quis potuit tutò legisse Tibulli?*  
*Veltua, cuius opus Cynthia sola fuit?*  
*Quis potuit lecto durus discedere Gallo?*  
*Et mea nescio quid carmina tale sonant.*

Voluptatem in aliâ poësi dominari, qui non finimus, quantò minùs in Epicâ feremus. scitum est in Philosophiâ, & effatum sanctissimum, virtutes animi omnes, siue quibus informantur mores, siue quibus veritas tenetur, ab obiectis dignitatem suam, atque speciem ducere. A quibus si quid deflectat & aberrer, id quoque vitiosum sit, & ab eâ disciplinâ alienum. Atqui poëmati Epico finis est principis viri institutio, vt à nobis mox demonstrabitur. Quid erit igitur tam à poëmate Epico abhorrens, quàm ea poësis, quæ voluptati seruiat; cùm ab illâ non morum alatur sanctitudo, sed, si quæ priùs fuerit corrumpatur?

II. Quid itaque? tristem poësim, exsuccam quodammodo, atque duram laudabimus, aut etiam vultuosam, & difficilem? mi-

Mm ij

nimè omnium. Nam & Aristoteles IV. cap.  
 poëtas omnes, & poëtis deditos χαίρειν iubet.  
 At illud gaudium non ab illecebris voluptatis,  
 sed ab imitatione rerum accuratâ deriuatur.  
 Videmus enim inquit χαίρειν τοῖς μιμήμασι πάντας,  
 imitatione homines omnes gaudere. Cui sen-  
 tentiæ suæ fidem facit ab experienciâ. Earum  
 enim rerum imitatione, & imagine perfectâ  
 gaudemus; quæ per se, suâ vi, & naturâ foedæ  
 sunt, & tristitiam offerunt: quales sunt θηρίων  
 μορφῶν ἢ ἀγέλας καὶ νεκρῶν, ferarum truculen-  
 tæ formæ, atque cadauerum. Cùm itaque poë-  
 sis omnis in imitatione posita sit; gaudio, at-  
 que lætitiâ abundet, necesse est. Ad hæc pul-  
 chritudinem cap. XXIV. dignitatem c. IX.  
 & admirationem c. XXI V. poëmati maximè  
 Epico accersit: pulchritudinem quidem, quæ  
 ex partium inter se comparatione; dignitatem,  
 quæ ex rerum magnitudine; admirationem,  
 quæ ex agnitionibus, & peripetiis oriantur.  
 Hæc sanè tria gaudio, atque lætitiâ sapientis  
 mentem perfundunt; animum verò, aut cor-  
 pus labefactant minimè. Quanquam & alia  
 est quædam voluptas à verbis, nominibus, ad-  
 iunctis, numeris, & Grammaticâ illâ mun-  
 ditie, quâ plebs maximè capitur, & gaudet;



quam ego non repudio quidem, sed in vltimis colloco. Quod monuit pars secunda huius Dissertationis.

Lucretio suffragor hîc, ac lubens, qui pulchrè sanè lib. IV. eâ de re censuit.

*Nam veluti pueris absynthia tetra medentes  
Cum dare conantur, prius oras pocula circum  
Contingunt mellis dulci, flavoque liquore:  
Ut puerorum etas improvida ludificetur,  
Laborum tenuis; interea perpotet amarum  
Absynthi laticem, deceptaque non capiatur,  
Sed potius tali tactu recreata valeat.  
Sic ego nunc, quoniam hæc ratio plerumque  
videtur*

*Tristior esse, quibus non est tractata, retróque  
Vulgus abhorret ab hac, vòlui tibi suavilo-  
quenti*

*Carminè Pierio rationem exponere nostram,  
Et quasi musæo dulci contingere melle:  
Si tibi forè animum tali ratione tenere  
Versibus in nostris possem, dum percipis omnè  
Naturam rerum, ac præsentis utilitatem.*

Delitiis itaque istis qui carmen Epicum temperauerit, is nostrâ hac in facultate princeps erit. quippe

*Omne tulit punctum, qui miscuit utile dulci,  
Mm iij*

*Lectorem delectando, pariterque monendo.  
Hic meret ara liber Sosius: hic & mare transit;  
Et longum noto scriptori prorogat ævum.*

Vt poetarum nequissimi sunt, qui voluptati student vni; ita omnium sunt ineptissimi, qui sibi suæque gloriæ omnia mancipant: de quorum stultitia cum nihil satis pro merito dici possit, de illis dicere supersedebo.

IV. DE fine Poëseos vniuersè disputare, neque huius loci est, vbi tantum de Epopœia instituimus quæstionem; neque nostræ diligentiae, cum nullus sit locus in quo Sophistarum oratio luxuriet vberius. Quibus tantum est otij ab re suâ, ut ex priscis, & nuperis auctoribus flores omnes legere licitum sit, atque ex iis suæ poësi coronam texere: ut suum illud pulchrum nihil inuideo; ita hoc ego ab iis vicissim peto, ne incuriâ neglectum à nobis istum locum putent; sed studio Philosophiæ prætermisum. Memini dicere me quæstione alterâ primæ partis, poësi  $\chi\tau\iota$  τὸ τέλος finem positum esse ab Aristotele, uti animum vitiis purgaret; quamobrem, & epico carmini id congruat necesse est. Quæ enim generis laudes sunt, descendunt illæ pari potestate ad species. Erit itaque nostræ Epopœiæ, & om-



ni poësi id commune, ut labem omnem ab animo detergat; sed quoniam unicuique speciei suus est χαρακτήρ, sua vis, & potestas propria, in eam nos converteri necesse est.

Tragœdiæ est animum à teneritudine animi nimiam, quæ ex metus & misericordiæ motu oritur, cum voluptate quadam liberare, ex Philosopho cap. VI. de Poëtica. Nam cum in tragœdiâ maximè dominantur τὰ παθητικά, atque in his primæ sint misericordia, & metus; auditor cum voluptate docetur utriusque impetum ferre æquius. Ab assuetis enim non fit τὸ παθητικόν; assuescit verò frequentatione tragœdiæ. Epopœiæ verò partes erunt, non tantum duas illas perturbationes profligare, sed etiam omnes animi impetus reprimere; tum multò magis ad genus omne virtutis principes viros, atque Reges exemplo herois acuere. Nam si Epica nostra cum politicâ congruit, quod tertiâ parte vicimus, quid erit in eius officio magis, quam principem virum, atque magistratum omni virtute instituere, qui rempubl. legibus temperet optimis, & ab hostibus integram tueatur?

A nobis facit Horatius vir in omni genere doctrinæ præstans, Philosophiæ sciens, Poë-

scos peritissimus, & Augusto à consiliis. Is iam grandior, & rerum usu callidus Epicum carmen Philosophiâ, & Philosophis Homerum φιλοσοφώτερος pronunciauit. Testimonium in hæc verba dixit.

*Troiani belli scriptorem, maxime Lolli,  
Dum tu declamas Roma, Præfeste relegi;  
Qui quid sit pulchrum, quid turpe, quid utile,  
quid non*

*Pleniùs, ac meliùs Chrysippo, & Crantore  
dicit.*

*Cur ita crediderim, nisi quid te detinet, audi.  
Fabula, quâ Paridis propter narratur amorẽ,  
Gracia Barbaria lento collisa duello,  
Stultorum regum, & populorũ continet æstus.*

*Antenor censet belli præcidere causam.  
Quid Paris? ut saluus regnet, viuâtq; beatus,  
Cogi posse negat. Nestor componere lites  
Inter Peliden festinat, & inter Atriden.*

*Hunc amor, ira quidem communiter vrit  
utrumque.*

*Quidquid delirant Reges, plectuntur Achivi.  
Seditione, dolis, scelere, atque libidine, & irâ  
Iliacos intra muros peccatur, & extra.  
Rursus quid virtus, & quid sapientia possit,  
Vtile proposuit nobis exemplar Vlysses;*

*Qui*



*Qui domitor Troia, multorum prouidus vrbes  
Et mores hominum inspexit, latumque per  
aquor*

*Dum sibi, dum sociis reditum parat; aspera  
multa*

*Pertulit, aduersis rerum immerfabilis undis  
Sirenum voces, & Circes pocula nosti;*

*Qua si cum sociis stultus, cupidusque bibisset,  
Vixisset canis immundus, vel amica luto  
sus. &c.*

Auctoritati accedit ratio. Nam poemati Epi-  
co hic finis constitutus est; ut principem virum  
virtutibus, quæ ipsum deceant, omnibus ex-  
ornet. Virtutes autem primariæ, ac veluti Re-  
giæ vel paci, vel bello accommodatæ sunt,  
aut etiam vtrique. In pace hæc sunt; Vrbes,  
& ciuitates fundare; religionem constituere;  
pietatem fouere; dies fastos, ac nefastos dice-  
re; acueri ciues præmiis, & magnificentia ad  
virtutem; à vitiis deterrere poenis; matrimo-  
nia legibus sancire, amoribus moderari. Nunc  
verò, quam partem Virgilius luculenter, &  
magnificè non tractauit? libros primum, ter-  
tium, quartum, quintum, sextum, & partem  
septimi qui legerit attentè, næ is dubio locum  
nullum relictum esse fatebitur, quin de re poli-

N n

ticâ præscripserit diligentissimè. In bello hæc dominantur; delectus militum, prælia, duella, insidiæ, ciuitatum obsidiones, & quæ his affinia sunt bellicæ virtutis officia. Exititne aliquando vel historicus, qui disertè magis in his versatus sit? aut etiam exiturusne est aliquis, qui diligentius, & magnificentius ea describi, atque narrari posse putet, quàm ab eodem Marone libris altero, septimo, octauo, nono, decimo, vndecimo, & duodecimo celebrata sunt? Atque has virtutis heroicæ partes vno poëmate comprehendit Virgilius, & vni Heroi attribuit. Homerus verò easdem duplici cùm poëmate, tum Heroë distinxit. Sapienter à Tasso factum puto, qui Virgilium imitari maluit. Habent enim Æneis, & Hierosolyma admirabile illud, quod in Epico carmine veluti caput esse voluit Aristoteles cap. XXIV. Nam esse vnum aliquem hominem, qui virtutes illas omnes *πολιτικές*, & militares complexus sit, admirabilius est, & heroicum magis, quàm si quis excellat quidem alterâ, alterâ verò deficiat.







AD DISPUTATIONEM  
DE EPICA  
APPENDIX.

DEFINITIO METAPHYSICA  
EPOPOEIAE.

- I. *Etymologia Epopœia.* II. *Epopœia dicitur pictura.* III. *Epopœia quæ mendacium dicitur.* IV. *Epopœia Definitio Stoica.* V. *Epopœia accurata definitio.*



VAMQVAM ea explicatio Epicæ carminis, quæ per quatuor causas à nobis explicata est, satis esse poterat viro Philosopho; cum ea sit perfecta vniuscuiusque rei cognitio, quæ ex quatuor causis assurgit; ne quid tamen iure desiderari queat, & ut omnium mentes expleamus, hîc appendi-

Nn ij

cis loco Metaphysicam definitionem Epopœiæ attexemus.

I. ΕΠΟΠΟΕΙΑ, siue epici carminis ἔπῳ, & nominis notatio est à dictione Græcâ ( τὸ ἔπος ) quæ verbum , & vocem hominis significat ; à quâ suâ primâ potestate amplâ sanè atque laxâ ad strictam magis restringitur , & illi parti poëseos addicitur , quæ versu ἑξαμέτρῳ heroum facta celebrat. Auctore Eustathio id audeo , qui sic præfatur in Iliadem. Επὸς ( inquit ) ἰδὲ γὰρ ἔστιν ὅτε τῷ ῥαψωδῶντι κατὰ τὴν ἑξαμέτρῳ. Tum. Epici poëtæ , οἱ ἐν τῷ ἑξαμέτρῳ ἠρώοντες. Tullio non placuit ista vox , Epopœius : Epicum poëtam maluit appellare lib. de opt. gen. orat. *Ennius* ( inquit ) *summus poeta epicus*. Deinde. *Tragici, Comici, Epici, Melici etiam, atque Dithyrambici*.

II. PLERISQUE omnibus mirificè arrisit illud Simonidis dictum ; quod à Plutarcho lib. de aud. poët. accepimus , ζωγραφίαν καὶ ποίησιν ὁμοῦ ποιεῖν τὸ αὐτὸν εἶναι. *Poësin picturâ loquaci, & picturam poësi tacitâ definiri*. Neque nobis sanè itidem displicet tralatio illa , quandiu tralatio est ; quæ tamen si pro definitione accuratâ producitur , inepta est cùm ad alias poëseos partes , & spe-



cies explicandas, tum multò magis ad definiendam Epopœiæ naturam.

III. NON NVLLIS Poësis omnis videtur mendacium illustre; aut cantatæ quædam malis artibus deliciæ, atque præstigiæ. Nam & Pclusiota, vt monuimus, mendacium poësi in materiam dedit, & Aristoteles partes poëtæ primarias esse dixit *ψευδὲς καὶ τὸ εἰκός*; mentiri vt par est: & Plāto docet poëtā maximè laborare *ὡς τὰ σὺν οἷσιν, ἀλλὰ ὅτεν εἰδωλὰ*. Pace eorum hominum dictum sit. Aristotelis, & Platonis atque aliorum Philosophorum mentem non satis inspexêre, qui τὸ *ψευδὲς* Aristotelicum, & τὸ *εἰδωλόν* Platicum pro ignauâ illâ imbecillitate animi, quâ quis menti vitium offert, & præter illam loquitur, fuêre interpretati, cū Philosophi ad fabulam respererint, quâ viri principes officij sui admonentur.

IV. STOICIS vt quidem retulit Laërtius poësis est: *σημολικὸν ποίημα, μέμνησιν ὡς ἐχόντας, καὶ αἰσθητικόν*. Straboni verò libro primo est *μυμητικὴ τῶ βίῃ ἀφ' λόγου*. Quæ omnia vt vera sint, non tamen sunt eiusmodi, quæ rei naturam satis explicent.

V. EX Aristotelis præceptis carmen Epi-  
N n ii j

cum in hæc verba definiri debet. Est imitatio actionis vnius, integræ, perfectæ, totius, quæ narratione dramaticâ, & versu hexametro viros principes cum admiratione, & delectatione ad primarias virtutes excitet, atque adhortetur. Definitionis Metaphysicæ partes duæ sunt; ex quibus illa effertur, & existit; genus, & differentia. In definitione Epopœiæ pro genere est imitatio; quæ adiuncta sunt ei reliqua, differentia officio funguntur. Nam imitatio pluribus disciplinis sui copiam facit. Philosophus sub initium de Poëticâ loquitur in hæc verba. *Εποποιία δ' , ἢ τῆς τραγῳδίας ποιήσις, ἢ τῆς κομῳδίας, ἢ τῆς διθυραμβοποιήσεως, ἢ τῆς αὐλητικῆς ἢ πλείστη, ἢ κιθαριστικῆς· πάντων τυχούσιν οὖσαν μέμνηται ὁ ποιητής.* Id est. Epopœia, quæque est Tragicæ poësis. Comœdia præterea, & Dithyrambica, & pleræque ex iis quæ tibiâ & citharâ canunt; omnes planè in id conveniunt, ut sint imitatio. hæc de genere Epopœiæ satis fuit.


Epopœiam ab aliis disciplinis segregat reliqua pars definitionis allata: ab iis quidem, quæ solutâ oratione utuntur; quia ipsa versu canit: à Dithyrambicâ & Lyricâ, siue illa citharâ, siue tibiâ utatur, tum quia Epopœia



versu loquitur hexametro , tum quia actionem vnam , totam illustrem , & πολυμερή , & certæ cuiusdam magnitudinis ornandam suscipit : à Comoediâ & Tragœdiâ , quia ipsa est ἐξηγητική , id est *narrativa* , vt docet Aristoteles capite XXIII.

D. O. M.









ILLVSTRISSIMO VIRO  
 CLAVDIO DE MESMES  
 COMITI D'AVAVX

SANCTIORIS IN GALLIA CONSILII  
 administro, ac summo Regij Ærarij Præfecto

V M B R A.

ECLOGA.

**Q**VIS modus ô Simæ? Nec me pascente pudet vos  
 Maturâ sub luce, pigro torpere cubili?  
 Roscidus inuito, si non properabitis, humor  
 Aruerit cythiso; saturis nunc mollior herba est  
 Graminibusque thymoque, & odoriferis Meliphyllis.  
 Nunc etiam teneras dumeta recentia frondes  
 Sufficiunt; agros ut sol accenderit aestu,  
 Offendet solido, & spe dens ludetur inani.  
 Nec vobis iter est longum; qua florens amni  
 Molliter acclinem dat sese collis; & istam,  
 Si longa est, sermone viam, cantuque lenabo.  
 O o

*Carminē quo capta Dryades, facilēque Napæa;  
Linquebant sylvas Dryades, saltusque Napæa.  
Cantabat Daphnis, discebat Thyrsis, & omnis  
Tityrus. Experiar; numeros & verba notavi.*

*VIX tenerâ cum luce recens concreuerat orbis,  
Prima suo vix tum lucebant sidera calo,  
Latâque nascenti ridebant lilia terrâ;  
Omnibus instituit cū Pan conuiuia Diis.  
Hic roscō primūm florentes ore iuuenta  
Attoniti videre Deas; videre, Deâsque  
Obstupere Dei. suus hic natalis amor.  
Verūm alias inter tantūm supereminet Vmbra,  
Quantūm infelices superant violaria rhamnos.  
Illum inter comites ut vidit pulcher Apollo,  
Ut periit, cecūmque hausit per membra furorem.  
Namque ut erat radiis frontem redimitus, & igne;  
Immemor, aut nondum expertus quō flamma valeret;  
Imprudens, victusque animi propiore salutat  
Officio: paribus studiis, & honore vicissim  
Vmbra Deum Dea, formosum formosa colebat.  
Ah! quid agis Virgo? quō te malus abripit error?  
Ah! Virgo infelix, infelix tu quoque Phœbe.  
An Phœbus magis infelix, an tu Dea? Certè  
Infelix Deus ille, infelix tu quoque Virgo.  
Ecce ineunt reliqui festos per mutua cœtus*



*Calicola, inque vices celebrant conuiuia lati.  
 Vos certare odiis pedibúsq; fugacibus ecquis  
 Aut pudor, aut modus est? tantas incidite lites.  
 Túque, ó Phœbe, prior radiis caput exue, túque  
 Parce metu Dea, tu plantis Dea parce tenellis.*

*Ah! Virgo infelix propior vix adstitit. Ignem  
 Continuò rapuere comæ, tinctúsque repente  
 Horruit aternâ circum caligine vultus.  
 Extemplo celeri vertit vestigia plantâ.  
 Phœbus at impatiens flamma, impatiensque repulsa  
 Quò magis illa fugit, fugienti hoc acrius instat.  
 Ad Zephyros fuga prima, dein telluris in orbem  
 Est quantum. æternos intexunt orbibus orbes.  
 Sublimem curru cum Sol rapit alite mundum,  
 Infernum Umbra ruens præteruolat. Ille Triones  
 Cum peragrat leuis insistens, fugit illa sub austros.  
 Per sata, per fragiles cursu rapiuntur aristas;  
 Nec sata, nec fragiles cursu leduntur ariste.  
 Per freta, per liquidi fugerunt æquoris undas;  
 Nec freta, nec liquidi libarunt æquoris undas.  
 Quid faciat? quo se præcepserat? abdita terris  
 Antra sub, & solas valles, nemorumque recessus?  
 Additus hic etiam misera insidiatur, & omnes  
 Rimaturque vias, aditúsque interrogat omnes.  
 Si qua corde Dryas facili, succedere luso  
 Inuitet trepidam, & tacita indulgere quieti;*

O o ij

*Languida vix licuit fessæ componere membra ,  
 Obsidet extemplo lucum , radiisque coronat .  
 Motarunt sylvas Zephyris ludentibus aura :  
 Occupat ille aditum , frondésque illabitur inter .*

*Si colles præter , rupes si præter acutas ,  
 Aut montes ire excelsos miseretur Oreas ,  
 Hospitæque inuitam persuadeat antra subire :  
 Non latuere doli Solem . Cum latus eoo  
 Promit odoratum caput , & cum languidus undis  
 Puluerem Hesperius fessum caput abluit undis ,  
 Obliquè malus inclinat , longisque iacentes  
 Emensus terras radiis obrepit in antra .*

*Si quæ Naiadum ( Nympharum Naiades una  
 Sunt tenero faciles animo , & miserescere lenes )  
 Orauit miseram in placidas descendere valles :  
 Mulcet ubi tacitæ riguas in margine ripæ  
 Fortunata quies , & mollis Amaracus undas .  
 Pulvere vix licitum sædo detergere frontem ,  
 Collectamque sitim dulci restinguere lymphâ ,  
 Ducere vix animam : cælo cum inimicus ab alto  
 Axe super medio , querulos in vallibus amnes  
 Vexat agens , & anhelantem procul exigit Vmbra .  
 Illa alios cursus , alios iterare recursus ;  
 Illa fugas alias , alias iterare latebras  
 Cogitur : haud misera requies , haud meta laborum .  
 Ergo p̃j vates Vmbra succurrite . Musas*



*Vmbra amat insontes, placidos amat Vmbra poëtas,  
 Séque illis ultro facilem cantantibus offert.  
 Stringite supremas umbrosa cacumina fagos,  
 Et summas teneris frondes inducite lymphis:  
 Stringite, & humenti (superaddite) stringimus  
 Vmbræ.*

*Parcite oves ultra procedere. Venimus, herba  
 Diues ubi tellus, ubi florum prodiga turget.*

*EIDEM ILLVSTRISSIMO VIRO.*

**M**EMINISTI (VIR ILLVSTRISIME)  
 illius disputationis, quâ domi tuæ pugna-  
 bant aliqui, non posse tripudij pompam verlu sa-  
 tis Latino describi. Nam cùm argumentum eius  
 saltationis, quam hîc subieci probarent; nega-  
 bant tamen iidem ætatis huius nostræ Latinita-  
 tem illi describendæ esse parem. Asserebam ego  
 verò, tu rei periculum mihi commisisti. Habeto  
 igitur illam, & vide quanti mihi sis, qui præiudi-  
 cia hominum nihil verear, quò tibi placeam. Mi-  
 rari sanè mihi sæpe contigit, defuisse adhuc qui  
 tripudiis leges aliquas ponerent. Ante XXX. aut  
 XL. annos cuilibet in Tragœdiam & Comœdiam  
 impunè quidlibet audere licitum erat; ita ut  
 multos, etiam de literatis, non puderet vnum ali-

O o iij

quem hominem ab usque pueritiâ ad senectutem in eâdem Tragœdiâ perducere. Existere tandem aliquando, qui malo illi mederentur. In tripudia verò (sic appello genus illud saltationis, quod à Francis nostris *le Ballet* dicitur) satis inquisiuit eruditorum nemo. Quamobrem omnis eâ de re potestas permixta est iis hominibus, qui à studiis cum humanioribus, tum Philosophicis alieni sunt, atque in vnam corporis (ut ita dicam) gestionem intenti pro suo arbitratu miscent omnia atque perturbant. Non defuturos certè spero, qui Spartam illam aliquando colant, & non tantum nobis afferant ex Athenæo, & Polluce grammaticam supellectilem, sed artis illius naturam & regulas nos edoceant. Ego interim vnum aut alterum monebo, quo præludam eorum laboribus.

Primum esto. Tripudij vim omnem in imitatione positam esse, quâ actiones hominum exprimantur. Ita docet Philosophus cap. i. de Poët. Αἱ τῶν δὲ πρὸς ῥηθμῶν μιμουμένων ζωῆς ἀρμονίας οἱ τῶν ὀρχηστῶν, &c.

Alterum est, ut, quoniam omnis ars, quæ in imitatione posita est, vnam actionem imitatur, necesse sit tripudium vni actioni seruire. Huius pronuntiati auctores tres adduco luculentos. Primus sit Philosophus cap. viii. lib. de Poët.



ἡ δὲ οὕτω καὶ τὰς ἐν ταῖς ἀλλοδαπῇς μίμησιν ἢ μεταμίμησιν ἐνός ὅστις οὕτω καὶ τὸν μῦθον, &c. Id est, *Oportet igitur ut quemadmodum in aliis (artibus) imitatricibus, una est imitatio unius, ita & fabulam &c.* Alter esto Robortellus. in illum locum Aristotelis in hæc verba loquitur: *Per alias artes intelligi puto artem pingendi, sculpendi, saltandi, &c.* Tertius sit Auerroës commento suo in hoc caput de Poëticâ; quem hîc hoc maximè nomine produco, quia ratione nititur robustâ. *Oportet (inquit) ut ars imitetur naturam, videlicet ut omnia quæ agit, agat secundum unum propositum finem, & ad eum omnia referat.*

Tertium est, ut illi vnitati officiant, quæcumque ad actionem illam non pertinent vel καὶ εἰς, vel ἀναγκῆς. de quâ præceptione iam nihil dicam, cum pluribus illa sit à nobis explicata, tum primâ, tum secundâ parte huius libri.

## TRIPVDIVM.

## EIVS ARGVMENTVM.

Huius tripudio finis propositus est, palam facere dissidia populorum religione potius, ac pietate; quàm armis componi. Continet autem præter descriptionem loci, & Epigramma, quod à nostris hominibus vocatur *le Rectis*; partes quatuor. Singulæ verò partes ex multis scenis (quas nostrates appellant *Entrées*) constantur. Constantino autem exhibetur.

## LOCI DESCRIPTIO.

**L**Ittus ad extremum, pompa scenaque redemptor  
 Dædalus, æriis altè tentoria velis  
 Fixerat, & latè in vastum distenderat orbem.  
 Arte laboratos Phrygiâ, multoque tapetes  
 Illusos auro dederat latera omnia circum.

Pensilis ex alto patulis crystallina ramis  
 Funibus it Tyriis arbor, & lampade noctem  
 Centenâ vincit, latè loca lumine florent.

Huc Constantiaden mensis comitata remotis  
 Lecta manus procerû sequitur. Tum protinus aulam  
 Ter gemini subeunt Zephyri, lenique vaporant  
 Spiritu, & hoc magnum venerati Epigrammate  
 Regem,

Mox quoque ut in proceres raptim sparsere, recedunt.

## EPIGRAMMA.

Discordes studiis populos componere sola  
 Religio potis est, sceptrumque vocare sub unum,  
 Adspicis ô Princeps! ut summo vertice cæli  
 Labitur, & regnum aeterno tibi munere firmat.

## PARS PRIMA TRIPVDII.

**M**OX bellator equis gemmis crinitus, & auro  
 Instratus, rutilæ nutant cui vertice criste,  
 Intulit



*Intulit Europam ad lituum, freno annuit illa  
 Desuper, & memorem doctas remeare per artes,  
 Gaudentemque ultro numeris, coramque videri  
 Ardentem, totâ pulchrè circumtulit aulâ.  
 Barbarico actutum cultu stratisque superbum  
 Attalicis subigens elephantum ad cymbala prodit  
 Asia, & in radio gradientem temperat aureo,  
 Tum quoque inaequalem gibbo per siftra camelum  
 Africa sublimis longâ moderatur habenâ.  
 Non ille semel, atque iterum regale per aquor  
 Implicuere choros. Elephas felicior arte  
 Enituit, formâ longè generosus honestâ  
 Vicit equus, male par concessit utrique camelus.*

*Defluxere feris Nympha, puerisque remittunt.  
 Mox ipsa, versis numerorum partibus, ire  
 In choream pedites, dextris per mutua nexis  
 Nunc coeunt, nunc & secum saliere soluto  
 Agmine, tum aduersis incurrunt frontibus, & mox  
 Conuertere fugas, breuibus dein corpora gyris  
 Inter sese agitant, recto nunc calle recedunt,  
 Obliquo nunc & redeunt, tandem orbe peracto  
 Testantur longam repetita per oscula pacem.*

*En geminus subit, auleumque à limine versum  
 Hinc illinc suspendit amor; simul aurea letum  
 Extulit os, diuûmque incesit Gloria passu.  
 Non tot odorato surgens aurora cubili*

Pp

*Eoïs nitet in gemmis, non oris honore  
 Optarit, pulchrâve ausit contendere formâ.  
 Vt venit in medias, oculis blanditur, & ultro  
 Incantis se se insinuat, fallitque veneno.  
 Terrarum variis distinctum gentibus orbem  
 Ad numeros agili alternans sub pollice versat,  
 Et Nymphis blandè circum ridentibus offert.  
 Perque manus illæ inque vicem mirantur, & vsque  
 Suspiciunt, tantoque super molimine gaudent.*

*Cum fera pacatis prodit Discordia, vestem  
 Discolor incinctam, breuibus redimita colubris;  
 Turpiter os illi sparsum, vaga lumina fœdè  
 Huc illuc distorta, facem complexa flagrantem  
 Dextra micat, dirus toto furor ardet in ore.  
 Vix geminos malè sana choros iterarat, & illa  
 Concepere nefas, stimulis vitalia cæcis  
 Est tacito liuor sub pectore; cautiùs ex hoc  
 Spes illis tegitur vultu; pellacibus ex hinc  
 Officiis, studiisque omnes nituntur iniquis  
 Nequidquam mundi diuam superare potentem.  
 Illa dolos sedenim sensit, paribûsque precantes  
 Eludit studiis simulans, ars vincitur arte.  
 Ergo alios tentant cursus, aliòsque recursus  
 Inter se vacuis similes; dum tempore certo  
 Irrumpunt pariter, factoque sub agmine dextris  
 Inuadunt orbem. Nequidquam Gloria contrà*



*Luēatur. Namque is vi scinditur, & tria scissus  
 Fruſta dedit. Quę pars Aſia ditiffima longē  
 Contigit, aurore populis celebrata ſuperbit:  
 Haud ſtomacho ſine, deformem tulit Africa Maurū:  
 Heſperiam Europa armorum paciſque potentem  
 Admirata, ſerum concepit pectore Martem.  
 Triſtior exceſſit paulatim Gloria, at illa  
 Exultare prius, dein & ſua cernere fata,  
 Mox indignata non unā abſcedere portā.*

## PARS SECVNDA.

*HÆC pompa facies prior, hic prior impetus. Exin  
 Vt prima auleis diſceſſit ſcena remotis,  
 Et noua naſcenti cœpit ſylueſcere lucō:  
 Continuō biforis ſub criſpo fiſtula cantu  
 Audiri, atque iterum Diſcordia ſeuā redire  
 Aurea deducens ternos per vincula montes;  
 Baccatūmque iugis Niſam, ſyluiſque Niphatem  
 Vndosum, & ſanctis Libanum tecta alta Prophetis.  
 Hinc tremulā titubare lyrā, caueāque ſubire  
 Tres Afri, & rigido nutare cacumine viſi  
 Mons Luna, Maurūſque Atlas, curriſque Deorū:  
 Europa totidem ducebat tibia, nudam  
 Vertice Pyrenen, atque Italia Apenninum  
 Dorſum ingens, Alpēſque atero frigore canas.  
 Ad numeros motant olli capita ardua, & iētus*

Pp ij

*Ingeminant, numeros impulsus rettulit aër.  
Non secus ac quondam trepidâ symplegades actâ  
Exiliisse loco, atque aduersis cornibus in se  
Incurrisse ferunt: aut qualis in equore Delius  
Ægeo, nunc has cornu, nunc impulit illas  
Errando, & totâ vexauit Cyclades undâ.*

*Exultat medios inter Discordia montes  
Utque illos tadâ increpuit, sonuere recessus  
Ingentes: latera extemplo per aperta fenestras  
Dant rupes: Mauros Afra vomuere leones (sæuis  
Tergeminos, quibus os rabidum, quibus horrida  
Colla iubis: totidem maculoso tegmine lynces  
Montibus ex Asia trepidum saliere per aquor:  
Europa scopulis, clypeo gladioque coruscus  
Miles iit triplex, & se collegit in arma.  
Alter in alterius (veluti quos obiicit hosti  
Æmula fors, additque in aperta pericula) primo  
Hæsit in aspectu tacitus, lentoque pererrans  
Lumine, quid, quantumue ausint, interrogat hostes.  
Mox quoque collectas toto de corpore vires  
Expedit, ignescunt ira, furor impius omnes  
Precipitat sensus, numeris tamen ille tenetur  
Nec sine lege furit. Primi cessere leones  
Inque cauos iterum montes latuere recepti.  
Tum lynces varia, mox & generosa virorum  
Pectora, secedunt montes, lucusque recedit.*



## PARS TERTIA.

TERTIVS hinc scenæ vultus. Maris vnda supinam  
 Infusa in caueam spumoso incanuit amne:  
 Hinc illinc cæcis educta canalibus omnem  
 Jussa locum implevit. Tremulis concentibus ær  
 Protinus impelli, sensim inclarescere leni  
 Sirenes voce, atque aures suspendere cantu.  
 Quatuor in totidem mox flumina curribus adsunt  
 Sulcator Phariæ Nilus telluris, & ora  
 Bagraða regnator Libyæ, pulchërque Zairus,  
 Quique Niger trahit à nigrâ cognomen arenâ,  
 Sublimes vitreo crocodilus in aquore vectat.  
 Parte aliâ torto modulati turbine conchæ  
 Tritones currus subeunt, scenæque superba  
 Quatuor ostentant fluuios: in corpore longo  
 Danubium ingentem, lacrymantem succina plenis  
 Eridanum ripis, Rhenique fluenta bicornis,  
 Et te Parisios præter qui labere muros  
 Sequana. Mox aqueo lenis molimine cantus  
 Aulam mulcet agens (dixere hydraulica Græci)  
 Scilicet Eoium Gangem, Tigrimque ferocem  
 Fluctibus, & placidum Euphratem, Nymphisque  
 marinis  
 Dilectum ante alios præstantem fluctibus Indum  
 Ardentes fluuiialis equus per carula ducit.

Pp iij

*Omnibus hic formæ decor. Alto à vertice latos  
 Canities humeros infunditur, aurea crines  
 Intexit vitta, & barbam discriminat auro:  
 Candida littoreis radiantur tempora sertis:  
 Ex humeris glaucus nodo dependet amictus:  
 Dextera nunc vibrat, nunc vibrat laua tridentem,  
 Vt res cunque ferent, vt bellorum exiget vsus.*

*Concordes vix passa aliquot componere gyros  
 Egit in aduersos tristi Discordia motu,  
 Purpureo sulcans fluctus Discordia lembo.  
 Infremuere vnda, spumant vada salsa, feraque  
 Fluctibus insultant, extremoque agmine cauda  
 Irascuntur aquis: numeros sub verbere fluctus  
 Reddit, & ipsa modum saltu Discordia seruat.  
 Iratis Diui similes, vibrare tridentem,  
 Intentare minas, repetitis ictibus iram  
 Ad sonitum concha moderari, vndamque secare.  
 Paulatim sidunt fluctus flumique recedunt,  
 Scenæque continuo tenui siccatur arenâ.*

## PARS QVARTA.

*ECCE eadem, facie sed discolor Asia scenam  
 Intrat agens, prius in placido letissima vultu  
 Ridebat, sumptis nunc horrida seuit in armis:  
 Missile lentatur dextrâ, saeuumque minatur:  
 Parte aliâ clauam exsuccos nudata lacertos*



*Africa molitur: quam pone Europa subiuit  
Alior ingrediens, & nudo fulgurat ense.  
Jam tristes animis surgunt discordibus ira.  
Iamque oculos furor accendit, iam tela coruscant:  
Æra cum leni tenuem vox carmine mulcet,  
Quo cantu conuersi animi, deterfus & alto  
Corde dolor, tranquilla redit decor omnis in ora.  
Hic croceis nubes radiis tabulata per alta  
Adrepens, tacito crispata volumina lapsu  
Explicat exsinuans, & odoro perpluit imbre.  
At nebulas inter, solio subnixa micanti  
Ibat Relligio, & sensim demissa per auras  
Ad regis latus assedit; quo territa visu  
Et longè fugit, & tenebras Discordia captat.  
Europam & comites cepit Reuerentia Diua,  
Illius ante pedes cecidere in genua, simulque  
Prereptas olim partes, auulsæque mundi  
Fragmina, quæ lauis pro more inserta gerebant  
In sacro posuere sinu. Gratatur, amatque  
Relligio, partésque globi componit habendo.  
Integer in se aptis exit compagibus orbis,  
Qualis erat, quando in medias se Gloria primum  
Intulit. Illum ergo regi, pietatis honora  
Esse argumentum voluit, propriumque dicauit  
Diua potens, nubésque inter se lata receptat.  
Ecce ascendentem, & cæli supera alta tenentem*

*Dum tacitis omnes animis, oculisque tuentur,  
Prodit ab eo citriis latissima pomis  
Sylva: illam trunco acclinis, lentusque, sequentem  
Ad numeros tenui ducebat arundine pastor.  
Grex ouium circum stupet, & nil gramina curat  
Immemor, aut trepido currentem flumine riuum.*

*Ecce nemus fœtu latum, malisque beatum  
Puniceis, Atlas impubis agebat ab Austro  
Multiforis flatu calami; charissimus Atlas  
Et Mauris Nymphis, & Mauri gloria ruris.  
Circum Capripedes, & acutis auribus adstant  
Hinc illinc Satyri, cantusque ediscere certant.*

*Parte aliâ sensim baccarum pondere curua  
Accessere oleæ, leni quas Thracius Orpheus  
Et voce, & cytharâ trahit: illum voce canentem,  
Argutoque fides tractantem pollice, pulchra  
Admirantur Hamadryades, numerosque sequuta  
Mutauere alios alio sub carmine motus,  
Mox Asia in citrium nemus emicat; Africa syluam  
Puniceam tenet, Europa pars optima cessit.  
Queque suâ dices decerpit ab arbore ramos,  
Quos regi dicat, & dominum testata recedit.  
Paulatim abscedunt syluæ; vacuo area circo  
Letum animis Constantiaden, proceresque remisit.*



EIDEM



## EIDEM VIRO ILLVSTRIS.

**D**AMONEM istum (VIR ILLVSTRIS-  
ME) cū Legatus Regius in Poloniam ve-  
nisses, vidisse te narrabas. Versus (inquebas) is  
canebat aliquantō duriores, quique non essent  
stomacho nostrorum hominum. Ægrius certē  
quidem ille tulit contemni musam suam, statuít-  
que imposterum abstinere se versibus. Eius de-  
sperationem, & ἀμνηστίας ita subleuasti. Polliceba-  
re, si Parisino cœlo vteretur, futurum, vt con-  
suetudine nostrorum hominum eius genius man-  
fuesceret, & versus emollirentur. Hoc est huius  
Eclogæ argumentum. Bene vale.

## D A M O N.

## E C L O G A II.

Interloquutores DAMON & ÆLIA.

**D**ICITE supremos Damonis dicite luctus  
Vistulides Musa; quorum miserescere rupes,  
Littorâque, & rigido didicere in cortice sylva.  
Sarmatiam seu tu humanas mollire per artes  
Instituis, MEMMI, irato seu iura Sueco  
Dicis, & infidum reuocas ad fœdera Rhenum;  
Tot plausus populorum inter, vocésque fauentum  
Qq

*Hunc gemitum tamen audiri sine: Blandius aurem  
Oppositi tremulo impellunt sub pollice nerui.*

*Pastor ab ingrata quondam Thaumantide Damon  
Cum fugeret, chari pecoris, calamique, sui que  
Immemor ab! nimium, veteresque oblitus amores,  
Per sylvas, per saxa, per indiscreta locorum  
Fbat, ad immites donec stetit aquoris undas.  
Hoc illum perhibent deserto in littore secum  
Ter denos fleuisse dies, & carmine Diuos  
Crudeles Diuos, crudeli que astra vocasse.  
Lutea non illis surgens aurora diebus  
Extulit os, roseo Vesper nec lumine frontem  
Explicuit, totos habuerunt nubila menses.  
Haud pelagi cecidit furor, haud cecidere tumultus,  
Usque imbres, usque & pluuio sub sidere nimbi.  
Ille animi tandem victus, senique doloris  
Impatiens, quoniam superis inuisa fuisset,  
Infontem stygiis optauit credere vitam.  
Officij tamen ante memor, prius aquora, rupes,  
Littora que, & sylvas tanti loca sola laboris  
Conscia, supremam moriens testatur in horam.*

## D A M O N.

*Conigera pinus, intonso vertice fagi,  
Aëria quercus, dulcesque gementibus umbra.  
Vos sylua testes, ut me malus ignis adherens  
Vrit, & immites populantur viscera flamma.*



*Audistis sedenim, & duro sub cortice molles,  
 Aërio tremulas motastis vertice frondes.  
 Nāias in ripis, in cliuis fleuit Oreas,  
 In syluis Dryas, in saltu fleuere Napæ.  
 Sylua mea custos anima, tibi credita cura,  
 Cura, ignisque meus. Tu fessum sylua leuabas,  
 Casariam ipse tibi fingebam lentus, & umbras  
 Molliter humentes cantabam, & amabile frigus.  
 Hac potui tenus, æternum mihi denique salue,  
 Æternumque vale. Extremum quod te alloquor hoc est.*

*O nemorum Siren, sub quâ didicere magistrâ  
 Et Parus, & Trochilus, pictis & Achantides alis,  
 Et numeris quæcunque suos meditantur amores.  
 Non ego te posthac solâ sub nocte, reclinis  
 In cubitum, effultus violâ, tenerove hyacintho  
 Mulcentem satyros, & agentem carmine Nymphas  
 Excipiam, inque vicem blandos æquabo labores.  
 Si bene quid de te merui, sociique penates,  
 Et lacryma, & gemitus, castique merentur amores:  
 Nec puduit mecum officio certasse priorem,  
 In lacrymas Damon tibi sit triste argumentum.  
 Hac potui tenus. Extremum, quod te alloquor, hoc est.*

*Parus  
 Melange.  
 Trochilus  
 Roitelet.  
 Achantis  
 Chardon-  
 neret.*

*Risule, qui teretes irato rore lapillos  
 Spumeus obiurgas, rauco qui murmure circum  
 Laberis, & dociles socias in carmina fluctus.  
 Ah! quoties mecum in tristes tua flumina cantus*

*Qq ij*

*Egisti miserans. Si nostra sonaret acutè  
Fistula, & in tenues vibrans gracilesceret auras;  
Urgebas raucos reuoluto corpore lapsus,  
Et grauitè toto stringebas flumine ripas:  
Nec contra mutare vices si Musa iubebat,  
Te contra mutare vices tua Musa iubebat.  
Riuule sàpe meos mecum miseratus amores,  
Hac potui tenus. Extremum quod te alloquor, hoc est.*

*O præceps saxi facies! ô fornice curuum  
Pumiceo tectum! ô sparsis spelunca labruscis  
Casta fide domus, atque mea bene conscia mentis.  
Excipe Damonis postremos excipe versus.  
Dixit, & in vino sculpebat talia saxo.  
Absiste, ah! quisquis nescis ignarus honoris  
Quo valeat decus, & laudis iactura decore.  
Hic locus, hîc sacer est. Diuûm hoc seuiusimus antro  
Arâ habet, hîc lacrymas Damon cum sanguine fudit.  
Hec fatus rigidum vertebat in ilia ferrum.*

*Forte vlmum ad patulam somnum captabat, &  
Longo victa die, venatûque Ælia multo, (vmbas  
Ælia Nympharum pulcherrima. Fletibus illa  
Pastoris tenerum roseâ ceruice soporem  
Excussit, inuenisque adductam in vulnera dextram  
Sustinuit, trepidûmque inuasit talibus ultro.*

Æ L I A.

*Quis furor ô Damon? misero quid vis tibi?*



*Scis heu ,*  
*Scis ô Nympha , neque est cuiquam te fallere. sed tu*  
*Parce ultra velle , & miserum sine cedere fatis.*

ÆLIA.

*Novi equidem , & te mœstitiem subiisse repulsæ*  
*Indolui , mecûmque unâ doluere sorores.*  
*Parce tamen sœuire animis. Hæc sensibus imis*  
*Nunchauri , & faciles animo venerare Napeas.*  
*Dives aquæ , diuêsq; externa mercis , & agri*  
*Sequana , quâ longo tortos dat corpore motus ,*  
*Turritam attollit Regina Lutetia frontem.*  
*Vrbs alias tantûm supereminet illa , myricas*  
*Sublimi quantûm despectant vertice pinus.*  
*Hic Phæbus , Phæbique chorus consedit , & omnis*  
*Nervorum , vocisque sciens Parnassia Musa:*  
*Hic Linus Inachides , citharâ hic Oeagrius Orpheus*  
*Personat argutâ. Hic animis testudine sensus*  
*Musaus facit. Arrectis stant auribus omnes.*  
*Sæpe etiam pastoritiâ se in veste propinquis*  
*Infundunt omnes prætis , mistique vicissim*  
*Et Deus , & pastor iungunt in carmina voces.*  
*Huc agedum , huc propera , mihi ne prætende pu-*  
*dorem ,*  
*Dic Orpheo. Diuûm veni præcepta sequutus.*

Qq iij

EIDEM VIRO ILLVSTRISSIMO  
cùm ad summam ærarij præfecturam exer-  
cendam aggrediretur.

**Q**VIS deceat carmen cultus, quæ cura poëta  
Sit potior, magnum quâ prouocet arte Maronẽ  
Dum meditor (MEMMI) studiis te Gallia nostris  
Diuersum longè tulit. Atro in turbine belli  
Spemque, metumq; inter, populique, & principis iras  
Dum trepidat; memor officij, quo Marte furem  
Europam nuper sancta per fœdera pacis  
Placabas; regni arcanis asciuit, & ari  
Vnde mali labes ibat, præfecit iniquo.

Ex illo Musæ loca sola & inhospita saxa,  
Ac solis habitata feris Speleæ frequentant.  
Nempe illas vrit dolor, & quas ruris amœni  
Delicia quondam, syluæque, amnèsque iuuabant;  
Quæisve fides fuerant cordi; scenæve cothurnus  
Regnator, soccive habiles popularibus auris.  
Ante alias tristi mœret concussa dolore  
Melpomene: non illa tuba, lituivæ canorem  
Nunc amet, Heroasve in prælia mittere cantu.  
Vidi egomet (neque me falsis manifestus Apollo  
Lusit imaginibus) Themidi cùm plurima coram,  
Quæsta, sinum lacrymis impleveret, & ora querelis.



Memmiacas intra locus est sanctissimus ades,  
 Quò populis penetrare nefas, turbæve clientum.  
 Huc etiam patribus, quoties super anxia regno  
 Cura vocat (vocat alternis malesana diebus)  
 Religio est inferre petem. Laquearibus aureis  
 Illusum nitet in pictis emblemata figuris.  
 Parietibus vitreos bombyx incocta colores  
 Ex alto pendet, vitreoque sedilia fuco  
 Et citriam vestit mensam, calebsque cubile.  
 Atque huc Memmiaden virtutum exercitus omnis  
 Subductum populis adeunt, curasque vicissim  
 In commune ferunt. Postquam sese Themis illuc  
 Intulerat mediâque augustâ sede locarat,  
 Melpomene contra paucis sic ora resolvit.

In vitas hominum cui fas inquirere Diua,  
 Et tremulo mores librare examine lancis;  
 Quo pia gens vatum tanto se crimine demum  
 Implicuit? quibus exitium, veniensque per ævum  
 Dedecus indignum crudelia fata minentur.  
 Vsq̃ue adeone odium nostri superos habet? Ecqua  
 Afflictis vnum tandem succurrere rebus  
 Invidia est? Patrio insontes detrudite cælo,  
 Et vite (libuit quoniam) immortalis honorem  
 Eripite. Ascreos fontes, rivosque venena  
 Infuscent sacros, pestemque bibentibus afflent.  
 In flammam, in cineres eat & Parnassia laurus,

Atque hedera Pindi, & Musarū quidquid ubiq; est.  
 Nos tamen & superis prima sacrauimus aras,  
 Atque sacros prima ritus indiximus aris.  
 Nemo preces, nec vota nisi per carmina quisquam  
 Nuncupat, à primo soluat sen littore nauem,  
 Aut flauis durum messorum inducat aristis.  
 Armatam haud licitum castris educere pubem,  
 Molirive urbem sacro sine carmine sancta  
 Religio vetuit, prisca vetuere parentes.  
 Quin etiam populis olim qui iura dedere,  
 Iustitia nostris duxerunt fontibus haustus:  
 Syluicola Celtis Druyda, Graisque solones,  
 Et Persa magus, atque Arabi Caldaus, & omnis  
 Per populos latè legum consultus & equi.  
 Non aliis iuuenes studiis insueuerat atas  
 Prisca, nec armorum alternas pacisque per artes  
 Formabat teneram nisi Musà interprete pubem.  
 Ah! memini, fuit illa dies cū carmina Reges  
 Aut canerent ipsi, aut faciles cantantibus aurem  
 Præberent, magnique esset coluisse poetam.  
 Ille iugum subter celebres qui misit Athenas  
 Bellorum pacisque sciens Pisistratus, ille  
 Ah! misere laceri digessit membra poeta,  
 Et qui deficerent suppleuit carmine sensus.  
 Credo equidē iuuenis Macedo (cū multa moneret  
 Naturaque super, super & molimine regni

Plu-



*Plurima, sorte hominum maior pater ille lycai )  
Intentus placido dicentis ab ore pependit.  
At tumidum imperiis Persam, Parthumque ferocem,  
Eoasque Arabum gentes, & nomina mille,  
Tot populos patriis domitos adiungere regnis  
Hoc opus, hoc nostrum est. Diuina Heroibus afflat  
Ilias hos animos, mortalique eximit auro.*

*Quid memorem Augustum, imperij cum prima  
locaret*

*Fundamenta, suasque in leges cogeret orbem,  
Virgilium coluit, teretemque in corpore pingui  
Dilexit Flaccum, versumque extorsit amicis.  
Quid Mecænates referam, aut atate sequenti  
Terrarum Reges dominos? vixere, fuitque  
Æuum illud; nunc & Pietas, nunc & bona patrum  
Religio, nunc & patimur conuicia Musæ.  
Principibus quianam solida virtutis amorem,  
Et laudis gustum exsurdant vesana libido.*

*Sancta Themis, vosque o superi, virtutibus orbem  
Tutari quibus est studium & sanctissima cura:  
Hunc finite emoto nutantem cardine rerum  
Galliam, & in peius Musas fulcire ruentes.  
Hunc unum petit auxilio, rebusque iuuandis  
Gallia, & hunc petimus tanto in discrimine Musæ.  
Dixerat. atque olli placido Themis ore rependit.*

*Nam tibi nequidquam, superis charissima Virgo,*

R r

*Cura coquit pectus, stimuloque exercet inani.  
Nónne vides etiam tum cum pulcherrima rerum  
Memmius exigeret, tanto cum auctore Suecus  
Sarmatâque in longum sancirent fœdera tempus:  
Externo procul ut cygnum sub sole canentem  
Fouit & effæto steriles in corpore Musas.  
Cumque iterum aternam, in pacem componeret orbẽ,  
Et votis pariter pacem, pariterque beata  
Auctorem pacis populique urbésque vocarent  
Memmiaden: nihilo Bauarum minus ille poetam  
Audiit auratâ rigidas testudine gentes  
Mulcentem, & lyrico frenantem carmine Rhenũ.  
Vt furor insideat populis, aurique libido  
Dirior attonita pertentet pectora plebi:  
Ille humiles poterit populos simul arte leuare,  
Et simul Heroum factis intendere mentem.  
Parce metu virgo, atque animis hæc accipe. Genti  
Memmiadum vis est animi, quæ pondere rerum  
Surgat, & euictâ nitatur in aëra mole.*







ILLVSTRISSIMO VIRO  
 IOANNI ANTONIO  
 DE MESMES D'YRVAL  
 REGIA CONSILIIS SANCTIORIBVS,  
 ET IN SVPREMA PARISIORVM  
 CVRIA PRÆSIDI INFVLATO.

**C**VM fratri tuo Auauxio Viro Illustrissimo  
 Calendis Ianuariis anni M. DC. L. Vmbram  
 inscripsssem : is facilè agnouit , id factum esse  
 exemplo Passeratij ; qui auo tuo , viro itidem cla-  
 rissimo, Vmbram quoque Calendis Ianuariis anni  
 M. D. LXXVIII. dedicasset. Recepi ego tunc in  
 me , vt in singulos annos eadem argumenta cum  
 Passeratio tractarem. Sed quoniam ille maximo  
 quidem ordinum omnium dolore , imprimis verò  
 meo nobis ereptus est : æquum est , vt Horti Cir-  
 cæi descriptionem , quam illi destinaueram , de-  
 feram tibi. Tu illam pro tuâ humanitate accipe,  
 & cum Passeratianâ compone. Quantum hæc  
 nostra lucubratio Passeratianæ de styli dignitate

Rr ij

concedit; tantùm certè ego tui obseruantia omnes, qui tui volunt dici, vincam, atque superabo.

## H O R T I C I R C Æ I.

Coeli & soli ingenium.

**M**OLLIOR hîc cœli facies, hîc largior æther  
*Vestit odorato florentes lumine campos.  
 Blanditiis rerum, & felicitis munere Flora  
 Dignus amore locus se se venientibus ultro  
 Obiicit, & sensus blandè grassatur in omnes.  
 Alcinoò nec se tanti pomaria iactent,  
 Nec Veneri dilecta sua Cinyreia regna.*

Horti Sepimentum.

NON alta medium fossa, non mœnia circum  
*fuere, aut altis instant à turribus arces.  
 Nulla domus, nulla pendentî tegmine sedes.  
 Nam neque decussum metuit de nubibus imbrem,  
 Aut rapidos soles, hyememve Aquilonibus actam.  
 Quippe illic ver perpetuum lucésque serena,  
 Et molles Zephyrorum anima; teneraque sub umbrâ  
 Motantis sylua, secti per gramina riuî  
 Deliciis manant, & largo noctare currunt.  
 Ergo littoribus, lucisque habitat opacis.  
 PLANITIEM molli quæ se demittere cliuo*



Gaudeat, innexis ambit per mutua ramis  
 Tonderi patiens, & ligno ductilis arbor:  
 Ante alias Iasme, priscis Apiaria sacris  
 Natio lentore sequax, tum latus honore  
 Lentiscus triplici, & Paphia gratissima Myrtus.  
 Huc operum artifices, hortensi & in arte magistra  
 Accessere manus, nimiam quæ forfice durâ  
 Luxuriam hinc illinc cadant, ramosque sequentes  
 Instituant varios animantum inducere vultus.

Hic tonsas inter frondes crura omnia soluit  
 Ceruus anhelanti similis, per dorsa, per armos  
 A capite in duplices funduntur ramea lumbos  
 Cornua, in excelsa riget auris vertice, & omnes  
 Excubat in strepitus, omnesque inquirat in auras.  
 Inde canum manus emicat, in sauum ille latratum  
 Totus hiat; tritos alter vestigat odorâ  
 Nare humilis calles; hic pectora lata, pedesque  
 Arduus in primos, vestigia cava videtur  
 Elapsi sensisse feri. Labor omnibus unus  
 Affectare viam; facies non una, nec unus  
 Impetus. Instat eques curuo venator in are,  
 Incenditque canes; illum non fossa moratur  
 Non saltus: Pedites circum fremuere, manuque  
 Vocemque dant animos, & prona corpore currunt.

Parte alia horrendum latè sus frendet, & hirtis  
 Horridus in setis spumas agit ore, molares

Rr iij

*In falcem dentes lusantur acumine duro  
 Pestis acerba canum. Quorum illi vulnere longo  
 Per teretes costas, pèrque ilia, & intima ventris  
 Aut agras posuisse putes, aut ponere vitas.  
 Ecce aly caso dependet inutile pondus  
 Poplite crus; aliis humeri luxantur inertes.  
 Funerea si quis cadis, plagave cruenta  
 Sit purus, sani si corporis integer; ille  
 Spemque inter celerem medius, tardumque timorem  
 Cunctatur simul & rapitur, simul instat, & heret;  
 Tantum irâ ringit. Sani diducta minantur  
 Labra inter dentes, & amaro gutture fauces.  
 Non ita Venator, sed tantâ in cade suorum  
 Toruus acerba tuens, tortis nudata lacertis  
 Brachia, & ingenti crispata venabula ferro,  
 Setosumque apri pectus meditat in ictum.  
 Quid memorem Tigres, vario quid tergore Lynceas,  
 Informesve Vrsas, aut sauos ore Leones?  
 Cetera quid referam? magicas quæ ducta per artes  
 Venantiumque animos acres, irasque ferarum  
 Dant legere, atque locum pictâ cinxere coronâ.*

## H O R T I D I S T R I B V T I O.

*AT facies cultu interior, luxûque beatam  
 Vim facit illecebris; sed enim dimensa viarum  
 Pratexit succis arbos quæ manat odoris:*



*Assyriis Nardus , Panchæa Cinnama genti ,  
Balsama Iudæis sudantia , Thura Sabæis ,  
Et Casia , atque omnis Nabathæi copia ruris.  
Quatuor imprimis spatio diuortia iusto  
Ingentes secuere vias , totidémque dedere  
Fronte sub aduersâ , & iusto discrimine partes.*

## PRIMA PARS DEXTRORSVM.

Flores coronales.

*PRIMA sub eo nitet , & felicibus Euris ,  
Quam tenui introrsum partitur limite centum  
Trames in areolas , stant quarum in vertice centum  
Puluilli , & totidem adductâ tellure quadrantur.*

*Hic totas ostentat opes , gazeque superba  
Diuitias , totumque sinus Dea Flora decorem  
Vltro aperit. Viola hic sublucet purpura , & albâ  
Hic facie candet viola altera , & altera flauet ,  
Atque sui Narcissus amans , missusque sub auras  
Candentem croceis pingit cratera capillis.  
Nec non & teneris Hyacinthus nomina regum  
Inscriptus foliis multâ ferragine lucet.  
Quo lethi exortes Amaranthos carmine dicam ?  
Aut te , quæ vita retinens , formæque perennis  
Integra , durando viuacem Nestora vincis ?  
Lilia quid referam ? toto quæ vertice gentem*

*Supra humilem florum vertuntur; lactea quorum  
 Tempora ridenti radiant evincta coronâ.  
 Altera nec desunt humili conualle petita  
 Lilia virginibus. Celtis, argentea crines,  
 Crinibus & nexas nitidis argentea baccas.  
 Florali de gente nihil: non Flammea triplex  
 Purpureas virgata comas, non iris odora,  
 Non teneri desunt Anemone Veris amores.*

## PARS SECUNDA SINISTRORSVM.

## Labyrinthus.

*FLORIBVS ad laeuam Zephyro supposita tepenti  
 Pumila buxus erat, ramos quæ tonsa comantes  
 Serpebat vario in labyrinthum dedala flexu.  
 Mille trahit, retrahitque sinus, mille orbibus orbes  
 Implicat, atque vias totidem. Non peruius illis  
 Ad capita est callis, portis panduntur utrumque  
 Ad latus: introrsum inuitat quæ semita, longè  
 Abducit, veteremque noua spe fallit, & intro  
 Admissis semel, ac cacum in penetrabile receptis  
 Egressum miseris negat irremeabilis error.  
 In medio nigra ex Ebena, & candenti Elephantò  
 (Inter quæ tenui discrimine linea currit  
 Aurea, & in varias mirâ secatur arte figuras)  
 Arcola exacto circum comprehenditur orbe.  
 Natus Acidaliâ hic pario de marmore leuis,*

Natus



*Natus uterque aderant: & qui de nomine Graïo  
Olim dictus Eros, priscis formæ dator: & qui  
Æmulus aduerso letatur nomine frater.  
Par utrique decus, par oris gratia, parque  
Flos tener ætatis, paria arma, habitusque, minaque  
Risusque, atque ioci, atque leues sine crimine rixæ.*

*Lactea purpureus longè per colla capillus  
Ibat, & in nuco ludebat pectore, molles  
Per laues humeros Zephyris motantibus ala  
Mille sub aduerso traxerunt sole colores.  
Cum pharetris teretes arcus in terga reiecti,  
Ante pedes iacuere faces, sparsaque reiectis  
Luminibus vitta. Circùm ipsi brachia nexas  
Implicuere manus, & toto corpore proni  
Alternique sibi arrident, atque oscula figunt.*

## PARS TERTIA DEXTRORSVM.

*Satiuæ, & pumilæ arbores.*

*TERTIA pars horti gaudet bene culta sativis  
Arboribus, seu quæ molli lanugine poma  
Vestiuere, nuces seu quæis calicem dare circum,  
Et rigido placuit tutari cortice fructus.  
Liberius nullam ramis impune vagari  
Natura, ingeniumve sinit. Si quis tamen ausit,  
Protinus ars illum spatio castigat in arcto.  
Nec minùs interea prouentu lata beato.*

Sf

*Luxuriat sylua, & grato sub fasce laborat.*  
*Namq; idem (quid enim non possunt carmina) ramus*  
*Se primum induit in florem, foliôque comanti*  
*Idem umbras captat, fœtûque superbit opimo.*  
*Quin etiam quo se fructus de cortice trudens*  
*In gemmam tumet, ecce alter pubescit eodem,*  
*Atque alius pleno maturat corpore succos.*  
*Ambrosiâ turgent Ficus, nudantque resecto*  
*Vbera plena sinu; saturantur nectare mala*  
*Punica, & inciso risere putamine grana.*  
*Quid referam sæuo Hesperidum vigilata dracone*  
*Poma auro circum radiata, & Perside (pestem*  
*Languenti stomacho) longè tellure petita.*  
*Huc variâ quidquid sparsit regione locorum*  
*Hortorum Pomona potens, frugisque repertrix*  
*Arborea, pleno congescit prodiga luxu.*  
*Hic floret Pyrus, hic & cerea copia Pruni,*  
*Hic Cerasi dulces, & Olinæ Tibure dignæ*  
*Atque Nuces, & cunctatrix sapientia Mori.*

## PARS QVARTA SINISTRORSVM.

## Rosetum.

*AT spatio in quarto latè genus omne Rosarum*  
*Felici spirat sylua; seu purpureus quas*  
*Incendit fulgor, multoq; illustrat in auro;*  
*Sine niuem quæ nativo candore laceffunt*



*Intactam, puroque recens à sidere lapsam.*

*Riuus in horti superiori parte.*

*Præterea nemoris, lenisque crepidine cliui  
Purior electro, nitidisque argentea bullis  
Dives aqua salit, & liquido unda fugit pede, torto  
Arboreos inter fœtus se corpore flectens.  
Succineis ex hinc, longisque canalibus acta,  
Et riuos secta in tenues, circumflua plenis  
Areolas ripis, & odoriferos puluinos  
Irrigat: aternos tereti ceruice reflexa  
Purpureis potant labris Violaria fontes.  
Innumera ramis volucres vocalibus errant,  
Et liquido tenerum demulcent aëra cantu  
Tractari faciles, & picta tergora pennis.*

*Fons in horti medio.*

*Hortorum spatium in medio, quod lata viarum  
In sese incurrunt; pario de marmore labrum  
Vix humili plano supereminet; audet in orbem  
Fre tamen vastum. Exterior vestitur odore  
Ripa Chamamelos, cum Psampsycho, & Calamyntha.  
Intus aquæ dulces, & lymphæ simplicis unda  
Lumine sub tremulo, puroque sub aëre ridet.  
Concha capax mediâ subigit, spumamque triumphat  
Circum indignantem nequidquam. Haud aureus illa  
Extulit eo Ganges sub sidere. Nempe  
Segmentis coit variis, testudine secta*

*Sf ij*

*Curice purpureo, flauis conchylibus, auro  
Per medios fuso nexus, lentoque argento.*

*Insistit concham Venus (oceanitide qualis  
Emicuit quondam limphâ, felicius astra  
Tunc nitido in cœlo, pictis tunc candida terris  
Lilia, tunc facili nituerunt aquora fluctu,  
Totaque se vultu explicuit natura sereno)  
Aurea casaries Zephyro data prada nitentes  
Lacte humeros infunditur. In membra omnia longè  
Textilis it ventus, nebulæve intextus amictus;  
Sustinet hunc lauâ, fluctum ne libet; at ore  
Et dextrâ, similis leges, & iura roganti  
In vocem pendet, meditataque verba minatur.*

*Nereidum chorus, atque omnis gens humida ponti  
Officiis circum certant, speculum illa subinde  
Admouisse oculis gestit domina, ista flagrantem  
Umbellâ prohibet solem. Pigmenta, colores  
Cerussa que illi gemmata in lente feruntur.*

*Fœminei gerit hac Castum miracula mundi,  
Quem Malace Nymphas inter doctissima nendi  
Diuinum tenui per fuscum pollice duxit,  
Et filis fila intendens per mutua, donum  
Esse dedit quondam Veneri, propriumque dicauit.  
Stamina non hyalo satura, aut quæ plurima Seres  
Vellera diuitibus pectunt pendentia ramis  
Sufficiunt in opus. Res mole, & corpore cassas*



*Nobilibus digitis in telam intexit habendo,  
 Tres indignati radios immiscet, amantis  
 Tres animi, totidémque spei, totidémque timoris.  
 Huc lenes animi rixas, risúsque querelis  
 Compositos, placidè huc verbis pignantia verba,  
 Et tenera quantum forma, tantum illa rigoris  
 Addidit, ac telam lacrymarum temperat imbre.  
 His, atque his inter se qua contraria pugnant  
 Frontibus aduersis, vllà haud imitabilis arte  
 Longinquis exegit opus mirabile sacris.  
 Vim facit ille animis, Dinósque, Hominésque,  
 Ferásque*

*Omnigenas facili victor submittit amori.  
 Atque hic Cymodoce soror, & soror altera Doris,  
 Atque oculis Hyale glaucis, & lactea Clio,  
 Spióque, & Xantho pulcherrima Neptunine  
 Carula per candore nitent. Quibus omnibus exstant  
 Et caput, & nitidi crines, & eburnea colla.  
 Haud Phorcus, Phorcique chorus, Glauciq; senectæ  
 Hinc aberant, Nereúsque pater, Protheúsque futuri  
 Præsciús: exultat tremulis Inous in undis  
 Grandæuos inter puer, & delphina fatigans  
 Mollia, quà libitum est, iuncis attemperat ora.  
 Quatuor ad latera inter se discrimine iusto  
 Tritones versas inflant ad sidera conchas,  
 Et totidem largis riuos pulmonibus efflant.*

Sl iij

*Vnda micat, quam stare putes, enodis ad instar  
Oblongæque hasta; iugis sic agmen aquarum  
Integrat, atque alium ex alio fons sufficit amnem.  
Qui summi recidunt latices, ludentibus auris  
In teneros fluctus sparguntur: Vapulat illis  
Vnda recepta lacu, questuque immurmurat æquor.  
Tritonum de gente vnus, postrema coercens  
Agmina, odorata magnam iaculatur aqua vim.  
Illa sub ore Dei, patuloque à turbine concha  
Altiùs assurgens, molli se fornice sensim  
Curuat agens, omnemque adeo (mirabile visu)  
Inuoluit vitreâ circum testudine pompam.  
Aëra per purum latè loca odoribus halant.*







ILLVSTRISSIMO VIRO  
IOANNI IACOBO DE MESMES  
COMITI D'AVAVX,  
REGIA CONSILIIIS SANCTIORIBVS,  
ET IN SVPREMA PARIS. CVRIA SENATORI,  
nec non Præfidi infulato designato.

DAPHNIS.

ECLOGA.

Interloquutores MENALCAS & TITYRVS.

MENALCAS.

**N**AM quis te patriis tam longos Tityre menses  
Collibus inuidit? Zephyris te mollibus aura,  
Te sylua gemitu, querulo te vitreus amne  
Biuara, te Gentiliaci fleuere recessus.  
Fama fuit, postquam crudeli funere Daphnis  
Occidit, aut alio te rura tepentia sole  
Quassisse, aut etiam pertasum lucis, & aura  
Æthereæ, immiti posuisse sub aquore vitam.

Biuara, la  
riniere de  
Gentilly,  
ou des Go-  
belins.

*Dicam equidem, neque enim quidquam tibi chare  
Menalca,*

*Abnuerim. Vt nostro Daphnim vis inuida lethi  
Complexu tulit, & tristi sub funere merfit:  
Tum mihi quæ fuerant rerum latissima, tristes  
In vultus se se induere, & sordescere cultu:  
Tum mihi nec calami, nec latis frondibus umbra,  
Nec niueas amor in pecudes, nec rura placere.*

*Impulit ah! fateor sensus, vicitque cupido  
Et fontes alios, aliosque inuisere colles,  
Si quæ tristitiem mens poneret: at neque colles  
Nec fontes animis possunt auertere luctus.*

*Iam mihi cum vitæ spes nulla, nec ulla mederi  
Effet cura super; solis in vallibus, antra,  
Aut rupis latus exese, nemorumve recessus,  
Aut maris irati spumantia littora circum  
Errando, vitam in lacrymis luctuque trahebam.  
Forte igitur sylua cum flerem acclinis ad oram  
Ah! memini; coram per lauia saxa fluebat  
Pauper aqua riuus; circum, supraque labrusca  
Malleolis buxum stringebant, æra nubes  
Sparserat, & lacryma mihi mæsta per ora cadentes  
Urgebant calido pigrantem flumine riuum.  
Ecce mihi ante oculos cælo delapsus ab alto  
Adstitit intonsâ Daphnis bene comptus oliuâ,*

*Et*



*Et prior. Ecquis erit tandem modus? Eia age luctus  
Tityre iam satis est, postquam me lata piorum  
Excepit regio, insanis te questibus ultra  
Indulgere nefas, cuiusque absumere fletu.*

*Qui mare, qui terras, cæli qui lumen amicum  
Temperat, & facili Mundum sub numine torquet:  
Ille meo, ruris quantum est à flumine Rheno  
Vsque Pyrenæos montes, & ab Alpibus vsque  
Oceanum, sylvasque omnes, collésque supinos,  
Credidit arbitrio, & pacis dedit esse potentem.  
Atque hæc (inquit) erunt tranquillæ premia menti.  
Infrenes olim populos, gentésque superbas  
Pacasti, nunc & Patriam pacare memento.*

*Quare agite, ô pueri! festis sub solibus, aui  
Quod superest, agite; haud ultra meditabitur agnis  
Insidias lupo, aut vitulis lactentibus orsa.  
Frigora nec metuet nascenti vinitor vire,  
Nec segeti lolium, nec iniquis mensibus anni  
Infundi pratis torrentia flumina messor.  
Nectare spumabunt amnes, in vellere crispo  
Purpureos sandix ad frontem vestiet agnos.  
Præterea extremo sepositos littore, Mærim  
Iurgia felicem mecum componere Mærim,  
Et flauum Lycidam, quo non præstantior alter  
Aut gregibus prohibere lupos, pagove latrones;  
Nec non & vestri Melibæum ruris honorem*

T t

*Restituam, & magno sociabo fœdere Pani:  
Tympana mox, lituique aberunt, & tristis Erynnis.  
Per populos latè bigas pax aurea flectet,  
Addet se sociam Themis, & bene conscia recti  
Cana Fides, castique tenax Constantia Veri.*

*At tu chare mihi, tecum dum vita manebat,  
Tityre, nunc etiam post acta tempora vita  
Charior. Ah! me si quid amas, luctum exue, fletu  
Parce ultra. Quid enim lacrymis mea gaudia mîsces?  
Grege tuus interea colles, ripasque pererrat  
Immemor herbarum, salientis & immemor undæ.  
Balatu queritur tantum, & vix ossibus hæret.  
Muta tibi pendet mœrenti fistula quercus:  
Te fontes, te rura vocant, tu rura reuise  
Ocyus, & liquidis currentes fontibus undas.*

*Præterea non usquam abero, nec Auauxiis ullo  
Tempore defuerit. Qui me tibi nomine reddet  
Proximus; ille meos reddet cum fenore mores.  
Olli Nympharum domus, olli Pieris, olli  
Castalij latices, olli tua fistula cordi;  
Sic ego præcepi moriens, sic ille recepit.*

*Sed neque Memmiadum (quoniam hac te cura  
laceßit*

*Ultra pastorem) quisquam de gente, Minerva,  
Aut Themidi, aut latè populis, aut regibus aquæ  
Dilectus fuerit: summo quem chara Senatu*



ECLOGA.

331

*Accepit inuenem Patria, & iam signat honore  
Insula præcipuo, magnum quem exinde per omnes  
Lata gradus mittet, primo dum stabit honore.*

*Dixit, & auertens meditantem multa reliquit.  
Tum mihi odorato vestiri lumine circum  
Visa fuit sylua, & nitido splendescere vultu.  
Tristites tum animo cecidit, lætæque remisit  
Mente dolor, toto salierunt pectora motu.*

MENALCAS.

*O felix animi pastor, vitæque beatus,  
Tristia cui Daphnis post funera seruat amorem.  
Vidi ego, qui circum pagos, & compita circum  
Mæltus oberraret frustra: nam compita circum  
Et circum pagos errantem lusit amicus  
Omnis, at ille tamen fuerat tum dignus amari.*

TITYRVS.

*Hinc antiquus amor nota in præcordia venit,  
Et teneri studium pecoris, calamique voluptas.  
Cætera dicemus, tum cum mihi venerit Ægon  
Sequamides; olli mandauit plurima Daphnis.*



Tt ij

## DAPHNIS.

## ECLOGA IV.

EIDEM

ILLVSTRISSIMO VIRO.

**L**V GEMVS Daphnim pastorem, occidit Daphnis,  
 Daphnis occidit, & pax fugit longè à nobis.  
 Ex illo tempore capellæ meæ sæpius incurrunt in se cornibus,  
 Et quæ erant priùs quietæ, nunc inter se pugnant  
 Frequentius. heu heu per nymphas capellæ meæ  
 Quiescite ô suaves. hem hæc rursus, hæc prava.

Daphnis occidit, & pax fugit longè à nobis.  
 Symetha luget quod cornu sibi fregerit sinistrum,  
 Heri Cisseïtha fregerat dextrum. Ecce etiam hic  
 Dasichætes vir gregis utrumque amisit,  
 Illum bubulcus malus saxo percussit. Occidit Daphnis.

Daphnis occidit, & pax fugit longè à nobis.  
 Lupos miserè timeo cum sim parvus. Lupi sunt  
 Etiam bubulcistimendi: Canem amatorem gregis strangulauit  
 Lampurum catulus lupi, & capram quæ gemellos pepererat.  
 Clamabam ego sed exiliter. Ille enim ringebat dentibus,  
 Ille ringebat dentibus, & ego vehementer timebam.

Daphnis occidit, & pax fugit longè à nobis.  
 Ripis conuiciatur, & arenis hic riuus aqua,  
 Vos igitur ô Cycni Musarum aues lugete.  
 Ventus ex alto in sylvas irruit, rami



# Δ Α Φ Ν Ι Σ.

## ΕΙΔΥΛΛΙΟΝ.

ΤΩ ΑΥΤΩ ΑΝΔΡΙ ΣΕΜΝΟΤΑΤΩ.

Δ Α Φ Ν Ι Δ Α κλαίωμες τὸν ποιμῆν' ἀπώλετο Δάφνις.  
Δάφνις ἀπώλετο, κ' εἰσάνα φύγε τηλόθεν ἀμῆν'.

Εκ πύω γε μάλιστ' ἀκούσας ὦπ' ἀρχίσκος,  
Ασύχαι παρὰ χιμῶν κερσέεσι μάχοντα  
Νιῶ πλέον. Αἶ, αἶ, τῶν Μοισῶν ποτὶ αἴγας ἐμείο  
Πάυσσας δ' ὧ γλυκερά. χ' αἶ, αἶ, πάλιν, ἄδε κακίσα.

Δάφνις ἀπώλετο, κ' εἰσάνα φύγε τηλόθεν ἀμῆν'.

Ἡ ῥά ῥαγίστα κέρως Σιμῆτις ὀδύρετο λαῖον,

Ἐλθὲς Κισσάθ' καὶ δεξιὸν· ἥνι δὲ πύως

Ἀμφοτέρων Δασυχάτης ἀγῶνος καλὸς ἀνὴρ.

Τὸν πέτρεα βώτας τύπτεσκεν. Ἀπώλετο Δάφνις.

Δάφνις ἀπώλετο, κ' εἰσάνα φύγε τηλόθεν ἀμῆν'.

Τῶς λύκος ἀλίνα μικρὸς ἐὼν ὄρμεω· λύκοι σιπὶ

Καὶ βώτας φοβέρον. Κύνα παρὰ φιλοποίμῳ ἄγχε

Δάμπουρον, καὶ τῶν λυκιδῶν διδυματόκον αἶσα.

Τυτθὸν ἐμεῦ φωνεῦντος· ἄρατ' ἐδὲ πύως ὀδύνει,

Τύως ὀδύνει· ἄρατ' ἐν, ἐγὼν μάλα πολλὰ φοβέμαι.

Δάφνις ἀπώλετο, κ' εἰσάνα φύγε τηλόθεν ἀμῆν'.

Ἡὸς υἱοῖσδ', ἡμαῖτοισ τε τὰ νάματα πύα.

Ορνίθες Μοισῶν μύρεσθε ποθ' ὕδασι Κύκροι.

Ὡνέμος οὐρανόνθεν ἀνέπαυσε τ' ἄλστα, πρέμνοι

Τε iiij

Franguntur, terra illis spargitur,  
Vos rosæ, vos hyacinthi, vos anemona timete.

Daphnis occidit, & pax fugit longè à nobis.  
Noster bubulcus peritissimus canendi  
Dametas inquit (mihi enim satis est fontes, & rubos  
Canere) Leonem Venetorum ad fluctus maris miserabiliter  
Lugere, quia Daphnis mortuus est qui spinam,  
Quæ illi adhæserat ad pedem, extraxerat.

Daphnis occidit, & pax fugit longè à nobis.  
Sarmatica Aquila in sylvis luget mortuum  
Daphnidem, valles miserabiliter resonant  
Et montes, & fluuij, & fontes, & profunda sylua:  
Illi aquila compegit alas quæ vellebantur, Daphnis,  
Et laqueis soluens validis ipsam liberam dimisit.

Daphnis occidit, & pax fugit longè à nobis.  
Terra illa, quæ gaudet tribus coronis pro insigni, luget quoque,  
Terra illa vrsæ supposita est & draconi,  
Luctus ad vrsam usque & Draconem peruenit;  
Et vos ô Leones Dani & Bataui lugetis.

Daphnis occidit, & pax fugit longè à nobis.  
Illum vrbes, illum magnæ ciuitates,  
Illum vici minores, & casæ pastorum,  
Illum populi, & reges lugent. Latatur solus Mars Deus belli.  
Mars, ô Mars tumultuose letare, occidit Daphnis.

Lugemus Daphnim pastorem, occidit Daphnis.  
Daphnis occidit, & pax fugit longè à nobis.  
Sic Dametas cecinit, illi verò respondit Delphis.  
Tempus erat, quando sub Zephyro bene olenti prata  
Florent, venit Hebe filia Clearistidis



Καρίζονται, ποτὶ τὸν γαῖν πάρετο ὄρος ἀπ' ἔξω,  
 Νυῦ ῥόδα, νυῦ ἰάκινθον ἔθμει, νυῦ δ' ἑ τ' αἰεμένα.

Δάφνις ἀπώλετο, κ' εἰσάνα φύγε τηλόθεν ἀμύγῳ.

Ἡμέτερος βῆξας ὦ παῖδά μιν καλὰ εἰπεῖν  
 Φατὶ Μενάλαος (μοι κεῖνας, μοι τὼς βάτος ἔρχει  
 Γοπαῦσ' δειν) πὸν λῆν' Εὐνέτων πῶτα κύματα συγνόν  
 Μύρεσθαι. ἔστω γὰρ σφύρον οἱ πάλας ἡὺς ἀκονθάν  
 Οἷσιν ἐρῶδ' ὠκύνον ὀνύχεσσιν ἐπλάττο Δάφνις.

Δάφνις ἀπώλετο, κ' εἰσάνα φύγε τηλόθεν ἀμύγῳ.

Σαρματικὸς μὲν ὅκ' ἐκ δρυμὶν ἀνέκλαυσε θανόντα

Αἰετὸς, ἔργαλέως γραόνται χ' ὠρεα κ' αἵκη,

Κ' ἀένοι ποταμοὶ, καὶ νάματα, δ' βάτος ὕλας.

Αἰετὰς ἐμπάξε περὶ γῶν σποτήλματα Δάφνις

Καὶ δεσμοῖσι λυόν κρατερῶς νιν ἐλάβ' ἔσθον ἦκε.

Δάφνις ἀπώλετο, κ' εἰσάνα φύγε τηλόθεν ἀμύγῳ.

Τὰ πτεράδι τεφάμων ὀπίσθημος ἐκλαύσασα χέρεα·

Ταῖς ἄρκτοις ἔσθοντα, ἀγρίῳ θ' ἔσθοντα δράκοντι·

Ταῖς ἄρκτοις κλαυθμὸς, συγνόν τε δράκοντα κιχάει.

Ω Δαταῖν λῖνες, λῖνες γράεσθε Βατάνων.

Δάφνις ἀπώλετο, κ' εἰσάνα φύγε τηλόθεν ἀμύγῳ.

Τῶν ἐκκλῆμασι πόλεις, μεγάλ' ἄρεα πῦρον,

Τῶν ποιμνικῶν μύρατον πρὶν ἄλσος κῶμος,

Χ' ὦ δάμνη, χ' ὠνάει. Γάθον μιν μοῦνος ὁ Ἄρης

Ἄρες Ἄρες γάρη πολεμόκλονε. Κάτθανε Δάφνις.

Δάφνις κλαίωμις τὸν ποιμνῶν, ἀπώλετο Δάφνις,

Δάφνις ἀπώλετο, καὶ εἰσάνα φύγε τηλόθεν ἀμύγῳ.

Οὕτω Δαμνίτας, οὕτω δ' ἀπαμείβετο Δέλφιν.

Ἡς χροῖος δῶδ' αἰετὸς Ζεφύρος ὅκα περπνὰ πέτληται

Λημνῶν αἰετῶν, κ' ἰὼθ' ὦ Κλεαρσίτιδος Ἀεα,

*Colligere violas, colligere hyacinthos.*

*In capite gestabat coronam, ipsa verò peritissimâ canendi  
Cantabat sic; memini, nam tunc grex meus saltabat.*

*Musæ bucolicæ cantate Daphnidem pastorem:*

*Daphnis cælum tenet; Tu igitur pax veni ad terram.*

*Certè pacem amat Deus,*

*Certè pacificos valde amat:*

*Daphnidem igitur maximè, quin etiam filium suum dixit  
Quòd bella sedauerit, & pacem suaserit.*

*Daphnis cælum tenet, tu igitur pax veni ad terram.*

*Beatorum multitudo innumerabilis*

*Daphnidi obuiam venit; parentes maximè, & pater ipse,*

*Et auus, & consanguinei, imprimis verò Sacerdos*

*Memmius qui sacrificabat Deo ad altaria*

*Pro Rege Francorum Ludouico nono.*

*Daphnis cælum tenet, tu igitur pax veni in terram.*

*Gloriosissimum & valde dilectum filium*

*Salutauit. Te semper celebrabit omne genus hominum*

*Honoratum, & prudentissimum mortaliū.*

*Hic tamen cum parentibus beatus viues, omnia beata*

*Consequeris. Hic Deus bona omnia largitur.*

*Daphnis cælum tenet, tu verò pax veni in terram.*

*Hæc cum dixisset, gaudentem Daphnidem in ædibus pulchris*

*Bene ædificatis, constructis ex adamante. (constituit*

*Subter verò erant hortus, & ordines arborum,*

*Et quercus, & platani, & pinus, & cyparissi*

*Daphnis cælum tenet &c. (siccatur*

*Illic neque frigus teneritudinem gemmarum, neque flores ex-  
Sol, vicissim Ver & Autumnus*



Δρέψασθαι ὄρον, δρέψασθαι ὑακίνθινα φύλλα,  
 Κερπή δ' ἔχουσα κελεύει φάρον πολυίδρις αἰοῖδος  
 Ἀδελφε, μέμνημαι, ὅκα πᾶς ὠρχεῖτο τραγικός.  
 Δάφνιδα βωκελιστὴν τὸν ποιμνὸν αἰεῖδετε Μοῖσσαν.  
 Δάφνις Ολυμπον ἔχῃ, εἰρήνην ἔρπε ποτ' αἶαν.  
 Ναὶ τὸν ἀσυχίαν ἐλύμπια δώματ' αἶων  
 Ναὶ τοὺς ἀσυχίους παῖδας ἀμφαγαπάξῃ,  
 Δάφνιδα δ' ὡς παῖδ' ἔσται, ὅς φιλῶν ἡμέα θῆκε.  
 Τῷ τε βοῶν παῖδ' ἔχῃ, ὅς ἀσυχίαν καταπέτῃ.  
 Δάφνις Ολυμπον ἔχῃ, εἰρήνην ἔρπε ποτ' αἶαν.  
 Τῶν μακάρων μὲν ὁμιλος ἀνέειθμοι, καὶ ἄμετροι  
 Ἀντίον ἔρχονται, πατέρες δ' ἡμέλιστα, τέκν' αἶαν.  
 Καὶ πάππος, καὶ συγγενές, καὶ παῖς ὁ ἰρεῖς  
 Μέμμιος, ὃς ῥέζεσκε θεῶν ἱεροῖς ὅπ' ἑσπερ' αἶαν.  
 Ἡγητῆρες ἄνδρες Φρυγίων ὁδὸν Λοδίοιο.  
 Δάφνις Ολυμπον ἔχῃ, εἰρήνην ἔρπε ποτ' αἶαν.  
 Χαίρειν κύδιον, μέλας καὶ πεφιλῆμεν ἴδον  
 Εὐδοκὸς ἔφη. τὸ δ' αἰεὶ κελεύει τὸν γῆρας αἰδῶν  
 Αἰσιμον, ὅς μιν τε, βροτῶν παρὰ φέρεσσαν αἶαν.  
 Ἡ δ' ἄμμιον ποτὶ στυγερὸν. Οὐλοῖα πόρτα  
 Κτήσας, ἃ τε θεὸς πόρτα παρὰ χερσὶν αἶαν.  
 Δάφνις Ολυμπον ἔχῃ, εἰρήνην ἔρπε ποτ' αἶαν.  
 Ταῦτ' εἰπὼν, γαλήνην ἰδρύσασθαι δώματι κελεύει,  
 Εὐπῆκτα, τερεοῖο τετυγμένον ὅς ἀδάμωτος.  
 Νέρθεν ἔλθω καὶ πῶς πολυδένδρεος, ἡδὲ καὶ ὄρχος,  
 Αἱ δρυὲς, αἱ πίττες, πλάττομαι τε, καὶ αἱ κυπερίασι.  
 Δάφνις Ολυμπον ἔχῃ, εἰρήνην ἔρπε ποτ' αἶαν.  
 Τῷ μὲν τε κρύος θαλλόν, μὴτ' αἶαν φρυγίαν  
 Ἀλίου, ἀλλήλοισιν ἀμοιβὰς εἶαρ, ὅπως αἶαν.

*Hæc fructus affert, illud verò flores.*

*Daphnis est inter beatos, &c.*

*Ipsi verò Daphnidi inde est via lata ad domum Dei:*

*Quò vadit cum lubet, & alloquitur patrem celestem,*

*Petitque quidquid placet, & omnia illi dantur,*

*Pacem autem petit maxime, pacem bonus obtinebit.*

*Daphnim bucolicæ pastorem canit Musa,*

*Daphnis est inter beatos, tu igitur pax ad nos veni.*





E C L O G A.

339

Καρπὺς ἄδε φέρεται ἰαίνεται, ἀνθά πῦο.  
 Δάφνης Ολυμπον ἔχῃ, εἰρήνη ἔρπε ποτ' ἄμματος.  
 Οἱ πῦνῳ πλάτῃα θεῶ ποτὶ χαλκοδατὲς δῶ,  
 Καὶ πατέρι Φοιτῶν ἀγορεύεται ἔθῳ.  
 Λισσόμενος θνατοῖς πᾶντ' ὀλβία· πᾶντα δὲ ἀφαιρεῖ,  
 Εἰρήνην τε πολὺ πλέον, εἰρήνην εἰς ἔξῃ.  
 Δάφνιδα βωκολικῇ τὸν ποιμνὸν αἰδέετ' Μῦσαι,  
 Δάφνης Ολυμπον ἔχῃ, εἰρήνη ἔρπε ποτ' ἄμματος.



Vu ij

---

*SVMMA PRIVILEGII*

*Regis Christianissimi.*

**C**AVTVM est auctoritate Regis, ne quis in regno suo, aliisve locis suæ ditioni subiectis intra decem annos proximos, librum, qui sic inscribitur: *Dissertatio Peripatetica de Epico Carmine*, auctore P. PETRO MAMBRVNO è Societ. IESV, absque Sebastiani Cramoisy Regis & Reginae Architypographi permisso, imprimat, aut diuendat, à die publicationis horum exemplarium: qui secus fecerit, multa indictâ, prout amplius in diplomate regio continetur, coërcebitur. Datum Parisiis die 14. Octobris 1651.

Sic signatum, De mandato Regis, C RAMOISY.


---

*Facultas R. P. Prouinciatis.*

**E**GO CLAVDIVS DELINGENDES Societatis IESV in Prouincia Franciæ Præpositus Prouincialis, facultatem concedo, vt *Dissertatio Peripatetica de Epico Carmine*, à P. PETRO MAMBRVNO elucubrata, & duorum eiusdem Societatis eruditorum virorum iudicio approbata, typis mandetur: In quorum fidem has litteras manu mea subscriptas, & officij mei sigillo munitas dedi. Parisiis die 12. Octobris Anno à Christo Incarnato 1651.

Sic signatum, CLAVDIVS DELINGENDES.





00564475